

**146 Laurea Medica, id est: Inauguratio septem Medicinae Doctorum
Viennae habita. Viennae Austr. 1732. 4^{to}. Swd. Frs. 80.—**

Very interesting collection of 7 dissertations made at the University of **Vienna** :

1. **Hirsch, Th.** De Nitro.

2. **Lehr, J. W. J.** Examen trium Austriae Inf. balnearum Altenburgensis, Byrenwartensis, et Danubiensis eorum usus et abusus. Das ist Untersuchung dreier Nieder-Oesterreichischen Bädern zu Teutsch-Altenburg, Byrenwarth, und Donau-Baads, Deren Gebrauch u. Mißbrauch.

Interesting balneological dissertatio dealing with the baths Deutsch Altenburg and Pyrawarth.

The author describes exactly the effect of a bath in the two different towns. The last chapter treats of bathing in Danubian water.

3. **Dietmann, J. M.** Examen Thermarum Austriaco-Badensium earum usus et abusus, Das ist: Untersuchung des Nieder-Oesterreich. Badner-Bads Dessen Gebrauch u. Missbrauch.

Important treatise including several bibliographical notes, on the famous Baden near Vienna. The author knows 11 different baths at Baden, he gives its degrees of heat, the percentage of salt etc.

4. **Rauch, J. B. A.** De usu et abusu Croci Austriaci.

5. **Besnecker, A. J.** Cerevisia Austra-Viennensis mechanico-clinice elucubrata. Very interesting treatise on production and compound of beer.

6. **Steindl de Plesseneth, F. A.** Vinum Austriacum oeconomico — medicè consideratum.

Very curious dissertatio dealing with vine cultivated near Vienna. The author gives an exact account of all places on which the vine has been cultivated and he tells of vintage, the conservation of wine and of the wine as medicine.

7. **Hentschel, L.** De usu et abusu nutricum Viennensium.

This interesting treatise has also some interest for medicine of nurslings.



Digitized by the Internet Archive
in 2019 with funding from
Wellcome Library

<https://archive.org/details/b30511380>

LAUREA MEDICA,

ID EST:

Inauguratio septem Medicinæ
Doctorum Viennæ habita

In Divi Stephani Proto-Martyris Metropolitana

CORAM

Senatu populóque Academico,
*Excellentissimo, Reverendissimo, Illu-
strissimo ac Amplissimo*

AUDITORIO.

PROMOTORE

JOANNE JACOBO FREUNDT

DE WEYENBERG,

Philosophiæ & Medicinæ Doctore, Sacræ
Cæsareæ, Regiæque Catholicæ Majestatis Aulæ
Medico, & Facultatis Medicæ p. t.


DECANO.

Die XII. Novembris Anno MDCCXXXII.



VIENNÆ AUSTRIÆ,

Typis Andreae Heyinger, Universitatis Typogr.



D. O.
AC MA
DOMIN



JOSEPH

PROGRAMMA PRÆFIGI SOLITUM.

MAXIMILIANUM ANTONI

Philosophia & Medicinae Doctorum, Jurisconsultus & Rector
in Metropolitana Divi Gregorii Urbis-Magistri &
hons & meritis suis bellis et pacis

A PRÆFATIONE, DIRECTORIS, Rectoris
JOHANNIS JACOBI

Philosophia & Medicinae Doctorum, Jurisconsultus & Rector
in Metropolitana Divi Gregorii Urbis-Magistri &

PRÆFATIONE, DIRECTORIS, Rectoris



D. JACOBI SEBASTIANI...
D. JACOBI SEBASTIANI...
D. JACOBI SEBASTIANI...

D. O.



UB REVERENDISS

AC AM

DOMINO

JOSEPHO HEN

BRATE

Dei & Apostolicæ sedis gratiâ Episcopo Antig
S. C. M. Confiliario, Metropolitanæ Ecclesiæ ad S. Step
Celsissimi S. R. E. Cardinalis, S. R. I. Principis & Archi-Episc
tualibus Vicario Generali & Officiali, nec non Celeberrima

PER PERILLUSTREM, MAGNIFICUM

DOMINUM

MAXIMILIANUM ANTONIU

Philosophiæ & Medicinæ Doctorem, Serenissimi & Reve
Rhadenensis Confiliarium & Archiatrum, & ad hunc
In Metropolitana Divi Stephani Proto-Martyris Anno
horâ 8. matutinâ sub pulsu campanæ majoris

A PRÆNOBILI, SPECTABILI, EXCEM

JOANNE JACOBO FR

Philosophiæ & Medicinæ Doctore, Sac. Cæs. & Regiæ Cath

In eadem Metropolitana ritu solemnî, more instituto

PRÆNOBILES, EXCELLENTE AC DOCTISSIMI DD. AA. LL. ET

Ordine, quo



D. THOMAS HIRSCH, Carniolus Rattmanstorffensis.

D. JOANNES WENCESLAUS IGNATIUS LEHR, Silesius Carnoviensis, Incl
foundationis Mannagettanæ Alumnus.

D. JOANNES MAXIMILIANUS DIETMANN, Austriacus Viennensis.

D. JACOBUS BERNARDUS ANTONIUS RAUCH, Austriacus Viennensis.

PROBLEMMATA à DD. NEO-DO

1. An otiosi diutius vivant, an laboriosi? II. An Sangu

M. A.
MO, ILLUSTRISSIMO,
LISSIMO
DOMINO
RICO JACOBO
BÜCHER,

ensi, Philosophiæ & SS. Theologiæ Doctore,
m Præposito, Decano Kirenbergensi, Eminentissimi ac
Viennensis suffraganeo, & tam in Pontificalibus quàm Spiri-
t antiquissimæ Universitatis ibidem CANCELLARIO, &c. &c.

PECTABILEM AC EXCELLENTISSIMUM

DOMINUM

TAMMEN DE OLDENDORF,

lissimi Saxonix Ducis, Archi-Episcopi, Episcopi Regino-
oris Aetum designatum PRO-CANCELLARIUM,

ratae salutis MDCCXXXII. Mense Novembri die XII.

btinendum Doctortus Gradum licentiâ donati,

VERO

NTISSIMO AC CLARISSIMO DOMINO

NDT DE WEYENBERG,

. Aulæ Medico, & Inclytæ Facultatis Medicæ p. t. DECANO
nico supremâ MEDICINÆ LAUREA condecorati sunt.

SOPHIÆ MAGISTRI, SALUBERRIMÆ MEDICINÆ BACCALAUREI;
riculæ inserti.

. ADAMUS JOSEPHUS BESNECKER, Noricus Egrensis,
. FRANCISCUS ANTONIUS STEINDL DE PLESSÉNETH, Bohemus Pragen-
sis. Illustrissimæ foundationis Windhaagianæ Alumnus.
. LAURENTIUS HENTSCHEL, Silesius Schwidnicensis.



RIBUS IN ACTU DISCUTIENDA.

n, Vampyræ dictorum, actio sit supernaturalis, an naturalis?

ON 12218720 JUL 11

OM 1221

О И М О С

RICORDO
Bücher

350

THE UNIVERSITY OF CHICAGO PRESS

THE UNIVERSITY OF CHICAGO

M U M I M O

TAMMEN vs. OLDENDORF

THE UNIVERSITY OF CHICAGO

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

1890

NOT BY WEYENBERG

THE UNIVERSITY OF CHICAGO

THE UNIVERSITY OF CHICAGO PRESS

[Faint, illegible handwritten text]

ADVERTISING INFORMATION



PRÆSENTATORIA

PRO

CANCELLIS

aperiendis.

Septem orbis numerata fuisse antiquitus miracula, nemo facile erit, qui eat inficias, Reverendissime, Illustrissime ac Amplissime Domine, DEI & Apostolicæ sedis gratiâ Episcopo Antigonienfis, Philosophiæ & SS. Theologiæ Doctor, Sac. Cæs. Maj. Consiliarie, Metropolitana ad Divi Stephani Præposite, Decane Kirenbergensis, Eminentissimi ac Celsissimi S. R. E. Cardinalis, S. R. I. Principis & Archi-Episcopi Viennensis Suffraganeæ, & tam in Pontificalibus quàm Spiritualibus Vicarie Generalis & Officialis, nec non Celeberrimæ hujus Universitatis Cancellarie, septem sapientes in Græcia olim floruisse annales perhibent, septem columnis sapientiæ domum exstructam sacre testantur paginæ, septem sigillis signatum librum Mysticum aquila innuit Apocalypica; quid mirum! quod & ego septenario Medici-

dicinæ Candidatorum numero coram te, *Reverendissime ac Illustrissime Domine* festivâ hodiernâ luce compaream : Hi etenim , quos coram intueris , ad instar mirabilium intricatissimas pro inaugurali disputatione materias habuere elaborandas, hi ad modum græcorum sapientum sua prævio in tentamine specimina enucleatim demonstravere, hi columnarum in modum à Professoribus assiduis , tot diversis circa corporis affectus exercitationibus, & ultimò circa hujatis usualium systematis stateram duro etiam quandoque cuneo, anaglyptico modo, fuere elaborati & expoliti, hi ut liber septem sigillis signatus, ita imperante Augustissimo Orbis Austriaci Moderatore hodie felicissime natalizante exquisitissimis quæstionum subtilitatibus, & praxeos Medicæ rationibus apprimè trutinatis, ab universa Facultate Medica fuere specialiter signati. Verùm cuncta hæc à me enarrata desiderium & meum, & præsentium septem Medicinæ Candidatorum nondum expleverunt, dum plus ultra felici metamorphosi progredi omnium nostrum idem est animus, eadem stat sententia. Hinc non miraberis, *Reverendissime ac Illustrissime Domine*, si, quemadmodum septem illa orbis miracula adeo gloriosum nomen sortita nunquam fuissent, nisi summum artis & perfectionis apicem attigissent, sic & famosa illa Græciæ lumina attributa illis encomia nequaquam meruissent, nisi ingenii subtilissimi aciem demonstrâssent, nec sapientiæ fanum optato termino absolutum fuisset, nisi ad polituram columnarum, colorumque variegationem amænissimam indefessa accessissent negotia, neque etiam mysteria libri illius fas fuisset Sanctis Patribus explanare, nisi agnus ille apocalypticus septem sigilla referâssent ;

non

non miraberis, inguam, si & hi septem Medicinæ Candidati desiderio exæstuant (reſeratis â te, Reverendiſſime & Illuſtriſſime Domine Cancellis Academicis, mediante rigoroſo examine altiùs ſpirent, ut in Apollinea arte Doctôratûs inſignibus condecorati ſe rei-publicæ incolumitati tuendæ aut reparandæ valeant ſacrificare. Annue igitur, Reverendiſſime & Illuſtriſſime Domine, votis meis, votis Facultatis Inclytæ, cujus nomine loquor, votis præſentium Candidatorum, quod, ſi fiat, uti gratioſiſſima tua innata omnibus perſuadet propenſio, me, Facultatem Medicam, & hos Candidatos tibi aliunde dicatos, multis paraſangis devincies obſtrictiores.

ORATIO PROMOTORIS

IN

Laudes Medicinæ.

SI hodierno rurſum die aureum illud Eridis pomum inter artes ingenio dignas jactetur, dubiamquæ in litem vocentur illæ, quas ſcientiarum principes, ac velut majorum gentium DEAS venerantur Athenæa, non deerit fortaffe deſignatus prærogativæ arbiter etiamnum Paris, qui aureum illud victoriæ pignus præcæteris omnibus ſaluberrimæ Medicinæ ſtatuat deferendum. *Perilluſtris ac Magnifice Domine Rector, P. P. Conſcripti.* Nolim tamen hîc ego arctiſſimo inter ſeſe colligatas fœdere ſcientiarum principes atque primipilas, intempeſtivâ gloriæ æmulatione collidere; ſuis unæquæquæ prærogativis eminent, ſuis in ſapientiæ regia effulgent ſaſtigiis, ſuis pro merito celebrantur

encomiis, quibus non sectatorum modò suorum præconio, sed omnium gentium, ætatumquæ concordi elogiô, sublimiorum Facultatum scientiæ, tanquam veritatis oracula, reipublicæ humanæ columina, mortalium animis infusa quædam Divinæ lucis particula commendantur.

Quando tamen tum ipse hic locus, tum auspiciatissima lucis hujus, Medicis apparata honoribus solemnitas, tum muneris mei ratio, ac vestra deniquæ ipsorum expectatio, saluberrimæ scientiarum Medicinæ encomium exposcit, veniam dabitis, de argumento amplissimo ea potissimum differenti, quæ non tam ad ostentationem, quàm ad commendandum eorum consilium, quos hodie ad promerita Doctorum subsellia longis comparatum vigiliis meritum, atque industria evehet, opportuna videbuntur.

Habent hanc sibi communem prærogativam scientiæ, quod humanum velut egressæ fastigium, non modò cœleste aliquid, atque divinum in sese continere, verum & iis, quos ad altius sapientiæ fastigium felicior ingenii acies, lassariquæ nescius sciendi ardor evexit, quandam divinitatis afflare speciem, atque aliquid humanâ conditione sublimius tribuere videantur. Cœlesti nempe ortu satæ scientiæ, originis suæ oblivionem capere nunquam penitus possunt, divinæ lucis infusæ homini partes suo se conformare principio gestiunt, & DEO prognatas sese, quadam impressâ sapientibus Divinitatis imagine testantur. Quam quidem arcanæ cujusdam Divinitatis prærogativam, saluberrimæ, quam laudamus, scientiæ tantò largiore præconio atque cultu prisca omnis ætas attribuit, quantò amplius Medicinæ benefica illa vis in omnem sese

fese hominum conditionem effundit, & sensibus adeò ipsis, ultra quos magna mortalium pars haud multum sapere assolet, luculentiùs illucet. Inde originem duxisse arbitror, quòd Medicinæ cunabula atque auspicia non nisi ad Numina, inventoremque artis Apollinem vetustas retulerit; Et quos ægris medendi corporibus singularis quædam Facultas atque peritia vulgarem supra famam altiùs evexerat, Deorum relatos in numerum aris, atque pulvinaribus superstitionosa priscorum hominum credulitas consecrârit.

Certè cùm quondam Græcia ternos potissimum Medica in arte Principes suspiceret, quam, Sorano Ephesio teste, *Apollo invenit, Æsculapius amplificavit, Hippocrates perfecit*: Eosdem quoque, tergeminum veluti Numen, DEOS inter atque Indigetes coluit, solemnibusque ad aras hostiis, thure atque libamine est venerata. Quæ namque in Græcia urbs tam avertis nata superis, in qua sospitator Apollo non coleretur? aut quis ignorare possit Æsculapium Indigetem Epidauriis DEUM, tutelare Pergamenis numen, coeleste Syciônis præsidium, Romæ demum etiam plenam (si fas est dicere)? prodigii stationem atque delubrum meruisse? aut Hippocratem communi universæ Græciæ acclamatione Eleusinis in sacris primum ab Hercule, solemnissimâ apotheosi, Numina inter, præstitesque Græciæ DEOS annumeratum? Quid quod ne Barbaræ quidem gentes adeò humani sensû expertes vixêre, quin DEOS inter gratâ veneratione reponerent, quos Medicinæ aut inventæ opinio, aut suas in terras primum illatæ memoria, immortalis ad posteros gloriæ consecrandos exposcebat. Quanta namque Egyptiis Numina Apim atque Isidem novimus, traditorum populari-

laribus pharmacorum beneficio Divinitatis nomen promeritos? aut quàm Augustum Thracibus Numen, Zamolxis, Rex idem olim atque Medicus, effulsit? quanto demum Divos inter cultu suis ab Assyriis Horus cœlo transcriptus est, quos, cum viveret, non legibus modò gubernavit è solio, sed exitiosis etiam morborum contagiis coronatus eripuit Archiater.

Verùm, quid ego vanis gentilium hominum superstitionibus immoror, & profanæ Religionis errore suffulcio veritatem? quando omni veritate verius in Medicæ artis prærogativam argumentum suppetit, quò verum, æternumque, quod Christiani colimus, Numen, æternæ veritatis oraculo Medicorum cætui accensetur. Sanè Samaritani illius benefici nomine clementissimum designari Numen, quis ignoret? qui affusò vinò servârit â putredine vulnera, aspersò oleo foverit atque consanârit. Sed &, qui ipse vulneribus nostris medela factus Magnus de Cœlo Medicus, â lethali serpentis morfu ægrum mortale genus restituit Servator, an non omne Medicinæ punctum attingisse visus est, dum attactu surdos, sputò cæcos, vocis imperiò leprosos, ærumnis suis exsolveret, mortuos etiam, porrectâ ultra communes Medicinæ vires potentiâ, in vitam revocaret. Quàm porrò Divinum & illud? quod quos mortalium omnium, quot quot unquam omni ab ævo hic orbis aspexit, sapientissimos illustri omnipotentia suæ artificiò formavit Numen, iisdem medicandi comprimis artem, non comparatâ humano ingenio, aut institutione, sed afflatâ Divini Spiritûs Magisteriò scientiâ infudit. Primo mortalis generis Parente, & in universæ posteritatis magisterium genito, Adamo, quis, infundente sese

fese Divino Spiritu doctior unquam, aut sapientior extitit? huic porrò, an non cum penitissima herbarum, stirpium, atque universæ rerum naturæ cognitione absolutissimam Medicinæ Scientiam Divinus Magister infudit? sed & Salomonem, cum desponsâ, quam præ gloria atque divitiis sibi depoposcerat, sapientiâ, ultra omnem mortalis doctrinæ modum longissimè proveheret paranympheus DEUS, an non absolutam adeò omnibus numeris artis Medicæ infudit cognitionem, ut à Cerdo Libani ad humilem usque hyssopi herbulam, incredibili copiâ, ubertate, subtilitatēque disceptaret. Non jam Noëmum adducam, posteritati omni Magnum rei Medicæ Magistrum. Non Patriarchas recensebo, non minùs posteris, herbarum, medicæque supellectilis, quàm religionis, & gubernandæ è legis naturæ sanctitate familiæ, Doctores. Non Juniorem Tobiam Angelicò Raphaëlis magisteriò, cùm cæcutiæntis Patris, tum infaustæ ferilibus connubiis Saræ Archiatrum; non Medicinam Heroum artem prædicabo, quam Chirone Magistro Achilles didicerat, Telephi salute Pyrrhus exercuerat, magno commilitonum præsidio Nestor atque Menelaus tractavêre; non denique longum eorum recitabo indicem, quorum solertiâ compertæ primùm peculiaris ad medendum virtutis herbæ, inventorum Regum Heroûmque nomina feros ad posteros propagavêre, Heraclium Herculis, Centaurium Chironis, Achilleon Achillis, Gentiana Gentii, Eupatorium Ptolomæi Eupatoris: Quando hodie celeberrima magno numero medicamina officinæ numerant, propioris etiam ævi Cæsarum, Principûmque virorum no-

mine ad gratam seu inventi, seu propagati communem ad usum arcani memoriam, insignita.

Sed nec gloriosa adducam encomia, quibus aut Poëtarum Antesignanus Homerus, *Virum Medicum præ multis aliis excellere virtute cecinit*: Aut Medicorum primipilus Hippocrates *Medicinam omnium artium præstantissimam celebravit*: Aut Philosophorum princeps Aristoteles, *ubi desinit Philosophus, ibi Medicum incipere ingenuè professus est*: Aut denique Divinæ paginæ oraculum commonuit, *Honorandum Medicum propter necessitatem, omnem medelam à DEO esse, Altissimum creâsse de terra Medicinam*, ut frustra jam profanus sese Apollo apud Nasonem jactet:

Inventum Medicina meum est, opifexq; per orbem

Dicor, & herbarum subjecta potentia nobis,

Nec est sanè, quòd vereatur saluberrima Medicina, aut divina ab origine Sanctitatem, aut coronatis ex Archiatriis Majestatem sibi adsciscere, quando ea est salutiferæ hujus disciplinæ dignitas, quæ & superos reddere mortalibus chariores, & Reges facere Augustiores possit; quid nàmque Divinum magis? quid Augustius? quam servare hominem, salutem corporibus, incolumitatem urbibus, provinciis integris, atque populis salubritatem reddere, aut conservare. Ut rerum sublunarium præstantissimam esse hominem fateri necesse est: Ita &, quæ salutem hominis unicè respicit Medicina, laudem omnem atque præconium transcendit; nihil in rebus, quas natura homini attribuit, vitâ pretiosius aut charius possidemus, nihil pariter in rerum humanarum scientiis censendum arte aut dignius, aut sublimius, cujus præsidio ipsum illud, quo majus nihil largiri natura potuit, &

accep-

acceptum conservetur, & amissum reparetur, si itaque magnum est servare fortunas hominis, si pulchrum dulci otio in speculanda rerum natura desiderare: Quid erit? servare incolumitatem, affere salutem, vitam jam penè fugientem revocare, nec speculari solum, & otiosâ velut contemplatione reconditarum in natura rerum causas, principia, vires, indolem disquirere, verum & ita inspicere, ut prospicias, ita observare, ut conserves, ita intueri, ut tuearis.

Quàm Divinum porro illud, quòd penè DEO suppar! ea mortalibus arte tribuere, quæ prodigiò concedi à superis solent. Certè quæ conceptis votis à superis petimus, eadem à Medico fidenti animò postulare consuevimus, vitam, salutem, incolumitatem, & si quando in ulla rerum humanarum functione, hìc certè *homo homini DEUS est*. Quàm denique Augustum? quod cum reliquæ humanarum rerum scientiæ plurimùm sese reipublicæ utiles non ex vano gloriantur, una Medicina etiam necessariam prædicare sese possit. Stare nimirum absque hæresi aut erroribus respublica potest, vigere absque litibus humano commercio fas est, atque etiam expedit: Quàm econtra diu absque morbis consistere corruptibile atque mortale hominis corpus, tam salva absque Medicinæ præsidio stare respublica non potest; una hæc iniqua nemini, benefica universis, in eos etiam, qui amittere nihil præter vitam possint, quadam Divinæ beneficentiæ æmulatione se extendit.

Nemo itaque hodie mihi invidiosum illud occinat: *Dat galenus opes*. Affluant illæ licet (non prohibeo) & pleno alveo in Medicorum sinus, atque arcas devolvantur: Amplius tamen est, quod pub-

licè, quod privatim conferat Medicus, præ illo, quod à grata fatis pene suis superstitem manu percipiat, emolumento. Quantillum nàmque est, opes ab eo accipere, cui dederis salutem? Quantillum paucorum gratâ munificentia crescere, cum tua in omne mortalium genus beneficia dispensaris? unius nempe Medicinæ laus est, in longè plures beneficia gratuita spargere, quàm recipere grata officia possit: Una hæc servat cives, tuetur militem, summos custodit, imos protegit, sub unius manum nulla non conditio, ætas, sexus, eâdem penè, qua nascitur, necessitate venit. Carere potest sacrarum speculationum subtilitatibus innocens rudis popelli simplicitas: Destitui Philosophiâ se patitur damnata ad rudes manuum labores plebecula: Eximitur legum ambiguarum laqueis paupertas; nulla conditio Medico subtrahitur; neque magis à Medicinæ necessitate, quàm à mortalis corporis conditione absolvi homo potest.

Neque tamen has tibi prærogativas modicò à superis sudore venales exponi arbitrare, quisquis ad Medicæ sapientiæ cathedras, Doctorumque purpuram aspiras, haud alium Doctorum hominum ordinem, honorémque, pluribus cum fastidiis, laboribus, vigiliis, & irrequiete curarum satellitio æqua præmiorum, laborumque dispensatrix, numinis providentia conjunxit; quis enim est, qui ignorare possit, quàm incredibile opus sit Medicæ artis Sectatori industriâ, per omnia sapientissimorum philiatrorum monumenta pervagatâ, quam non vastissima veterum volumina fatigârint, non recentium subtilitas tardaverit, non arcanis implexa latebris obscuritas fugerit? quis non requirit in Medico arcanissimarum

con-

consciam rerum sapientiam, quam nulla unquam ignoti morbi novitas fallat, nullum medelæ genus, aut remota nostro à sole salutis præsidia lateant. Quis non in subitorum morborum poliatro promptum atque versatile in omnes casus poscit ingenium, atque expetitam capeffendi difficillimis in rebus consilii celeritatem, quâ deploratam pene repentinis in malis salutem, atque fugientem jam extimis à labris Spiritum Divinâ quadam arte in corpora revocet. Quis denique non exigit profundam in tractandis, digerendisque morbis prudentiam atque providentiam singularem, quâ ita morbos evellat Medicus, ut vires nè atterat, ita persanet morbida, nè integra depascatur, ita denique ægritudinum expungat semina, ut ægro-
tâsse se salutis redditi, non aliunde sentiant, quàm ipso gustu atque dulcedine, restitutæ plenius, atque perfectius incolumitatis. Quis porro necessariam Medico pro suæ concredita curæ ægrorum incolumitate vigilantiam non novit? quàm indefessis recursibus, morborum accessus, recessusque, incrementa, intervalla, crisésque sæpe fallaces atque ancipites explorandæ? quàm assiduis diurnis nocturnisque excubiis ducendæ ægrorum ad lectum horæ? & tuis subtrahendum commodis tempus, quod alienæ calamitatis solatio largiaris? quàm porro invicto animi robore ferendi ægrorum questus atque fastidia? quàm spartanâ tolerandi patientiâ morbidorum putores corporum, trahendi affectorum malè viscerum fœculenti anhelitus, & imbibendæ sæpe mortes, ut aliorum incolumitati consulamus.

Hæc, hæc, inguam, esse existimate, Domini Licentiati, ad quæ vos hic vestræ destinatus inaugura-
B 3
rationi

rationi dies , atque hoc vestris adornatum honoribus sapientiæ Theatrum invitat , non honos hic vobis absque onere , non absque laborum , curarumque satellitio Doctoris titulus deferetur , nec tam honos hic vobis , atque dignitas , quam salus atque incolumitas publica quærenda.

Hoc si animo estis , agite , parata vobis honoris subsellia alacres occupate , nova salutis publicæ præsidia , vestris in vultibus , conflue ad Spectaculum urbi , sublimi hoc è loco exhibete ; modò antea antiquissimæ huius Universitatis consuetudini morem gesseritis , & Juramentum præstiteritis. *Sup* Prælege Pedelle,

Hic prælegitur Juramentum.

PRæstitis itaque , quæ præstanda erant , ego Joannes Jacobus Freundt de Weyenberg AA. LL. Philosophiæ & Medicinæ Doctor , Sacræ Cæsareæ Regiæque Catholicæ Majestatis Aulæ Medicus , nec non Inclytæ Facultatis Medicæ p. t. Decanus Spectabilis Authoritate Pontificiâ & Cæsareâ , more institutoque Academico vos Prænobiles , Excellentes ac Doctissimos Dominos AA. LL. & Philosophiæ Magistros , nec non saluberrimæ Medicinæ Licentiatos formatos , & paucis abhinc minutis pronuntiatos ac declaratos , & quidem te &c. vos , inguam , omnes & singulos in saluberrimæ Medicinæ Doctores facio , creoque , atque taliter factos , creatosque in celeberrimo & amplissimo hoc confesso palam enuntio ac declaro , licentiam vobis tribuens Doctoralem cathedram conscendendi , de Medicina disputandi , docendi , glossandi

sandi & interpretandi, omnibusque iis Privilegiis, immunitatibus & prærogativis gaudendi & fruendi, quibus hæc ab ortu suo Celeberrima Universitas, & omnes in universo terrarum orbe reliquæ gaudent & fruuntur; quod cedat ad DEI optimi maximi gloriam, Beatissimæ sine originali labe conceptæ Virginis, Divorum Tutelarium Cosmæ & Damiani, totiusque Sanctæ Cohortis Medicæ honorem, & sempiternam memoriam, Celeberrimæ & Antiquissimæ hujus Universitatis majus decus & incrementum, nec non reipublicæ Christianæ salutem & emolumentum.

*In Nomine DEI Patris, & Filii
& Spiritûs Sancti, Amen.*

Surgite nunc, ac mentes erigite neoelecti salutis consultatores septemviri, in honorificâ hac statione locati, velut delphica è tripode sanitatis oracula depromite; verum hæc à me vobis concessa jure merito in dubium vocari possent, nisi & collato à me vobis honori ac gradui consequens etiam insignium elargitio sequeretur, satisfaciam ergo desideriis vestris ulterioribus, ad quod me accingo.

Ad Epomidem.

Hippocrates librô de Medici decenti ornatu, eum Gravem esse ordinat, præsentem hic intueris, non est Rabælesii Montispellensium philiatri tunica, cui acclamatur: Vade & occide Cain; minus est peregrinantium tunica, nam teste Asceta Kempensi, multum

tum peregrinantes raro Sanctificantur. Tu Domine neo Doctor hac tunicâ ornatus peregrinare de lecto ad lectum patientum, & optato eventu gaudens non solum sanctificaberis, sed, ut prius dixi, hominibus cum tempore DEUS eris.

Ad Pileum.

Res sacræ sacris debentur, profanis id fas non est, donec scientiæ orgiis insigniti, Divus Hippocrates libro de veteri Medicina innuit, hinc Medicina sacra jure merito Te hoc suo ornat pileo, ut qui singulari tuo specimine non inanem gloriam consecutus es, Divi senis condignus sectator, saluberrimæ proin artis, ejusque gemmarum nundinatores, pseudo chymicos, carbonarios, caminarios, idiotas & vetulas ad ultimam usque Thulem, me sperante, relegatum ibis.

Ad Librum Apertum.

EN Domine neo-Doctor Norice Egrensis proximè fors illuc discessure, non abs fortuito casu tibi a me assignatam Cereris potabilis, patriæ tuæ familiaris potentiam & vires enucleatim elaborâsti, Divi Hippocratis aphorismum de jejunio perferendo, ni fallor, in puncto dilucidandum habuisti, cum autem licet hætenus hujus plagæ phænomena observaveris, patrium solum aliud postulet, hinc apertos tibi Hippocratis aphorismos exhibeo, quibus facile innatâ tuâ perspicacitate, in arena Consilium sumere valeas.

Ad Librum Clausum.

Hippocratis aphorismos tibi hîc clausos consigno Domine neo-Doctor, non eâ intentione, quasi eorum respectus, aut indefessa perlectio negligenda foret; librum hunc clausum thesaurum crede absconditum, quem, qui invenit defossam in agro, vendit substantiam omnem, & emit agrum illum, ut thesauro potiatur, teste evangelio, hoc thesauro in libro hoc clauso, & tu ad tuam, aliorumque consolationem tutò frui poteris.

Ad Annulum.

Annulo isto se tibi desponsari anhelat saluberrima Medicina, tanguam sponso ex meritis Medicis digno; quid exhorrescis? Nunquid me teste cum præsentibus vota contraxisti? observo ingenuitatem tuam, insons vereris ducere Matronam, à tot, ut mox ante andivisti, defloratam Myropolis, Hæbræis, Carbonariis, Lixis, Colonibus, idiotis, & quod maxime dolendum, ipsis Sacrificulis, qui tamen de jure Canonico illicitè artem Medicam exercentes irregularitatem incurrunt. At bono animo! bono animo! violenter violatæ macula nulla inuritur, sed perstat integritas, consolatus ergo esto sponsus; quod si verò ad secunda vota fors progredi tibi sit animus, hoc capite consilii, si vis nubere, nube pari.

Ad Torquem.

AUreâ hac catenâ Te vincio Domine neo-Doctor, non ut Alchymistam Te faciam, plus detrimenti quàm emolumenti afferens, sed id tibi indicans, ut,
C
quem-

quemadmodum solidum in hoc torque aurum comprehendis, ita me non in vanum prælagiente è Divi Hippocratis aphorismis, Galenique commentariis (quorum operam contestatus es) aurum solidum, omnem Hermetis officinam præcellens tibi compares, quod uti quondam Illustrissimi & Magnifici Antecessores tui, ita & tu, me sperante, industriâ tuâ salutis publicæ consecrabis.

Ad Osculum.

Complector te Excellentissime Domine neo-Doctor, atque in te uno complector omnes & singulos Dominos neo-promotos, desiderio desideravi, hanc vobiscum honoris spartam dividere, Osculum pacis & intimi amoris omnibus & singulis tribuo, stringo vos paterno affectu, sperans, quemadmodum in me non fucatus, sed genuinus, sed sincerus, sed Germanus affectus loquitur, ita & vos impofterum (quos hodie genui) tales filios exhibete, qui non ut Bennoni, aut filii dolorum in turpissimas ingratitude nis charybdes devolvantur. Pergite ergo me ut patrem, Facultatem Medicam ut matrem genuino amore prosequi.

Ad Sessionem.

Sedete jam nova Medicinæ condecorata sydera, sedete, condigna & designata vobis honorum subsellia occupate, quiescite modicum, & post tot acris certamina prægressa tantisper respirate, nam arcus identidem intensus rumpitur, &

Quod

Quod caret alternâ requie, durabile non est.
 Ast videor hîc mihi vestram indefessam operam om-
 nis moræ & quietis impatientem esse, desideria proinde
 non tradabo, Domini neo Doctores, & qui tot perplexos
 hætenus nodos Delphico dissecuistis gladio, discutite
 causam, quæ hoc tempore litterario orbi tantam dis-
 cursûs præbet materiam; an nimirum sanguisugorum,
*Vampyr*s dictorum, actio sit supernaturalis, an verò
 naturalis? & tu quidem Excellentissime Domine Lau-
 renti Hentschel hujus problemmatiss primam partem
 tua pro sparta assumes, alteram verò tu Excellentis-
 sime Domine Thoma Hirsch rationibus ponderosis
 dilucidare conaberis,

PARS PRIMA.

P R O

Actione supernaturali, perorante

D. HENTSCHEL.

SI quid unquam miri in rerum natura factum
 admiratus sum, certè ut palàm fatear Vam-
 pyrismus (a) in servia fuit, qui me, atque
 mecum plurimos eruditos à prima Fama ad
 hoc usque momentum in summum rapuit stuporem,
 magis tamen stupeo hodie, dum me ob eloquentiam
 longè minimam etiam obstrepentem *Promotor sapientis-*

C 2

sime

(a) *Cujus Historiam totam suppono ex relatione data ad Cancellariam bellicam.*

sime de spinosissima hac materia scilicet: an sanguifugorum, Vampyrarum dictorum actio sit supernaturalis, an naturalis? in tanta virorum clarissimorum ac sapientissimorum frequentia verba facere & quasi sententiam dicere jubes, quasi tibi ignotum foret, judicium de Vampirismo inter Philosophos, Medicos, & Theologos graviores adhuc manere suspensum; quid jam ego edissero Philosophus ex ultimo ordine, Medicus hodie natus, Theologus verò nunquam, intra sacrum, saxumque hæreo.

Opiniones, quæ hucusque lucem viderunt, non æque omnibus satis probatas, atque nè sacra lædantur, nè profana nimis evehantur, viris consumatissimi judicii penetrandas & dijudicandas, si intimius inspicio, vix una est, quæ meum ut tunc tenuem haberet assensum; quid me Philosophi penetrantiores, Medici circumspicientiores, Theologique perspicaciores dicturi sunt? Vampirismum nudis naturæ legibus in acceptis ferre, est DEUM, est sacra negare cum Athæo, est Dæmones cum Avicenna, van Dalem & Beckero (b) ridere, vel saltem bonos (c) cum Palingenio credere; & quid ni naturali modo Jonas tribus vixit diebus in frigido piscis ventre, & illæsus ad littus ejectus est? hæc tenent, jussu tamen DEI hæc facta esse ipso Jonæ teste (d) accepimus. Phantasiæ vires mirabiles in hominibus præducere effectus nemo facile mecum negabit: testor Medicos, quibus Melancholici agitentur larvis, quibus vexentur spectris, quibus terreantur Dæmonibus, phantasma tamen est, levis umbra, & levissimum nihil; nonne timidus vestium suarum expavescit strepitum, fugitque umbram? ne dicam

amore,

(b) *In mundo fascinato.* (c) *lib. 8. Zodiac. vit.* (d) *cap. 2. v. 1.*

amore, odiô, irâ occupatæ phantasiæ objecta amata, vel exosa, constanter præsentia, modò invitare adamicos amplexus, modò excandescere facere ignes furoris; quæ omnia ut ut mira sunt, præoccupatæ phantasiæ tamen jure merito, optimoque adscribuntur; ast & huic soli Vampyrismum sacrum facere hominis est præjudiciis phantasticis nimis dediti, si enim Vampyrismus morbus phantasiæ est, cur non remedia talia juvant, uti caput appositô plumbeô pileô restitutum, caput nullum se habere credenti, legimus, (e) & quid ni talis Moysen somniâsse vel delirâsse affirmabit, dum ex sacris paginis legit Moysen foceri sui oves pascentem in monte Horeb ex rubo ardente & non combusto Dominum suum vidisse, atque vocem ejus audivisse, (f) aut Samsonem imaginativis delusum esse simulacris, dum ex dente molari maxillæ asini fontem vivum scaturiisse, quô sitim levaret, intelligit; (g) sympathiam & antipathiam ab aliis accusatam, hypothesin verbalem non realem judico, nullam enim naturalibus ex causis profectam agnoscimus, reliquis non ultrâ vanæ superstitionis nomen merentibus; quis enim, quæso, illum non rideret, qui Danielem in lacu famelicos inter leones sex dierum spatiô per sympathiam cum leonibus fuisse servatum affirmaret, (h) simile monstri genus ad Archæum hospitem ignotum, & non ens refugere, aut vitales elateres, aut elasticas vitalitates post mortem etiam durabiles, fermentationes falso-acido-spirituosas, pu-

C 3

tre-

(e) Videatur, dissert. Albert. de valetudinariis imaginariis, ejusque Therapia imaginaria. Salzman. dissert. de Phantasia. (f) Exodi cap. 3. v. 12. & seq. (g) Lib. judic. cap. 16. v. 19. (h) Daniel cap. 14. v. 30. & seq.

tredines incipientes, vel tertium quoddam ipsis authoribus necdum demonstratum, nobis verò ignotissimum hominis principium affere, (i) nam omnes hæsententiæ illorum ingeniorum partus sunt, quæ nimia novitatis libido sapere non finit, aut si sapere credantur, fidem simul omnem, quam divinis litteris debemus, aut dubiam reddere, aut infirmare videntur; verum enim verò video te neo-promote antagonista longè avidissimum, in quam tandem, opinionibus istiusmodi rejectis sententiam concedam? si enim inter admiranda naturæ opera pro Vampyrismo nequè causa, nequè locus superest, si naturales vires, si rerum omnium motus infirmiores dico, quàm ut in prodigiosum Vampyrismum sufficiant, is aut verum, aut Dæmone simulatum sit miraculum, oportet; miraculum autem verum, quod effectus, qui cursum, qui vires, qui ordinem naturæ transcendit, qui ad altissimos, sanctissimósque Divinæ providentiæ fines ordinatus in creatoris æque ac creaturæ bonum redundat, miraculum verum, inquam, ut Vampyrismum dixero, summum nefas putaverim, ad maiorum igitur geniorum præstigias, nocendique libidinem jure optimò confugio, hujus veritatem proinde firmissimis, ut spero, argumentis si probavero, te neo-promote antagonista non adeo dissentientem opinor futurum.

Omne corpus ex natura sua vitâ solutum citiùs vel tardiùs corruptioni esse obnoxium experientiâ & ratione probatum intelligimus; præ reliquis de corpore humano, id tota die ex demortuorum cadaverum subitò oriente tetrico fætore edocemur, & cui id

(i) Vide comment. literar. variis in locis de hujus sententiæ Authoribus.

id mirum videbitur? qui nescit nulla corpora ex tam corruptibili materia conflata esse, quam animalium, præsertim verò hominis, si itaque corpus humanum, diu incorruptum tum quoad solida, tum præsertim fluida, sanguinem balsamicum, adhuc nutrientem cutem, ungues, capillos, solidam pinguedinem, viscera, & sic partes omnes, uti fit in Vampyris Medvegiæ in Servia, conservetur (k) si redeuntes (ut opinio est) Vpieres Regni Poloniæ, cum Vampyris maximam affinitatem colentes, incorrupti in tumulis inveniantur, (l) si hæreticorum & excommunicatorum indurata tympanitica facta, atque sic incorrupta inveniantur corpora in Ecclesia Græca, (m) si Sveno Rex Daniæ tyrannidis causâ diris devotus à Libentio Episcopo Hamburgensi post septuaginta annos integer repertus, diris verò solutus in cineres abiit (n) si corpus S. Francisci Xaverii, S. Catharinæ Bononiensis, si sanguis mirabiliter ebulliens S. Januarii Neapoli, si lingua venerandissima S. Joannis Nepomuceni Pragæ post sæcula adhuc incorrupta, in Ecclesia nostra sola salvifica, conserventur absque omni artis auxilio, (o) quid ni ista videns, rem stupendam, miraculosamque exclamabit? quidni quilibet miraculum dicet verum? dum bonum, tum in Creatorem, tum in creaturam redundare ex his observat, & an non Dæmone simulatum, falsumque affirmabit miraculum,

(k) Teste relatione data ad Cancellariam bellicam. (l) Teste Gabriele Azovsk y hist. nat. curios. Reg. Polon. & act. Lipsiens de cruent. cadav. ad Annum 1722. mens. Jan. pag. 17. (m) ut testatur Joan. Mich. Heinicii lib. quem inscribit, imago Ecclesiæ Græcæ parte 3. pag. 419. ubi. ex. de absol. tympanit. in Eccles. Græca. (n) Cranz. l. 3. cap. 42. & 48. Zwing. in theat. vit. hum. vol. 2. lib. 7. pag. 566. (o) ut legere est in vita horum Sanctorum.

lum, dum pessima exinde scaturire cognoscit, dubitare amplius nequeo, si superstitiones pessimas, ulciscendi injuriam occasiones, si ex incusso metu inter parentes, cognatos, vicinósque ortos morbos, si remedia superstitiosa contra Vampyrismum adhibita, si injurias innocentissimis etiam illatas considero; fines profectò pessimos, & ad perniciem generis humani à cacodæmone excogitados intelligo ita, ut jure merito Vampyrismum effectum præstigiosum compellaverim.

Sed oppones forte neo-promote antagonista? nullam in corpus Dæmonem habere potestatem, nullos in rerum natura posse producere effectus, nullas facere posse præstigias, & sic etiam corpus Vampyrorum ut incorruptum oculis objicere, quia hæc à certis motuum legibus dependent, quas DEUS sancivit solus, solusque suspendere potest, & sic ex suspensis motûs legibus facere miracula & apparentias. At miser sapiens, an te unus Connor ex Calvinis aëclis doctrinâ suâ ita in sui rapuit amorem, ut tam impiè cum illo longè damnatam ab Ecclesia nostra Sententiam recoquas, asserentem: DEUM esse causam immediatam omnis motûs & effectûs, consequenter etiam peccati, & sic Dæmonem nullas facere posse præstigias, & quæ plura sunt absurdissima, damnosissimæque, quæ inde sequuntur; dicam proinde, quod sentio, si in vase, ubi per antliam pneumaticam aër est extractus, si in liquore aluminoso, si in fodinis metallinis post sæcula incorrupta corpora inveniantur; si viri octo septimanis sub glacie delitescentes, dein extracti, benè foti stillent sanguinem recentem, incorruptum, per

per os naresque sat copiosum, (p) si corpus Alexandri M. in calidissima Mesopotania per septem dies aëri expositum absque foetore incorruptum servatum est (q) imo, si, quod maxime studendum, juvenis 17. an. sub aquis septem septimanis moratus, mortuus habitus, fotu calido longiore tempore instituto ad vitam est revocatus, (r) atque id naturali modo & remedio factum est; quid ni Dæmon, cui donorum naturalium peccando nullum sublatum est (s) applicando activa passivis, quod longâ experienciâ doctus est, ut communis Philosophorum, Theologorumque nostræ fidei est Sententia, tales effectus per naturalia media vel præstigias ad suum semper pessimum finem producere poterit; ut itaque probatum fiat Dæmonem præstigias facere posse, sisto in scenam Simonem magum, (t) heu, quas non præstigias per hunc fecit cacodæmon en modò creat (si tamen hoc creare est) novum ex aëre hominem, saxa ut lutum frangit, statuas loqui & ambulare jubet, falx inanima metit sibi soli relicta, modò in medio flammæ incombustus stat phænix, modò bifrons vult coli Janus, modò Protheus est, qui se formas mutavit in omnes, mortuos resurgere imperat, atque violenta morte occisorum animas Juramento ex itinere revocat, & plures tales facit præstigias; ut taceam, quæ Zictonus Boemus ridicula fecit (u) & quæ Zedechias Ju-

D

dæus

(p) *Ult acta erud. narrant. in lib. Parochi Wirtenbergensis, cui titulus: dies tristitiæ Rotenackerensis.* (q) *Teste Curtio lib. 10. cap. 4. §. 9. & seq.* (r) *Testantur id ephemerid. nat. curios. dead. 1. ad an. 5.* (s) *Teste Dionysio Atheniensi cap. 4. de Divinis.* (t) *de quo apud Clem. Rom. lib. 2. de recogn. & lib. 6. const. Apost. nec non apud Nicenum Q. 23. in sacr. script.* (u) *Del Rio lib. de inquis. magic.*

dæus tempore Ludovici pii vivens stupenda exercuit
 (v) atque quibus Eonem hæreticum magum cognovit
 mundus, (w) unum hîc addo magum, scilicet:
 quendam innocentissimam fortè puellam rapuisse, at-
 que equo ligneo impositam per aëra sub nube densa
 abduxisse, (x) quæ jam fides eritiis, qui negant Dia-
 bolum posse corpora ferre per aëra, (y) ex his itaque
 allatis magorum artibus, quis non videt? si magita-
 lia possunt Dæmonis pactô vel expressô vel implici-
 tô (z) sibi devicti ope, quid per se præstare poterit
 jubente vel permittente DEO? Jussit DEUS, teste
 (aa) scripturâ dicens: en Sathana, Job sit in mani-
 bus tuis; permisit, ut reduceret verum, vel saltem
 (bb) fingeret Samuelem à vetula magicis instructa ar-
 tibûs petitem jubente Saul; permisit, ut Glaucumata
 plurima luderet cum corpore Moyse, (cc) donec An-
 gelum Michaëlem contra eum misisset, sic ridebat
 Curtium Rufum sub forma mulieris, Athenadorum
 Philosophum senis macie, ac squallore confecti spe-
 cie, (dd) Cassium sub imagine Julii Cæsaris prælian-
 tis; (ee) ut de aliis præstigiis millenis verba non fa-
 ciam; & quis jam, quæso, imbellem adeò credet
 Diabolum? ut moderno tempore plurimi, si enim
 tot, tantæque tum per se, tum per magos fecit, ec-
 cur non etiam modò poterit? (ff) ignota certè non
 sunt

(v) *Del Rio p. 121.* (w) *Quilic. Neubrig. lib. 1. Hist. cap. 19.* (x) *Robertus Trierzius Insulensis lib. de technis & imposturis Dæmonum cap. 5.*
 (y) *Fr. Hoffm. opusc. de potent. Diab. in corp. hum.* (z) *Isaias Pro-
 pheta cap. 28. v. 15. Casarius Heisterb. lib. 2. de miraculis cap. 12. de no-
 bili Leodicensi.* (aa) *Job. cap. 2.* (bb) *Lib. 1. reg. cap. 28 v. 7. & seq.* (cc)
Lib. Judæ 9. (dd) *Teste Plinio 2. lib. 7. epist. 27.* (ee) *Val. max. lib.
 1. cap. 8. item Frommannus in tract. de fascinat. pag. 786.* (ff) *dissert.
 Albert. de potent. Diaboli.*

sunt foedissima Jobis ulcera, affectus pessimi, quibus obsessus in Evangelio cruciabatur, quibus defacto vexantur Energumeni, nec ignoti Medicis morbi intricatissimi ferè omnem medelam respuentes à Diabolo inducti (gg), & quæ plura sunt, quæ præstitit, & adhuc præstat, non tamen ego sum ille, qui regem Dæmonum vim, à quo Christus docuit, maximè fractam esse (hh), ast ut omnem ipsis demam, & naturalibus legibus omnem effectum explicandum esse judicem, eò, ut palàm fatear, induci nunquam potero, terret me enim fulmen Christiani cujusdam Medici, qui dicit: non sine stupore videmus hodie, quod in claritate Verbi Divini tot Christiani Theologi, Politici, & Medici per Beccheri, doctrinâ Cartesii seducti, & aliorum scripta excæcati per adæmonitium naturalismum, aut Diabolos planè negant, aut eorum potentiam ita abscondunt, quasi vix ullam in corpora humana potestatem haberent contra clarissimos sacræ scripturæ textus, si itaque Dæmon nocuit sanctis, & piissimis, si adhuc nocet permittente DEO, & nocere potest, & vult, uti clarum est, atque libentissimè circa corpora, vel saltem cadavera sua ludit præstigias (ii), quis, quæso, tam excæcatæ mentis erit? ut non sub Vampyrismo in Servia Diabolum manibus palpare posse, atque lusum suum hic habere mecum affirmaret, profectò nullus, qui hunc, ejusque vires, technasque cognoscit; quid enim sibi vult cor-

-gi mulys etasat con D2 : saigiflatq sinomsporjs

(gg) Fernil. de abdit. rer. causis lib. 2. cap. 60. mercklinus 60. morbos magic. & Diab. in unum tract. colligens. (hh) Athan. de incarn. Verbi DEI cap. 47. pag. 88. Just. Mart. in dialog. cum tryph. Jud. pag. 142. Dion. Alex. apud Euseb. lib. 7. cap. 10. (ii) Vide math. cap. 8. v. 28. & seq.

poris incorruptibilitas in terra limosa, humida, maxime ad corruptionem corpora disponente? quid sanguine maculata corporis superficies? quid pedes, digiti, manus, unques recentes, cutis nova, capilli novi habitis in vita reiectis, & quid sanguis plane balsamicus, copiosissimus, & alia talia prodigiosa, quæ in Arnondi Paole cadavere fuere inventa? quid viscera Hanackæ incorrupta? quid Milizæ sexagenariæ in vivis exsuccæ, morbo longo consumptissimæ pinquedo & carnositas sani hominis instar? & plurima talia, nonne omnia pleno ore præstigias clamant Dæmonis?

Ast dices fortè in eo-promote antagonista, hæc facta esse per conservatricem virtutem illius soli, si enim aqua certa in Ungaria induret lignum, ut ferro resistat, si frumentum in terræ foveis longis annis conservari potest incorruptum, cur non corpora humana per aliquot septimanas? sed contra est, cur longè breviori tempore penes, supra, vel infra Vampyros sepulta corpora puellæ 10. an: Hadnacks uxoris cum suæ prolis Rhade 23. an: & plura alia sunt corruptissima inventa? dicam: quia hæ personæ se suspectas non reddiderunt, hinc nullus de his ortus metus præstigias impedivit; & quid docuit strepitus, imò forma ipsa Vespæ ex tumulo egrediens, quid sepulchro affidentes, dum eo ipso momentò alium hōc Vampyrō fuisse afflictum, audirent, nisi Vampyrismum esse Dæmonis præstigias: (kk), nec sapere asylum ignorantia vel ignavia Philosopho, & Medico indignæ est, dum Vampyrismus Diabolo adscribitur, Canon enim est Philosophicus, scilicet: Quodcunque principi-

cipium analyfin horum vel illorum phænomenon non modò non turbat, sed potius confirmat, & illustrat, illud à bono Philosopho negligi & fastidiri non debet; sed quis de efficacia & viribus alicujus mali Spiritûs analyfin turbare dicit? certè nemo, nisi fortè, qui sacrilegè nullum credit; nè itaque naturam in genus humanum injuriosam dicam, nè Divinarum litterarum fidem dubiis, falsisque profanem, aut cum iis sentire videar, qui maculatâ scripturæ virginitate, supercilio elato Philosophico plus nimium indulgentes profano affectu sacra miscent profanis, atque insigni ingenii fastu laborant, & rerum ideas grandes, & subtilitates vulgò haud obvias, nec facilè extricabiles impotentiùs afficiant; sapientissimorum virorum sententiæ accedo, illorum videlicet, qui mecum venerantur scripturam, atque hanc ut Philosophiæ præsidem agnoscunt.

Hisce proinde, ut spero, meam stabilivi sententiam; Sanguisugorum, Vampyræ dictorum, actionem præstigias esse Dæmonis precibûs & doctrinâ Christi, non superstitiosis remediis eliminandas; si quis tamen est, qui spernit scripturam, & per adæmonitium naturalismum omnia explicare intendit, DE-um non credit, Atheus est, cum quo mihi res nulla, nam anathemate dignum talem

D I X I.

PARS SECUNDA.

P R O

Actione naturali, perorante

D. HIRSCH.



Ondonandum esset, Neo-Doctor, parce verbo, si dicam, superstitiose! condonandum, inquam, esset, si ruricola, si in litteraria hospes palæstra in tam dissonam rebus Sententiam descendisset: ast te naturalium cognitione instructum, Anatomiae, & Chymiae principiis imbutum, atque Medicinæ præceptis affabrè perpolitum de Vampyris superficie tenus tantum, & ex vulgi opinione contra sapientissimum plurimorum Medicorum consensum judicare, an negligentiae, an arrogantiae sit? aliis discutiendum relinquo.

Non ego is sum, qui omnem Dæmoni in sublu-
naria potentiam derogem, habet quàm maximam,
sed cuncta, quæ primo intuitu portentis speciem præ-
ferunt, in præstigiis aut miraculis reponere, est
Dæmonum imperium ampliare, publicè ignoran-
tiam profiteri, & in naturam simul, ejusque Autho-
rem esse injurium.

Quot admirandi sine ulla sublimioris causæ su-
spicione effectus, te ipso teste, in hoc mundo adver-
tuntur; *Videmus, quantâ industriâ artificialia efforman-*
tur

tur capita, quæ vocem humanam imitantur, factitia manus tantis machinulis movetur, ut motu proprio vocabula & calamô scriptoriô in charta inaret: pyrii pulveris ope & Pyrotechnicis instrumentis currus, equos, & armatos homines in aëre repræsentamus (a) ex argento in spiritu nitri solutô & cum Mercurio in aqua dilutô post quadraginta dies vegetabile quoddam cum ramis & fructibus pullulat, quod arbor Dianæ à Chymicis nuncupari solet (b).

Si hominum industria, ingenium limitatum, & ars ad naturæ imitationem tantum possit, quidni ipsam posse naturam minus existimetis? cujus prototypon Divino visum est Oraculo bonum compellare (c). Perpendite horrendos, similésque lachrymantium ejulatus, quos collisa ad Islandiam glacies aut percussus in subterraneis Heclæ cavitatibus ignis mentitur (d): considerate insuetas hominum, equorumque formas, quas æstuantis maris unda in oppositas irruens cautes inculpfit (e) Ingrediamini speluncam Panormitanam (f), Baumanicam (g), Elberodensem (h), & Circhnizensem Carniolæ, in quibus reperiuntur lapides cum variis mineralibus, qui veras linguæ, rostri, dentis, capitis, manûs, pedis, & aliorum corporum figuras repræsentant; Quid plura? in ipsum microcosmum oculorum aciem intendite, & naturalem elinguis loquelam (i) choream sancti Viti, saltum Tarantulæ, & risum sardonicum scrutemini.

Vidit

(a) Conr. evang. med. art. 12. (b) Juncken corp. pharm. chym. pag. 396.
 (c) Genes. cap. 1. v. 10. 12. 18. 21. 25. 31. (d) Garman. de. mirac. ment. lib. 1. tit. 3. (e) Conr. lib. cit. (f) Kircher lib. 8. M. S. sect. 2. c. 4. (g) Georg Henning. Bechrens. Hercin. curios. c. 1. pag. 32.
 (h) Michaël Neander phys. pag. 124. (i) Tulp. lib. 1. cap. 41.

Vidit rebellis tenebrarum spiritus , quàm admirandus in naturæ operibus sit Dominus , & agnovit infallibile argumentorum pondus , quibus ex seria creaturarum investigatione in Creatoris notitiam deducimur , quare , ut similis esset Altissimo (k) obcæcitas nonnullorum mentes eò deduxit , ut multum naturæ , ejusque Creatori demant , & inter præstigias ponere non erubescant ; jam levis infantum clamor , apellatur fascinatio , Rheumatismus incantatio , catalepsis audit ectasis , ephialtes sui generis Dæmonium , epilepsia morbus divinus , Melancholia obsessio , â narcoticis somnus inductus est fagarum volatus , & superstitiosa imaginatio præstygiis sæpe adnumeratur.

Tua profectò , orator Neo-Doctor ! de Vampyris Sententia adeò Asmodæi technis favet , ut pro illius sceptro ex conducto mihi perorâsse videaris ; sed ulciscar illatam huic universo injuriam , & evincam naturalem fuisse Vampyrorum mortem , naturalia in cadaveribus phænomena , & superstitiosam naturalis Rascianorum phantasiæ de mortuis judicium.

Cuncta in pondere & mensura creata sunt (l) circumscripta certis est legibus naturæ potestas , & quia hoc universum duplici constat substantia , quarum una omnibus inest rebus , materia nimirum , una ubique diversa est , forma scilicet , & ad certos determinata effectus , quos nequit , nisi certo producere motu , hinc sequitur , quòd leges naturæ nihil sint aliud , quàm leges motûs , quas in prima creatione indidit corporibus mundi Creator , juxta has , quisquis produci-

(k) *Isaia cap. 14. v. 15.* (l) *Prov. 6. v. 2.*

ducitur effectus, naturalis est, si contra, prout in malum vel bonum tendit finem, ibi præstigium, hic miraculum, rursus in duas divisum classes denominatur, aliud enim quoad substantiam sine ullo modernæ materiæ & formæ fit adminiculo, aliud quoad modum, illas quidem exigit, sed ordinatis motûs legibus haudquaquam obsecundat. Ergo cynosura & ariadnæum totius nostræ controversiæ filum sunt statutæ motûs leges, quarum summa eò redit, ut corpus non solum motum ab alio fortioris corporis impetu, ut causa, derivet, sed & eum tamdiu retineat, donec in ambientia integrum corpora servando Mathematicas decrementi proportionales exercuerit (m).

Quoniam verò Vampyrorum mors corporea ex causa ortum traxit, necesse est, eam minimè à statutis motûs legibus deflexisse, Arnoldus ex fœnario cecidit plaustro, cæteri ferè omnes repentina adeò sunt ægritudine oppressi, ut cùm sani se vesperè in lectum componerent, post medium noctis subitò perpavidi, tremulenti, anxii è somno erumperent, tremerent, quærirarent (n), dum invadendi modum, & symptomatum speciem altius lubet pensitare, de pernitiola ad cerebrum metastasi, melancholici humoris qualitate, & febre epidemica edocemur; metastasis quidem luculenter probatur partim lochiis Stanæ non aliter recurrentibus, quàm in puerpera, quæ in Thaso ad frigidam (o) aut in licizo (p) decubuit, partim exemplo Stanvickæ, in qua ascendens carotides sanguis ita infartiebat, ut non modò fauces compresserit, sed & ex regurgitatione versus vicini-

E

niam

(m) Confer conor evang. med. art. 6. (n) Comert. lit. Norimb. hebdom. 9. & 12. (o) Hippocr. epid. l. 3. sect. 2. agr. 2. (p) It. l. citato agr. 12.

niam cordis, incubum sub Milois specie tamdiu luserit, usquedum congesta in cerebrum anadrome ingenti cum clamore somnus excuteretur, melancholiam ostendunt, ait Hippocrates (q) abjectio animi, five metus, mœror, & sollicitudo quæ sita ipsa sui per se author, & immodica, fateor, rarior in præcipitibus humor iste casibus exundat, sed dum id evenit, quò minùs cum ætate ægroti, morbiq̃ue naturâ congruit, eò magis in humani internecionem corporis debacchatur; altera circa Pantimiden mulier anxia formidavit (r), gemellorum mater nullis persuasione-
nibus flecti poterat (s), utraque citò periit; fœmina austera & aspera ad Pyladis ædes nocte appetente, & metu, & sermonibus multis, & animi ægritudine pessimè conflictabatur (t). Si nunc attentiori illud animò pervolvimus, quòd Medvegiâ, Kuklinâ, & Kirolovâ (u) accepimus, quid inflammatus in Stana uterus? quid purulentum pusionis cerebrum, Stan-
vickæ sepulti in pectore dolores, fratris rubra infra aures, quasi signum nascentis parotidis, macula testatur? quid? malignas febrium proprietates, fætum frigidiarum in Ungaria sæpè noctium: nempe à perfrigeratione metus & mœror (x) longèque pessimus, qui ex somno suam ducit originem (y), aut tremorem concomitatur (z).

Non jam admiremini puerperas, multosque infantes deformi hac lue depopulatos, nemo transpirationis magis indiget, quam frigus sustulit. Non juven-

(q) Apud Duret. in coac. l. 2. c. 2. (r) Hippocr. epid. l. 3. sect. 1. agr. 11.
(s) It. l. cit. sect. 2. agr. 14. (t) It. l. cit. agr. 11. Comert. lit. Norimb.
heb. 9. 12. 18. &c. (x) Hip. coac. 20. (y) It. aph. 67. sect. 4. (z) Prorit. 14. sect. 1.

juvenum & plures, & citissimas mortes obstupefcite, non lentum sexagenariæ Milizæ occasum; senibus enim febres non similiter acutæ sunt (aa), & qui morbi ipsis accidunt, maxima ex parte comitantur ad mortem (bb). Quàm versipellis febrium est indoles, quàm larvato incedunt gressu, quàm dispari mortales selectu trucidant, modò in servas acriùs incurrunt, mitiùs in liberas, modò venerando fæminarum parcunt sexui, & viros prosternunt, (cc) sæpe agricolas, sæpe urbanos tantùm depopulantur (dd) in Austrina præteriit constitutione fullones (ee), in Parisina coriarios (ff), in Mutinensi Judæos (gg), & nupera lues in Servia dedignata est cum advenis ditioris fortunæ homines, ut integrò in pedites venenò desæviret, sive amictu tenuior, sive immoderatus porri, alii & ceparum esus, sive potùs insalubritas, & quod crediderim, potius perversa aëris in causa sit conditio.

Te *Inclyta Facultas Medica* testor, quoties lectissimas clarissimorum Tuorum membrorum Colonias in Orientalis Ungariæ plagas duxisti, ut vastantibus ibi populariter ferè ex consuetudine morbis audacter æquè, ac sapienter resisterent? etiamne illi panico ac præstigioso tantùm pavori tribuerunt, ut juventutem vel maximè in interitum conjicerent? apage has nugas, non infantes in cunis evaginatum formidant enses, quis ab incognitis sibi docuit metuere veneficiis? horrenda quidem Dæmoniacarum metamorphosium vis est, & Romanorum Heroum generosi-

E 2

(aa) *Hip. aph. 14. sect. 1.* (bb) *It. aph. 39. sect. 2.* (cc) *It. 6. epid. sect. 7.*
 (dd) *Ramazin. de morb. opif. cap. 40.* (ee) *Hip. in aust. constit.* (ff) *Schenckius in observ.* (gg) *Ramazin. ibid. cap. 34.*

rosissimum Drusum Germanicum tragicæ aspectus mulieris adeò perterrit, ut pauco post tempore vitam reliquerit (*bb*), cur in advenas Germanos nihil tuæ poterant præstigiæ? peritissima Magiæ creditur esse Servia; exteri ob coactam sustentationem milites, conflatus diversa ex religione exercitus; *nulla fides, pietasque viris, qui castra sequuntur.* Anne Rascianorum veneficis tanti Cæsareanæ æstimentur cohortes, ut in sua libentiùs hanc pestem viscera, agnatos, liberos, popularésque convertant; credat hæc Judæus, ego verò, uti naturalem Vampyrorum mortem firmissimis stabilivi argumentis, ita paricum evidèntia me naturalibus ex causis emergentia post mortem phænomena demonstraturum confido.

Tria præcipuè in Vampyris post mortem admiraris Orator Neo-Doctòr! remanentem dudum coccineum sanguinis fluorem, corpora incorrupta, & ignobilium quarundam partium augmentum; atque ut à primo ordiar, diversam à fluentis cæteris sortem purpureum humanæ vitæ nectar possidet, extractum enim per phlebotomiam nonnunquam subito usitatum efformat coagulum, nonnunquam omnes constanter grumos, aut ob molecularum subtilitatem, aut ob proportionatam motûs ab ambientibus communicationem respuit, utramque hanc causam in Vampyrorum invenio cadaveribus, quarum posterior calor est, non ille ad tactum, sed qualis ad ciendas in frigore fermentationes & ad impediendam tunc sufficit humorum spissitudinem, cum extrema perfrigerantur, vel graviores infestant hystericarum insultus; uti enim æstivo tempore, aut in phiola ad lenem ignis

(*bb*) Tacitus l. 3. *annal. de Druso*, & Svetonius in *Tiberium*.

calorem (ii), ita tepente per hyemis antiperistasin sarcophago sanguinis licet inaugurari fluorem. Quod si verò prioris simul fiat causæ accessio, tantàmque humores in malignis adepti sint resolutionem, ut levissimo aëris motui ad nutum obsecundent, cruor vix aut ne vix quidem à fluidorum natura decedet; noscis Orator adversarie! quanto rubore per artem sæpe rutillet sanguis? quàm lubrico consistat pede? injice nitrum (kk), instilla, quod destillatione prodiit, acetum (ll), non concrescit, sed fluit, purpurascit, & sine corruptione diutissimè persistit, putasne animantium machinam in alkalinos putrescere sales? formicæ acidum spirant odorem (mm) mel acidum liquorem fundit, serum, juscula, & gelatina carnis in culinis acescunt; equarum lac in spiritum vino æmulum Tartari norunt convertere (nn), sanguini insunt nostro acidum, dulce, acerbum & sexcenta Hippocratis (oo). Sane si hæc omnia cum Ungarorum diæta, nitroso regionis cælo, & diversa epidemicorum natura lubet componere, haud difficilè concipiemus, melancholicos Vampyrorum succos in vita saltem levem contraxisse acorem, qui tepido sandapilarum fotu in tumulto tandem est vigorem consecutus.

Miraris jam multorum spatium dierum incorruptos sub terra delituisse Vampyros; miraris cæteros inter absumptam vermibus Hadnackii uxorem. Heas Tu, admirande Neo-Doctor! hodie inter sapientiores re-

E 3

poni

(ii) Boerhav. inst. chym. tom. 2. (kk) disp. inaug. de nitro §. 15. (ll) Boerhav. inst. chym. tom. 2. pag. 260. (mm) Wolff. Wedelius theor. sapor. pag. 3. (nn) Juncken chym. experiment. sect. 2. cap. 8. (oo) Hip. de natura hum. cap. 11. tex. 1. & seq.

poni ambis? & miraris diversum hominum temperamentum, ceteraque? miraris aceto contra vermes condiri viscera, perennare in spiritu vini animalium cadavera, & motu fluxili fotis retardari humorum corruptelam? deme acetum carni, alius sit in corpore humorum apparatus, profunde intruso palo è venis cruorem, & sine mora Vampyri cum cæteris computrescent. Miser Diabolus, qui non poterat vulnus occludere, inane præstigii commentum, quod non poterat in graviolem ex admiratione metum perdere.

Hoc fundamentum, turpis hic error est, in quo totius dictionis Tuæ cardo versatur, quare tam iniquus cæterorum etiam in Vampyrismi Historia phænomenum es interpretes. Quid enim hæmorrhagia oculorum, aurium, oris, narium, quid sanguis & in corde, & pectoris cavitate, & ventriculo Ruscæ & locis reliquis portenti alit? indies res evenit, patet tyronibus vasorum facile tunicas distrahi, stasis, & vehementior humorum motio quàm sæpissimè diabrofin aut rixin meditatur, attamen à Dæmonio accersere contendis? transparet malignus per capillares arteriarum, venarumque ramusculos cruor, faciémque rubore exornat; & nescio, quid stupendi in Projogavizio proclamas? turgent, & expanduntur, quin obrigescant enecata à veneno vel contagio cadavera, & subito pinquiorem in sepulchro evasisse vetulam arbitraris? excutitur summo per pulmones impetu, tanquam ex utre rarefensa ær, flatus in borborygmos obmurmurant, aut spumescens confestim sanguis, intrusô violenter palô, per vulnus erumpit,

pit, & ecce! ingemiscientem Arnoldum, & inverso obloquentem gutture intelligis.

Misericors nimis mihi videris, Orator adversarie! & ut divinari licet, Vampyrorum adhuc capillis implicitus, cuticulâque obvolutus Te nequis, nisi aduncis Asmodæi unquibus, exrricare. Crescant in Vampyris pili, crescunt & in abscissis Turcarum capitibus (pp): In calvariis è cæmeterii offuario (qq), & imberbes post mortem aliquando evadunt barbati (rr) decidant antiqui, & novi propullulent ungues, nihil novi est, hos crebrius in suspensi cadavere refecuit Pareus (ss), & in amputata manu penè mediam digiti longitudinem sunt adepti (tt) Adhærescat deglubita unguibus cuticula, ipsum per naturam esse, aqua docet fervida, puer Pechlinii quot annis exuvias deposuit (uu) ? & morborum vis crisim cuticulâ abscedente molitur (xx), quam si mors prævenerit, humiditas sepulchri in actum deducit; nimirum, quamvis motum omnem, qui uni tantummodo sanguinis circulo, & collectis in toto partibus debetur, ab interitu statim animantium corpora deperdant, nemini tamen Philosophorum persuasum puto, illam etiam movendi vim per fata amittendam esse, quæ â causis reliquis æquali cum promptitudine valet exequi; cuticula, pili, ungues insensiles sunt corporis humani partes, coctione in gluten abeunt, in vita nunquam

(pp) Valvasor l. 3. Carniniolæ cap. 12. pag. 116. (qq) M. C. dec. 2. n. 6. obs. 225. pag. 472. (rr) Garm. de mirac. mort. l. 1. tit. 1. de capil. aug. §. 21. (ss) tract. de embam. condiend. cadav. apud Petrum usfenbach thes. chyr. pag. 660. (tt) **Babst Kunst und Wunderbuch** t. 2. (uu) Cent. 2. 42. (xx) Uratisl. Anno 1702. pag. 139. & Albrecht M. N. C. decad. 3. Anno 3. pag. 215. (bbb) .86 .5 .5

quam augeri desinunt; quin aliquæ, quantò deterior circulatio fuerit, tantò velocius capiunt incrementum: Cur, quæso, in demortuis arborei instar musci ex residuo, viscosoque alimento vegetare negemus (yy).

Vides, quàm amicé tecum agam, Orator Neo-Doctor! crescere quasdam Vampyrorum partes tibi spontè largitus sum, cum in promptu fuerat dicere: emarcescente sepulchrorum carne pilos apparentem sortiri longitudinem (zz) à contortis substratorum nervulorum fibris ungues immaturos mentiri (aaa) ruptâ superiori cuticulæ laminâ inferiùs novam per catacresim vocari (bbb) sed cuncta hæc tacui, & reticebo etiamum, at, quòd Vampyros sandapilas deferere, nocturno tempore dormientium cubicula ingredi, impunéque occidere arbitraris, tacere nequeo, rumpit vocem argumenti iniquitas. O effatum dignum ad colum mulierculis! O Christianò indignissimum Philosophò! itáne felix futurus es Medicus, tu neminem, sed tui occident Vampyri: Hoc unum obtestor, cur egenos, & non divites, cur infantes, qui receptò in Ecclesia Græca more per baptismum repromissionem sunt consecuti (ccc)? quando jus vitæ & mortis in electos nactus est Lucifer? *Quis unquam innocens periit, aut quando recti deleti sunt?* (ddd) fuit Job in manibus Satanæ (eee), equid de vita periclitabatur? anne tanta Dæmoni post natum Servatorem potestas, quibus præceptum est, *ne læderent fœnum terræ, neque omne viride, neque omnem arborem, nisi* tan-

(yy) Comert. liter. Norimb. hebdom. 30. (zz) Alex. Aphrod. l. I. problem. 145.

(aaa) Comert. lit. Norimb. hebdom. 32. (bbb) Ib. hebdom. 24. (ccc) Act. 2, v. 38. (ddd) Job. 2, v. 7. (eee) Job. 2, v. 6.

tantum homines, qui non habent signum DEI in frontibus suis, & dictum est illis, ne occiderent eos (fff).

Utinam, Orator neo-Doctor! hæc antecedenter meliori ponderâsses trutinâ, non turpem adeò Superis, hominibûsque invisam propalâsses sententiam: tanti nimirum est cum vulgo sentire, ut impiè sacrosanctum Baptismi Sacramentum profanetur, absint aniles tuæ à viro prudenti fabellæ, plena sunt omnium ora superstitione Rascianorum, ridenda præficæ ad mortuos oratio, (ggg) numeroso morbus funere multò magis gentem percellit, penes quam incredibilis dominatur ignorantia, quos testes, quos autoptas producis? mulierculas, melancholicos, dormientes, ægros, pavidos: *Non sunt apud se, qui contremiscunt in febre*, inquit Divus noster Senex (hhh) tremula repentè exsomno exsiliit, & Miloem accusavit Stanvicka: Fortè rari quid autumas? juvenculas de nato delirare adolescente? Kuklinensis fratris vidua juvenis, & robusta demortuum est complexa maritum: Etiam Danæ Jovem, & Ilia Martem provocat, ut sceleris contegat infamiam? monstrorum non infrequens partus est (iii) Vampyrismi in alios propagatio est domesticum in malignis contagium; Vespæ è tumulto volatus fors aurium erat tinnitus, & nivium flocus, quem hibernis in tenebris abripuit Boreas; etenim superstitionum nocturna in cæmeteriis permanfio quemvis facilè strepitum sinistrè interpretatur. Si ais, non neminem illo ipso tempore fuisse Vampyro compressum: Non Vampyr, sed de more ingravesc-

(fff) Apocal. cap. 9. v. 4. & 5. (ggg) Comert. lit. Norimb. hebdom. 37. (hhh) Hip. Aph. 26. sect. 6. (iii) A. M. C. cent. 1. obs. 166. pag. 337. it. Act. Erud. Lips. Anno 1712. Aug. pag. 349.

vescentis tunc fuit epidemici exacerbatio. Quid Paole? quid phantasmata fratrum? quid palus? quid sanguinis inunctio? firmæ melancholicorum sunt persvasiones, & adeò apta ad idæas corrigendas remedia, (kkk) ut, postquam magligna simul aëris constitutio ob successivam mensium revolutionem permutaretur, temporaria Vampyrorum lues perubique exterminata desæviret.

Eja igitur, quousque tandem, Orator Neo-Dotor! naturalium scrutatores operum calumniaberis? quousque in augendo Dæmonum imperio desudabis? nihilne vastissima naturæ potentia ad operandum? nihil summa Authoris sapientia ad dirigendum? nihil legum motûs cognitio ad persuadendum? nihil causarum evidentia ad intelligendum? nihil Sacramentorum dignitas ad colendum? nihil Rasbianorum valet superstitio ad decipiendum? Christianus es, & non credis? Philosophus es, & non percipis? Medicus es, & ægros derelinquis? fortè nullus phlebotomo locus, dum sanguis exundat? (lll) nullus fixorum usus bezoardicorum, dum malignitas febrium exurit? incassum calcitras, fulminas, & dignos anathemate Phyzicos judicas, de naturalium causa rerum agitur, cautiùs cum Zacharia summo Pontifice (mmm) mercari disce, & non solùm Vampyrismum Medvegiæ in Servia secundùm naturam esse perspicuè cognosces, verùm etiam palam profiteberis, neminem ritè de miraculorum, & præstigiærum veritate judicare posse, si ordinatas motûs leges ignorat: Nunquid

(kkk) Tulpæ observ. de ludicris melancholicorum curis lit. 1. c. 18. 19. 50. & 154. (lll) Sydenhaimius de peste Anni 1665. (mmm) Avent. de annal. Bojor. 3. 9. & Mauritiï Hoffm. dissert. geograph. de Antip.

quid enim is solidè discernere novit, quantum à moderno rerum ordine effectus recedit, qui, quantum natura possit, neglectâ Matheseos, Anatomiae, Chymiae, & Philosophiae naturalis scientiâ, non abundè satis comprehendit.

D I X I.

Decisio.

Non minùs acutè, quàm argutè uterque vestrùm spartam suam pro viribus defendere conatus est, Excellentissimi Domini Neo-Doctores! avidi, ut video, meam desideratis Sententiam, sequar pro intentionem ethnici licèt, sapientissimi tamen morum Magistri Senecæ inquiringtis: omnibus credere velle, aut nulli, utrumque vitium est, honestius alterum, alterum tutius. Hoc proinde in adeò abstracto negotio Vampyrismus sic dictus per in arte Medica versatos practicos (de quorum vel unius præsentia nulla publico communicata scripta commemorant) per Chyrurgos, aliòsque omnis praeoccupationis, vulgi què superstitionis expertes cordatos viros disquirendus venit, interim felices mediam tenuère viam,

ADHORTATIO

Ad gratiarum actiones.

Restat nunc Excellentissimi Domini Neo-Doctores, ut tum pro collato vobis honoris & dignitatis gradu, tum pro gratiosa præsentia & habita patien-

tia grates pariter competentes tam Divis Cælitibus, quàm vivis, atque defunctis benefactoribus eâ, quâ par est, honorum contestatione rependatis; agite ergo, satisfacite obligationibus vestris, ut huic vestro honori designato actui honorificus pariter finis imponatur.

Ad DEUM & Cælites D. LEHR.

Tibi *Sanctissima Trias* immortales rependimus grates, quòd nos supremam honoris nostri diem attingere, & ad Doctoratûs Lauream promotum iri dederis: votum enixè subjungimus Te constanter de genu adorandi, honorémque Tuum semper tuendi, supplici voce precantes, ut DEUS Pater nos conservet, Filius tueatur, & Paraclytus Spiritus Sapientiæ suæ radiis illuminet. Post Triadem ad Te *æternæ Sapientiæ Genitrix, Virgo absque omni nævo concepta, mille gratiis fecundissima!* nos convertimus gratias agentes, quòd toties iratum Numen ad exoptatam clementiam flexeris, & justissimæ Nemesei Te scutum inexpugnabile objeceris. Vobis etiam *Geminis scientiæ Medicæ sospitatoribus Divis Cosmæ & Damiano cum reliqua sancta cohorte Medica* gratias rependimus, exoramúsque, ut velitis subsidio Vestro nobis succurrere, & impetrare, ut lanquentibus ope & consiliô tutissimè consulere valeamus.

Ad Augustissimam Domum Austriacam

D. DIETMAN.

VObis nunc *Serenissimæ Umbra, Celeberrimæ & Anti-*
quissimæ Universitatis hujus, Inclytæque Facultatis
nostræ Fundatorum, Augusti Augustissimorum Cæsarum Ma-
nes, scientiarum hoc Trophæum in gratitudinis æter-
næ Aram consecrare fas est. Vos, qui Divos inter
 Cœlites jamjam recepti immortalitatis felicissimæ Co-
 ronâ gloriamini, nostram quoque Doctorum Lau-
 ream Vestris Honoribus suspensam, velut æternum
 pignus accipite; illóque uno lætitiâ, quam hodie
 agimus, cumulate, ut in Aris his quoque Vestris olim
 spes Regnorum omnium, Orbisque solatium, Hæres
 Serenissimus Augustæ Domûs Vestræ adoretur. Vo-
 bis quoque *Augustissimi Principes, Majestates Cæsareæ,*
Sacratissime, ac Inviçtissime CAROLE, & ELISABETHA
Augusta, grates submisso poplite dicimus, Quorum
 Augustissimâ Clementiâ hoc honoris Theatrum tan-
 dem conscendere nobis datum est. Hoc hodiè, gra-
 titudinis ergò, Clementiæ Vestræ anathema statui-
 mus, in quo, quâ pietate in litteras, litterarúmque
 cultores fueritis, longa retrò posteritas leget. Neque
 enim alium gratiarum censum Augustæ Munificentiae
 Vestræ aptiorem judicavimus, quàm si Purpuras no-
 stras, quibûs Vestris Auspiciis hodiè fulgemus, nos-
 que ipsos Augustis pedibus substernamus.

Ad Magnificum D. Rectorem, *& DD. Procures Universitatis* **D. RAUCH.**

Persolutô Sacro-Sanctæ Triados , Divorum Tutelarium , Augustissimæque Domûs Austriacæ tributô , necesse jam ducimus , ut & Tibi *Perillustris ac Magnifice Domine Universitatis Rector* , & Vobis *Domini Procures Amplissimi* , gratiarum , ac par est , demississimarum rependamus debitum. Intenderemus id quidem eò efficacius , nisi virium nostrarum obstaret imbecillitas , sparsâ aliundè famâ incredibilis elucescit gloriæ Vestræ splendor , tum apud Vestros , tum apud exterâs gentes comprobatus. Ecquis , me Hercle ! gloriosi hujus anni curriculum non demirabitur , de-prædicabit ? si in amplissimi hujus orbis augmentum inquirimus , ab uno Adamo , Proto-Parente nostro universum mortalium genus propullulâsse , in diversas abiisse plagas , & in majorem indies numerum excrescere videmus ; mundûmque in quatuor divisum esse partes quis ignorabit ? & sanè in ornatissimo hoc sapientissimorum virorum confessu intuemur quatuor Magnifici orbis partes , quas singulas una sobole amplificare acquievit unus Adamus. O terque , quaterque felicem diem ! septies & amplius axem vertente sole , miris prius ambagibus , arduo , ast constanti pede Apollineam Partem ingredi , atque hoc honoris culmen conscendere hodie dum nobis concessit benevolentia Vestra. Decet jam , ut , dum singularem hanc felicitatem mente recolimus , gratitudinis nostræ pignus reddamus. Accipite tamdiu , donec recisô vitæ

no-

nostræ filô elingues succumbamus, memoria verò, si quæ nostrî est, honoribus Vestris sacrata sit. Fove Orbis Litterarie filios hodierna luce receptos, atque jucundæ hujus diei recordationem intemeratâ fide veneraturis fave.

Ad Spectabilem D. Promotorem **D. BESNECKER.**

Non equidem læthei fontis undam nos delibâsse arbitreris *Prænobilis, Spectabilis, Clarissime, & Excellentissime Domine Decane, nec non Promotor Sapientissime!* Non ingratitude, inquam, aut oblitteratæ indolis nos redargue, quæ collata sibi beneficia oblivionis puteo immergere, ac perpetua taciturnitate sepelire afolet; nefas siquidem esset, ingrato silentiô præterire Eum, sub cujus gratiosis favoribus delûsa per lentas spes vota nostra felicitatem suam non ignorant, cujusque Spectabili Præsidio impertita sub amico amplexu Doctoralis Laureæ insignia cum Epomide in acceptis referenda sunt. Ut ut igitur pro suavissimi Nominis Tui prærogativa Doctorum Chlamydem, hac tempestate nobis expectatissimam, amica contulisti manu: ita palliatî licet humerîs, infucatô tamen animi respectu debitum, gratissimûmque pro hac gratia deponimus Homagium, quod ubi præstamus, profectò nihil aliud, quàm grates gratiis recipiamus. Suscipe hinc, *Promotor amicissime, sapientissimèque!* prolixas, non quas ferre debemus, sed quascunque valemus, gratias; cumque in viribus nostris præter vota nîl sit reconditum, isthæc Tibi offerimus, sed ingenua, sed sincera, non improba, non inania, neque

neque ad speciem efficta: ut amico scilicet Numine derivatæ in nos gratiæ, honorumque rivuli in Te *Promotor faventissime!* velut originem suam redundantes, amici Nominis Tui deprædicent favorem, gloriamque Ei pariant nullis unquam temporum injuriis arietandam. Et prout ad hunc publicum Honoris actum, tanquàm ad fortunæ nostræ, futuræque felicitatis portum, per dura licet, & aspera salvi Te Duce appulimus; sic tandem in perenne gratitudinis vectigal

Per Te supremâ redimitos Tempora Laurô

Nulla dies unquam memori nos eximet ævo.

Ad D. D. Hospites

D. STEINDL.

VOBIS denique *Excellentissimi, Reverendissimi, Illustrissimi, ac Amplissimi, cæterique suis titulis Dignissimi D. D. Spectatores!* Vobis, inquam, omnibus, & singulis, qui gratiosissimâ præsentîâ Vestrâ hanc spectatissimam adornare coronam haud dedignati estis, in obsequiosissimam gratitudinis tesseram submisissimam, ut par est, devotione summas expendimus grates, id unum à vobis exorantes humanissimè, ut conatus hos exiguos, eâ, quâ consuevistis, serenâ fronte accipiat, atque gratias & favores Vestros munificè nobis experiri faciat, qui pro collatis erga nos amplissimis beneficiis dignitatum Vestrarum in omne ævum perseverabimus

Encomistæ.

ERRATA CORRIGE.

Fol. 15. lin. 16. delphica, lege delphico. f. 19. l. 4, tradabo lege, tardabo. f. 20. l. 9. Athæus, lege, Atheus. f. 26. l. 12. Sathana, lege, Satana.

DISPUTATIO INAUGURALIS
MEDICA

DE

NITRO

QUAM

D. T. O. M. A.

DECRETO, AUTHORITY, ET CON-
SENSU PERILLUSTRIUM, MAGNIFICORUM,
SPECTABILIUM, PRÆNOBILIUM, EXCELLENTISSIMO-
RUM, atque CLARISSIMORUM VIRORUM &c. Perillustri Magnifici,
ac Consultissimi Domini Universitatis Rectoris, Prænobilis, Spectabilis Cla-
rissimi, ac Excellentissimi Inclytæ Facultatis Medicæ Domini Decani, Venera-
bilis Domini Senioris, Sac. Cæsar. Regiæque Cathol. Majest. Dominorum,
Dominorum Consiliariorum, & Archiatrorum, Professorum &c.
adeoque totius amplissimi

D. D. MEDICORUM COLLEGII
INCELEBERRIMA, AC ANTIQUISSIMA
UNIVERSITATE VIENNENSI
PRO CONSEQUENDO DOCTORATUS GRADU

Publicæ Disquisitioni submittit Author

THOMAS HIRSCH,
Carniolus Rattmanstorffensis AA. LL., &
Philosophiæ Magister, Saluberrimæ Medicinæ Bacca-
laureus formatus, approbatus, nec non pro Supremâ
Laureâ Candidatus,

IN PUBLICO D. D. MEDICORUM COLLEGIO

Horis post meridiem consuetis, Die 9. Mense Julii Annô MDCCXXXII

VIENNÆ AUSTRIÆ, Typis Andreæ Heyinger, Universitatis Typographi.

ita duo quæque aduersa solent ad parallelismum (a) accedere, super quæ modò Rhombi, modò pentagona disseminantur, ex alterâ parte mucrone quodam pyramidis instar acuminatò desinunt. Figura hæc adeò constans est, ut quamvis in minutias quocunque modò discerpatur, in frigidâ tamen per crySTALLISATIONEM reviviscat: Quidquid Wedelius (b) ex quadratâ nitri antimoniatî figurâ in contrarium adferat.

§. IV. CrySTALLI hæc ad latera vasis sese appendunt (c), dum econtra salis communis fundum petunt: statera etiam demonstrat particulam, quæ pependit in aëre gr. 60.

$$\begin{array}{l} \text{Ori} \\ \text{Salis nitri fixi} \end{array} \left\{ \begin{array}{l} \text{ponderare in} \\ \text{spiritu vini} \end{array} \right\} \begin{array}{l} \text{gr: 32.} \\ \text{: 42.} \end{array} \quad (d)$$
 Rursus massa plumbea in aëre granorum 455.

ponderat in

nitri albô	-	-	-	-	-	-	-	-	397.
Liquore nitri fixi	-	-	-	-	-	-	-	-	407.
Crystal. Ori 3ß in aquæ 1ßj solut.	-	-	-	-	-	-	-	Gr:	426.
nitri duici	-	-	-	-	-	-	-	-	414.
Aquâ communi	-	-	-	-	-	-	-	-	idem.

Quin si ulteriùs areometrò gravitas examinetur, demergitur in aquæ fontis Librà ß solutis 3ij

CrySTALLIS, floribus, vel lapide prunellæ	-	-	-	-	-	-	-	-	12:
Orô antimoniatô	-	-	-	-	-	-	-	-	11: §. 6. (e)
Liquore Ori fixi	-	-	-	-	-	-	-	-	6:
Spiritu Ori albô	-	-	-	-	-	-	-	ad gradum:	
dulci	-	-	-	-	-	-	-	-	14
â communi	-	-	-	-	-	-	-	-	14.

§. V. Duo sunt communissima Ori solventia, aqua, & ignis, quæ Hoffmanus pater conjungit, dum suum nitrum fixum parat, quod quinques in crucibulò fundit, & toties in aquam bullientem projicit; donec fiat insipidum: si diutiùs operatio hæc præsertim cum lapide prunellæ continuaretur, probabiliter in phlegma, & terram virginiam converteretur (e). Quod author catenæ aureæ nomine fixationis nitri innuisse videtur (f).

§. VI. Igitur oleum, & spiritus rectificatî nitrum non soluunt, & hinc tincturæ ejus raræ sunt, cæque, aut non genuinæ: ut tinctura nitri Glauberi (g) potius lanæ dici meretur: vel cum nitro alkalizatò,

tan-

(a) Lister. de font. med. p. 12. (b) Pharm. in art. form. red. p. 13. (c) Hoff. l. c. p. 111. (d) Freind in Tabul. l. c. (e) Junken exp. circa nat. princ. per totum. (f) pag. 61. (g) vide Corp. Pharm. Junk.

tāquam adjumentō, parantur, ut elixir aperit: menstru: Tinctura antimonii cum liquore nitri fixi (a): vel saltem menstruum ejus multō phlegmate pollet: sic nitrum ingreditur liquorem tartari spleneticum (a) essentiam vulnerariam Lentilii, tincturam odontalgicam Mynsichti, senæ Hoffmani (b), antifebrilem extemporaneam, & antihypocondriacam (a) sed omnes cum ∇ , acetō &c fiunt, præter ultimam, quæ pariter, ut quidquam de nitro participet, spiritum nitri dulcem minùs dephlegmatum requirit. Verùm quanquā aqua primum sit nitri solvens, in ejus tamen sbrā; non ultrā drachmas 6 nitri diffluit (c), sed citiùs, quā vel vitriolum, vel sal communis Anglicanus (d), præprimis agitatione levi, & calore adhibito: si ejusmodi solutio cum crySTALLIS facta sit, limpidissima (e) est: cum floribus nitri, & lapide prunellæ fere Limpido-albescit, & cum nitro antimoniatō quasi lactescit, materiā antimoniali ad fundum deciduā.

§. VII. Varius solutionis nitri usus est: 1mō edulcorationis: taliter sal prunellæ minùs acris redditur. 2dō: mixtionis: ut in Frō nitrato, nitro perlatō (a) Saturnizatō, corolatō, (f) cernimus. 3tiō: colorationis, & insuccationis, ut in nitro papaverinō (a) violatō, rosatō, cathartico, alexipharmacō, cum succō acetosellæ &c, essentificatō, (g) aut cum tincturā, vel rob berberum, mororum &c. factō. (b) 4tō depurationis §. 2, & dum per poros ollæ non vitreatæ in frigore instar lanuginis foris abit in flores. 5tō destillationis: ideo Zwelferus (i) per longas digestiones, & cohobationes aliquid per retortam ex nitro transire putat: sed fors phlegma (§. 5. e.) solū est: ex quo apparet, quid de aquā Regis Ferdinandi Secundi ex nitro sentiendum (k). 6tō frigoris: nitrum enim mediā æstate aquam in glaciem convertit (l)

§. VIII. Nitrum igne inter omnes sales facillimè fluit (m), & absque additione vaporem, & flammam non suppeditat, nisi Balduini methodō (n) crucibulum operculō in mediō perforatō muniatur. Duæ ab igne præcipuæ operationes emergunt, calcinatio, & destillatio.

§. IX. Calcinatio absolvitur vel Alkhalini puri, vel sulphurei quasi, corporis additione: in illa consumitur aquositas, & nullum tonitru, sed nitri major adeò fixi proventus (o) conspicitur, ut si rursus igne liqueatur, etiam injectō sulphure non commoveatur (p)

A 3

§. X.

(a) *Disp. pharm. Vien.* (b) *corp. pharm. chy. Junk.* (c) *Hoff. l. c. p. 135.* (d) *Freind l. cit.* (f) *Schröd. l. cit. cap. 13.* (g) *Zwelff. l. c. part. 2. c. 12.* (h) *Maurit. Hoff. act. Lab. altorf. p. 190.* (i) *Pharm. Aug. p. 309.* (k) *Sorbai. prax. med. l. 1. c. 7. pag. 35.* (l) *Kirche: de mund. subt. t. 1. l. 6. S. 2. c. 2.* (m) *Boerb. l. c. p. 104.* (n) *in Œre Œea s. 7. p. 32.* (o) *Hoff. l. c. p. 112.* (p) *Caten. aurea. p. 66.*

§. X. Hæc tonat, & pro diversitate additi varios edit effectus: Zincum, Bismutum, arsenicum, cobaltum, stannum, plumbum in calcem aquâ vehementer ebullientem redigitur: antimonium in regulum, &c. aurum verò, & argentum ab antimoniô depuratur. (a) cum sale ammoniacô fit nitrum ammoniacatum Wedelii (b), cum tartari crudi anâ, pulvis niger, & viridescens metallurgorum ad separandas mineras (c), cum tartari duplô autem ad constituendum liquorem de tribus idoneus (d): at si pruna inficitur fit pulvis causticus coloris cærulei, seu subviridis, qui modica calcinatione albescit (e), & deliquiô solutus liquorem nitri fixi, seu Alkhaest Glawberi præbet, magni in extrahendâ antimonii ex minerâ, tincturâ usus, item in essentia myrrhæ, & elixir proprietatis dulci (d). intereâ omnia inter additamenta excellit sulphur commune, quod mirè ratione doseos &c. variat: pulvis pyrius ex retortâ tubulatâ accensus in flammam abit nullô acidô, vel alkali conspicuô, præter phlegma in recipiente acidulum; (f) sulphur ad partes æquales successivè injectum, dat salem polycrestum (g): at vigesimâ sui parte non solum lapidem prunellæ producit (g): verum etiam, si tribus nitri partibus unam addas vitrioli, arcanum duplicatum ad mentem Junkenii (h) obtinebis: aut si vicissim vitrioli major, quàm nitri sit quantitas, salem Emetico-diaphoreticum Mœbii (h). Plura ex horum commixtione peritus artifex parare noverit, ut salem antifebrilem (i), nitrum fixum pro conficiendâ conservâ spleneticâ Stahlj &c. (k)

§. XI. Destillatio ex vasis vitreis, fortibus, tertiâ sui parte vacuis, sine, vel cum igne adornatur. Prior fit ex cucurbitâ in spiritu nitri flammeô Glawberi: affundendô lentè oleum vitrioli optimum super ana (l), vel sub duplum (m) nitri puri bene siccati, inde effervescentiâ factâ Spiritus ruber acidissimus, semper fumans, & oleum caryophyllorum se solô accendens in recipiente colligitur, remanente in fundô sale mirabili, ex quo, & limatura martis, spiritûque vini, & illô ipsô Spiritu flammeô nostri Domini Pharmacopæi suam essentiam vitrioli nitratam conficiunt; sed quia ad proliciendum dictum Spiritum, ignem etiam fortem adhibent, retortarum facilè jacturam patiuntur (d).

§. XII. Posterior, vel ex retortis tubulatis, cum accensione perficitur in clyssô antimonii sulphuratô, Spiritu Carminativô de tribus &c. (d) vel non tubulatis in reverberio, adjectô duplô, vel triplô boli, arenæ,

(a) Hoff. l. c. p. 114. (b) M. Nat. Curios dec. 1. an. 2. obs 196. (c) Hoff. l. c. p. 112. (d) dispen. phar. Vien. (e) Boerb. l. c. p. 168. (f) Stahl. exp. chy. & phys. §. 82. &c. (g) Boerb. l. c. p. 269. (h) corp. pharm. chym. (i) M. Hoff. l. c. p. 129. (k) König l. c. p. 331. (l) Boerb. l. c. p. 273. (m) Hoff. l. c. p. 129.

næ, &c. (a) & 15 circiter horis absolvitur, exeunte pro diverso gradu, imò phlegmate acidò, dein spiritu quasi pingui albò, 3tò fumis rubentibus, camphoræ tantillò in liquorem coagulandis (b). Si ignis vehementissimus adhibeatur, & recipiens subitò, refrigeratum amoveatur, ne fumi retrocedant (c), aut nullus amplius in fundò sal, aut si quis relinquitur, ipsum Drum impurum erat (c). At si locò boli adjecti vitriolum cum nitro destillandum sit, aqua fortis evenit, ex cujus capite mortuò arcanum duplicatum, viâ tritâ, fit. Aqua hæc fortis in solvendis metallis, præter aurum, eximia est, quam tamen vim invertit; si aut super nitrum vulgare, aut super salem communem abstrahatur: expellitur nimirum spiritus salis, & nitrosus, cum capite mortuò in nitrum degenerans, in fundò manet: id discimus ex §. 2, nam si super nitrum bene depuratum hæc abstractio instituat, nulla fit virtutis mutatio (d)

§. XIII. Quoniam acidus ille nitri spiritus per se rarius, ob corrosionis vehementiam, in corpore usurpatur, ejus dulcificationem cum spiritu vini ars invenit, diversis tamen ratione quantitatis &c. phænomenis; si enim spiritui nitri igneo §. 11. octuplum alcoholis vini ad methodum Hoffmani (e), vel triplum secundum Boerhaaveum (f) additur, fit effervescentia, atque scintillante sæpe igne dimidiam sui partem, gratissimò abrotani viridescens odore, evaporat: si dulcificatus ita spiritus, in cochleari argenteò accensus, maculam viridiusculam relinquit, acoris nimii signum est, spiritu salis armoniaci vinosi &c. tollendi (e). Contra si proportionem (ut 1, vel 2 ad 3) spiritus nitri vulgaris cum spiritu vini rectificatissimò sit dulcificandus, non ita effervesceat, quin potius triduanâ digestionem, & cohobationem eget per Alembicum (g), remanente in cucurbitâ sæpe, cum crystallis nitri (h), spiritu acidò corrosivò.

§. XIV. Hactenus industria mutationes, nunc etiam palingeniam curiositas perficit, affusione spiritus nitri simplicis, vel aquæ fortis ad punctum usque saturationis super salem quendam alkalinum, phlegmate solutum, (i), seu volatilis sit, ut spiritus, vel sal volatilis ammoniacus, seu fixus, ut liquor Ori fixi, cineres clavellati, sal tartari &c. utrobique crystalli ferè inodoræ (k), omni experimentò nitrosæ oriuntur (l): illæ tamen præ his tenuiores sunt, ex speciali, & violentâ quidem, sed ad quam thermoscopium subsidet, effervescentiâ (m) pro-

(a) Wilisius tract. de ferm. c. 10. (b) Junken. chym. exper. p. 192.

(c) idem Corp. Pharm. pag. 940. ex Zwelf. & Lemerii. (d) Hoff. l. c. p. 114.

(e) ibid. p. 128. (f) l. c. p. 274. (g) Dis. pharm. Vien. (h) Junk. ibi-

dem p. 941. ex Hoff. (i) Boyle tr. de Oro, §. 30. (k) Boerb. inst. chem. tom.

1. dogmate 3. pag. 369. (l) Hoff. l. c. p. 132. (m) Boerb. ibid. pag. 362.

prognatæ, spiritu vini solubiles, & si igne in cucurbitâ urgentur, super alembicum avolant (a). Regenerationi affinis est Draco fortificatus Schræderi (b), seu nitrum nitratum Junkenii (c), dum crySTALLIS nitri tam diu spiritus nitri fortissimus affunditur, donec rursus per abstractionem ita acidus, ac affusus est, prodeat: si eodem modô cum sale prunellæ, & acetô operatus fueris, terram foliatam nitri obtinebis (d).

CAPUT SECUNDUM.

Proponit Historiam Medicam Nitri.

§. XV.

Nysiologia, & praxis clinica multum circa nitrum occupantur: illa non modò commixtiones cum fluidis animalium extra corpus desumptis, verum etiam injectiones in viventia instituit, atque ut à sanguine ordiamur: si recenter è venâ hominis emissô, solutio crySTALLORUM nitri misceatur, color minii paulò post sine ulla fermentatione exsurgit, substantia laxè cohæret, & quasi cum grumis diffluit (e). Si sanguini canino spiritus nitri acidus infunditur, confestim è coccineô partim in nigrum, partim in album mutatur, & ita fortiter coagulatur, ut assatus ferè esse crederetur, serô existente modicô, mucid-aquosô (f). Cum nitri dulci spiritu moderatam ferè aquisivit consistentiam, & colorem vix rubriorem naturali, at serô sanguinolentô purpureô copiosè alluebatur. Liquor nitri fixi vesperi infusus colorem valde exaltavit: ast altero die ferè non differebat ab eo, quem spiritus nitri dulcis effecit.

§. XVI. CrySTALLI nitri reddunt serum fluidum ut sal ammoniacus. Spiritus acidus unô momentô coagulat, & si huic coagulo liquor nitri fixi addatur, facta effervescencia nitrum regenerat (g). Spiritus nitri dulcis serum caninum in tres regiones dividit, in superiori pellucidum, non nihil rubescens: in mediâ chyloso-pallidum, & in fundô sanguis deponetur.

§ XVII. In lacte muliebri à crySTALLIS floscitò in superficie apparuit, æstivô tempore die quartâ contraxit acorem. A spiritu nitri dulci in-

(a) Hoff. l. c. p. 132. (b) i. c. p. 474. (c) Chy. exp. p. 207. (d) Pharm. Batean. pag. 70. (e) Hoffmannus. L. (f) Bagl. Dissert. 4. pag. 463. in sang. vitul. (g) Boerh. l. c. p. 260.

incorruptum diu perstitit. Vaccinum ab acidô spiritu intra tres horas coagulabatur in caseum album: hinc inde flaventem, & inferiùs rubentem. Liquor nitri fixi induxit sapotem pinguem, grumis hinc inde natantibus, & intra septimanam pessimè oluit.

§. XVIII. Saliva â spiritu nitri dulci, liquore nitri fixi, & crystallis citò claruit, & super natantibus bullis, depositisque ad fundum floccis chylosis vix duodecimâ die fætere cæpit, cum econtra sibi relicta intra triduum fætorem sparserat ingentem, â spiritu acidô in offam albo-flavescentem coagulabatur.

§. XIX. A crystallis, & liquore nitri fixi bilis vitulina naturaliter fusca nil mutabatur, & diutissimè incorrupta perstitit. Spiritus acidus vitellinô, & viridi pictam colore bilem, ingrato cum odore coagulavit: quæ agitatio fortiter vitrô posteriâ die colorem instar straminis induit. Spiritus nitri dulcis tincturam viridescentem, depositâ ad fundum crassiore materiâ extraxit.

§. XX. In Urinâ vinopotæ naturaliter citrinâ, & sine sedimentô, paulò post injectos crystallos enæorema instar nubis albæ conspectum est, post 5. horas hypostasis similis: alterâ die vitrum mucô albô infect, & ita per 8. dies incorrupta permanfit (a). Cum spiritu nitri acidô nulla fermentatio, odor ingratus, & color in pellucido-rubrum mutatus. Cum liquore nitri fixi instantanea materiæ multæ, & albæ ad fundum præcipitatio. Cum spiritu nitri dulci gratè olebat, diutissimè immutata, odore spiritûs prædominante.

§. XXI. Excrementa alvi aquâ tepidâ soluta cum nullô ex dictis valdè sensibilem mutationem subiêre. A spiritu acidô color lateritius, â dulci albidus, & â liquore nitri fixi fuscus post aliquot dies excitabatur.

§. XXII. Malpigijs (b) nitrum solutum in canem injecit, & nullam, præter urinæ copiam, actionum &c. in eo mutationem observavit. Ego repetitas in jugularem, spiritûs nitri dulcis, & liquoris nitri fixi ana $\frac{3}{4}$ injectiones, divisim institui; â prima in cane grandi paulò post respiratio anhelosa per vices tediit, & sanguis 5. horas post injectionem extractus, dum compararetur cum eo, quem antea excepi, rubrior, consistentiâ tenuior, & duplô serosior apparuit; â posteriori debilitas magna; pedibus enim mirè ab invicem distractis, titubans, vix constitit, post horam nonnihil tremuit: Vulnus tamen adeò citò claudebatur, ut cum intra quadrihorium denuo sanguinem extrahere conarer, non poteram: die sequente uterque cursitavit, comedit, bene valuit.

B

§. XXIII.

(b) L. 2. d. polyp. cordis.

§. XXIII. Praxis medica nitrum mirè laudat, Boerhaaveus (a) hoc exceptò, in acutis, omnibus aliis remediis carere mavult. Stahliani (b) vix aliquem morbum sine nitro aggrediuntur. Hoffmannus (c) vix par in rerum naturâ medicamentum dari affirmat: præcipuæ tamen vires sequentes æstimantur. Imò linguâ judice refrigerat, ad sitim, & calores exorbitantes adhibetur: sic Simon Pauli (d) quendam, cujus è faucibus à spiritûs vini nimiò potu, quasi flamma emicuit, sanavit.

§ XXIV. Huic subordinatur 2dò vis motuum orgasticorum, & tonicorum nimia momenta (vg. in morbis ab humorum effervescentiâ calido-spastica ortis) mitigans (e): Seu ea se manifestet in *Cronicis*: Maniâ (f), phlogosis hypochondriacis, hysteris, & scorbuti rancidi (g) item in Agripniâ (h), febre tertianâ biliosâ (i) satyriosis (k), colicâ, ex abusu vg. carminativorum calidiorum, efferatâ (l), doloribus pungentibus, pulsantibus &c. (m). Seu in *acutis*: febribus, ardentibus, hungaricis, malignis, petechiis, variolis, morbillis &c. (n) conjunctis cum pulsû multum auctò, celeri, alvi duritie (o), Linguâ scabrâ, prunella (p), anxietatibus, deliriis, convulsione, & §. 23. N. 1. *Quin & in excretionibus auctis*, biliosis, & sanguineis, vomitu, colerâ, diarrhæa (q) ex cavò hepatis inflammatò, proveniente: hæmorrhagiâ narium, uteri, Vulnerum (r): quandoque etiam in *excretis imminutis*, ut in ardore, difficultate, & retentione urinæ (s) ex nephritide, calculo: ariditate cutis, faucium &c. ex causò Anginâ (t). Hinc patet, cur authores, virtutes nitro tot, tamque varias diaphoreticam, diureticam, anodinam, incrassantem &c. adscribant.

§. XXV. Ex his inter cæteras luculentiùs resultat vis inspissata resolvens, ob quam in sanguine congrumatò, typanitidis principiò (u), quar-

(a) L. c. p. 266. (b) Junker. p. tot. (c) not. in Poter. l. 2. c. 7. p. 532. (d) Digres. de feb. malig. pag. 43. (e) Alber. d. mat. med. sect. 3. ff. 39. (f) Calmette l. 2. c. 13. p. 160. & Riedlin. lin. med. an. 6. Hist. 30. mens. Janu. probat in melancholicis. (g) Sorbait med. præct. tr. 1. c. 61. & Ettmüll. in prax. pag. 402. (h) Excel. D. D. Habersack med. Austro. Vien. par. 2. p. 93. (i) D. D. Fack proto-med. Cesar. in manuscript. (k) Guldenkleee l. 3. c. 52. (l) Heister apud Kletenberg in dispu. (m) W. Wedel. theor. sap. p. 343. (n) Cochlatzsch ad Herman. epist. de usu, & abus. nitri, & Hartenfels disert. de feb. malig. §. 33. (o) Vindicianus Archiat. Valentiniani Imperatoris apud Schræderum in Quaracetano redivivo. (p) Sorbait. l. c. tract. 3. c. 9. (q) Boerb. aphor. 924. ex mat. med. §. 88. n. 5. (r) Schambsky p. 405. König. R. m. sect. 3. c. 4. p. 330. &c. (s) Prævotius apud Guldenkleee l. c. (t) Calmette p. 2. c. 7. p. 81. sui Riv. reform. (u) Bagl. pr. med. l. 1. p. 81.

quartanæ , & quotidianæ calidioribus paroxismis (a) , in inflammatione hepatis (b), phrenitide (c), pleuritide biliosâ inferiorum partium (d), & ophtalmiâ adhibetur; ait enim Ramazinus (e) operarii in nitrariis non lippiunt. Ast cum virtuti huic rigiditas cum levi stimulô sit adjuncta , propter quam abstergit, si in magnâ dosi, non nunquam purgat (f), & clysteribus additur (g), observârunt practici cum noxâ adhiberi.

§. XXVI. *Primò*, si excretiones sunt nimix ex atoniâ , ut diarhæa hydropis confirmati , celiacâ passione , lienteria &c. (h): quin etiam si à bile , & spasms levioribus , & in iis morbis , ubi crises per aluum rariùs bonæ contingunt , ut peripneumoniâ , pleuritide supernâ (i) refractâ solùm dosi , & apud quosdam (n. 4.) ægros vix usu venit. *2dò* ubi levia etiam irritantia graviùs lædunt , sic in Phytisi actuali, hæmophytisi ex cacochymiâ acidâ , vel serosâ in quantô peccante , catarrhis sine febre ob tussim &c. damnatur (k) *3tiò* in atoniâ partium , pituitosis , soporosis, & debilioris à causâ frigidâ ventriculi hominibus , lenibûsque ; inde enim flatulentia (l), inappetentia (m), cachexia &c. *4tò* in febribus cum pulsûs languore , sitis , & caloris mediocritate &c., seu intermittentes , seu continuæ , petechiales , purpureæ &c. sint; nam retrocedentibus , aut non erumpentibus exanthematibus , aut quocunque tandem modô ruunt in deteriùs : Variolis tamen , & morbillis hoc peculiariter contingere observatum est, quod periculosum urinæ profluvium , & scroti intumescenciam producat. (n)

§. XXVII. Hæc in Nitrô, ast in præparatis ferè omnibus vis cum nitrô communis, mutata tamen ratione ignis, procedendi modi, & additorum invenitur. Crytalli omnibus præferuntur, & de his elogia authorum §. 23. sunt intelligenda. Par imò in certis casibus , multò meliùs est nitrum volatile regeneratum §. 14., quod Hoffmanus (o) cum spiritu vini camphorato optimè in erysipelate adhibet. Sal polycrestus, lapis prunellæ, nitrum fixum §. 10. g. e. & nitratum §. 14. c. acriori stimulô instructa sunt. Spiritus nitri albus julepos parcissimâ dosi in ebullitionibus nimis acidulat, externe calculos omnis generis solvit (p). Spiritus nitri dulcis simplex , & compositus (q) calidior cæteris est, ille datur in rigore longô intermittentium, in subjectô bilioso cachexiâ &c. (r) cum refractâ dosi spiritûs cornu cerui

B 2

est

(a) Boerb. inst. chy. tom. 2. pag. 169. (b) idem ad aph. 924. ex mat. med. l. c. (c) Bagl. l. c. p. 102. (d) DD. Fack. proto-m. in manuscript. (e) de morb. opif. c. 1. (f) Wed. amaenit. mat. med. p. 224. (g) Hyp. l. d. salubr. diet. c. 6. t. 1. (h) Wed. l. c. (i) Hyp. aph. 16. §. 6. (k) Camer. sist. cautel. med. Therapeu. c. 5. p. 482. (l) König l. c. p. 336. (m) Wed. l. c. p. 281. (n) cochlatsch in citat. epist. (o) obs. phy. chy. p. 133. (p) syl. prax. med. l. 1. c. 10. (q) dispen. pharm. Vien. (r) Maur. Hoff. l. c. p. 138.

est Bezoardicus (a): in Essentiâ Carminativâ wedelii flatus discutit: ingreditur liquorem Visceralem, Tincturam nephriticam, & aperitivam dulcificantem (b), hujus spiritus 3j in lbj aquæ communis dat potum in febribus (c) &c. Spiritus nitri fumans cum spiritu vini dilucus saltem externè censetur esse anodinus; quia Hoffmannus (d) ipsam aquam fortem cum spiritu vini mixtam internè tanquam tutum remedium in colicâ commendat.

§. XXVIII. Porro observatur tempus, & modus adhibendi, dosis, & forma. Tempus vernum, & æstivum præ cæteris nitrum exigunt, sed præmissis, vel junctis universalibus, nisi specialis obftet ratio: sic Hæmorrhagias graviores haud sistit, nisi præmittatur, non nunquam repetatur venæ sectio (e) imminens pariter, aut præsens morbi exacerbatio nimia, ejus usum coindicat, sed circa crisis tempora non ita, ne salubres motus interturbentur (f), imò in quovis morbò nocere potest immoderatè relaxando, si nimis diu aut sæpè, largiori præ primis dosi exhibeatur. Hinc in fidicine Timæi fere impotentia subsequuta est (g). Sequens historia usum, & abusum nitri abundè confirmat: Hænesta matrona Neosolii in Hungaria ex febre catarrhali decubuit, usque ad 14. diem nil, præter laxans 2dâ die, sumpsit, alvò, urinâ, & sudore existente bonò: die 17. apparet in pectore purpura, manè pulsus frequens, & debilis, datur essentia alexipharmaca cum ana mixturæ simplicis: vesperi ingruit paroxysmus, datur nitrum cum antimonio diaphoretico, inde urina turbida, & sudor: die 18. alter medicus matutinum remedium removit, porrectò solum nitrato vespertinò, singulis trihoriis repetendò, sed ab eo fit urina clarior sine sedimentò, purpura copiosior, pulsus etiam in paroxismo debilis, & frequens, sudor largus, æstus nullus: die 21. animi deliquium, vomitus, convulsio, mors (h). Felicioris Eventus Exemplum legimus apud Riverium in Dominò de chapaulay (i).

§. XXIX. Adhibetur nitrum vel per se ratione virtutis §. 23. n. 1. vel cum aliis appropriatis *fucationi* §. 7. n. 3. *gustui*, sic felix Würz (k) cum saccharò miscet ad usum §. 24. r. *Purgationi*, ut in pilulis Becherianis, morfulis purgantibus (b), aut cum scammoniatis, vel *Causæ morbi*: v. g. ad acrimoniam acidam §. 24. g. absorbentia, ut in pulvere præcipitante, antispasmodicò, speciebus de gemmis frigidis Zwelferi: (b) *ad biliosam* cum tamarindis prodest quoque nitrum (l) *vel morbo*: ideò in agripniâ emulsio refrigerans (a)

(a) Frid. Hoff. l. c. p. 129. (b) dispen. Pharm. Vien. (c) Albert. l. c. (d) in not. Pater. p. 448. (e) Kletenberg. in disp. inaug. pag. 20. (f) idem pag. 14. (g) Guldenkl. l. c. (h) Kochlatsh in cit. epist. (i) cent. 1mâ obser. 19. (k) ebyr. 4. c. 4. (l) Habersak. p. 18.

(a), in doloribus theriac: cælestis, in passione hypochondriacâ, & hysteri-
câ castoreum, & antispasmodica, in cholera gelatinosa, & mucilagi-
na: febribus intermitentibus salia alkalia, & terrea, continuis diaphoretica,
malignis camphora ad gr. i vel ij, ut in pulvere alexipharmacô (b) ad ℥j
sumptô. In hectica decoctum avenæ, aut cremor lactis cum rore majali
(c), in phrenitide diaphoreticum Stybium, nitrum stybiatum ambo ad gra-
na decem, dictis sex grana jungentur Cinnabaris, nec non ad binum
camphora granum (d). In obstructionibus conserva splenetica Stahlî de-
scripta in König (e) vel huic similis confectio spagyrica (b).

§. XXX. Dosis nitri longè major est, quàm cuiusvis ex eo igne fort
parati (f). Variat tamen ratione temperamentis cholericis, ætatis juvenilis
&c. Hic duplex consideratur refracta à granô i ad ℥ss, & plena ad ℥j. illâ,
existente aliâ basi, efferatos motus ad æquilibrium deducit, dum læsio
à stimulô, vel vi refrigerante &c. metuitur in diarrhæâ, febre continuâ
&c. Sine hac vix efficax refrigerium §. 23. n. 1., & §. 25. f. assequimur (g).
Quin imò pro varia dosi alia quandoque est nitratorum vis: sal polycres-
tus ad ℥ij jejunô stomachô sumptus, vomitum levem, ad ℥j aluum, ad 3. S.
sudores, vel urinam indubitatô in tertianis remediô ciet (h).

§. XXXI. Variâ formâ corpori nostro applicatur: Primò, pulveris,
quam omnibus præfert Cochlatsch (i) seu in ex, seu internum usum: v. g.
in Anginâ, quantum cuspis cultri capit, super linguam solvitur (k), in
sacculô ad hemicraniam applicatur (l). Secundò liquoris v. g. in gargaris-
mis, epithematis §. 27. o., ad ambusta &c. clysteribus cum sale prunel-
læ: Schröderus (m) in mensura aquæ solvit ℥iv nitri, Hartmanus (n) au-
tem uncias duas: & propinat mane, & vespere ad uncias iv in febribus: tu,
quantum indicabitur, facies. 3tiò Unguenti, quam paucis cognitam
putat Mauritius Hoffmanus (o): interim credo, rem arcani tantô virô dig-
ni, non esse; nam non solùm in officinis prostat unguentum ad scabiem,
& emplastrum saturninum (b), verùm etiam, si accuratiùs rem conficere
desideras, coque nitrum fixum, cum oleis in saponem, aut nitrum rege-
neratum volatile spiritu vini solutum, resinis permisce, & in unguentum
redige.

(a) Ibid. (b) disp. Vien. (c) König Hyp. Helv. pag. 725. (d) Habersack. p.
93. (e) R. m. sect. 3. p. 331. (f) Boyl. tract. de Nitro §. 36. (g) Albert. l. c. (h)
Boerb. l. c. p. 270. (i) L. c. (k) M. Hoffm. l. c. p. 189. (l) Wed. theor. sapor. pag.
343. (m) L. c. (n) Prox. chym. c. 244. §. 16. (o) L. c. p. 190.

CAPUT TERTIUM.

Proponit Theoriam Essentiæ Nitri.

§. XXXII.



Non minores strepitus in Philosophiâ, ac in bellô nitrum movet, Hoffmannus (a) in eo Alkhali, acidum, & Sulphur statuit: Wedelius Wolfgangus (b) alkali dividit in salinum, & terrestre, cui tanquam materiæ primæ sulphur volatile intertextitur: Albertus (c) terram hanc vocat calcariam: Charas (d) verò illum ipsum salem alkali non fixum, sed volatilem esse contendit. Hæ sententiæ, quanquam apparenter diversæ, facilè tamen combinari possunt, si in statu divisô §. 10, 12, & 14, nitrum consideratur: præsens verò quæstio de statu compositô est, ob quam non in iis refutandis, quàm propriis stabiliendis immorabor.

§. XXXIII. Genesis §. 1, regeneratio §. 14, & detonatio §. 10, non tam actuale salis alkhalini in nitro præsentia arguunt, quàm metamorphosin. Nitrum nitratum conficiendi modus §. 14. c. plus probare videtur, sed & in hoc acidæ spiritûs partes defectu fermentationis non alkali poros ingrediuntur, sed solum corpori nitroso ob majorem in inæqualitate superficie sortitam quietem, relicto phlegmate adhærescunt; & ideo hoc nitrum multò acriorem habet saporem. Achilles adversariorum desumitur ex præparatione spiritûs nitri fumantis §. 11: Verum si nitrum propter alkali cum oleo vitrioli effervesceat, cur in formâ tantum sicca, & non cum muriâ nitri (e)? & cur non potius arcanum duplicatum, nitrum antimoniatum, tanquam magis alkhalina, quæ tamen intacta relinquuntur (f). Adde quod cum levioribus acidis: ut succo citri &c. non effervesceat; quis in corpore nostro nitrum siccum, & oleum vitrioli hariolabitur. Imò secundum omnem ignis rigorem alkhalizatô nitro §. 10. e. &c. hoc peculiariter præ cæteris alkhalinis contingit, quod cum oleo vitrioli vehementer ebulliat odore gravi instar aquæ fortis, cujus tamen odoris ne vestigium est, si idem oleum vitrioli oleo tartari per deliquium, vel cineribus clavellatis affundatur (g).

§. XXXIV. Spiritum è Nitro genitum à cæteris mineralium non modò differre structurâ (nam mercurius cum eo in præcipitatum rubrum

(a) *Obs. phy. chy. p. 106.* (b) *l. c.* (c) *l. c.* (d) *Pharm. Reg. pag. 226.* (e) *Boerh. l. c. p. 265.* (f) *Hoffm. l. c. p. 152.* (g) *idem pag. 242.*

brum abit, in citrinum cum spiritu sulphuris &c. (a) : verum etiam multo subtiliorem esse §. 12, docet partim metallorum solutio, partim nitrum regeneratum volatile §. 14. i: si enim contrasal volatilis ammoniacus cum oleo, vel spiritu vitrioli miscetur, inde productus sal, nec spiritu vini solvitur, nec ad ignem ascendit alembicum, sed acidum, in fundo relictum avolat (b). Quod si verum etiam nitrum quisquam acidum esse dixerit, male profecto arguit; solvitur enim tranquille cum Alkhalinis (c) & depuratur §. 2. Neque obstat recipere (d) ∇ am simplicem cum nitri, salis communis ana \mathfrak{z} iv aluminis \mathfrak{z} ij, & in ea auri foliati \mathfrak{z} ij solvere, ac cum oleo tartari per deliquium precipitare in crocum; nam saepe fallit regula Chemicorum: *qua precipitantur per alkhalina, solvuntur per acida*: sic argentum, aqua forti solutum, precipitatur oleo vitrioli (e) &c. Verbum solutio fit, dum menstruum ita cum aliquo Corpore unitur, ut illud in motum suo fluori proportionatum deducat, contra precipitatio.

§. XXXV. Est itaque Nitrum sui generis Sal in ordine ad corpus humanum, & in se, nec acidus, nec alkhalinus, nihilominus, pro diverso tractandi modo, potens transire vel totus in phlegma, & spiritum acidum §. 12, vel ferè totus in Alkhali §. 9 & 10, vel partim in phlegma, & acidum, partim in alkhalis. Hoc acidum, & alkhalis aliud sunt; quam molecule in substantia nitrosæ, igne exterius immutatae, vel in minima disceptatae; neque novum est, salia in substantia immutata, ita comminui, ut sub vaporum formâ appareant: Hoffmannus (f) refert se fumos ex affusione olei vitrioli super spiritum salis fumoso-concentratum elevatos in recipiente per septimanas aliquot reservasse, & in vitro invenisse pulverem laevem, candidum, sapore salis ammoniaci, ex quo, & oleo vitrioli ipse spiritus fumosus erat prius compositus.

§. XXXVI. Nitrosum hoc sui generis Corpus ex pluribus pellucidis, & oblongis polygonis conflatum esse crystallorum figura §. 3. testatur, in eorum superficie, sapor pertenuis planitiem in ordine ad papillas nerveas linguae, tendentia ad amaritiem laevissimas quasdam inequalitates (g), easque acuminatas acrimonia finalis patefacit.

§. XXXVII. Magnitudo horum polygonorum noscitur ex §. 12, l. 35 f, & quod ollam n. 7. §. 4. pertranseant. Pori in nitro, sunt, duplices alii gravitati specificæ §. 4, & pelluciditati determinantæ idonei (h) alii verò ad ipsas fors polygonorum §. 36. sibi invicem uni-

(a) König l. c. 33. (b) Hoff. l. c. pag. 132. (c) Boerb. l. c. (d) Taken. Hyp. Chym. p. 3. c. 22. (e) Boerb. l. c. dog. 3tiò pag. 359. n. 3. (f) c. p. 153.

unitorum superficies cavernularum instar positi. His in generatione §. 1. & crySTALLIFICATIONE §. 2. copiosæ partes æquosæ §. 10. f., & 12. n. 1. includuntur. Aqua hæc cum impura sit, aëre (a), & vaporibus variis plena, permovet quosdam authorum §. 33. ut etiam sulphur &c. in nitro crederent, & sanè ista doctrina, dum paucissimam solum sulphuris quantitatem statuit, dictis nostris §. 1. & 8. correspondet: non tamen is sum, qui spiritus fumantis §. 11., aut vitri veneti cum nitro calcinati rubros colores (b) ab hoc sulphure deducerem, enervatâ jam dudum à Boylæo (c) ficulneâ hac hypothesi.

§. XXXVIII. Corpuscula nitrosa sibi uniuntur, si extra directionis lineas in superficiebus parallelis §. 3. a. ob vim sub contactu majorem quiescant gynglimo, artrodiâ &c. §. 36. g. firmentur. Contrâ, si menstruum accedat, cujus partes in nitrum momentô cohæsionis vim exsuperante agunt, solvitur §. 5. Hinc patet, cur aqua calida citiùs nitrum solvat? frigida crySTALLISET, crySTALLI constanter eandem figuram assequantur §. 3. ? cur ignis liquefaciat, additamentum §. 12. a. ad destillationem requiratur? sed notare oportet, illam cohærendi vim non per totum nitrum æqualiter diffusam esse, inde diversi ignis gradus §. 12., & additiorem cunei, qui si quantitatem nitri multum exsuperant, ut in pulvere pyreo, totam fere polygonorum substantiam destruunt §. 10. f.

§. XXXIX. Elaterem in nitro cognoscimus *Primo* ex aëre incluso §. 37. a. *2do* raritate §. 11. *3to* fragilitate, ob quam ut plurimum, dum manu comprimitur cum stridore diffilit (d), & *4to* cum primis detonatione §. 10., cujus causam, quamvis aquam inclusam §. 37. a. suadeant dicta §. 9. eam tamen non solam esse, ut magno placuit Stahlio (e), sed etiam elasticam laterum resistantiam, sulphurei cunei §. 10. adminiculô, diruendam, vel ex ipsius Stahlii rationibus conjicimus; nam quid aliàs impediret, quò minus nitrum in igne fluens §. 5. ob aquam rarefactam, tonat? cur carbone &c. opus? cur sulphure cum igne contrito ab admotâ prunâ languida solum flamma, nisi actualiter in tigillô fluat?

CA-

(b) Balduinus l. c. (c) tract. de coloribus. (d) Kirch. de mund. subt. l. 6. §. 2. c. 3. (e) Exp. ehym. & phys. §. 82. & 83. &c.

CAPUT QUARTUM.

Proponit Theoreticè, modum agendi in corpore humano.

§. XL.

Naturæ simplicitas, & mensura thermoscopii inter calorem, frigusque externum, & corporibus viventibus insitum non aliam differentiam invenit, quàm graduum, ideò Boerhaaveus (a) primum gradum ignis statuit esse animalis sani, secundum febricitantis, tertium aquæ bullitioni proximæ &c. qui ergò causam caloris externi cognoscit, etiam de internâ causâ certus est. Illa verò parallelismus radiorum est, à sole, vel attritu in activitatis spherâ: deinde radiorum absorptorum retentio, & tandem collectio ad certum focus: (a) cum igitur in corde animalis attritus sit maximus, ibi calor accenditur, & pro ratione distantiae ita augetur, vel minuitur, ut non immeritò rectangulo composito ex quantitate systolis, in viciniam cordis (b) comparari possit: dirigitur per series, seu radios non lucentes, qui vitrò concavò etiam noctu faciei applicatò, ut in eam focus recidat, ad sensum colligi possunt (a). quid? si ejusmodi collectiones in corpore? an non inflammationum causa existere possint?

§. XLI. Oppositum est in frigore, unde, si invenero, quod nitrum attritum in corpore minuat, radios absorptos non retineat, sed potius dividendo divergat, refrigerans virtus patefcet. Atque ut à primò ordiar, quæ elaterem fluidorum, & maximè solidorum in nostrò corpore superant, cæteris paribus attritum minuunt; superant verò, quæ minùs cedunt, eò minùs cedunt, quò solidiora sunt: igitur cum nitri partes etiam metalla soliditate vincant §. 34. d. nemo facilè concipiet solida vasculosa præsertim capillaria tenuissimis instructa tunicis, in quæ nitrum ob partium subtilitatem §. 37. se facilè intrudit, tantâ vi pollere, ut nitro resistere ausing.

§. XLII. Corpora, quò magis ad crystallinam naturam accedunt, eò pauciores radios absorbent, sed vel transmittunt, vel reflectunt, ut specula caustica ex stramine, lignò, glacie facta &c. testantur: ast quæ coloris
C valde

(a) *Inst. chy. tom. I, c. 7. tit. I.* (b) *Pitcarnius in element. medic.*

valde opaci, nec pollita sunt, plures retinent, patet exemplis: panni nigri quadruplò citiùs siccantur, & calent ad thermoseopium, quam albi, item super terram nigram, in qua cespites effodiuntur, ambulantes, plantæ pedum exurividentur, cum econtrà qui in *de Duinen* super arenas peregrinantur, non tantùm pedibus, quantùm facie calecant. (a) Ergo quia nitrum instar crystalli lucet, quod gratissimò spectaculò cernitur, si §. 6. e. resolvatur, quis in eo radios absorptos delitescere statuet?

§. XLIII. Tertia pars duo membra in se continet, *1mò* radios per nitrum dividi: quod enim ex naturâ suâ facilè divisibile, incidit in locum partim porosum, partim solidum, si nihil abstat, illud quod in priorem incidit, determinationem motûs prosequitur, secùs posterius: sed radios esse divisibiles, præter opticam Newtonii, & experimenta Maitre Jan (b) in aquâ, demonstrat figura radii per foramen chartæ in cubiculam tenebricosam immissi, pyramidalis enim est, cuius apex in foramine, seu causâ lucente, basis in peripheriâ sphæræ. Itaque cum nitrum sit valdè porosum ex §. 37. h. & radii illud partim pertranseant, partim reflectantur, de illorum divisione non ambigo. *2dò* radii per nitrum divergunt; nam duæ figuræ sunt, quæ convergentes efficiunt, concava in focum anteriùs, & convexa: seu sphærica posterius: reliquæ si planæ sunt, parallelos, si irregulares, polyèdræ &c. ferè divergentes, ut in speculis multangulis, & prisma crystallinò pro formandâ artificiali iride. Cùm igitur figura nitri sit prismatica §. 3., 36., & prisma constet ex tribus pyramidibus, sphæra verò infinitis (c): ergo quantùm infinitum differt à ternariò, tantùm radorum convergentia in spærâ ab eâ, quæ fit in nitrò, atqui talis differentia est ipsa divergentia: ergo.

§. XLIV. Paradoxa quidem est dioptrica hæc frigoris animalis explicatio: verùm, quia quantùm ad radios lucentes in ordine ad visum, & colores à medicis recepta est, cur pari jure ad frigus, & calorem non traducatur, non video; nam præterquam, quod easdem proprietates §. 40. a. & causas (exceptâ solâ superficierum modificatione) habeant, sæpenu- merò etiam calorem sensibilem iidem radii, qui lucem producant. Sed dioces, quis specula uestoria, sibi in animali finget? neque ego: sed ea solummodò ad demonstrationem assumpsi, hoc tamen facilè quivis persuasum habebit, quod quemadmodum nubes diversæ, diversimodè soli oppositæ calorem, frigusque variant in macrocosmò, ita flatus, halitusque in microcosmò.

§. XLV.

(a) Boerb. *ibid.* (b) *Tract. de morb. ocul. c. 16. p. 65.* (c) *Sturm. Math. enucl. definit. 10. consec. 1. & prop. 38.*

§. XLV. Data in nitro refrigerandi vi, noscendum illud à liquidis viventium non intrinsecè immutari §. 15. &c. Sed resolvi, dilui, obvolvi &c.; nam ex urinis animalium salitis non vescentium, paratur nitrum (a) igitur potius nitrum liquida quò ad proprietates aliquas immutat ex §. 15. &c. Imò à putrefactione aliquò tempore præservat; nam imminutò attritu, seu fermentatione corruptivâ, minùs efferatur salium volatilium alkalescentia, & in hac consistit putredo.

§. XLVI. *Secundò* Carnis, cochinellæ, sanguinisque colorem coccineum in floridum §. 15. &c. vertit, quia radios, quos in illis refractione multa debilitat, reflexione §. 43. excitat, sicut tenuiores prismatis triangularis partes colorem iridis rubrum, crassiores viridem &c. pingunt. Nil tamen certi de coloribus statuo ob minima superficierum nobis incognita. Scire enim vellem: cur nec cum rosis rubris spiritus nitri punicet, nec cum infusò ligni Brasiliensis? & cur cum illis spiritus vitrioli, cum hoc liquor nitri fixi? nitrum verò ipsum nil mutet?

§. XLVII. *Tertiò* humores, & lympham resolvit, seu *primò* ea fervor incrassavit; nam reducendo à secundò ad primùm caloris gradum §. 40. a. stricturisque minutis §. 41. plus fluxilis lymphæ accit, & hæc salia volatilia cicurat, ob quam causam & solvere, & spissare etiam diversò respectu nitrum, dici potest. Seu *Secundò* stasis, & spirituum penuria §. 15. e. illa coagulavit, sed tunc scorbuti potius frigidi instar, per nitrum fit resolutio à medicò non inducenda §. 26. N. 3. quia tonò vitiatò rigor ejus priùs roridam animalis gelatinam destruit, quàm pituitam.

§. XLVIII. *Quartò urinam* quandoque reddit *aquosam* nimia relaxatione, ut in obstructionibus viscerum fit, quandoque *crassam*, si moderatè §. 28. h. internè adhibeatur, vel externè per præcipitationem §. 20. a. quandoque *diabeticam* §. 26. n., à tubulis renalibus ampliatis, & cutaneis per crustam variolosam &c. clausis, stante aliunde humorum acrimoniâ, dependentem.

§. XLIX. Ex his sponte fluit, mancarn esse hypothefin, quæ ait: nitrum ratione alkali sanguinem resolvere, ratione acidi refrigerare; namabò enim, cur non etiam hujus ratione coagulet, & illius calefaciat: Siquidem has duas vires non minùs duo hæc salia in se continent, ac illas. Errant pariter, qui nitri vim carminativam ab explosione petunt: quis enim detonationis ignem, aut pulverem pyrium accensum in corpore dicet? Si quæris cur alia salia neutra non refrigerent. Et refrigerarent sanè, nisi aculeis elasticitatem fibrarum nimis stimulant: Sic sal communis, gemmæ, armoniacus, æquè congelant

C 2

aquam

(a) Boerb. insti. Chy. tom. 2. part. 3. p. 264.

aquam ob vim §. 42. & 43.: ast in corpore humano sitim, calores &c. ingenti suarum superficierum hispiditate producant, quæ in nitro minor conspicitur §. 36. (g). Inde elucescit veritas hujus propositionis, quò sensibiliores nitrum in præparationibus Cap. I. recipit aculeos, eò minùs refrigerat, nisi per addita *vg.* vehicula &c. infringatur, aut in fluidis statim primarum viarum, vim suam exseruerit.

§. L. Pro Coronide quinque adhuc solvendæ sunt quæstiones. Ima, cur Itali non tam in laudes nitri debacchantur, quam quidam septentrionales hujus ævi medici. Verùm quanquàm Italiæ frigus, & Borussæ cerevisia contrarium potiùs suadeant; quia tamen ibi sunt fibræ nimis sensiles, & exsuccæ, non tam per accidens à nitro §. 47. n. 1., quàm per se vegetabilium succis nitrosis *vg.* sonchi, endiviæ &c. humectari postulant: ideo Kircherus (a), fæminas in Ægypto Nili potu (NB. non nitri vulgaris usu) ex sterilibus fæcundas fieri, memorat. Septentrionales contra populi obtusiore à phlegmate sensu, rigiditatem nitri faciliùs, si necesse §. 24., 25, &c. sufferunt, & aquositate rariùs egent. Sed & in his ingens est differentia: Saxones, quia potu ardentium spirituum, & usu calidiorum medicamentorum excellunt, sæpiùs nitrum propinant: Austriaci verò Viennenses cives, qui non modò vinorum acidorum, ciborumque farinaceorum usu, & peritiâ alias fere gentes superant, verùm etiam medicationes à volatilibus ob inflammationes sæpenumerò inde emergentes, rariùs inchoant, non tantum à nitro, quantum ab arcano duplicato, nitro antimoniato &c. pro re natâ auxilium præstolantur.

§. LI. Quæres 2dò, an nitrum mercurialibus, cinnabarinisque tutò misceatur &c.: Si alvi apertio &c. desideratur, exigua nitri dosis, & cum absorbentibus commixta, in subjecto minùs salibus referto conceditur, præsertim cum cinnabarinis, ut §. 29. d., & in pulvere antispasmodico (b). Sed in hoc ob salium ingredientium copiam, cave, dosi scrupulum excedas. Si verò nil horum sit, negatur; nam nitrum agit in metalla (quia cum hoc solvuntur §. 34. d.) & licet sine igne mercurium non in sublimatum vertat, acriorem saltem reddit.

§. LII. Quæritur 3tiò, an conferat infantibus &c. Laxitas ætatis, si dolorem colicum &c. excipis (c), contraindicat; ast non video, quid arcano duplicato saltem refractâ dosi sumpto, in iis obstet, quos febris cum tumore ventris, & inferiorum partium marcore ex pulmentorum
apud

(a) L. c. cap. 1. (b) Disp. Vien. (c) Junk. monit. med. de morb. infant. c. 13.

apud nos, pro quantò damnò! abusu infestat. Vulgaris curandi methodus juxta Harris Anglum (a) mera testacea; specifica, antepileptica adhibet, ast quanquàm fors illi ob scorbuticam patriæ, & hæreditariam indolem res sat bene cessit, vespilones tamen hîc testes volo, quot terra condidit sacra, quorum casus simillimos illa ipsa testacea, sed arcanò duplicatò, & martialibus maritata persanârunt, nuper infantem vidi, quem mater merò specificò cephalicò Michaëlis, & testaceis saginavit, inde verò calor, ventris tumor & adstrictio major: tertiâ die medicus vocatus, vomitum excitavit, à quo quinquies infans stomachum elutriavit, & bis alvum, hujus ultima dejectio specifici cephalici colorem accuratissimè repræsentavit, & brevè personatus est.

§. LIII. Quæritur 4tò: an verum sit illud modernorum, quod frigus hybernium ratione nitri sui poros claudat, humores coagulet, & mordax sit? R. pori clauduntur pressis capillaribus à pondere atmosphææ vincente resistantiam continentium & contentorum; cum igitur nitrum inducat frigus §. 42. & 43., & a frigore aër fiat densior, à densitate autem gravitas, seu pondus atmosphææ augeatur; necesse est in fluidis quietem induci, ex qua seri a sanguinis chylosa portione secessio, & hujus coagulatio nascitur. Quod verò mordacem frigus in genas &c. vim exserat, non tam nitro, quàm quibusvis rigidis præsertim acuminatis, in aëre liberè volitantibus, & à Boreâ fortiùs circa papillas cutaneas agitatis, inque eas se infigentibus particulis immediatè debetur, quasi in remedium prioris mali à creatore institutum; nam inde fibræ fortiùs oscillant, sanguinem in coagulum prònum agitant, & cutem fuscò rubore tingunt. At si nimidum stimulatur elater, fortiórque sit in coagulum propensio, tandem pars perfrigerata fibris, aut ex integrò atonis in Sphacelum fatiscit, aut circa extremitatem occlusis, in perniones degenerat, quorum curationem per aquam semitepidam, & nivem in hypocaustò tanquam gradualem de uno in aliud extremum transitum (b) inchoare oportet.

§. LIV. Quæritur ultimò, cur tam amplum Nitro sit imperium, ut ubique terrarum, & in omnibus regnis reperiatur? R. ad rerum generationes motus proportionatus, qui unionem elementorum non destruit, sed conservat, requiritur: cum verò ignis ingentî copiâ terram lambat, & si sibi relinquitur, omnia destruit, necessum erat aliquò corpore, ut jam olim Cartesius de suo secundò elementò asserit, quod igneam vim contemperaret ad conservandam in rerum naturâ sæcunditatem:

(a) *Allex.* c. 15, art. 12. (b) *Hyp. Sect.* 2. *Aph.* 51.

tatem: Tale corpus est nitrum per §. 42. & 43. &c. ideo tam vasta
ejus quantitas ad Nilum in Ægyptô & regionibus Peruvianis &c. inve-
nitur: neque ullô ex triplici naturæ regnô se circumscribi finit,
ambigit inter omnia Hermophrodita potens, quem portat
ventus in ventre suo.

(a) *Hermes in Tabul. Smarag.*

F I N I S.



**EXAMEN TRIUM,
AUSTRIÆ INFERIORIS
BALNEORUM**

**Altenburgensis, Byrenwartensis,
& Danubiensis
EORUM**

USUS, ET ABUSUS.

Das ist:

Untersuchung dreyer Nieder = Oesterreichischen
Bädern

**In Deutsch-Altenburg / Byrenwarth / und
Donau = Bädern /**

Deren Gebrauch / und Mißbrauch.

Quod

TRINA FAVENTE UNITATE

Decreto, Authoritate, & Consensu Perillustrium, Magnificorum, Spectabilium, Prænobillium, Excellentissimorum, atque Clarissimorum Virorum, &c. Perillustri, Magnifici, ac Consultissimi Domini Universitatis Rectoris, Prænobilis, Spectabilis, Clarissimi, ac Excellentissimi Inclytæ Facultatis Medicæ Domini Decani, Venerabilis Domini Senioris, Sac. Cæs. Regiæque Cathol. Majest. Dominorum, Dominorum Consiliariorum, & Archiatrorum, Professorum &c. Adeoque totius Amplissimi

D.D. MEDICORUM COLLEGII,

IN CELEBERRIMA, AC ANTIQUISSIMA

UNIVERSITATE VIENNENSI,

PRO CONSEQUENDO DOCTORATUS GRADU

IN

Inauguralem Disputationem suscepit,

Et publicæ Ventilationi submittit

JOANNES WENCESLAUS IGNATIUS LEHR,

Bilesius Carnoviensis. AA. LL. & Philosophiæ Magister, Saluberrimæ Medicinæ Baccalaureus formatus, approbatus, nec non pro suprema Ejusdem Laureæ Candidatus, Alumnus Mannagettanus

IN PUBLICO D.D. MEDICORUM COLLEGIO

Horis post meridiem consuetis, Die 22. Mense Septembris, Anno M. DCC. XXXII.

VIENNÆ, typis Mariæ Theresiæ Voigtin Viduæ, Univerſit. Typogr.

Balnea quæ quondam pe-
tiit matrona, revicit

Frigore Lascivos casta Su-
fanna viros.

Hls MoDò, qVæ noVa Vls slt
aqVls, ego nesClo, VlnClt

Sæpius egelidas Cypridis ardor
anus.

VIDE §. IXC.

PROLEGOMENA.

Teutsch-Altenburg pagus est, situs in valle octo à Vienna miliaribus Hungariam versùs, prope confinia, quæ antiquitus Romani Noricum, seu Austriam à Panoniâ, & Germaniâ, sive quadis discriminabant: vicinus ad Septentrionem Danubius aureo dives sabulò, & insularum virore amabilis præterfluit, extensâ trans alveum in ingens spatium camporum planitie: acclivis in meridiem ducit semita, ubi fertiles spectantur agri, & deleti ab Attila rudera Carnunti: Occidentalem amnis colliculum refecat, & arcis nobilitate, & topiarii elegantia, & umbrarum amenitate spectabilem: in Orientali Mons plaga ex vivo, splendentique exsurgit saxo, qui sensim auctus, sylvis, sentibus, abruptisque cautium, & viarum horret, at tonsus in principio, & humilior est, religione templi celebris, steriles sustentat agros, atrox ventorum furor, & inanis ochræ copia, nec grænen excrescere sinit: ad radicem montis vicus est Teutsch-Altenburg à balneo celebris, quod post primam à Turca Viennæ obsidionem multò certius innotuit, multus huc ægrotantium confluit numerus, multa propemodum in difficillimis morbis (quos neque selectissima remedia, aut Thermae Badenses &c. aut, quæ in Pannonia Medicinales erumpunt scaturigines, sanare poterant)

*curationum exempla recensentur, dum ii, quamprimum nostris
 eluti sunt aquis, desierunt, aut saltem lenius cruciârunt. Jam
 olim præstantissimos inde effectus agnovit Nobilissimus Arcis Do-
 minus Franciscus Dörr: ideo Annô 1548. ab Inclyta Facultate
 Medica Viennensi (fors ut probatis balnei viribus proventus au-
 geret) examen ejusdem petiit, & publicô ad votum obtinuit te-
 stimoniô, quod deinde Anno 1634. à sapientissimo Imperatoris
 Ferdinandi II. Archiatro, & Inferioris Austria Statuum Proto-
 Medico Joanne Guilielmo Mannagetta Fundatore nostro, & meo ex
 linea materna Affini in cineres colendo, conscriptum, confirma-
 tum, rursusque Anno 1710. editione secundâ divulgatum est.
 Verum enim verò cum non solum ingeniosissimus piæ memoriæ
 Author ipse (titulô welchen Complexionen / Zuständen / und
 Kranckheiten dieser Baad-Brunnen zuwider seyn möch-
 te S. I.) multa animadvertenda relinquat, sed nos etiam
 in reconditos naturæ penates evidentius, tutiusque Neotericorum
 imbuti principiis penetrare possimus per præcipitationes, destil-
 lationes, thermometra, Areometra, & cætera, quorum partem
 Antiqui ignorârunt, partem non satis excoluerunt: Hinc pu-
 blici studiosa commodi, & de salute Patriæ sollicita Inclyta Fa-
 cultas Medica Vindobonensis gratiosè mihi injunxit, ut pro In-
 auguralis Dissertationis materia balnei hujus & Byrenwartens-
 sis vires ac ingredientia penitus scrutarer: magni res laboris est
 pluriam annorum diligentiam, observationem, & elimatum po-
 stulat judicium, atque expensum non vulgare: parces ergo, lector
 benevole! si privatis Foundationis Mannagettanæ sumptibus ali-
 quot solummodò hebdomadis materiam hanc elaborare co-
 ætus, oneri Hippocrate digno, per thesium mearum
 decursum succubuerò.*





SECTIO I.

De Balneo Altenburgensi.

CAPUT PRIMUM.

Descriptio, & Præparatio Balnei Teutsch, Altenburgensis.

§. I.

Ingenti ædificio balneantium exstructo commoditati, pervetustus formâ puteus circumscribitur, rude saxum quatuor orgiarum profunditatem excavat, geminos deorsum suspendit modiolos ferreis catena artibus, tantæ crassitie, quantæ passim haberi potest, singulis tamen exeditur annis necessario renovanda, stant in margine fortes duo viri, attrahunt aquam, per proximos canales exonerant, partim in cadum, qui in medio areæ infarciendis dicatur foliis, partim in cacabum minorem decem, & majorem triginta circiter urnarum, quorum unius pondus 8. alterius 15. æquat centenarios, inibi coquitur & in illo intra duas, in hoc intra tres horas bullitio inchoat.

§. II.

Quamprimum ex puteo eximitur aqua, si in ordinario spectatur excipulo murinum præsefert colorem, si in vitro

ferè clara pellucet, & odorem spargit similem ei, quem ex co-
ctis simul calce viva, & sulphure apyro in fontana persenti-
scimus, sed eundem per noctem depositò etiam cinereò se-
dimentò perditura, nî occludatur. Per coctionem alia ap-
paret aquæ facies; nam præterquam, quod dum fortius
primùm in cratere ebullit, fiat nigrior, & copiosas effor-
met spumas, longiori coctione disparentes; odorem postea
imminuit, colorem in albido turbidum mutat, & crustam
laminatam (quam Dominus Author des Baad : Buchs zu
Teutsch : Altenburg tartarum appellat) adfundum præpri-
mis deponit.

§. III.

Dum folium sive vannum eine Baad : Wanne parant,
recipiunt quatuor circiter urnas frigidæ è cadis (§. I.) &
duas bullientis (§. II). Hanc dein prout diutiùs quis insidet,
aut calidiùs balneat, bis, terve reaffundunt, ne nimis re-
frigeretur; ordinariè quoties balneatur, toties prior ex in-
tegro elutriatur aqua, & rursus recenti impletur folium; sic
enim penetrantior est viribus nondum exhalatis.

§. IV.

Nemo hic aliter quàm in folio balneat, ist nur ein Wan-
nen : Baad : siquidem Dominus Vitus Franciscus Selesko-
vitz, qui publicam ibi fiduciarii operam ab Illustrissimo Do-
mino Domino Josepho L. B. de Ludwigstorff moderno itt
Teutsch : Altenburg Domino, obtinet, me per literas de da-
to 29. Junii anni currentis certiore fecit, quod suus an-
tecessor Anno 1711. & 1712. balneum, cui plures personæ
inesse, & circumire potuissent, ad similitudinem illius, quod
Badæ in Austria à Sancto Petro cognominatur, ædificârit,
frigidâ impleverit, autumans fore, ut æquè facilè, ac in
folio (§. III.) quibusdam tantummodo fervidæ urnis ca-
lescat; verùm quia sic aquam è puteo die antecedenti exi-
minecessum fuerat, per noctem ita refrixit, ut eidem altero
mane

mane calefaciendæ ambo non sufficerent cacabi. Igitur remedium in tollenone, geminis canalibus, antlia, & lupo &c. queis puteum instruxit, quæsit, (er hat auf Pumpen gesacht / doppelte Röhren mit zweyen Metallenen Stieffeln / und Ventillen eingerichtet:) & tali extractis artificio aquis voti quidem sui, at per mediam tantum diem compos factus est; siquidem sub primum, quod sumpserat prandium, spes cecidit ferreæ arundines, & quidquid metalli inerat, immobiler sulphure, & Nitro (ita ille putat) concreverunt, omnemque laborem, & expensas perdiderunt, abjecta in hanc usque diem omni cupidine similes imposterum ausus moliendi:

§. V.

Videtur ergo in exortu suo putealis hæc aqua calida esse; nam æstivo tempore ex fonte excerpta ad sensum, & thermoscopium 12. gradibus ascendens, calidior, id est, tepida est: at postquam aliquantum stetit, fit frigidior, descendente thermometro. Contra aqua in suo ordinario fonte, æstate semper friget, & inde desumpta per moram à fervore aëris ambientis incalescit, ut docet idem thermometrum in aqua Danubii. corroborat opinionem nostram epistola citata; nam anno 1713. Mense Januarii memoratus Dominus Seleskovitz puteum hunc continuo trium dierum, & noctium labore exhaustiri jussit, ejectis nigerimis, & limosis fæcibus, multisque centenariis lapidum, donec puram putam attigerit arenam, pede Geometrico infra orificium, per quod calidam, & sulphuratam influere venam comperit: cum verò purgato fonte ulterior labor intermissus fuerit, accrevit aqua, & influxum occultavit; utinam sæpius fons iste purgaretur, fortè certiùs innotesceret, at neminem præterea invenire licuit, qui hætenus purgatum esse recordaretur, vel dicta confirmaret; nam quidam operatorum statim ab ipso hoc labore mortui esse dicuntur.

§. VI.

§. VI.

Eandem sententiam fovit jam olim Inclyta Facultas Medica Viennensis in relatione, und Bericht von dem Bad-Brunnen zu Deutsch-Altenburg §. 2. dum suadet reperiri venam calidam, & abscindi à frigida, ut illius vires ampliores explorentur, & sane in superiori §. 5. fontis purgatione, pariter è regione calidæ venæ, frigida scaturigo in puteum manasse visa esse dicitur, & an similis etiam ex arenoso solo profiluerit, observatu erat impossibile; quia nunquam totaliter puteus exinaniri poterat.

§. VII.

De duratione Fontis hujus nil certi extat: nam quod ex Livio *decad. 5. L. 3. de antiquitate Carnunti* 169. annis ante Christum natum à Romanis frustra oppugnati, & primum imperante Augusto à Tiberio expugnati ex Dione *L. 55.* adfertur, conjecturæ solum concedit locum, non evidentiae. Nec majorem assensum meretur, quod ex Aula ibidem Romanorum Imperatorum Antonini, Septimij Severi, Diocletiani, Valentiniani, & hinc desumptâ nominis Etymologiâ (Altenburg) ducitur argumentum: etenim certum quidem est Romanos balneis ad luxum usque delectatos fuisse. Ast quod in ipso hoc loco, ubi modernus reperitur puteus, quidquam moliti fuissent, nemo facile evinceret, nisi laudatus §. 4. & 5. Vir non veteres solum Canales, per quos olim forte illuc usque ascendens aqua effluebat, invenisset: sed etiam ipsum venæ calidæ ductum artificialem esse ex eo suspicaretur; quia perticam ferream rectilineè non difficulter immiserat, secus enim obstitissent subterranei anfractus.

§. VIII.

Quantitas aquæ semper fere dimidium putei replet, ut ex catenarum madore colligitur, seu major fiat Danubius, seu sit minor, si unicam intra hominum memoriam exceperis

peris vicem, qua nimis auctus rivi vicini cursum occlusit, virescente multum balneo, quod redditâ rursus præterfluentem libertate, prius citò exhaustum, mox in pristinam claritatem restitutum confluit, cæterum nec à terræ motibus levioribus, nec tempestatibus, nec hyeme, nec æstate ulla in eo differentia apparet. Quibusdam tamen an- nis ob vehementiorem subterraneorum impetum, & quò fortiùs aqua hauritur, eò majorum esse virium existimatur, & cognoscitur partim ex colore lacteo, partim quia, dum diutiùs reponitur, & in fundum residet, flores supernatare conspiciuntur.

§. IX.

Dum ob siccitatem exiguò valde Danubius volvitur olveò, ad ejus ripas duo ostiola tepidis, & sulphureis aquis caturientia conspiciuntur, quæ quidem ego propter auctum flumen, & ingentem in litore saxorum copiam videre non potui, forsan temporis diuturnitate sponte perforatis hisce cuniculis aqua defluit, quasi rectâ ex puteo, quem adeo nunquam amplius ad usque antiquorum canalium signa increfcere finit, quamvis adeò velox fiat affluxus, ut si examiniretur, intra horam ad consuetam aqua pertingat magnitudinem.

§. X.

Venam calidam ex proximo Beatæ Virginis Monte orum desumere, & natura loci in prolegomenis, & unanimitis vulgi sententia confirmat, verum quas potissimum partes permeet, difficile est assequi, multis abhinc annis centum orgiis à balneo lateraliter Danubium versus perruptis montis, petrarumque repagulis, & ejectâ gravi, albâ, splendentique (ut ajunt, nam ad manus habere non poteram) minera per peritos rerum metallicarum fossores in originem indagatum est, sed frustra: ego trium balneo proximarum domuum fontes degustavi, & illos utpote sulphu-
B
ratos

ratos ex incolarum relatione usui communi hominum non
intervire cognovi, fortè in illorum viciniâ nostra excur-
rit vena.

CAPUT SECUNDUM

Proponit Examen Balnei.

§. XI.

UT penitiùs in balnei cognitionem pervenirem quinque
mihi perscrutanda duxi, primò lapidum quoddam
genus in vicina repertum, secundò illuviem, quæ ex pute-
fundo excerpitur. 3tiò spumas in coctione elevatas, 4tò
crustam in cacabo repertam, 5tò denique ipsas balne-
aquis curiosiùs investigabo. In vicini montis valle non
procul à balneò magnum saxorum acervum summa vi, for-
lapicidarum manu, à grandioribus petris abruptam inve-
nies, gravitate marmorem exsuperant, diffringuntur sat fa-
cilè, interiùs multas habent cavernulas, queis ruffa, & ma-
nus pingens ochra continetur. Excurrunt albidæ cum
fuscis venæ, quas innumerus exiguarum, albescentium squa-
mularum, & colliculorum splendor nobilitat. Lapidēs h-
insipidi sunt: cum spiritibus acidis, & aquis stygiis fortiter
fermentant, dum fornace figulinâ calcinantur, splendor
amisso in minimam, & albicantio rem nonnihil arenam di-
siliunt, cui si magnetem admoveris, sat notabiles particu-
las elevabit, manifestò Martis latitantis indiciò.

§. XII.

Fæces, seu illuvies illa, quam è fundo putei extraxi
primùm diffluit eodem modò, ac atramentum futorium
manus inficiens: post exsiccationem in massam abiit gleba
instar friabilem, & insipidam, odor, qui priùs erat grave-
lent

lens, minuebatur, colore nigro, quasi in cæruleum, seu dilutum vergeret, resplendentibus præcipuè dum diffingebatur, albis, raris, & minutissimis punctulis, squamulisve, ac per microscopium componi videbatur maximâ sui parte, ex albo, & minimo sabulo commixtis terreis partibus, hisque rebus, quæ in fontem inciderant, v.g. pennis gallinarum, stramine, carbonibus, foliis arborum, & cæteris.

§. XIII.

Qui salem ex his facibus extrahere desiderat, nihil acquireret, licet per septimanas aliquot in aquâ maceraverit, & cætera, ut artis est, præstiterit; nam insipidæ sunt, & cum acidis fortiter ebulliunt, neque super prunas, neque in igne figulino spumant, inflammantur, vel odorem incendunt, sed calcinantur in ruffam, albis, tenuissimisque micantem lamellis, & inodoram terram, ex qua magnæ minimas quasdam particulas attrahit. Qui curiosior est, effætæ huic terræ vitriolaceos spiritus affundat, & subito ille ipse odor sulphureus, quem in ipsis aquis nostris recensere è puteo extractis percipere licet, fortiter nares feriet: si deinde huic miscellæ notabilem quantitatem aquæ fontanæ superaddis, idem phænomenon in alteram etiam diem in vase aperto perdurat: quod si verò, sine ullius spiritus acidi accessione, illuviei calcinatæ aquam superaffuderis, balnei quoque lenissimum experieris odorem, qui rursus affusio aliquò spiritu acidò multum intenditur.

§. XIV.

Spumam ex bulliente balneo in massam collegi valde levem, porosam, coloris quamdiu madet aliquallyter obscurioris, ex albo cærulei, at postquam exsiccat nonnihil ex cæruleo albentis: levi digitorum pressurâ in pulverem facit inodorum, insipidum, & levissimum: cui si affunditur aqua, extrusio ex poris copiosio aëre, multæ bululæ superant. Spuma hæc super prunas crepitat, non inflamma-

fæteant, & durante canicularium æstu nonnihil viscosiores fiant, adeo, ut factis bullis, nonnunquam vitra angustioris colli ingredi recusent. in gustu levem, & nauseosam quandam dulcedinem, præcipuè in iis, quæ diutiùs steterunt, observabis, nullatenus verò aluminis, & salis Nitri sapes percipies, pondus aquarum nostrarum levius est, quàm Danubiensium, sub eadem mole, quod confirmat Areometrum: hoc enim in aqua danubienfi tempore pluvio, & turbidulâ mergebatur ad gradum octavum: in nostra verò ad undecimum.

§. XIX.

In aquas has dupliciter indagavi, immixtis nimirum diversi generis corporibus, & igne: à prioribus, vel nihil, vel odor, color, aut consistentia immutabatur: nihil nisi domesticos colores impertiit pulvis gallarum, fl. balauft. Sulphuris, fol. quercûs, lac, sal commune, & gemmæ. Probè autem notari cupio, ne imposterum, qui fortè experimenta mea repetere desiderat, fallatur, quod casu in salis gemmæ frustulum inciderim, hoc, dum pulverisatum, aquis nostris permiscerem, eas paulo post nigerrimo tinxit colore, forte ideo, quod de vitriolacea natura participaret: nam dum cum alio sale gemmæ idem experimentum denuo tentarem, nulla subsecuta est aquæ immutatio.

§. XX.

Odor in vitris angustioribus longiori tempore perseverat, quàm quæ latum habent orificium: ab immixto sulphure apyro ab initio quidem intenditur, sed mox evanescit. à spiritibus acidis Nitri, Salis, Sulphuris, aqua Regis, oleo, & spiritu vitrioli, quin etiam ab alkalinis, liquore nitri fixi, sale absynthii, & tartari imprimis, in alteram etiam diem conspicuus fatis odor conservatur. Color verò aquarum nostrarum, tum ab alkalinis modò dictis, cùm à spiritu salis armoniaci, lixivio saponariorum, & aqua cal-

calcis in lacteum permutatur, præcipitatâ deinde ad fundum materiâ albescente: mihi libuit præcipuè illam hypostasim, quæ ab oleo tartari facta est, per filtrum separare, erat autem pulvis fusco albens, tenuissimus, naturæque alkalinae. Qui syrupum violarum aquis nostris addiderit, primùm quidem nil novi inveniet, at postquam diutiùs reponitur, viror se manifestabit.

§. XXI.

Denique maximam alterationem inducunt sequentia: *Primò.* Vitriolum martis totum liquorem nigredine tingit, longiori mora, cuticulâ variegatâ gratè splendente, modò ordinariò tegit, vitrum flavedine inficit, & sedimentum fuscum, insipidum, nec ab acidis, nec alkalinis fermentans, nec super prunam inflammabile præcipitat. *Secundò.* Saccharum Saturni eandem produxit nigredinem, & sedimentum priori nigrius, super carbones citò evanescens, cumque acidis fervens: neque dici potest fervorem hunc, & velocem in igne dissipationem à saccharo saturni produci siquidem hoc ipsum super vivos carbones diutiùs durat, & cum acidis non ebullit. *Tertiò.* à butyro antimonii primùm aqua recens flavo - turbida, cum odore tetrico mercurium vitæ præcipitat, decantata deinde post temporis intervallum novum præcipitatum coloris flavi, & naturæ inter acidam, & alkalina mediæ suppeditat. *Quartò.* Mercurius sublimatus aquæ nostræ commixtus albo - pellucido - flaventem effecit, & id, quod subsidet, naturæ quidem à priori non alienæ, nisi quod super prunas cum fumo inflammetur.

§. XXII.

Per ignem primò destillationem, & deinde evaporationem institui: illam in arena igne lenissimo cum libris duodecim balnei aggressus sum: illud, quod omnium primò transcendit Alembicum, & drachmas vix duas æquavit, mutato
reci-

recipiente speciali vitro asservavi: deinde destillationem
rursus profecutus sum: ast ubique insipidum prodiit phle-
gma, illud quidem turbidulum cum odore quasi empyreu-
matico - terreô, sed quod neutiquam amplius à liquore ni-
tri fixi lactesceret. In fundo reperiebantur drachmæ duæ
residui, cujus color fuscus splendentibus hinc inde albis,
minimis, & tenuissimis lamellis, odor præter empyreuma
nullus, sapor sali communi, ut ovum simile ovo, erat: si
acidum quendam spiritum superaffundis, fortiter ebullit,
ab oleo vitrioli nigro valde fumat, & super carbones, nec
spumat, nec inflammatur, sed leniter salit: quod si per re-
petitas solutiones, & filtrationes salem inde extrahere con-
tendas, semper aliquid terræ primùm quidem fuscæ, & ab
acidis fermentantis, deinde verò successivè albioris, & ci-
neræ in filtro remanet. Cryсталlos autem elicere non po-
tui, quamvis summa cura, & lege artis etiam alumine ad-
mentem Listeri fundum vasis fricarem, liquorem ad mini-
mam quantitatem aquæ evaporarem, adeoque saturatum
redderem, ut vix filtrum pertransiret, & linguam potenter
feriret. Nihilominus hoc procedendi modo sal semper ma-
gis, magisque depurabatur, & super prunam crepitare
cæpit.

§. XXIII.

In evaporatione specialiter observatur mutatio coloris
aquæ: dum enim forti igne, diùque in eodem terreo vi-
treato trypode (donec aliquot mensuræ in auras abierint
novam semper aquam superaffundendo) continuaretur,
non modò turbulenta evasit: sed etiam dein prorsus vire-
scebat, & in fine rursus in pallentem degeneravit colorem,
interea verò per poros vasis aqua ipsa foras penetravit, &
multæ falsæ bululæ effloruerunt. Residuum cum eo, quod
à destillatione remansit, fere convenit, circa quod obser-
vandum, quod, si immediato, & fortissimo igne urgeatur,
albe-

albescat, & micantes rariores sunt particulæ, at si levior, & mediatas solum ignis sit, copiosius scintillat, & rufum est.

CAPUT TERTIUM.

Proponit Principia Agendi, & Utendi modum.

§. XXIV.

Qui vulgari niti velit opinione aurum, argentum, martem, alumen, nitrum & sulphur nostris balneis inexistere percipiet: alii verò superioris ævi scriptores posteriora tantum tria principia adorant, vide Ludwigstorffisches Baad-Buch / titulô relation und Bericht von den Baad-Brunn zu Deutsch-Altenburg & præcipuè illo, qui inscribitur: Serners Gutachten / was dieser Baad-Brunnen für Mineralien in sich führet / und worbey solche zu erkennen: dicere tamen ausim, quod hætenus nemo ex hoc fonte nec alumen, nec nitrum confecerit, neque illius decem, & hujus octo partes inesse, ut scriptum est, ad oculum demonstrabit: certò sive ad chymiam appelles, sive tartarum indages, nihil invenies, quod sententiam confirmat.

§. XXV.

Et ut ab auro initium ducam ejus pathognomonicus character est, ut in mercurio subsideat, & solutum ab aqua Regis cum oleo tartari in aurum fulminans præcipitetur: si in nostris aquis lateret, illud vel in scoriis Capite II. §. XV. vel in fæcibus §. XII. Capite II. inveniretur, nam illi, qui in danubio aurum lavant, non ex aqua, sed ex arena illud eliciunt; nempe ob gravitatem suam aquis innatare nequit; igitur ego scorias, & fæces tenuissimè pulverifatas, mercurio fluenti in vitro superstravi: verum nec mica in fundum decidit, non autem fidum satis hoc experimentum est; si-

C

qui-

quidem minutiae, siquæ ineffent, ipsæ mercurio innatarent, quemadmodum aureus ipse injectus, ob laminatam figuram: deinde facile etiam amalgamarentur; quare partem solutionis cum aqua Regis (§. XVI. Capite II.) factæ, instillatô oleô tartari per deliquium, ad modum *Zwelferi in mantissa spagyrica part. 1. Cap. 1. pag. 320.* præcipitare studebam: verûm nihil decidit, quod aurum fulminans, vel colore luteo, vel accensione saperet, idem cum fæcibus balnei, sed pariter frustra tentavi.

§. XXVI.

Argentum verum Hoffmannus *Opusculis physic. Medicis de elementis aquarum mineralium rite dijudicandis* §. 37. omnibus aquis denegat; quia in vitriolum mutari, consequenter nec aquis resolvi potest. Quod nostras verò attinet, si in scoriis, vel fæcibus latitaret, sanè cuprum immissum, in solutionem eorum cum aqua forti, nigrescere deberet, ut omnibus artis chymicæ peritis constat: at contrarium est in nostro casu, seu cum fæcibus experimentum instituas, seu cum scoriis, ut factum est §. 16. cap. 2. Cæterûm, ne dubium tibi moveant albo-splendentes illæ squamulæ, quas primûm in fæcibus (cap. 2. §. 12.) etiam post calcinationem conspeximus: deinde in tartaro (cap. 2. §. 15.) & tandem in residuo, sive ab evaporatione (cap. 2. §. 13.) sive à destillatione (cap. 2. §. 22.) pervolvendus est paragraphus 82. & 83. cap. 3. sect. 2.

§. XXVII.

Martis particulas copiosas in lapide cap. 2. §. 11. & paucissimas in fæcibus cap. 2. §. 12. ope calcinationis, & magnetis ad *Listeri* exemplum demonstravimus: ast in spuma, (cap. 2. §. 14.) tartarô (cap. 2. §. 15.) & materiâ à destillato balneo (§. 22. cap. 2.) relictâ frustra quæsi.

§. XXVIII.

§. XXVIII.

An autem terra aliqua martialis aut vitriolica saltem effæta, aquas nostras nobilitet, quæstio hîc digna est, ut ventiletur: residuum quidem ab evaporatione (§.23. cap.2.) per filtrum à suo sale liberatum, ebullit cum acidis, & rufecit sicut ochra apud *Listerum*. Deinde crySTALLI vitriolacei in solutione scoriarum cum aqua regis reperti, sapor ille, & viror, qui residuum in filtro à solutione supradicta (§.16. cap.2.) inficit, mysterium quoddam occultant: rem *in priori casu* ita fieri concipio: in filtratione quædam ochræ partes unâ pertransiverunt, quæ deinde à spiritu vitriolico in aqua regis latitante (siquidem ex nitro, vitriolo, & sale ammoniaco componebatur) imprægnatæ, successu temporis quiescente solutione, in fundo unâ cum cupreis ramentis (§.37. *hujus capituli*) derasis, in cæruleo-virentem formam coagulabantur. Posterius pariter ex simili ochraceâ materiâ eodem spiritu irroratâ derivandum esse credo: quoniam *Listeri* observatione constat, quod ex effætâ ochrâ, paulisper tamen in loco humido recondita, vitriolum denudò generetur: multò magis ergo, si vitriolaceo spiritu imprægnetur.

§. XXIX.

Neque dicas: ochram scoriis non inesse, quia ex calcinatiis magnes nihil attrahit; nam etiam vitriolum ipsum ex ipso chalybe confectum, & non leviter ustulatum magnes non attrahit, deinde ochra, ut volatilis est, quia residuum (§.13. cap.2.) levi solùm, non forti igne evaporatum rufescit. Si urges saltem aquas immixtio Gallarum Turcicarum nigredine, secus ac (§.19. cap.2.) asseritur, tingere debuisset. Respondeo ex *Listero tractat. de fontibus medicis Angliæ cap.6. num.5.* ochram aliquando ita lavari, ut aquas atramentosas cum Gallis non efficiat: patet id ipsum in acidulis longâ morâ, & aperto vase evanidis: hæc

enim (quamvis ochram in fundo lagenæ reperiēs) non tamen tincturam à Gallis recipiunt. Igitur concludo cum laudato Authore *lib. citat. cap. 12. pag. 77.* etiamsi omnino nihil è contentis crematis magnes attrahat, tamen nihilominus ferri metallum inesse posse.

§. XXX.

Confirmatur sententia nostra *ex cap. 2. §. 21. num. 1.* à vitriolo enim nigredo, adstringens, & terreum principium in aquis præsupponit, v. g. gallas, rad. bistort. Herbam salviæ, folia Thee, & cætera artificialiter incocta: ergo cum ars locò citatò aquis illud nostris non indiderit, naturaliter inest sub vaporantis, & effætæ nomine ochræ, quæ, quamprimum ad fundum cadit, aquarum nigredo cessat, si *queris*, cur aqua nostra, postquam diutiùs aperto vase esse finitur, non ampliùs à vitriolo tingatur; *dico ex Listero loco citato*, ochram duplicem esse, aliam vaporantem, quæ instar spiritus in fontibus tum frigidis, cum calidis avolat, aliam, quæ in igne permanet: prior potissimùm aquis nostris efficaciter inest, & ab ea tantùm hoc experimentum petendum est, posterior autem, & leviter, & segniter tantùm tingit, ut experiri potes, si super eam magnete separatam (*cap. 1. §. 2.*) vel fæces calcinatas (*§. 13. cap. 2.*) vel ipsum residuum leniter ustulatum aquam affuderis, eique vitriolum injeceris; altera quippe die fuscitas solùm aliqua percipietur: ratio est, quod, aut igne immutetur, aut nexus, quem naturaliter cum aquis habet, destruat, aut aliunde ratione crassitie improportio sit.

§. XXXI.

Præter ochram tartarus balnei (*§. 15. cap. 2.*) aliud etiam terræ genus patefacit, quam calcariam appellamus; nam fere in calcem vivam uritur, ut plurima signa (*§. 17. cap. 2.*) declarant: *confer Willisium Tractat. de fermentatione cap. 10. pag. 79.* hæc in eo quidem fixa, volatilior tamen in
spuma

spuma (§. 14. cap. 2.) quia longiori coctione disparet. (§. 2. cap. 1.) Tandem tertium adhuc terræ genus in aquis nostris latet, quam tunc primum, dum tertia, & quarta filtratione salem à residuo balnei evaporatō (cap. 2. §. 22.) depurare volueris, in filtro conspicias: albicat magis, gustu insipida est, cum quadam asperitate, quasi subtilissimæ aliqujus arenæ, farinam imitatur, & similiter ad quandam lapidis calcarii speciem referri potest, sed cum hac distinctione, quod nec cum acidis, nec alkalinis ferveat.

§. XXXII.

Non hîc alumen multis, aut nitrum calcarium refutabo; utrumque enim hoc super carbones vivos spumat, nullatenus massæ nostræ, seu ex ipso balneo desumantur, seu eæ, quæ adjacent, spectentur, ut cap. 2. fusiùs videre est. Si dicas saltem per poros tripodis terre in evaporatione balnei nostri (§. 23. cap. 2.) multæ bululæ effloruerunt: dico, quod hoc etiam sali communi, si igne fortiori uratur, commune sit.

§. XXXIII.

De nitro vulgari, quid sentiam facilè cuique patet: nullum enim corpus, quodcunque examinavimus ullum ejus signum, nec inflammabilitate, nec frigoris sensu, minus figura prismatica præbet: neque obstat, quod præcipitatum à Mercurio sublimato super carbones vivos, & inflammabatur, & fumabat (cap. 2. §. 21. num. 4.) nam, dum altera vice experimentum factō copiosiori præcipitatō tentarem, non successit: ideo puto, me ob paucitatem præcipitati in filtro remanentis, deceptum fuisse: quoniam chartæ emporeticæ particulæ probabiliter simul abrasæ accesserunt, quod in cautelam aliorum adnotare volui, & licet nulla subesset fallacia, nihilominus inde tamen nitrum phlogiston non probatur; quia hoc levi saltem cum sonitu, secus in phænomeno nostro accendebatur.

§. XXXIV.

Salis communis maxima in aquis nostris extant vestigia: nam sapor residui à destillatione (§. 12. cap. 2.) crepitatio super ignem, fumus ab infuso oleo vitrioli nigro asurgens, & nares fortiter feriens rem nostram abunde probant. *Si opponis*: etiam ab oleo vitrioli super nitrum instillato, fumus ingens elevatur. Contra est, quod noster album colorem præsetulerit: à nitro verò fuscus quandoque rubeus etiam fumus ascendit.

§. XXXV.

Sulphur pariter aquis nostris haud denegare possumus, quia non solum ex odore (cap. 1. §. 2. & cap. 2. §. 18.) sed ex eo etiam, quod balneum argentum per varios successivè colores denigret, ostenditur. Præterea odor spumæ super prunas (cap. 2. §. 14.) interior laminarum calcinati nigredo tartari (cap. 2. §. 15.) quemadmodum si cornu cervi igne clauso ureretur. Item viscositas aquarum corruptarum (cap. 2. §. 18.) fætor ab infuso butyro antimonii (capit. 2. §. 11. num. 3.) & cum saccharo Saturni fida satis encheiresis (cap. 2. §. 21. num. 2.) assertum nostrum demonstrant; etenim si hoc ultimum in aquas evanidas projeceris, lactescunt solum, at si illis flores sulphuris satis incoxeris, rursus nigredo consueta orietur: *si oggeris*: me balneo evanido primum saccharum Saturni injecisse, deinde flores sulphuris, ac postea sat diu ad ignem incalescere permisisse, quin tamen ulla mutatio colorum subsecuta sit. *Respondeo* me notanter monuisse, quod primum flores sulphuris incoqui debeant, ac demum saccharum Saturni injici: secus enim hoc non finit aquæ debitè communicari.

§. XXXVI.

Optimum verò sulphuris indicium desumitur ex odore illo, qui exoritur ab affusione spiritus cujusdam vitriolici super fæces (§. 13. cap. 2.) aut tartarum nostrum calcina-
tum:

tum: cujus eadem mihi causa esse videtur, quam *Hoffmannus observat physico-chymicar. lib. 3. observatione 10.* fumo sulphureo, qui ex affuso spiritu vitrioli super carbonem vivos elevatur, attribuit. *Si opponis* in nostro casu odorem provenire ab oleo carbonum se in fæcum, aut tartari poros, dum calcinarentur, insinuante; ast amabo, cur idem carbonum oleum se pariter faxis nostris (*cap. 2. §. 11.*) utpote eodem igne calcinatis non insinuaverit? licet enim prædictos spiritus iis superaffundis, nullum tamen odorem sulphureum percipies. *Quæres*, quid fieri possit, utrum acida, cum alkalina (*§. 10. cap. 2.*) odorem balnei nostri diutius conservent: *respondetur*: quod alkalina agant sulphuris generati partes volatiles extéicando, sicut dum flores sulphuris cum sale tartari funderes; acida verò novum commune quasi sulphur generando, sicut in superiori Hoffmanni exemplo apparet.

§. XXXVII.

Spiritum aquarum nostrarum corrosivum esse, cacabi fortissimi, in quibus coquitur balneum, vix ultra 20. annos durantes testantur: narratur enim, quod dum aliquando pretii levioris causa cacabus tenuiori de cupro, & non usque adeo firmo fundò, constructus fuisset: una æstate exiguis instar cribri foraminibus exesus fuerit. Specialiter spiritus iste Marti infestus est, alias jam dudum circulis ferreis vannos cingi jussissent balnei possessores, comprobatur assertum catena ferrea (*§. 11. cap. 2.*) igitur illum potissimum è martialis mineræ natalibus gigni autumo: ita enim & odor sulphureus, & montis, ex quo aquæ scaturiunt, indoles (*§. 10. cap. 1. & §. 11. cap. 2.*) & apparens à spiritibus vitriolaceis super fæces calcinatas affusis phænomenon (*cap. 2. §. 13.*) suadent. *Si opponis* ex (*§. 14. cap. 2.*) quod spuma spiritum fætentem, & alkalinum destillatione suppediârît: *ajo*, istum vix genuinum spumæ partem esse; nam
sicut

sicut fæces è fundo exceptæ (§. 2. cap. 12.) ob pennas gal-
linarum &c. impuræ fuerint: ita spuma etiam ex incuria
eorum, qui balneo incoquendo præfunt. Ego quidem quan-
tùm cernere poteram separavi: sed tamen ignis meliùs.
Concludo itaque in aquis nostris reperiri, ochram satis vo-
latilem, & effætam, terram calcariam, farinam arenulæ
quasi calcariæ, sal commune, sulphur vaporans, & spiritum
ex minera Martis.

§. XXXVIII.

Positis principiis modus agendi elucescit: *aquâ* enim
totam corporis peripheriam, quantò aëre est gravior, tantò
premit vehementiùs; quia igitur gravitas illius 850. circi-
ter vicibus hujus pondus superat apud *Bærbaveum Ele-
mentor. chymicor. tom. 1. pag. m. 549.* facilè quivis de aquæ
viribus in promovendo fluidorum motu, acrimoniâ diluen-
dâ, comprimendâ, penetrandâ, consequenter & hume-
ctandâ solidâs conjectabitur. *Salis communis* vis irritans
cuius nota est: ast cum valdè exigua quantitate insit (vix
enim scrupulum semis ex libris sex aquæ adipiscimur) non
tantos ab eo effectus præstolari debemus. *Sulphur* abster-
git, *farina arenosa* fibrillas repetitis impulsibus agitat, *terra
calcarea* absorbet, *ochra* præterea villos roborat, *spiritus*
tandem intimos vasorum & fibrillarum tubulos permeat,
tonum addit, lentores impactos resolvit, & per convenien-
tia emunctoria pro naturali vasorum dispositione elimina-
re cogit. Vide §. 2. cap. 4.

§. XXXIX.

Ratione utendi modi memorantur Croatæ quidam è
vena illa, quæ ad Danubii ripas (cap. 1. §. 9.) egreditur,
bibisse, & fortiter desuper purgâsse. E puteo tamen nostro
nullus scitur, qui aquas in internum usum adhibuisset præ-
ter gallinas, anseres, equos, qui avidè inde potare, & pin-
guiores fieri perhibentur. Igitur externus usus solùm ha-
cete.

Ærenus ex §. 4. *cap. 1.* observatus est. Hanc autem prærogativam etiam præ cæteris Austriæ balneis obtinet, quod cum vicino Danubio misceri, & pro indicatione Medici in cholericis, sanguineisque attemperari possit. Cavendum pariter, ne nimis calefiat: sufficit enim juvenibus, & calidis æstivo præprimis tempore quandoque nihil, quandoque unam tantum urnam fervidæ pro uno vanno calefaciendo adhibere. Ne aliunde in fervorem proclivis sanguis, fortius agitetur. Præterea hi, & omnes, qui doloribus capitis gravioribus sunt obnoxii, cautè observabunt, ut dum solio insident, caput à vaporibus sibi bene muniant. At phlegmatici cum senibus, & calidiùs (§. 3. *cap. 1.*) & diutiùs, & puriùs balneabunt, & gausape vannum contegent, ut nimis citò mineralium spiritus in auras non abeat. Cætera, quæ ad regimen, & diætam pertinent ex *cap. 4.* §. 53. sunt petenda.

CAPUT QUARTUM.

Ponit Usus, & abusum Balnei Altenburgensis.

§. XL.

UTilitas Medica consideratur habito respectu ad in & coindicantia: illuc pertinent morbus, causa morbi, vires, & symptomata: huc temperamentum, ætas, tempus, regio &c. de illis ordine agam, hæc sparsim interferam. Si cacochymiam biliosam, aut serosam acrem cum pituitosa, seu acida in corpore humano commixtam chronicè prædominari contingat, difficile malum, cujus remedium non alibi faciliùs, quàm in nostro reperies balneo; nam cum medici opus sit naturæ æquilibrium restituere, si das calida, effe-

efferantur volatiles bilis partes; si frigida, visciditas non subtilizatur, porique clauduntur. Ergo quod inter hæc medium, optimum est.

§. XLI.

Atque ut à causis rem conficiamus, si subitanæ modò in calidum, modò frigidum permutationes: si diæta ex calidis, frigidisque coacervata sit: si nunc vigiliis, nunc somnò nimis torpescimus: si modò mærore, modò rursus excessivis iræ, Veneris &c. motibus exagitur corpus: si evacuationes consuetæ v.g. hæmorrhagiæ narium, menses, hæmorrhoides in subjectis robustioribus diutiùs suppressæ sint: &c. quid, amabo! nisi memorata sæpe exsurgit cacochymia? docent id phlogoses sine manifesta causa evenientes, paroxysmi morborum ab assumptis, seu calidis, seu frigidis exacerbati, symptomata quandoque ad speciem contraria, & reliqua, quæ in sequentibus adducemus: an ne existimas calidis, potentissimisque Badensium aquis te sanitatem pristinam recuperaturum? an forte frigidis Bertholdstorffensium, aut Rhodaunensium aquis &c.? Hippocrates cum tota dogmaticorum schola per contraria curat: effervescentiæ opponitur temperatio, viscedini attenuatio, causæ inhærenti ejus exclusio, stasi motus naturæ conveniens: totum hoc præstat balneum Altenburgense ex Cap. III. §. XXXVIII.

§. XLII.

Antecessores nostri morbos solummodò à frigore ortos aquis istis curari voluerunt, at si accuratiùs rem inspicias, rariùs quidem, & frigidos, & calidos à nostro lædi balneo observabis: siquidem naturæ est mediæ, multùmque differentis à thermis Badensibus; hæ enim vaporum acrium vehementiâ inflammationes oculorum generant, in podagra ut plurimùm nocent, contracturas persæpe adaugent. Nostri verò balnei aqua elegantissimum præbet remedium. Sane si
sub-

subjectum sit plethoricum, biliosum, aut juvenile in omnibus iis morbis, in quibus Badenses aliàs commendantur, multis parasangis nostros adhibere præstat. Ideò singulis ferè annis tristia Badæ notantur exempla, at vix unum seniorum memoria tenet in balneis nostris. *Oppones*: Spiritus martialis, & ochra nimis in cholericis fibrillas stringunt: Sed contra est, quod posterior omni vitriolica careat adstrictione ex §. 28. Cap. 3. spiritus autem ad libitum aqua danubienfi (§. 29. Cap. 3.) dilui potest, & sponte naturæ ab influente frigida in puteum venâ (§. 6. Cap. 1.) ita diluitur, ut oscillationes promoveat, non effrenet.

§. XLIII.

In specie in doloribus capitis, cephaleâ, aut hemicrania per consensum v. g. ab utero in virginibus maturioribus, viri cupidis, aut viduis juvenculis: in auditu difficili cum primis à partu: in tremore, vertigine, spasmo, aut paralyfi cum aphoniâ, superveniente potatoribus, colicæ convulsivæ, Rheumatismo, & in asthmate spasmodico: ictero, phlogosis hypochondriacis, suppressione hæmorrhoidum inveteratarum, Chlorosi cum palpitatione cordis, mensibus dolorosis irregularibus, aut adjuncto cardialgico dolore, &c. obstructis: fæminis recens maritatis, & sæpiùs abortientibus, sudore juvenum nimio, ulceribus scorbuti rancidi, & doloribus profundis, præprimis si aliò simul per fontanellas &c. materia peccans avocetur, & spumâ balnei pars affecta illiniatur. Tandem in scabie etiam, experientiâ quotidianâ teste laudari meretur; sic filius vitriarii Hamburgensis cæruleis pustulis, albâ tectis crustâ, toto corpore obsidebatur, quarum si quandoque unam aperiri contigit, ichor erumpens multum ulcus exedit, & inflammavit, spatiò trium nihilominus septimanarum curatus est.

§. XLIV.

Præ cæteris usus ejus recentissimis exemplis commendatur *primò*, in arthritide calida: sic multos invenies, qui ab aquis Badenſibus, deterius habuere, nostris ita alleviati sunt, ut totò fere annò immunes perſtent; in quorum cenſum meritò venit ſupra laudatus Dominus Seleſcovitz vir ſeptuagenarius, ſanguineus, vegetus, diætæ, perſpirationi, & commotioni ſtudens: balneat quadraginta, & ultra per annum vicibus, & luſtrum jam labitur, ex quo non ampliùs, niſi ſummò hyemis frigore, per duos, trèſve dies decumbit. Non jam adducam duos ante annos piè defunctum patrem Ivonem Ord. S. Franciſci concionatorem Jubilatum, & ſeniores Hamburgensẽ, qui per multos annos, tum hyemis, cùm æſtatis tempore hac ſibi medicina vitam prorogavit. Plura vivorum proſtant exempla, quorum nomina in publicum proferre non licet: Illuſtriſſimus quidam Baro quadragenarius, & ſanguineus per medium annum ex podagricis doloribus decubuit, quam primum ad noſtram confugit anchoram, meliùs habuit. Nobilis matrona 45. annorum præterquam, quod pedum uſu deſtitueretur, ex metaſtaſi arthritica à cubito ad carpum uſque ſæviffimã manuum inflammationem perpeſſa fuit; at noſtris aquis ab omni dolore, & captivitate pedum eſt liberata.

§. XLV.

Neque hìc certum morbi tempus religioſè nimis obſervandum: in ipſo podagræ paroxyſmo ingredi balneum juvat, hoc olim jam ſuaſit Magnificus Dominus Mannagetta; ita enim intra triduum ceſſare ſolet dolor, & membrum in officium redit. Non autem repercuſſio materiæ incaſum timeatur; abeſt enim ab aquis noſtris vitriolum, & quod antiquitùs ſomniabatur alumen. Sunt etiam nonnulli Medicorum, qui ultra quatuor, aut quinque balneationes non concedunt, metuentes, ne ex corpore impuro nimia quantitas

titas materiæ prodagricæ in debilitatos aliunde artus, hoc pacto decumbat, sed vel ideo multò diutius ægrotantes balneare oporteret, ut omne impurum in partem minus principalem deponeretur, præprimis in podagra recurrente, in qua probatissima sæpe remedia felici carere eventu videmus.

§ XLVI.

Cæterùm in Ischiatica aliquot annis inveterata, aut aliis doloribus diuturnis, & fixis celebratur: generosissimus quidam super unam Cæsareæ militiæ legionem Colonellus, temperamenti mediocris, à 23. annis tremendos in axillis dolores perpeffus, & quia jussu Posoniensium quorundam Medicorum, sex indies horis balneo infedit, dolores quidem cessârunt, at in tantam debilitatem incidit, ut non curru, sed adversò danubiò Viennam revehi debuerit. In rheumatismo certò multorum experientiâ, utilitas balnei nostri commendatur, sed admonere debemus, quod plerumque ab initio susceptæ curæ ob agitatam causam, dolores adeo augeantur, ut vix tolerentur: deinde autem spiraculis cutis apertis successivè evanescunt. Nonnunquam etiam toto curationis tempore vix notabile levamen persentitur, at quatuordecim circiter diebus post peractum balnei usum, pacato humorũ motu, prima sanationis signa apparent.

§. XLVII.

Prodest *secundò* in contractura cum primis juvenum: puella 15. annorum Croato - Austriaca ex nimis doloribus emaciata, ita contracta est artubus, ut in- & extra balneum portari debuerit, dum sexies balneavit, levamen sensit, & tandem longiori usu totaliter curata est. Rursus puer 10. annorum ex Ungerisch: Alstenburg totus macie consumptus, & omnibus artubus captus, eminentibus instar culcitæ genubus, postquam viginti vicibus lavacrum subiit, uni baculo innixus egredi poterat. Centies dein, & ultra balneavit, & perfectè saluti restitutus est, nunc Posonii literis vacat.

§. XLVIII.

Prodest *tertiò* in fluore albo : durante in fessu hoc, supremam balnei superficiem, & fundum fætidissimus mucus occupat, unde eò usque lavacrum continuandum est, donec aliquando clarescat. Illustrissima persona obesa, & sanguinea per duos annos hoc fluxu tenebatur, aquis foteriis in Trenczin sinè, sed nostris cum euphoria per quatuor septimanas usa, & paulò post masculò imprægnata est.

§. XLIX.

In febribus intermittentibus quartanis cum obstructionibus quidam balneum ingressi sunt, macros & exsuccos non juvit, sed neque multum nocuit. Contra textor quidam Hamburgensis quinquagenarius homo cæteroquin pinguis, & tribus anni quadrantibus pedum tumore ædematoso laborans in actuali paroxysmo balneavit, vomuit, & sanatus est. Dominus Author des Freyherz. Ludwigstorffischen Baad-Buchs commendat in hydrope incipiente, aut anasarca; reſeratis enim obstructionibus lymphæ &c. circulus promovetur: aſt nemini author sum, ut in veterato in ascite, cum diuturnis viscerum læsionibus, iisdem aquis utatur. Nocent in phtificis, hæticisque colliquationibus, & hæmorrhagiis nimis; nullæ enim hîc per balnea evacuationes sunt promovendæ, quia aliunde nimix. Deinde menstrui fluxûs tempore absint balnea, ne cursus naturæ turbetur. In febribus verò continuis, aut exanthematicis partim ob vires, partim ob mutationes corporis nunc madentis, nunc siccati, nunc calidi, nunc frigidi: partim etiam, quòd excretiones symptomaticæ persæpe lethales accedant, ab ejusmodi lavacris abstinere cogimur. Causam tamen antecedentem morborum epidemicorum, præcipuè si in aëre ob ventorum defectum, aut putrefactionem latitat, vapor balnei nostri corrigit: ideo jumenta elapsis jam jam annis, & homines

mines 1713. ab omni in Teutsch-Altenburg infectione liberi perstiterunt, quamvis circumquaque copiosi, & inficerentur, & perirent.

§. L.

Patet ergò singularis Numinis providentia, quæ Austriæ simul, & vicinæ Hungariæ scaturientibus in confiniis aquis, ad illos averruncandum morbos, qui regiones has potissimum laceffunt, benignissimè prospicere voluit; nam potus vinosus, & spirituosus, noctis frigus, & ciborum farinaceorum incolis familiaris quantitas, nullam sæpius præter eam, quam §. 40. & 41. *hujus Capituli*, assignavimus, cacochymiam producere valent. Sane plurima popularium pars ex ista laborat, qui appropriatum sibi remedium non alibi melius, quàm è nostris haurient aquis.

§. LI.

Diversam edit balneum nostrum operationem, ob meatuum diversam, fibrarumque in diversis subjectis constitutionem; nam *in aliis* per insensibilem transpirationem, post balneum in lecto, (& somno aliunde facilè abrepen- te) autam, ac per jacula, theata &c. promotam, operatur: *in aliis* per alvum, sed rariùs: siquidem sæpe primùm adstricta est, & clystere promota, deinde utiliter, sicut à magnesia nitri, ubi acidum prædominatur, solvitur. *In aliis*, & sæpe quidem per urinas adeò, ut ter, quaterve in vanno lotium reddere cogantur. Vir quidam in nobili officio constitutus, urinæ paucitate, doloribus lumborum, & unius pedis majore ædematoso tumore excruciabatur: postquam 15. vicibus balneavit, calculum magnitudinis fabæ eminxit urinâ profluente multâ, crassâ, arenosâque, pes infirmus detumuit, sanò econtra nonnihil intumescente, domum rediit.

§. LII.

Nonnulli dum balneare inchoant, in nauseam ciborum incidunt, & vix antequam vigesies aquis insederunt, appetitum



SECTIO II.

De Balneo Byrenwartensi.

CAPUT PRIMUM

*Descriptio fontis, & præparatio Balnei Byren-
wartensis.*

§. LV.

AD Orientalem Vici plagam in medio vallis, fons è querno, & terram supereminenti puteô, erumpit: profunditas 26. diameter 5. circiter pedes habet: aqua summam sponte transgreditur oram, & tribus semicanalibus effluit, quorum duo minores sunt, in ordinarium hominum, pecorisque usum. Alter longior in locum, ubi coquitur, deducit: totus fons quadratâ, & rubro tinctâ colore sepe ambitur, non tectô, non operculô, non umbra ab æris injuriis munitur. Soli, pluviis, nivi &c. exponitur, dum ego illum invisi, exsiccatae viarum fordes à ventis elevabantur, & in aquam deciduæ supremum ejus planum quasi tenui cuticulâ condiderunt.

§. LVI.

Mirabar, fontem, fotericum non meliùs custodiri, & dum hujus causam quæsivi, illam percepi, ut influxui nimirum siderum

rum pateat aditus: verum, estne tantum inde commodi, ut detrimentum, quod ab aëre infertur, refarciat, cuius sanæ mentis judicandum relinquo: aqua pluviae citissime corrumpitur in meros vermiculos: nivis tanquam inimica pectori, & orba spiritu ab *Hippocrate* damnatur: viarum sordes non modo de se suffocant, tussim movent, circulum præpediunt, tracheam, stomachum, viscera &c. opplent: verum etiam cum ex rebus omnis generis, nobisque ignotis constent, tali perfacile pacto deleteriae qualitatibus, aut saltem peregrinae, & à fontis virtute multum alienae indolis mineræ, herbæ &c. in aquas transportantur. Accedit, quod siderum natura nos penitus adhuc lateat: quis enim solidò argumentò Saturni malignitatem, Jovis benignitatem, aut Mercurii inconstantiam evincere valet? nugæ sunt Astrologiæ divinatoriæ. Quinimò, cum Astra non minus bonos, quam malos gignant effectus, cur non ad fontem tuum, cum Calendariò, & tubò astronomicò continuò sedes, & pro illorum diversitate jam contegas, jam aperias, quemadmodum in eclipfibus apud quosdam usitatum est. Profectò tam subtilis est Superiorum in sublunaria actio, ut licet instar Danaës te occludas, nihilominus penetret: quot pellibus arthriticus, podagricusque se munit! omnia cubi- culi foramina obstruit, & in molli se condit lectulò: at- tamen ad æquinoctia, & solstitia amarulento sentit ore, moveri dolorosum internè thermometrum &c. itane tu, si fontem tectò defendis, sidera arcebis?

§. LVII.

Puteus singulis solet annis purgari, sed dum ego illum observarem, sordes diutiùs inhærebant; interior superficies bullulis undique, & herbacei coloris mucedine, quam modica flavedo, & fuscitas distinxit, adeò obsidebatur, ut quibusdam in locis fere pugni magnitudinem æquaret: hinc sæpe avulsæ crassiores laciniae fonti supernatant, sæpe cu-

ticulæ tenues, & ex cæruleo-albentes, quas nitrosam vulgus erroneè vocat pinguedinem; at sive in illas aciculâ ab aqua semotas, indages: sive obtutum, aut microscopii aciem splendente sole defigas, pingue nihil, sed subtilissimas, levique nitore variegatas, muccaginis illius membranulas esse, facilè cognosces: cum bullulis verò ità comparatum est, ut, quasi uniones Mercurii vivi splendore lucentes, existimes, certant continuò moveri, jam è fundo in medii putei parietes, jam inde copiosissimæ in supremas aquas gratissimo cum tremore undulant, ubi pars subitò in auras evanescit, pars in circumferentiam propulsa fontem leviter coronat.

LVIII.

Ut certiùs naturam aquarum scrutarer, curavi fontem purgari: sordes è putei parietibus deverrebantur; aqua primum bona, circa finem nigra, crassa, corrupta, fæculenta, instar cloacæ fætens hauriebatur, quin tamen unquam tota exhauriri poterat; nam ad orientalem fontis plagam penes fundum magna ex commissuris asserum vena tanto cum impetu salit, ut intrusis etiam multis centonibus occludi nequeat: putei latera contabulata sunt, muscò undique firmantur, ansisque ferreis, quarum plurimæ illæfæ, sæpe etiam albente ferro nitere cernebantur: at quaternæ, vel quinæ (non obstante trium circiter mathematicarum linearum crassitie) rubigine, & diuturnitate exesæ, ideóque noviter reparandæ erant: ingens intus frigus, fictilium fragmenta, duri lapides, & illuvies eâ copiâ fundum opplebant, ut, antequam puram contigimus arenam, accrescente aqua, ab opera recedere coacti simus.

LIX.

Locus, ubi fontana nostra in balnei usum paratur, est rectangulus, ruditer asperis ex asseribus conclavatus, in tres areas divisus, in prima ligna fornacibus immittuntur, in ultima ternæ sunt cameræ, in quibus pauperiores balneant:
in

in medio balnearia est suppellex, & gemini è cupro cacabi: pervetusti hi, & hominum memoriam exsuperant, fortes tamen, minor duodecim, major circa viginti continet urnas, istis aqua nostra coquitur, & intra semialteram horam albescere, turbari, in bullas albas elevari, & bullire incipit, continuâtque quò diutiùs, eò meliùs, ordinariè tamen per unam integram adhuc horam, donec urnæ tres, quatuórve &c. in vapórem abierint. Interea rursus bullæ disparent, aqua magis crassescit, totum cacabum crustâ albâ, & durâ successivè obducit, taliter parata aqua solet, aut aliò in doliis bene obduratis devehì, aut in balneantium cubicula deportari, ut hujus quatuor, quinque vel pluribus urnis impleantur solia, & recalescant, tandem, dum illa rursus refrigeratur, per aliquod tempus deposita, evadit clarior, & copiosum satis ad fundum sedimentum præcipitat.

§. LX.

Contra si aquam in puteo natali à fordibus mundato, spectes, longè aliam habet faciem, crystalli instar pellucet, & quidquid in fundo est, clarè videre finit: deprehendes gustu insipidam, æstate frigidam, hyeme calidam, fuman- témque: odor mane nondum orto sole, ad sulphureum leniter vergit, & quamprimùm dies magis illuxit, amittitur: sedimentum, licet in vitro stare diu sinas, vix aliquod invenies. Miranda sane res est, limpidissimo huic liquori tantam crassarum (§. 59.) partium copiam inesse: immò nonnullos invenies, qui suspicantur à balneatore certam compositionem, priusquam aqua coquatur, cacabo imponi: opinio hæc vim inde suam desumit; quia, si frigidam nostro è fonte haurias, peregrè in doliis deducas, & alibi co- quas, non lactescit.

§. LXI.

De duratione fontis hujus nil certi constat: circumfertur quidem manuscriptum sub titulo Baad-Ordnung

des löbl. Baads zu Byrnwarth / cujus in fine sequentia leguntur :

Gottes Seegen wünsch ohn Unterlaß
Der Wund / und Leib - Arzt Stephan groß /
Bürtig von Efferding aus der Stadt
Da Graf Georg Schaumberg regieret hat /
Geben in drey / und neunzigsten Jahr /
Über nach ein tausend vierhundert war
Da lebte ich / und war auch gesund /
Und heilte manchen Schaden und Wund.

Ergo chyrurgus iste, seu potius balneator Annô 1493. rudem hunc, plenumque erroribus tractatulum incomptâ Musâ, primus de hoc balneo exaravit : postea verò altum apud literatos omnes est silentium. Nemo hactenus pientissimum Domini Dörr in Altenburg exemplum imitabatur, qui publico testimonio solemniter balneum ab Inclyto collegio medico examinari voluisset : per trecentos circiter annos, tot ægrotantium millia, incognitæ, dubiæque commissa sunt aleæ.

§. LXII.

Denique qui huc balneandi causâ se conferunt, habent ædificium nobile, quod commoditati eorum abunde satisfaciet, totum egregiè constructum, dummodo editiori v. g. in proximis collibus situ potiolem aëris salubritatem sortiretur. Qui autem ibidem habitare renuunt, eis in vicinis vilicorum casis ad cujusvis genium hospitium quærere liberaliter indulget florentissimum illud, sex modo jam sæculis, cujus ditioni Byrenwart subjicitur, Claustro - Neoburgense
AA. RR. D. D. Canicorum Regularium Collegium Christophoro id temporis Præposito.



CAPUT SECUNDUM

Proponit Examen Balnei Byrenwartensis.

§. LXIII.

UT in notitiam fontis pervenirem, *primùm* lapides quosdam in vicinia repertos: *dein* illuviem è fundo fontis: *tertiò* muccaginem interiori fontis circumferentiæ adnatam *quartò* musci mutatam indolem: *quintò* tartarum, seu crustam cacabi, *ultimò* denique aquas ipsas penitiùs rimari volui. In colle vicino versus Orientalem plagam (auf der Barth/ & Blesfelberg appellant incolæ) mera alba saxa, & concolor cretacea terra continuò ad viarum ripas tractu, observatur, hac nonnulli pauperiores vilici parietes dealbare solent. Præterea aliud friabilium petrarum, ut ut levium, genus: quod potissimum rubet, & quibusdam superficialibus in locis multùm flavet, utroque colore manus inficit: intersperguntur copiosissimæ cum splendore particulae: quarum color à prioribus inermi vix satis oculo distinguui potest: at per microscopium, & postquam igne calcinatus sit lapis, albo nitent fulgore: sæpe exterius cretaccâ obducitur crustâ, & interiùs nonnunquam, sed rarissima ejusdem materiæ latent punctula: ab oleo vitrioli valde fumat, fervet, ac calet. Ab aqua forti, & regis cum modica fermentatione resolvitur: sed crassò tantùm modò, & illæsis splendentibus particulis: solutionem utramque filtravi, in primam cupri frustulum injeci, sed non perfusum est nigredine, solvebatur tamen, & ab initio viridis, dein cærulea tinctura evasit. Posteriores cum oleo tartari per deliquium, & affusâ aquâ fontis, ut artis est, præcipitavi, sedimentum erat flavum, sed caruit in igne omni fulmine.

§. LXIV.

§. LXIV.

Fæces (der Schlam) donec humidæ sunt, fortiter nigredine manus inficiunt, fætent, argentum, quod iis immergitur, non denigrant, & pro vegetabilium augmento apprimè inserviunt: dum enim casu in eas avena incidisset, inter breve tempus in notabilem excrevit molem. Qui verò siccitas perpendere desiderat, insipidæ, inodoræ, & fuscæ sunt, albiores tamen, quàm fontis Altenburgensis, quasi argenteis quibusdam lamellis, aut punctulis resplendent, tegularum fragmentis, foliorum ramentis, & cæteris permiscentur, simulque cum liquoribus stygiis fervent, sed tamen nitor remansit incorruptus lamellarum. *Si dicas: vim liquorum alkalinis fæcum partibus castratam fuisse. Repono*, quòd sedulò splendentes ab aliis particulas segregârim, sed pariter in aqua forti, Regis, & oleo vitrioli, etiam admoto calore non solvebantur. Tandem, si fæces calcinare volueris, immutato rursus splendore nigro-rufescent, quasdam particulas magnete attrahi sinent, & affusô desuper spiritu vitrioli, sulphureum spargent odorem, à quo pariter argentum, ac in thermis denigratur.

§. LXV.

Mucosæ aquarum sordes, quarum §. 3. cap. 1. meminimus, dum igne siccantur, instar spermatis ranarum spumant, odorem fortem, ingratum, & herbaceum, seu quem gramen recens, aut brassica diutiùs in cumulum congesta, & igne tosta, eructare solet, spirant: post exsiccationem saporem habent terreum, colorem fuscum, quasi ex dilutis virore, & flavedine compositum, in quo per microscopium multæ sparsim arenulæ, & fibræ ceu è foliis plantarum decerptæ cernuntur: super carbones inamœnum spirant fumum, & accenduntur, relictâ locô cinerum in calcinatione copiosâ cum carbonibus materiâ terrestri, quæ fusco-nigricat, raris quandoque resplendet, minimisque lamellis, uti

uti fæces §. 56. cum acidis sine ullo sulphureo odore fermentat, & à magnete nihil attrahi finit, immò licet aqua forti solvatur, filtretur, & oleo tartari præcipitetur, mars nullus, sed alba aliqua materia terrestris cadet.

§. LXVI.

Muscus etiam, quo ansæ ferreæ (§. 58. cap. 1.) firman-
tur, in fonte longâ morâ alterationem patitur: particulis
terreïs intertextitur, & compingitur, sæpe velut cortices
quercûs, sæpe minùs indurescit, afforis plerumque fuscus,
nonnunquam flavescens, interiùs nigricantior est: huic si-
milis coloris adnascuntur copiosæ terreæ, sat magnæ, alka-
linæ, inîpidæ, & lapideam habentes duritiem particulæ.

§. LXVII.

Crusta, seu tartarus superficie alterâ, quæ planior, & non-
nunquam fuscitate maculata est, crassioribus, vel tenuiori-
bus cacabo laminis accrescit: alterâ sive sulcatâ, vel corii
instar camelini grumulatâ aquas respicit: quasi nix albet,
inodorus, & insipidus, dum linguæ bene siccus apponitur,
adhæret, dentibus contritus, ut arena resistit, durus, & for-
titer compactus non ex minoribus aliis lamellis, ut tartarus
Altenburgensis, sed instar gypso-plastorum operum, unô
latitudinis tractu, construitur, fervet multum ab acidis,
non verò alkalinis. Calcinatus ex ea parte, qua cacabum
spectat, fuscitatem majori virore diluit, & modicam unius
vel geminæ lineæ flavedinem intendit, dum aquam com-
munem affuderis: non incalescit: saporem tamen dulcem,
& adstringentem extrahit, supernatante cremore albo, ut
sectione 1. Capite 2. §. 17.

§. LXVIII.

Tandem aquam ipsam in idem fere examen deduximus,
ac Altenburgensem. Sequentia nihil prorsus immutârunt,
nisi quod domesticas nonnulla qualitates tribuerent: pul-
vis nimirum gallarum, folia quercûs, flores balaustiorum

& sulphuris, sal gemmæ, vitriolum martis, cryſtalli nitri, & alumen. At albeſcebat aqua à ſale abſynthii, ſpiritu ſalis ammoniaci, aqua calcis, & præprimis ab oleo tartari, atque per noctem leve, exiguum, & albidum quaſi ex minimis planulis compoſitum ſedimentum vix ſenſibiliter ab oleo vitrioli nigrò effervens, dejiciebatur, quod poſterò mane, agitatio leniter vitrò, elevatum eſt, & aquam non aliter turbavit, ac ſi lactis gutta liquori immiſſa fuiſſet.

§. LXIX.

Albidior etiam aqua noſtra ab injecto mercurio ſublimato, & butyro antimonii apparuit. à ſaccharo ſaturni verò ita ſe habuit: in principio limpido albeſcebat: deinde multa ſatis materia, naturæ alkalinae ad fundum vitri ſubſidebat, quæ mota aqua genuinam lactis acquiſivit conſiſtentiam, ſed notare oportet, quod cum aqua, quæ diutiùs in vaſculo quercino aſſervatur, experimentum paululum immutetur; nam quamvis hæc vitrò excepta, ſatis clara ſit; nihilominus à ſaccharo ſaturni ſubitò flaveſcit, & reliqua ut prius, ſed flavo præſtat colore.

§. LXX.

Ab oleo vitrioli nigro, efferveſcentia cum ſibilo, & vitri incaleſcentia orta eſt, aſt reliqui acidi liquores, aqua regis, ſpiritus ſulphuris, ſalis & nitri nullum peregrinum excitârunt phænomenon, præterquam, quod tales bullulae, quales §. 57. *Capite 1.* in fonte ſpectantur, non modò ad latera vitri appendebantur, ſed etiam concuſſo vitrò ſurſum undulabant: verùm iſtud etiam à ſale tartari, & aqua calcis vivæ obſervabatur.

§. LXXI.

Hæc cum aqua è fonte recenter deſumpta tentata ſunt: at ſi eam domi fortiùs, coxeris experieris deinde pellucido flaventem eſſe cum ſpiritu ſalis armoniaci, & oleo tartari per deliquium multò magis lacteſcere, à ſyrupo violarum ſtatim intra

tra aliquot horas virescere, & cum oleo vitrioli potentiùs ebullire, quin si filtratam longiori paulò tempore in vitro servaveris, copiosas fusco-albentes lacinias hinc inde volitare comperies.

LXXII.

Non coctionem solùm, sed totalem etiam evaporationem institui, tùm in fontana Birenwartensi recente, tùm in ea etiam, quæ publicò ibidem cocta cacabò, & lactescens ad folia adhibetur: illius libræ duodecim dederunt residui scrupulos quatuor: hujus scrupulos sex: illud in vase vitreo, hoc in terreo-vitreato efflorescentibus foras bullulis, *ut Sect. 1. Cap. 2. §. 23.* excoctum est, utrumque albet, saporis leniter falso-terrei, cum acidis fervet, & ab oleo vitrioli fumum spargit, si priùs aqua communi solvere lubet, remanent in filtratione super chartam emporeticam terræ alkalinae flavo-albentis scrupulos duos & semis. Filtratum rursus evapora, & acquies massam, quæ leni frigoris sensu cum acrimonia salina linguam titillat, & super carbones spumat, inque corpus cinereum, spongiosum & lenissimè falsum abit. Tandem si cum posteriori eodem modo procedas, invenies pariter post filtrationem, & evaporationem massam quandam impuriorem terreo-falsam, quæ super carbones ignitos nec crepitat, nec spumat, sed tamen fumat, & minimæ quædam particulæ nonnunquam saliunt, quædam sed rarissimæ cum flamma lucida accenduntur, in filtro verò relinquitur terra, quam, si calcinaveris, rursusque cum aquæ tantillò coxeris, non indurascit.



CAPUT TERTIUM.

Statuit Principia, modum agendi, & adhibendi.

§. LXXIII.

BAlneator tria in nostro balneo statuit principia, Calcem, nitrum, & antimonium; ait enim:

Kommt erstlich aus einen Kalch her
Deßgleichen auch Saliter /
Laufft aus einer Klufft gleich den Bleyh
Das wird genennt Antimonium reich /
Die drey Stuck resolviren sich
Durcheinander in ein Schlüch.

ast quia opinionem rationibus non munivit: ideo singula ordine percurram: deinde ea, quæ ex *Cap. 2.* mihi innotuerunt solutis quibusdam quæstionibus dicam, tandem sententiam statuam, & modum-agendi, ac adhibendi in compendio proponam.

§. LXXIV.

Primum principium terra calcaria est, cujus vestigia toto ferè *Capite 2.* luculenter apparent: sive muscum §. 66. spectes, sive mucosas calcines sordes §. 65. optimum argumentum desumitur è crusta §. 67. & residuo ab evaporatione: nec non ex hypostasi alba, quam saccharum saturni, & alkalina §. 68. & 69. præcipitârunt, cæterisque signis, quorum section. 1. *Cap. 3.* §. 31. meminimus. Naturam verò terræ hujus alkalinam syrupi violarum viror §. 71. *Cap. 2.* & cum acidis fervor §. 70. & 72. docent.

§. LXXV.

Quia autem nomen terræ calcariæ latiùs patet, ad qualem ejus speciem pertineat, considerandum: sitne calx, vel calcis

calcis genuina materia, vel gypsum: vel aliquid aliud. *Calx* non est: nam cum aqua non ebullit, neque in lingua urit. Neque est genuina calcis, qua pro cæmento utimur, materia: talis enim lapidea est, & post calcinationem incallescit, secus terra nostra: ut in crusta, & residuo (*Cap. 2. §. 67. & 72.*) videmus. Si dicas, quod pervetusti rudera fornacis, in quo calx olim vicinò ad Byrenwart campò excoquebatur, aliud innuere videantur: contra est, quòd ex incolarum testimonio lapis calcarius aliò advehebatur.

§. LXXVI.

Gypsum pariter dici nequit: quia usus aquæ nostræ internus larga quantitate ex §. 90. *Cap. 3.* approbatur, gypsi autem, propter venenosam, & strangulatoriam vim, interdicitur apud Beclerum & alios. Deinde gypsum, quod ustum est, si aqua affunditur, & exin massa formatur fluida, paucas intra horas in lapideum corpus concrescit: non residuum nostrum ab evaporatione, quamvis calcinetur *Cap. §. 72.*

§. LXXVII.

Restat igitur, ut terram nostram calcariam de illarum forte esse dicamus, quæ in officinis titulò boli albi insigniuntur: his enim non modò vires, quæ capite sequenti adducuntur, respondent, (videatur *Bönig in R. VII. Sect. 4. Cap. 2. pag. 398. num. 49.* verum etiam crusta alba (*§. 59. Cap. 2.* proximè ad fistularum illarum materiam accedit, quæ ex simili bolo paratæ fumigando tabaco inserviunt, & apud nos nomine coloniensium veniunt.

§. LXXVIII.

Occasione terræ hujus, enodanda venit celebris illa quaestio, quam *cap. 1. §. 60.* tetigimus: an nimirum balneum Byrenwartense artificiale sit, vel naturale? prioris partis ulterior ratio desumitur ex §. 72. *cap. 2.* si enim evapores aquam, tum recenter è fundo desumptam, tum prout ibidem exco-

Et ad falia infarcienda adhibetur, se habet illius residuum ad hoc: ut duo ad tria. Verum enim si accuratiori experimentum indagine perpenderis, in posteriorem mecum sententiam descendes: siquidem dum in cacabo aqua coquitur, priusquam balneo apta sit, ex viginti urnis ad minimum quatuor (*cap. 1. §. 59.*) remanente sedimento in auras abeunt. Deinde rariùs cacabus ex integro exinanitur, sæpiùsque prioris aquæ reliquiæ denuò excoquuntur: aquæ autem ejusdem natura est, ut licet omnium purissimam vasis chymicis destilles, si tamen eundem laborem ad ducentissimam usque vicem, per iteratas reaffusiones, repetas, ex uncia una aquæ, drachmæ sex terræ remanent experimento Bogleanò apud *Bærhæaveum instit. chymic. tom. 1. tit. 3. num. 7.* Ex quibus ratio elucescit, cur peregrè deportata fontana nostra, dum alibi excoquitur, non lactescat: vide *§. 60. cap. 1.*

§. LXXIX.

Nitri calcarii in residuo post evaporationem aquæ fontis nostri manifesta vestigia percipiuntur, nam sal ejus impurus gustui lenem frigoris sensum inducit, nonnihil acre, sed omni caret adstrictione, super prunas spumat, & in corpus leve, spongiosum, albúmque mutatur *cap. 2. §. 72.* In crystallos tamen illum redigere ob materiæ paucitatem, & temporis penuriam non poteram.

§. LXXX.

Non æquè certa nitri phlogisti est ratio; nam quamvis à depuratis balnei reliquiis flammam velocem, lucidam, leniter stridentem, verbo nitrosam super carbones vivos binis vicibus accendi observârim: metuo tamen, ne aliqua nitri particula aliunde irrepperit, præsertim quia non procul à crystallo nitri eas domi meæ locari contigit. Deinde auge suspicionem, quod aliud residuum, quod è fonte immediatè extraxi nullam nitri phlogisti pathognomonicam notam

tam habuit, cùm tamen hic potior sit causa: siquidem ea nitri phlogisti est natura, ut quò magis corporibus terreis diffusum sit, majorique igne urgeatur, eò citiùs avolet. Quare in destillatione spiritus semper duplum, aut triplum boli additur. Jam verò, & cacabi, & tripodis (§. 72. cap. 2.) immediatus ignis, quo balneum coquebatur, & evaporabatur, multò vehementior est, quàm ille, quo in decoquenda per vitrum lati orificii fontana usus sum. Igitur hìc non æquè facilè nitrum evanescere debuisset. Accedit, quod antecedenti evaporato plus terrearum particularum insit, quàm posteriori ex §. 72. cap. 2. quapropter vis nitri disunita citiùs expelli potuit. Sed utinam experimenta hæc repetere licuisset! non opus tam longo, tàmque difficili discursu haberemus.

§. LXXXI.

Dices, saltem sal commune inter principia balnei nostri numerari meretur; quia minimæ quædam particulæ in depurato balnei residuo (*Cap. 2. §. 72.*) salire videbantur, quod sali vulgari est proprium: sed *respondeo*, quod saltus iste non cum crepitatione fuerat, consequenter potiùs à nitro calcario disunito desumi debet, mollecularum enim parvitas, & terræ bolaris quantitas impedivit vim, qua se aliàs in bullulas erigere solet.

§. LXXXII.

Fundamentum propter quod balneator antimonium in aquis nostris statuatur, micantes sunt particulæ in lapide (*Cap. 2. §. 63.*) & fæcibus (§. 64. *Cap. 2.*) & aquarum fordibus (§. 65. *Cap. 2.*) ast quàm difficile de hisce ferre sit judicium, ex sequentibus patebit, primò antimonium in igne forti funditur in vitrum. Dein si crudum in aquam regis injicitur, solvitur, & stramineum ob sal commune induit colorem, ut jam olim *Poterius* etiam *pharmac. spagyricæ lib. 3. sect. 6. pag. m. 551.* agnovit: sed particulæ hæ micantes, & in igne fornacis

nacis figulini (§. 63. & 64. cap. 2.) & in aqua regis immutatae splendorem conservant.

§. LXXXIII.

Sed forte quis *Bismuthum, zincum, galenam, glaciem Mariae, crystallum, vitrum, alumen plumeum*, aut *talcum* ex nostrarum splendore particularum conjiciet. Verum & in his ubique nodum inveniet gordium: quoniam *bismuthum* acidis in liquoribus nigricat, solvitur, & totum fere in fumum abit. *Galena* praeterea nigredine manus inficit. *Zincum* carbonibus vivis injectum avolat, & flammam purpureo-auream exhibet *König R. M. sect. 2. cap. 16. num. 6.* metallorum omnes mineræ aquis stygiis cedunt: contra splendor minutiarum nostrarum. *Glacies Mariae, crystallus, & vitrum* pellucet: at argenteus, & opacus splendor noster est. *Alumen, seu lapis plumeus* amyrantho cognatus, est species distincta ab alumine scissili plumoso, quoniam hoc adstringit, lapis plumeus insipidus est, & erroneè in officinis seplasiariorum nostrorum cum priori confunditur: sed tamen minutiis nostris non accommodatur, quoniam ille in mera, tenuissimaque filamenta dispescitur: hæ aut lamellæ sunt, aut punctula (§. 64. cap. 2.) Denique *talcum*, & visu, & tactu pinguescit, aridæ, exsuccæque minutiae nostræ sunt; neque dicas, pinguedinem aquis dilui; non enim competens est mensurum.

§. LXXXIV.

Ad summas has angustias redactus, quid de his splendentibus particulis statuam, nescio: ad nullum enim ex antecedentibus propriè reduci possunt. Si tamen suspitioni locus est, eas talcosi esse generis credo, non quidem puri, sed cum alio corpore v. g. *crystallô montanâ &c.* à natura ludente commixti. Ita enim omnibus satisfit phænomenis, perseverat in igne mediocri, qualis noster fuit, splendor, aquis stygiis non solvitur, pinguedo talci diluta argenteum sparget

sparget colorem, & figuram particulæ fortiuntur lamellatam prorsus, ut in experimentis nostris *cap. 2. Sect. 1. & 2.* videre est, ratio consideranti talci naturam patet: præprimis si crySTALLUS talcosa, seu Islandica rhomboidalis *Erasmii Bartholini* in exemplum adducatur, quam in thermis Schintznachensibus apud *Bönig loc. cit. Sect. 3. Cap. 4. pag. 218.* reperire est.

§. LXXXV.

Quod sulphurea fonti nostro materies insit: odor maneniter sulphureus (*Cap. 1. §. 60.*) & affusio spiritûs vitrioli super calcinatas fæces (*Cap. 2. §. 64.*) manifesta sunt indicia: sed ingens est dubium, an illud sulphur per venam in fontem cum aqua influat, an adventitium sit. Mihi posterius placet: puto enim ex fæcibus in fontem operculô (*§. 55. Cap. 1.*) non munitum decidentibus, & martialibus ansarum ramentis, contribuente symbolum sale, & terrâ calcariâ generari; quippe fieri non potest, ut ex diversissimarum hæterogeneitate particularum cloaca non generetur, cum primis si simul mars cum tartareis partibus jungitur, quas ultimas quilibet perfacilè admiserit, si naturam loci consideraverit: vineis enim vicinia gaudet, foliorum, sarmentorumque minutiae, per ventos raptæ, nonnunquam in fontem decidunt, solvuntur, in ferrum non minùs cum sulphureo odore agunt, ac si tartaro soluto, martem injeceris ad mentem *Wedelii pharm. in artis formam redact. lib. 2. sect. 6. num. 4.*

§. LXXXVI.

Quæres: unde fæces in fundo nigrum fortiantur colorem. *Dico* duas esse causas: *Prima* Puteariorum constans est relatio, puteos omnes, qui operculô carent, diùque purgati non sunt, fæces nigras, & fætentes habere propter mephitim in fundum desidentem, putrentemque, ut in vicinô statim balneatoris ædibus puteô videre est. *Secunda,*

G

quod

quod diuturnâ morâ, non solùm ex coronâ quercinâ, quæ fundum ambit (*Cap. 1. §. 58.*) sed etiam ex vasis ferreis puteum firmantibus, aqua sensim partes quasdam, instar vitrioli, extrahit, quæ gravitate sua in fundum decedentes, nigredinem, sicut in atramento cernimus, efficiunt. *Dices* nigredo ista potiùs à marte, quem *Aqua* nostra secum vehere videtur, desumenda est: hoc docet, præter magnetem in fæcibus calcinatis, *Cap. 2. §. 64.* ipse muccaginis variegatus color, (*Cap. 1. §. 57.* similis prorsus ei, quem à vitriolo martis (*Seçt. 1. cap. 2. §. 1. num. 1.*) observavimus. *at contrarium* suadet ipsa mucaginis anathomia (*Cap. 2. §. 65.*) color enim iste à clavis ferreis, queis latera putei firmantur, deduci potest: & aliunde infirma valde in rebus naturalibus sunt argumenta, quæ à coloribus petuntur: secus crocus esset aurum, & adamas glacies. Quod autem magnes è fæcibus (*§ 63. Cap. 2.*) attrahit, pro ramentis ferri in puteum deciduis habendum censeo.

§. LXXXVII.

De spiritu aquarum nostrarum nihil asserere audeo, nisi forte vapores illos, qui hyberno tempore elevantur, & à quibus, secundùm *Listerum de fontibus Medicis Angliæ Cap. 9. §. 2.* tunc temporis aquæ intepefcunt, hoc nomine dones: at proprietas hæc reliquis, & ordinariis bonæ notæ aquis communis est. *Quæres*: fors bullulæ illæ, quæ (*Cap. 1. §. 57.*) è fundo putei elevantur, à spiritu minerali dependent, sicut illæ, quas ex commixtione diversorum cum aqua fontis liquotum (*Cap. 2. §. 70.*) oriri vidimus? *Respondeo*, diversam quò ad modum agendi esse causam: *priores* nihil sunt præter aëris glomulos, qui dum aquarum in puteo mole lineâ gravitationis deorsum premuntur, ob innatam levitatem tam diu sursum extruduntur, donec ad æquilibrium cum aëre externo pertingant: aër autem ad fundum putei vel unà cum aqua per venam ex subterraneis cry-

cryptis advenit, vel potissimum cum terreis viarum sordibus à ventis (*Cap. 1. §. 55.*) eò delatis, puteo communicatur; latet enim in eorum poris, donec aqua in vices substituta, illum foras expellat. *Posteriorum* verò bullularum genesis partim causæ antecedenti, partim elasticitati liquorum, & rarefactioni debetur.

§. LXXXVIII.

Concludimus ergo aquas Pirenwartenses ingredi copiosam terram bolarem albam, modicum nitri calcarii, sulphur vix perceptibile, & adventitium, nec non aërem elasticum: Talcosum verò genus, quod (*Cap. 3. §. 84.*) conspeximus, magis inter fæcum, quàm aquarum constitutiva numerari meretur: nam ob fixitatem suam, propter quam in calcinatione (*§. 63. & 64. Cap. 2.*) remanet, ordinariè in fundum descendit: nihilominus: qui contrariam sententiam de hoc amplecti velit, ei, saltem in aqua Altenburgensi, & paucissima quantitate, pertinaciter non refragabor: siquidem illius evaporatum (*Seç. 1. Cap. 2. §. 12.*) splendet: secus aquæ Pirenwartensis.

§. LXXXIX.

Cognitis principiis sponte sua agendi in corpus humanum modus resultat: *terra* absorbet, tenuem sanguinem inviscat, ebullitiones nimias temperat, humiditates exsiccat, & tonum labefactari non finit: nisi ab acrimonia nimium strictus sit: tunc enim sublato acore relaxat. *Nitrum calcarium* leniter refrigerat, & immodicas cutis sordes abstergit, ut patulis poris insensibilis augeatur transpiration. *Sulphur* perpetuum balneo non est, unde nulla inde firmiter actio deduci potest; *aër* elasticus est, *aquæ* vim penetrandi auget; unde fit, ut minimos permeet tubulos, sanguinem diluat, fluxiorem reddat, fibrarum strictarum impulsui, motûs augmentô, resistat, & tonum in æquilibrium deducat. *Talci* denique genus in vasorum oscula

se intrudit: nimiae fibrarum oscillationi, ob texturam suam difficulter mutabilem, resistit. Unde stricturis solutis major, vel minor humorum fit appulsus pro subjecti &c. diversitate. vide Rönig. *R. m. Sect. 3. Cap. 10. num. 12.*

§. XC.

Adhibendi modus vel *internus* est, vel *externus*. Hic frequentior est, & cum Altenburgensi *Sect. 1. Cap. 3. §. 39.* fere convenit. Conferatur etiam (§. 49. *Cap. 4. ille*, tum *irregulariter* in culinis, & potu incolarum ordinariô usuvenit: cum *regulariter* sive medicamentosè: dum tres, quatuor vel quinque &c. libræ prout robur ventriculi suffert; in cholericis, sanguineis, & juvenibus, matutinô, & æstivô tempore plerumque frigide in iis, quorum alvus adstricta est, assumuntur: alioquin dum nervosum præprimis patitur genus leniter tepefieri possunt v. g. vitrum balneo Mariæ immergendo: frigus enim inimicum ossibus, dentibus, nervis, cerebro, spinali medullæ *Hipp. Sect. 5. aphor. 18.*

§. XCI.

Antequam potus inchoetur, cacochymiae, vel plethoræ, ut artis est, prospici debet. Deinde præscripta aquæ quantitas, per vices ita assumenda est, ut dos intra bihorium circiter exhaustur: subitanea enim, & velox potatio naturæ vim excedit, & ventriculum enervat; tarda nimis prioris virtutem exspirare sinit, priusquam posterioris inchoet operatio: illud etiam observari velim, ne in principio confestim curationis summa ebibatur copia, à minori ad majorem lentè festina, oportet ad insueta permutari; quoniam omne nimium est naturæ inimicum, sed quod paulatim fit, tutum est, tum aliàs; tum, cum ab altero ad alterum transitus fit. *Hipp. Sect. 2. Aph. 40. & 51. Neque dicas*, modici nullam esse vim. Etenim inter utrumque extremum subsistendum est, morbo, & naturæ &c. convenienter bibe, ne in principio statim rerum
corpus

corpus gravetur. Si alvus non secedat, magnesiæ nitri omnium optimè addideris, si stimulo indiges, sal anglicum, vel Sedlicense tibi præstò sit, si per alias vias aqua se diffundat, prudens Medicus naturæ motus providè observabit.

§. XCII.

Post potum in robustioribus lenis ambulatio præstat; ut concussæ leniter fibræ aquas per tubulos undulare juvent, non stringant: absit, ut immoderatiùs ad sudorem usque excurras. At debiliores, & queis frigus obest, in lecto insensibilem paululum transpirationem præstolentur, ut apertis meatibus in fibras liberè effluat, non restagnet potus. Quot diebus aquæ nostræ potari debeant, expertus Medicus cognita patientis indole, ex coindicantibus, & indicantibus ordinabit, symptomatisque fortè evenientibus occurret. Cæteroquin diæta eadem, ac in acidulis solet præscribi, & universa curatio lenienti quodam evacuante, terminari debet.

CAPUT QUARTUM.

Sistit Usus, & Abusum Balnei Byrenwartensis.

§. XCIII.

A Crimonia humorum triplicem fibrarum in corpore producit statum: nimirum per irritationem primùm in spasmos, & dolores aguntur, deinde si paulò diutiùs stimulus perdurat: obfirmatis quodammodo doloribus sensim, sensimque debilitari incipiunt, id est, dum in una parte strictura tantas radices egit, ut quasi invincibilis saltem ordinariis sit remediis, in altera parte inchoat relaxatio fibrarum eadem proportionem augeri, quæ tandem diuturnitate, & magnitudine causæ ita accrescit, ut totaliter cum atonia fatiscant. Qui constitutiva aquarum nostrarum ad secundam

dam fibrarum classē accommodaverit, ex nostra sententia faciet, præprimis, si subiectum macrum potius (quàm obesum) calidum, cibis aromaticis, vinis spirituosīs, excessivis tum corporis, cūm animi motibus iræ, venerique deditum sit: quippe acrimonia aquis diluitur, & à terra calcaria absorbetur, fibræ tum ab hac, cūm etiam à nitri calcarii stimulo roborantur: se- & excretionēs promoventur.

§. XCIV.

Si aquas has matutino tempore potaveris, purgant partim ratione frigoris densando poros cutis, ut sudore præpedito, alia substituatur evacuatio, partim ratione terræ calcariæ, ad instar magnesiæ nitri. Si balneaveris pro subiecti dispositione diversimodè agunt: nam si v.g. menses nimis à spastica debilitate fluxerint, sistit, si impediti fuerint, referat: idem de cæteris esto iudicium. Per cutis nihilominus poros magnam aliquando materiæ quantitatem evacuare solet: ita enim quæ morbo regiō laborant, linthea sua in balneo flavedine tingunt. In aliis econtra macris, & valetudinariis nonnunquam rubro colore infici indusia cernuntur, quemadmodum hōc annō in tribus mulieribus observatum est, quorum una erat Judæa, altera mercatoris cujusdam Viennensis uxor, tertia nobilissima quædam matrona, quæ elapsa hyeme abortum passa est.

§. XCV.

Quicunque morbi igitur ex dictarum causarum incunabulis pullulant, aquis nostris profligantur: propterea in ophtalmia diuturna, rubore oculorum, tinnitu aurium, cruditate nidorosa, ictero à spasmō, atrophia incipiente, hæmorrhoidibus nimis, in catarrhis etiam tenuibus cum compressionē pectoris, & suffocatione summopere lavari conducit. Siquidem aquis nostris propter terram bolarem speciale est, ut quisquis his utitur, fere redintegratō tonō faciliorem anacatharsim acquirat.

§. XCVI.

§. XCVI.

Recentiora exempla usum hujus balnei comprobant, primò in contrakturâ (si necdum atrophia artus corrumpit) sive oriatur à potu vini nimio, sive irâ, seu colicæ, seu rheumatismo succedat. Fæmina paupercula macra, tota contracta, apparentibus magnis in juncturis tumoribus: & nobilis quidam senex ex Polonia redux, macer, & longæ staturæ, in via omnibus artubus captus est, ambo tamen ita restituti, ut grollos ibidem reliquerint. Postremus octo per diem horis balneavit. Juvenis stabuli præfectus, temperamenti sanguinei, nec jusculum ipse capere potuit. Postquam decies circiter balneavit, restitui cæpit: id ipsum etiam in viro monastico sexagenario diuturniore nuper usu visum est. Ast, ne quis indiscretim podagricus balneet, moneo, augetur enim sæpiùs dolor, præsertim si frigidus fuerit morbus; quia deficiente mineralium spiritu, nulla; aut saltem vix efficax è tunica tendinum vaginali discussio, aut resolutio materiæ tantopere coagulatae, fieri potest: hinc falsi sunt illi balneatoris versus:

Das Baad vertreibt das Podagrab
Darob sich mancher verwundern mag /
Dann es vertreibt den Blut-Stein
So sich von Glüssen setzet ein /
Sich auch darinn coagulirt
Daraus ein fleines Steindlein wird /
Von Baad so bricht die Haut dann auf
So fließt ein weisser Kalch daraus.

nam licet postremi quidem duo versus quandoque verificari possint: non tamen vis specialis balnei est, sed omnibus aquis fontanis, & emollientibus communis.

§. XCVII.

Neminem facilè ex incolis Byrenwartensibus hydropicum fieri perhibetur: quare etiam in hoc quidam morbo dilau-

laudant: ego verò quamvis ædemata, immò & tympanitidem incipientem taliter quandoque curari credam: non tamen ascitem; etenim quemadmodum in hoc summa viscerum labes, humorumque polyposa spissitudo in vena portæ, vix à crassitie calcarie terre corrigi potest: ita labefactatæ in tympanitidis principio fibræ, & roborantur, & acrimoniâ absorptâ spasmī cessant: ædemata verò hōc pactō, restitutō lymphæ circulō, sponte evanescunt. Sunt etiam nonnulli, qui in actuali febrium intermittentium paroxysmo, & scyrrhis commendant: alī nosco virum robustum, qui in quartanæ diuturnæ paroxysmo idipsum tentavit, sed convulsus desuper vix semivivus ex aquis extractus est: concesserim quidem in tertianis vernalibus exquisitis extra paroxysmum, quin & in paroxysmo circa finem nonnunquam prodesse: sed, ubi inveteratas radices febres autumnales egerint, si materiam aliunde in paroxysmo effertam, & incoctam præcipuè per sudores mediantibus balneis movere vis, sexcenta mala produces.

§. XCVIII.

In nephritide etiā, & calculo commendatur; urinæ enim fluxum cum hypostasi sabulosa modò rubrâ, modò alba concitat: sic lanio quidam Melancholicus, qui ita lumborum dolore nephritico excruciabatur, ut nullatenus se erigere valuerit, opem recepit, & vinicola quidam ex Gaurnerstorff constitutionis mediocris quatuor ante annos in ipso balneo calculum per urinam emisit: quapropter in gravidis ob hanc ipsam sive pellentem, sive emollientem, sive tonicam vim appellaveris, per me licet, ordinariè prohibetur nostrum balneum: rustica quædam nesciens se esse gravidam, gravissimis internis doloribus divexabatur, putabat se gangræna laborare: hæc donec erat in balneo nullum sensit cruciatum; ideo tota die insidere desideravit, postquam autem

tem

tem sexies balneâset, filium enixa est, qui quidem brevi periit, ast illa sanitatem ex integro recuperavit.

§. XCIX.

Præ cæteris Austriæ balneis nostrum meritò parthenum dici meretur: plures enim fæminæ, quàm viri, & sanè non illecebrarum, ut Badæ, sed salutis recuperandæ causâ balneare solent: sæpius fluorem album in iis, quæ veneri nimium indulgent, ut plurimum autem excedentem mensium fluxum sistit, atque sterilitati cum primis dicatum esse censetur: Illustrissima, & magni nominis comitissa staturæ longæ, & macra per jocum dicere amat, metuere sibi ab istis aquis, siquidem experimento didicit, quot annis hîc balneat, totidem vicibus imprægnari. Rursus alia dudum prolem non habuit, tandem concepit, sed mortuum cum partu summè laborioso enixa est fætum, verum postquam nostrò se abluit balneò, subito & prægnans, & facile mater evasit. Adeò nimirum Lucina vico Byrenwartensi propitia est, ut quamvis obstetrices, & imperitas, & inexpertas habeat, nullam tamen fere ibidem inveni fæminam, quamdiu senes memorant, quæ difficulter peperisset: multa valde proles est, rusticorum quidam uxores suas à fontis potu, & balneò studiosè arcent; quia ob natorum multitudinem novam, stulta persuasionem, ingravidationem metuunt. Annò præteritò quinquaginta quinque oppidanorum mortui minùs, quàm infantes baptizmate initiati sunt, inter quos sex erant paria gemellorum, & magna masculorum copia.

§. C.

In morbis externis scabie sicca, & ulceribus exedentibus siccis, & inflammatoriis optimum esse dicitur: ita modernus balneator vetulam Gaunerstorffensem macram, & ita foedè exulceratam, quasi à canibus dilaniata fuisset, sine ullo emplastro &c. solò balneò, & linteis, hâc aquâ madentibus, desuper impositis, curavit: item pistor quidam

de Schönkirchen robustus, & juvenis triginta duorum annorum, copiosis nigris bullulis conflictabatur: hæ pruriebant admodum, quas si fricuit, sanguis stillavit, ulcus accrevit, nihilominus aquis nostris sanus evasit. Sunt nempe vulnerarium insigne partim, quod leniter adstringant, partim, quod ichorem temperent, partim quod sordes eluant, non tamen in animum inducere meum possum, quod in erysipelate etiam, ut quorundam mens est, sine ulla circumspeditione tutò adhiberi possint: datò, quod terra calcarea profit, non tamen æquè in aqua, sicut creta colonienfis in forma sicca aptum est remedium, non tamen aquâ fontis humectâ; sane periculo se exponunt ægri, ne dum è balneo egrediuntur, pars affecta perfrigeretur, & periculosius inflammetur.

§. CI.

Nullus paralyticus, nullus etiam, qui diarrhæa, vel pthisi laborat, in aquis nostris hætenus balneare consuevit: in paralyfi quippe causa profundius hæret in nervis, quorum fibræ compactissimæ à nullo balnei nostri principio pro necessitate satis referari possunt: nimirum omnia crassiora sunt, spirituofo carent impetu, & quamvis à calore adjuvantur, non tamen fortiter relaxatum tonum in pristinum statum reducere queunt. In diarrhæa chronica, & idiopathica dummodo per vires licet, & fibræ non nimium collapsæ sint, non video, cur non prodesset aqua nostra, saltem si pro potu ordinario, non perfrigida, & post sumptum cibum usurpetur; abstergit enim, diluit, & successivè roborat. Tandem in pthisi etiam balneare nocet sive ideo, quod adstrictis nonnihil fibris, sudore symptomaticè retento ad hydrorem disponat; sive quod spirituum aliunde paucorum dissipationem ratione caloris præsertim solitò majoris, & syncopen procuret.

§. CII.

§. CII.

Egregius profectò usus balnei hujus est, & suo modo tutus adeó, ut nullus memoretur ex hoc mortuus fuisse: meritò ergo pientissimæ memoriæ Augustissimus Imperator Leopoldus Magnus, & cætera Augustissimæ Domûs Austriacæ diademate ornata capita propriis in se experimentis, vires ejus gratiosissimè confirmare voluerunt: interea tamen regimen exactum requiritur: quidam singulis diebus, antequam balneant, medicinam sumunt. Ego potius observo, quò natura vergat, & quid sola ferre possit, quidve recuset, atque deinde indicationes efformo. Illi qui debilioris sunt stomachi, non profundè nimis balneent, potius semicupium sibi parari sinant: aut saltem priusquam ingrediuntur folium, chocolatâ, jusculis &c. pro ratione temperamenti, ætatis &c. diversimodè ventriculum confortent. Post balneum verò in quibusdam appetitus redit, in aliis fitis urget, in plerisque in somnum est propensio, propterea in lecto sudor statim lenis procuretur, & cætera, sicut *Sect. 1. Cap. 4. §. 54.* probè observentur.

§. CIII.

Magnus in balneo humorum motus à centro versùs peripheriam concitari solet: sacerdos quidam in ipso balneo variolas salubriter acquisivit, communiter verò exanthemata quædam ex iisdem causis, & cum iis ipsis symptomatis, & curandi modò ac *Sect. 1. Cap. 4. §. 53.* efflorescunt: sunt quasi phlyctenæ minimæ, & rubræ, cutimque non exedentes, extremitates maximè, & confertim occupant, rariùs scapulas, rarissimè pectus; nam chylus crudus in sanguinem raptus faciliùs (ob minorem circulationis impetum) in partibus remotioribus à corde stagnat, quàm proximis. Deinde verò sæpe intra quinque dies cum disquammatione cutis abeunt.

§. CIV.

Tandem crusta alba balnei nostri in ulceribus equorum à militibus, qui securitati publicæ in sylvâ ad Hohenleithen invigilant, cum fructu adhibetur. Inservit etiam argenteis maximè vasis à sordibus mundandis, si in pulverem teratur, immò pulveres dentifricos pari jure, ac tophus Carolinus ingredi posset.

APPENDIX.

De Balneo Aquæ Danubiensis.

§. CV.

DAnubius in Don Eschingen decem milliaribus trans Ulmam liberam Imperii Urbem scaturit: Comites de Fürstenberg, & Heilligenberg (è quorum Illustrissimâ modò Familiâ Serenissimus S. R. I. Princeps, ac Dominus Dominus Frobenius Ferdinandus Landgravius in Stülingen, ac Baar, Aurei Velleris Eques &c. &c. Comitibus Ratisbonensibus Commissarius Principalis Cæsareus quàm sapientissimè præest) arce circumdederunt fontem, cujus longitudo juxta *Cluverium* 26. latitudo 18. pedes adæquat: *Tacitus* originem Danubii ponit in vicino colle, quem Abnobam vocat, exiguus in principio amnis, at auctus influentibus sensim aquis ad Ulmam ratibus subdit tergora, per Sueviam, Bavariam, Austriamque, ubi in vicinâ Exempto Monasterio Mellicensi (cujus dignissimus nūtemporis Abbas existit Excellentissimus, ac Reverendissimus Dominus Dominus Bertholdus I. Inclyti Statûs D. D. Prælatorum Præses, & Inferioris Austriæ Primas, nec non S. C. Reg. Cathol. Majest. Consiliarius Intimus Actualis &c. &c.) insulâ aureo dives est fabulo: in Hungariam Taurunum usque, ibidem Istri nomen sortitus, amoenissimis spectabilis insulis progreditur, abhinc Serviam, Bulgariam, & Moldaviam percurrit, & tandem confectis 300. milliaribus in Pontum Euxinum sese præcipi-

cipitat, solúsque hac prærogativâ gaudet, quod orienti soli in amplexus quasi occurrat.

§. CVI.

Varia in Danubium flumina cursum dirigunt, quorum majora nonnulli sexaginta numerant, ab his ejus aquarum energia maximè dependet: hinc non credo eandem ubique esse, aliter ad Ulmam, aliter ad Bellogradum est: ego solum de eo agam, qui proximus Viennam alluit, & ad Nussdorff à communi alveo resectus, in hoc, quod ad mœnia cernimus, brachium, insigni nautarum bono porrigitur. Continuo virore turbidus tacidè, sed Rheno multò velociùs undulat, & adversis fortiter renititur navigiis. Quam mephitim, quásque cloacas imbibat: cujusvis, qui ripas lustrare cupit, oculis, naribúsque innotescit: commune urbanarum sordium est receptaculum.

§. CVII.

Nihilominùs pro sordium magnitudine non tantam heterogeneorum corporum secumvehit copiam. Quinque libras aquæ tempore sereno collegi, igne lento, & vase vitreo evaporavi, at grana septem tantùm ponderavit residuum multis quasi lanæ carptæ filis onustam, saporis falsi, & naturæ alkalinae. Hoc rursus aqua solvi, & in filtro grana quinque materiæ insipidae, & cum aqua forti ebullientis mansêre. Solutionem denuò evaporavi, & tantillum nitri calcarii adeptus sum, quod ex spuma super prunam, & leni in lingua frigoris sensu colligere licuit.

§. CVIII.

Sed ut clariùs in principiorum cognitionem pervenirem, arenam in locis Wechsell &c. & vicinis, ex Danubio hausi, fusca est, & subtilissima, albis intermicantibus lamellis, quales §. 84. vidimus, hanc partim igne forti calcinavi, sed inde magnes nihil attraxit, partim aqua forti, & Regiâ solvi, utraque solutio flavescebat: priorem in tres partes

divisi, in unam cuprum injeci, quod successivè solvebatur, & splendorem suum cum fuscédine quadam ad nigrum vergente colorem commutavit. Alteram marte saturavi, sed nulla Venus decedit. Tertiam oleo tartari præcipitari cum albis flocculis. In posteriorem pariter oleum tartari infudi, sed nulla signa §. 25. auri fulminantis apparebant. Hinc solùm talciformis illa species §. 84. & tantillum lunæ §. 26. hac in arena latitavit.

§. CIX.

At aliis in locis multò pluribus, iisque nobilissimis mineris, ut auro, marte, & cæteris dives est arena: quarum aliquas nuper ex singulari gratia mihi videre licuit. Prima metallica erat congeries post extractionem auri per mercurium relicta, hæc gravis est, & minimas continet particulas disseminatis albi, & vividi splendoris copiosissimis punctulis. Cum aqua forti sensibiliter non fermentat, sed tamen durante affusione in vitro angusti colli levem fumum emit, nihilominus postquam cum oleo tartari præcipitabatur, Mars decedit. Secunda erat Mars beneficio magnetis sine ullâ præviâ ustione extractus. Tertia Mars ignem expertus, uterque horum amœnissimo spectaculo affatim magneti adhæsit, quarta tandem eandem cum prima faciem prætulit, nisi quod neque tantum Martis contineret, neque affusâ aquâ forti fumaret.

§. CX.

Cæteroquin aqua æstate calida, hyeme frigida est, & glacie ita duratur, ut plaustra sustentet: vere sylvæ, & prata nullibi citius, amœniúsque virent, quàm ad danubii ripas, atque si pisces spectas, alibi hufones proprium fluvio genus, alibi carpiones invenies tantæ nobilitatis, ut omnibus, qui ex Bohemiæ piscinis ad nos deportantur, bonitate præstent: quin etiam tum in culinis magno est usui ad coquenda legumina, & carnes duriores, cum in lavandis linteis saponem citò solvit, sordes mundat, sed non semper æquè dealbat.

§. CXI.

§. CXI.

Sapor in aqua nullus est; gravitas, quanta Areometrum in octavum gradum demergi sinit. Præcipitantia, & reliqua, quæ aquis permisceri solent, plerumque nihil immutant, tales sunt gallæ turcicæ, vitriolum martis, mercurius sublimatus, oleum tartari per deliquium, spiritus salis armoniaci, aqua calcis, syrupus violarum, & acidi spiritus, quibus *Cap. 2. Sect. 1. & 2.* usi sumus, solummodò à solutione lunæ leviter, & à saccharo saturni multum lactescebat.

§. CXII.

Ergo potissima vis medica danubii consistit in simplicitate aquei elementi, deinde in terra alkalina, tandem in nitro calcario quæ propter mutatas caloris, frigoris, & cæteras qualitates sæpe diversa est: *primariò*: tamen humoribus fluxilitatem conciliat, *secundò*: post balneum relaxat, & turgidulum reddit corpus, *tertiò*: in balneo solida premit *ex Sect. 2. cap. 3. §. 87.* *Quartò*: si calor accedit, penetrat, & rarefacit, ita, ut pulsus crescat, facies rubeat, & propterea cavendum, ne caleat nimis aqua: aliàs sanguis expansus præcordiorum generat angustias, & animi defectionem, *quintò* demum terra calcaria absorbet, sal abstergit.

§. CXIII.

Ufus vel quotidianus in potu, & culina est, universi enim fontes in Leopoldinâ, Rossaviâ, apud Albicardones, & in civitate ad turrim rubram &c. ex danubio aquam hauriunt. Vel qui dissertationis hodiernæ est materia, usus medicus in balneo: sed hæc aquæ selectus habendus est, illam potissimum suadeo, priusquam ad urbem pertingit, paucioribus utpote sordibus fætam: ideo in Leopoldina, & Rossavia passim accommoda balneis loca invenies, celeberrimus hortus ille est, qui ab Illustrissimis Comitibus de Althan hæreditariis S.R.I. Pocillatoribus dicitur: nam apta ibi occasio, ut folio insidere, & in aquis, si libuerit, circumire possis.

§. CXIV.

Quoniam Medicus nihil facere queat, nisi proportionato naturæ motui accommodam præbeat materiam: ubicunque ea deficit, sive acrimoniam, sive stricturem, sive spissitudinem, sive meatuum oppletionem accuses, per balnea aquarum dulcium, inter quas excellit nostra danubiensis, resarciri potest. Parantur autem vel simplicia, vel emollientibus, cephalicis &c. prout indicatio

DIVIDenti aqVas ab aqVIs

patrI,

ELVto IorDanIs eX aqVIs

FILIo,

VoLItanti sVper aqVas

splrItVI,

pVnienti per aqVas,

* * *

Et parCentI poenItentIVM aqVIs

VIVo, VnI, aC trIno

Deo.

PROLEGOMENA.



Quatuor milliaribus à celeberrimâ potentissimorum Imperatorum sede, Austriae Inferioris metropoli, Viennâ, urbs, cui Baden nomen est, ad fauces vallis, quâ ad sanctam crucem itur, meridiem versus ponitur, circa orientem in ingens spatium planities porrigitur, camporum, oppidorumque amœnitate conspicua, ad occidentem valles habet, & præterlabentium undarum strepitu, & arcium multitudine, & ipso pratorum, sylvarumque horrore spectabilis: dextram, sinistramque gemini obsident montes, quorum hic virore, umbrarumque suavitate multos ad se invitat, ille contrâ vineis quibûsdam ad pedem colitur, sed plurimus squallore, crescentium herbarum marcore, inopiâ, saxisque hæret præruptis, vel ideò gratissimus, quod deformi facie cæterorum nitorem magis, magisque in apricum deducat. Nobilem hanc civitatem præter copiosas lavandis pedibus aquas, novem publico usui constructa exornant balnea, quorum tria ipsis inclusa mœnibus superbiunt, Ducale nimirum (Herzog-Bad) Divi Antonij (Antoni-Bad) & quod ab Illustrissimis plerumque illustre est personis, parthenæ Matris (Frauen-Bad.) Inde portâ cognomini (Frauen-Thor) urbem egressus aliud vicinum offendes (Neu-oder Juden-Bad) Judæis duplò concessum stipendiò, ad lapidis abhinc jactum aliud invenies (Joseph-Bad) & paulò post in famulorum sæpius usum cernes aliud (Johannes-Bad) aliud à sinistris ad ripam præterfluentis, quod ex ipsius structuræ penuria, & precibus pecuniæ locò persolvendis, pauperum (Bettlers-Bad) esse faciliè cognosces, Trans flumen duo alia (Sauer-und

Peters, Bad) æris salubritate, ædium commoditate, & situ jucundô sese apprime commendant. Qui naturam soli, balneorum positum, graveolentem vinearum quarundam à Borealibus excurrentem collibus tractum, erumpentes passim in hortis, domibus, & alibi sulphurearum undarum scaturigines accuratiùs pensitaverit, unam omnium esse originem palam profitebitur. Enimverò ad balneum, quod à Ducibus nuncupavimus, privatîs urbs aperitur foribûs, inter vineta mons cryptam reseat; putares te velut alterum Æneam in avernum à Sibyllâ deduci, portam in viva, pallentique caute invenies, limen rectangulum tuetur pediluvium, cavitas dein excipiendo apta homini quindecim passibus, in ampliorem, at obscurissimum curvatur sinum, & declivi ducit foramine in conspectum crateris, quatuor pedibûs longi, latique, pleni aquâ, tanti caloris, ut, dum rei experimentum caperem, totus sudore diffluxerim, vicinia undique peregrinis massarum concretionibus variegatur, stant exesi saxorum parietes, quorum plurimos culter penetrat, omnia guttas stillant, madent, aër halitibûs suis adeò suffocat, ut, dum quidam mecum ingressum tentaret, à tetrica hac, sacratâque Diti regia recedere coactus fuerit. Hinc lignei ducuntur canales, quorum supernum latus quadrata excavant foramina, parî obturamentô contecta, ad resecandos, si quando contingit obstrui, interiores meatus: deinde excurrunt ad pediluvium, in quod per duplex è ligno epistomium derivatur aqua, tandem longiorî in proxima duo balnea itinere sese exonerant: reliqua occultos à natura sortiuntur cuniculos, qui variis profundè satis mæandris sub terra, aquisque ipsis serpentes in locis, quorum memini (conspicuô tamen magis salientibus è bullis, in Bettlers-Bad / orificiô) liberaliter promanant.





CAPUT PRIMUM.

Considerat Massas è Cryptâ.

§. I.

Um nuper accuratiùs Badensium thermarum cryptam inviserem, sex diversæ in sensus massæ inciderunt. Prima ab ingressu statim, solo, parietibûsque adhæret, arenam inæqualiter crassam refert: Sapor acris, & in fine cum dulcedine, instar vitrioli, adstringit, nec cum spiritu nitri, sulphuris, nec cum spiritu vitrioli, & ejus oleo fermentat, sed solummodò cum oleo tartari per deliquium: Color inermi oculo est eryseus, seu, ut nostrates appellant (Eßelsfarb) immixtis corporibûs quibûsdam fuscis, albentibûs, flavis, rubicundis: collucentibûsque hinc inde tenuibûs, albidis quasi crystallis, quæ per microscopium examinatæ pars in prismata exurgit, eminentibûs copiosis secundum superficiem longitudinem inæqualibûs globulis; pars ex pluribus polyedris compositas sustinet porositates, & cavernulas: Pars fragmenta sunt adeò irregularia, ut ad certas classes deducere laboris inutilis, & infiniti esse videatur. Copia earum tanta conspicitur, ut totum præprimis subtiliorem pulverem nihil, præter meras, sed nonnullas insipidas diceres crystallos.

§. II. Dupliciter in naturam massæ hujus indagavi, igne & aquâ, si igni aperto injicitur, non inflammatur, sed copiosis bullulis spumat, odorem sulphureum intendit, & in corpus leve, porosum, friabile, albidum, seu cinereum, empyreumaticum degenerat, sine ulla acredine adstringendo dulcescit, & eisdem antehac (§. I.) à superioribus manes liquoribus perpetitur.

§. III. At si aquâ repetitis vicibus affusâ solutionem (quæ citò fieri institueret animus, post decantationes in fundo remanet arena insipida, rubescens, potissimum albida, vel flavens, ut ochra, cujus parturior est, pars digitis facile conteritur, non minus, ac si calcinata fuisset. Aqua decantata filtrum lutô genuinô, naturæ mediæ, sed adeò tenui onerat, ut duplicatam emporeticam chartam permearet. Filtratu liquor erat clarus, quem, vel prout in se est, vel per evaporationem, vel per crystallisationem etiam examinare libuit. Atque dum *primum* diversis vitris infudi, ab injecto pulvere gallarum turcicarum, corticum granatorum, florum balaustiorum illicò violaceum & dein nigriorem, conspicuâ similî in fundo materiâ, induit colorem.

§. IV. At dum evaporabatur in vase terreo vitreato, reliquit materiam flavido-albam sat copiosam, friabilem, porosam, saporis dulcis constringentis, non nihil acris. Circa quam trifariam pariter occupabar, nam *vel rursus aquâ solvi*, filtravi, pulverem gallar. turcic. &c. injecti, & liquoris nigredo cum præcipitato dein simili, & virore diverso non nihil propter iteratam filtrationem à priori (§. 3.) phænomeno apparuit. *vel exiccata*, ipsos illos spiritus & olea (quos §. 1. massæ) seorsim affudi, at sine ulla fermentatione. *Vel illam* in prunam conjeci, & tales effectus gradu tamen remissô subsecuti sunt, quales (§. 2.) in massa vidimus: nisi quod hic color purior, sapor acrior, odor autem nullus, nullaque cum oleo tartari, multo minus cum acidis ebullitio accesserit, quæ omnia depurationi (§. 3.) deberi existimo.

§. V. Tandem filtratum liquorem lege artis evaporavi, donec sacram aquam acquisivit consistentiam & difficulter quidem, sed concrevit tamen in salinas crystallos, in ore diffuentes, remanentibus in ijs, quæ unicâ parabantur filtratione, quibusdam super linguam feculentis, quæ si major repetitio fiat labore puritas, non amplius in linguâ, sed in filtro restant, ex cæruleo albicant, insipidæ, & instar subtilioris rasuræ officum (dum digitis leviter premuntur) tactum afficiunt, figurâ non multum abluunt ab iis corpusculis, quæ in spiritu aluminis longâ ætate evanidè per agitationem volitare conspiciuntur. Ast crystallos ipsæ in gustu primum lenem frigoris exprimunt sensum, deinde, postquam plures sæpius exploraveris, cum mordicatione manifesta quasi urunt, & circa finem cum levi, & ingrata dulcedine, vix non stomachum evertente, & quâdam vix perceptibilî adstrictionis notâ amaricant.

§. VI. Crystallos hæc inermi oculô videntur prismaticæ (vide §. 1. oblongæ, tenues, & ut plurimum (si simplices sunt) æqualiter crassæ, extensis secundum longitudinem quatuor, quinque, vel sex angulis, consequenter & totidem hedris, quæ per microscopium spectata

tatæ quandoque eminentiis, quandoque punctis, & spatiolis instar
argenti, albicantibus, lineisque longitudinalibus notatæ apparent: he-
rarum duæ quæquæ adversæ in quadrangulis parallelæ, & undique æ-
uales excurrunt, & in petagonis & hexagonis, quamvis aliquando
parallelismum servant, longitudinem tamen vel latitudinem quando-
que immutant. Extremitates crystallorum difficillimè ob pellucidita-
tem & subtilitatem suam atque rarissimè ambæ (quia una sui plerum-
que in crystallisatione accrescunt) conspici queunt: quantum verò ob-
servare potui in obtusam & sæpius super una recta pendentem terminan-
tur pyramidem, quam aliquando quinque, quatuor, tria, aut etiam duo
quasi incurva planula diversæ magnitudinis, & figuræ v. g. trigonæ,
rhomboidis &c. constituunt. Differunt hæ crystalli à nitrosis vulga-
ribus, partim, quod nitrosæ tenuiores, albiores, difficulter sint so-
lubiles, & pluribus magisque conspicuis longitudinalibus lineis distin-
ctas hedras habent: nostræ verò sunt duplò crassiores, pellucidiores,
citò solvuntur, & obscuriores continent lineolas.

§. VII. Post secundam filtrationem non modò crystallos puriores ex
§. 5.) sed etiam longiores, pulchriorésque obtinui, quas vel siccas,
vel rursus solutas illi terno ferè, cui materiam evaporatam (§. 4.)
examini subjeci, & eadem quidem sed multò elegantiora prodierunt
phænomena. Patereà crystallorum solutioni oleum tartari per deliq.
lavavi, cecidit alba in fundum materia: si hanc per filtrum separa-
m exiccaveris, cum Spiritu vitrioli fervet, & injecta super ardentes
carbones nequaquam spumat.

§. VIII. Explanatis iis, quæ ad primam in crypta inventam materi-
am pertinent, ad secundam me convertito: Hæc vivum petræ fornicem,
quò crater obtegatur, largiter ornat, color in natali loco cum cygnis &
sive certat, interior substantia rariùs paucâ nigredine conspergitur, ex-
terior sulphuream (si nudò deceptus crederes oculò) flavedinem per exi-
ua invenies disseminatam spatiola, quæ, dum domi à me diutiùs massa
servaretur, augeri non nihil apparuerunt: Tota superficies irregularis
est, ex pluribus colliculis & vallibus, si ita appellare fas est, composita,
innumeris, rigidis, albo-micantibus, tenuissimæ, minimæque in-
ar lanuginis infixis oppletur spiculis, quæ microscopium ferè pennata
quasi Bellonæ aut Martis videres solium, ordine disposita ostendit.
Massa hæc gravitate ad salium naturam accedit, & in ore facilè diffuit,
acidum, lenitèrque dulcamarum, & potentissimè cum stupore dentium
stringentem sine odore relinquit saporem.

§. IX. Natura massæ hujus, utpote per olei tartari deliquati affusio-
nem fortiter ebullientis, neque minimam mutationem ab oleo vitrioli re-
ci-

cipientis, acidam esse facile comperies, seu sibi relictam, seu prius super prunas projectam, valde spumantem, & in corpus sibi simile (nisi quod non ita splendide albicet) degenerantem examinaveris. Quin imò, si illam aquam solvere desideras, perages facile, & ab immisso cortice granati & pulvere, eadem facie permutari cernes, quam (§. 3. & 4.) insinuavi.

§. X. Tertiò locò venit massa extra cryptam ex parietibus cultrò & fossa, quam probabiliter lapides exesi efficiunt, aut leviores, aut duriores v. g. silices, ut scintilla chalybe ex quibusdam adjacentibus excussa testatur. Forma ejus inæqualiter eminet albo-grysea, exiguis punctis splendens: substantia friabilis & sapor nonnunquam cum levi acore terreus est: hinc quamvis dicti lapides multum cum acidis v. g. oleo vitrioli, Spiritu sulphuris, & imprimis cum Spiritu nitri, & aqua forti, nullatenus autem cum oleo tartari per deliquium ebulliant: massa tamen hæc neque cum uno, neque cum altero; ideo cavendum, ne illorum permutatio, ut fieri potest facile, contingat.

§. XI. Qui aquam destillatam v. g. balnei nostri massam istam, ut artum est, solvere cupit, tingetur colore primum albò, & relinquet in fundo corpus massæ simillimum, quod omnino exutum acrimoniâ ex contrariis liquorum irroratione minimè fermentat. Si solutio filtratur remanet super filtrum pulvis tenuis, insipidus, albus, quo in mole concreto litteræ, æquæ ac cretæ coloniensi efformari possunt: non tamen propriè creta est, nam hæc ab acidis alterationem patitur, ille vero nec ab istis, nec ab alcalinis. Liquorem filtratum evaporavi, & conspiciebatur pulvis albo-splendens, naturæ alcalinæ, ex minimis squamulis seu oblongis particulis (ut microscopium probat) tactui modicè resistentibus conflatus, sine sapore unionibus immaturis contritis non assimilis.

§. XII. Dum ad craterem thermarum declivi accedo foramine, vicina latebra nigricanti obducitur colore, cujus paries peregrinò, dispersò, & modicò splendore nidescit: hunc experiundi causâ totò cultrò, & pulverem grossum seu quartam massam obtinui, cum micis splendentibus, albo-fusco-flaventem, acido-seu potius salino-terream nec cum oleo vitrioli, nec cum alcalinis fixis fermentantem, super prunam tamen sulphureo cum odore, & cæruleâ flammâ ignescentem.

§. XIII. Huic affine est quintum massarum genus, quod ordinariè sulphur thermarum Badensium appellant, solet non modò canales obstruere, sed etiam obturamentis (quæis quadrata eorum foramina occluduntur) adnascitur: color ejus extrinsecè ex albo- & flavo componitur at si diffregeris, in quibusdam particulis fuscas molleculas comperies in ore nullum excitat saporem, nec, si exiccatum fuerit, odorem: quam

diu tamen balnei aquis humescit, illas redolet. In igne florum sulphuris instar conflagrat, & quod deinde in sartagine remanet, primum quidem ob impuritates nigricat, at si in strias fluere finis, quasi flavescit.


§. XIV. Dum à pediluvio progrederis, totum antrum tapetibus exornatum dices, scintillat undique, & si parietes paululum raseris, molliorum saxorum albus emicat color, decidit pulvis ex albo - & rubente fuscus, terram sapit, nihil olet, cum nullo liquore fervet, in igne non ardet, sed quem vividum prius sparsit nitorem, amittit, subeunte quadam albidâ oblongarum particularum politie, quæ tamen eandem, quam prior pulvis habuit, retinent, ratione effervescentiæ, naturam.

§. XV. Ultimum locum sibi vendicant illuvies seu fæces (der Schlaam) quas genuinas videre res rara est; nam quamvis in fundo crateris pauculam earumdem copiam dari certum sit, non sufficit tamen tam largo dispendio. Igitur ii, qui balneo inserviunt lucri causâ aliquot manipulos ex obvia in vineis terra recipiunt, massâ nostrâ (§. 1.) descriptâ conspergunt, & ordinariè sub fæcum scaturiginis nomine divendunt: tales fæces Ego apud me reservo, & quia, dum massa in earum compositione superspergebatur, terra madida fuit, solvebantur contenti sales, & in tenuissimas, seu capillares crystallos hastatim, confusæque sibi invicem superpositas (quæ per microscopium valde longæ, & unâ sui extremitate latiores, crassioresque apparebant) degenerârunt.

CAPUT SECUNDUM.

Describit Thermales aquas, earumque Experimenta.

§. XVI.

 Consideratur hic primum balnei locus, deinde gradus caloris, & cæteræ proprietates: tandem varia tum per adjectionem, & præcipitationem, tum per evaporationem, destillationemque producta. Balnea in quadrangulum constructa vides, clavi, seræ, scamna, sedilia, verbô, omnia lignea sunt, coassati parietes à feculentis albo-flavescunt, pavimento multis pertunditur foraminibus, quæ sæpè à sulphure (ni probè mudentur) obstructis, negatur, & apertis conceditur aquarum influxus, atque intra diem in tantam molem lavacrum assurgit, ut inundaret, ni junctio balneantium virorum robore sæpius per incile eriguarentur (das Bad abtreiben.) Cæterum ea vis thermarum est,

B

est, ut auri splendorem augeant, reliqua metallorum genera denigrent, ornamenti, facieiue fucum prodant, pinguem immunditiem deturpent, ergo quoties quisquis balneat, toties mundis ingreditur linteis, & mulieres praesertim omnem argenti, spuriamque fugiant elegantiam, ne, quae modò caelesti erant simillimae, in infernam permulentur Junonem.

§. XVII. *Calorem sensus, & sudor docet, gradum, Thermometrum, quod ascendit ad gradum*

In balneo divi Petri	-	-	-	77.
- Mendicantium	-	-	-	85.
- Sancti Joannis	-	-	-	87.
- Judæorum	-	-	-	100.
- Sancti Josephi	-	-	-	104.
- Antonii	-	-	-	106.
- Ducali	-	-	-	106.
- Sauerbad	-	-	-	106.
- Cratere scaturiginis suae	-	-	-	106.
- Pediluvio	-	-	-	106.
- Balneo Virginis	-	-	-	110.

Probè autem advertendum est, quod, si aquas ex his balneis sumptas refrigerari accidat, non citius rursus ac fontana vulgaris ad ignem ex observatione *Monquentini* incallescant.

§. XVIII. *Gravitas per hydro-seu arajometrum (ein Wasser Waag) exploratur, illud in aqua scaturiginis, quamprimùm è cratere excerpta est, subsidebat ad gradum tertium, seu praecisè eundem, ad quem in aqua puteali demergi solet: in cæteris thermarum nostrarum balneis, praecipuis si aëri nocturno liberè exponantur, ratione gravitatis differentia quidem aliqua, sed valde exigua, animadvertitur.*

§. XIX. *Consistentia variat: ingruente enim tempestate, ea potissimum, quae sponte è terra erumpunt, turbidiores fiunt: aliàs verò in scaturigine aqua est albo-turbida;lympida satis in balneis Divi Josephi, Antonii, Ducali, & Judæorum:lympidior, quae à Sancto Joanne, Petro, mendicabulis, & aciditate cognominatur:lympidissima in balneo Virginis: harum omnis, dum commovetur, vel de uno in aliud vas effunditur, leves, paucas, citòque disparentes excitat bullulas, contrà si diutius v.g. per septimanas occlusa quiescat, quandoque non modò vitri fundum brunâ nigredine colorat, sed sedimentum etiam paucum, ad motum vasis mobile, & in aliis lagenis ruffofuscum, in aliis papyro combusto haud abssimile, deponit.*

§. XX.

§. XX. Color in aliis subcitrinus, in aliis ad palearem tendit albedinem. *Anemarinus* vult quandoque colorem reperiri rubeum, viridiusculum, aut nigricantem. Sapor tepore movet nauseam, & sulphureus sæpè cum fumo latè spargitur odor, uterque tamen per noctem, ni bene occludatur aqua, amittitur, vel saltem imminuitur.

§. XXI. Expositis iis, quæ vulgariter in balneo observantur, ad alterantia, & præcipitantia gressum facio; hæc autem ejusmodi sunt, ut quædam nihil, quædam leviter, alia plurimum aquam nostram (dum ei immittuntur) permutent; ad primam classem pertinent oleum, & spiritus vitrioli, nitri, acetum, sal communis, armoniacus, borax, cremor tartari cum saccharo, lac vaccinum, pulvis gallarum turcicarum, malicorii, & flor. Balaustiorum: ubi notandum, quòd, quamvis ex nonnullis tinctura flava, rubra, turbida &c. extrahatur, hicc color tamen &c. hic non peregrinus, sed domesticus, illis, & quibusvis ordinariis aquis communicabilis sit.

§. XXII. Levis aquarum nostrarum mutatio contingit à quibusdam in colore, ab aliis in odore: sic si Tornam solis, aut syrupum violarum infuderis, primum quidem nullam à naturali tinctura diversitatem observabis, sed, dum per noctem in vitro steterit, virescet. Contrà calx viva, vitriolum hungaricum, & solutio lunæ, præter colores, & hypostases, quas in ordinaria aqua producere solent, prior auget, posteriora duo minuunt sulphureum balnei odorem.

§. XXIII. Ex illorum numero, quæ thermas nostras maximè alterare valent, sequentia sunt: 1^{mò}: cum spiritu salis armoniaci guttatim instillato lactescunt, & sedimentum album visitur. 2^{dò}: idem fit cum oleo tartari, nisi quòd non solum leves, tenuissimòsque flocculos simul oculis objiciat: sed si sedimentum etiam post horas aliquot per filtrum separare sit animus, illud alcoholi oculorum cancerorum aut pulveri, quem talì modò (§. 7.) obtinui, formâ & naturâ simillimum esse comperies. 3^{tiò}: Solutio sacchari saturni aquam odore sulphureo vix non privat: fuscum inducit colorem, pulverem album nigris saturni inquinatum corpusculis in fundum dejicit. 4^{to}: Tandem butyrum antimonii odorem ingratum assæ quasi foetidæ æmulum causat, junctò flavedini rubore tingit, & quamprimum infunditur, mercurium vitæ præcipitat: hunc decantatione semovi, reliquam in vitro tincturam per noctem reposui, & altero die omnis coloris, saporis, & odoris expers inventa est aqua, residente iterum pulvere albo-flavente, qui solo colore à reliquiis (§. 5.) in filtro ex crystallorum solutione remanentibus discrepat, non inflammatur, nec ab omnibus iis, quibus (§. 1.) fermentatio explorari solet, commovetur.

§. XXIV. Sequitur Evaporatio. Ego cujusvis balnei mensura duas seu libras octo, tempore sereno accepi, & in vase figulino vitreato, igne mediocri, exhalavi, remanserunt solidi

Ex balneo Ducali	-	-	Grana	20.
-	-	Virginis	-	24.
-	-	Sancti Joannis	-	32.
-	-	Pauperum	-	32.
-	-	Sauer-Bad	-	33.
-	-	Scaturigine	-	34.
-	-	Balneo Judæorum	-	40.
-	-	Sancti Petri	-	40.
-	-	-	Antonii	46.
-	-	-	Josephi	50.

Durante evaporatione per vas multam materiem saporis salis cum spumulis transudavit, & peracto omni labore vas ipsum adeò friabile, exesumque factum est, ut sponte suâ in multas terreas, salâsque lamellas disquamaretur.

§. XXV. Solidum, quod ab evaporatione remansit, in omnibus balneis idem est, ab acidis spiritibus (§. I.) non modò fermentat, sed & ab oleo vitrioli fumum album nares ipsas titillantem admittit, super prunas projectum nec spumat, vix leniter crepitat, non tamen inflammatur, saporem habet in quibusdam similem salî culinario, & particulas, ex quibus componitur, subtiles valde: cæteroquin, quemadmodum (§. 23. n. 4.) post separatum prius mercurium vitæ altero die in vitro reperta; ita etiam hoc evaporatum facibus ex crystallo- rum depuratione (§. 5.) in filtro remanentibus formâ suâ est perquàm simile.

§. XXVI. Si curiosior es, facilè illud in duo diversa corpora dispec- ces; nimirum, recipe evaporati hujus grana 105. solve in aqua de- stillata v. g. balnei ipsius, quantum satis, filtra, & rursus liquorem evapora: sic aliud corpus invenies in filtro, aliud in fundo vasis, ex quo evaporationem instituisti: illud pondere drachmam unam explet, insipidum est, per calcinationem albescit, nec unquam ampliùs aquâ solvi potest. Hoc de genere salis albi esse censetur, cujus sapor idem, quem (§. 25.) degustavi, particulæ verò quasi crystalluli oblongæ, pel- lucidæ, tenuissimæ, hinc inde dispersæ, quædam irregulares, quæ- dam tantâ nebulâ obvolutæ sunt, ut eas neque microscopiò discer- nere potuerim. Utrumque hoc corpus ab acidis, neutrum ab alca- linis, æquè ac (§. 25.) eorum compositum fervet; si fumum exceperis, qui ibidem ab affusione olei vitrioli solet elevari, etenim quam-

quamvis & hunc quidem in posteriori conspicias, neutiquam tamen in anteriori, seu post præmissam calcinationem, seu antehac experimentum ceperis.

§. XXVII. Agmen claudit destillatio thermarum, quarum libras 16. ex scaturigine accepi, & ex cucurbita vitrea longi colli in balneo Mariæ per alembicum prolicui aquam lymphidam, claram, empyrevma redolentem, in qua non solum demersum thermometer unô gradu magis, quàm (§. 18.) demergebatur; verum etiam nec oleum tartari, nec spiritus salis armon. ullam perturbationem (contrà ac §. 23. n. 1.) induxerant. In fundo cucurbitæ reperiiebantur drachmæ tres solidi residui, inodori, luteo-flaventi, cujus sapor, cujus figura particularum (dum armatis inspiciebatur oculis) ad crystallos salis communis accessit, quæ super ignitum carbonem crepitat, quæ ab oleo vitrioli fumat, nares acriter feriendo, & reliqua (quæ §. 25. in evaporato enumeravi) sed gradu eminentiori præbet phœnomena.

CAPUT TERTIUM.

Statuit constitutiva Thermarum Badensium.

§. XXVIII.

Multæ hanc in rem prostant opiniones Theophrastus Paracelsus com. 1. lib. princip. tract. 9. Speciem quamdam Talci & Kakimiam seu mineram alicujus metalli immaturam balneis nostris inesse meminit. *Wölffgangus Anemarinus tractatulo de thermis Anno 1511. edito* (quem ex Bibliotheca AA. RR. DD. Canonicorum Regularium ad S. Dorotheam mihi perlegere licuit) capitulo primò enumerat sulphur, nitrum & alumen inter principia. Huic sententiæ fideliter adscripsit Anno 1568. *Martinus Rulandus in hydriatrice pag. 43. & Monquentin in thermologia Badavino-Austriacâ Anno 1651. typis datâ*: *Georgius Krekwig auß Siebenbürgen in totius Regni Hungariæ descriptione editionis Francosurtensis & Noricæ pag. 21. addidit sal gemmæ*; ast *Festa in seinen Badner Bad* hunc rursus expunxit, & vitriolum ejus loco substituit. Tandem *Carolus Pisani in Disputat. sua inaugural. Cap. 2. §. 7. pag. 14. Viennæ editâ* Festæ sententiam correxit, dum salia illa non seorsim sub propria sua figura, sed in sal tertium permutata esse contendit. Si solidam diversissimorum assertorum rationem expetis, omnes hos licet pervolvās Authores, nullam invenies: purè, quia ita placuit, asseverant. Igitur, ut methodicè rei fundamentum eruamus, signa adducam characteristica, quæ

queis præfata mineralia ordine cognoscere, discernere, ideoque felicius de eorum existentia judicare possumus. Ordior autem à nitro, & terra calcaria, dein per talcum, sal commune, vitriolum, ochram, alumen & sulphur excurram, donec in spiritu minerali, & Kalkimia conquiescam.

§. XXIX. Omne nitrum excitat in lingua lene frigus cum amarulentia ferè acrimonia, & crystallos format prismaticas, prout *Listerus* accuratè depinxit. Duplex est, officinale, seu Halo- & calcarium, seu aphronitrum. Illud prunæ injectum accenditur, totum in halitus diffatur, cum sulphure fusum detonat, & naturæ inter acidæ & alkalina est mediæ. Hoc super carbones ignitos projectum sine flamma liquefcit, in bullas elevatur, & in corpus instar pumicis albi degenerat. Quia igitur posterioris proprietates in crystallo nostris (§. 5. & 6.) liquidò cernuntur, de illius saltem ad thermas præsentia non ambigo. Ast, qui halonitrum somniaverit, nullò experimentò, aut ratione evincet.

§. XXX. Nec juvat dicere crystallos nostras non effervesce cum acidis, quod de essentia aphronitri est, utpote naturæ alcalinæ, cujus solutio non solum cum syrupo violar: & Tinctura tornæ solis cærulea virescit, cum oleo tartari, & spiritu salis armon: lactescit &c. Verum etiam mundificat, & cum acidis effervesce: mundificatio ex *Jerem. 11. vers. 22.* colligitur, dum Judææ peccanti dicitur: *si laveris te nitro, & multiplicaveris tibi borith.* Effervescencia verò ex *Proverb. cap. 25. vers. 20.* acetum in nitro, qui cantat carmina cordi pessimo. At respondeo, de essentia non esse, ut omne nitrum calcarium cum acidis extra terram effervesceat; potest enim in cavernis interioribus saturari, qualiter apud *Hoffmann: in opusculis physico-medice pag. 50.* egregiè in pluribus germaniæ fontibus fieri demonstratur, & antiquitus etiam nitro calastreo apud *Plinium* eveniebat, quo, ad condiendum panem, utebantur Macedones: cum igitur in nostris thermis ingens sit spirituum corrosivorum quantitas, ut inferius demonstrabitur, hi, dum in crypta incarcerationati extra aquas vagantur, ad punctum saturationis nitri alcaliscentiam, sicut sal tartari in præparatione tartari vitriolati contingit, opplent. Contrà verò, donec ipsius aquis eorum energia diluitur, aut liberè evaporare valent, alcaliscentiam quorundam corporum manifestè conspicias, ut ex (§. 22. 23. 25. &c.) liquet; dum ex eo etiam confirmatur, quod linthea munda, quò sæpius quis balneat, eò magis, magisque dealbentur.

§. XXXI. Certum igitur est aphronitrum ad balnea Badensia reperiri: verum sitne in aquis ipsis, haud satis scio. Profectò neque post evaporationem (§. 24.) neque post destillationem (§. 27.) in fundo illud

illud reperire potui. Neque existimare possum illud esse volatile : si-
quidem alembicum transcendere, & in recipiente aquæ destillatæ per-
misceri debuisset, quod tamen neque ex olei tartari, neque spiritûs
salis armon. (§. 27.) ullâ lactescentiâ divinare licet. Nihilominus si
spumas, quæ durante evaporatione (§. 24.) transudant per poros va-
sis, terrei trutino, aliquam saltem hujus nitri inexistentiâ denegare ne-
queo. Neque oggeras velim, residuam à destillatione materiam (§. 24.)
non spumare; nam hoc à paucitate nitri calcarii, crepitatione salis
communis, præpondiô, & qualitate aliorum principiorum impeditur.

§. XXXII. Ubi nitrum calcarium reperitur: ibi etiam lapis calcarius,
sive qui in calcem uri potest, ignitus, dum in aquam projicitur, facilè
desilit: ejus facies interna, si diffringatur, lævis est, & ad polituram
spectat: huc referuntur creta alba, argilla, silices, gypsum. Dum aquis
calcaria hæc terra inhæret *Listerus* cognosci putat, si ad ignem aqua te-
pefiat, decidit enim statim, si quædam inest, ochra, dein squamæ lapi-
dis calcarii, tandem si ulteriùs ad medium evaporas, in nonnullis
aquis plumosum alumen. Contrà si sine igne sponte naturæ solùm,
& in vase clauso sedimentum præstolaris, lentè valde cadit ochra,
lapis autem calcarius non nisi adhibito gelu. Ego compendii, & fa-
cilitatis causâ præcipitatione usus sum, & partim, ex sedimento (§. 23,
n. 1. & 2.) ad mentem *Hoffmanni*, partim ex residentia secundaria per
butyrum antimonii (§. 23. n. 4.) calcaream terram balnea nostra ingredi
cognovi, comprobatur materia illa, quam instar cretæ (§. 11.) & dein
etiam ex balnei evaporati residuo (§. 26.) in filtro obtinui: præsertim,
quia non procul à Bada ad oppidum (*Waden*) multa calx in ædium usum
ex talibus lapidibus indies exurit.

§. XXXIII. *Paracelsus* fortè materiam hanc, quam lapidem calcarium
nuncupo, nomine Talci insignivit, quia hoc igne adustum asperum, &
suò modò friabile est, exuccúmque nîl omninò oleosi ad speciem pos-
sidet, quod si ita, lubens assentior: si in rigore talcum intelligit, nego:
talcum enim in pulverem politum, pinguem, & nulla elasticitate tactui re-
sistentem redigitur, nec cum acidis, nec cum alcalinis fermentat, & intra 4.
dies vix igne fortissimo apud *Schræder*: calcinatur. *Vide etiam commercium*
litterar. pag. 21. contrà est in materia thermarum nostrarum, sub contactu
instar rasuræ ossium resistit (§. 25.) citò calcinatur, cum acidis, usque
dum non sufficienter saturata est, fermentat, & in materiâ ex crystal-
lis (§. 7.) & ex balneo (§. 23. n. 2.) per oleum tartari præcipitatâ clarè
vidimus. Quod si dicas fermentationem hanc ab oleo tartari cum
sedimento sese maritante provenire: memineris velim, quòd residuum
ab evaporatione (§. 25.) pariter cum acidis pugnet. Si urges: pugnam
hanc

hanc salis tantum communi adscribendam esse : tibi oggero , quod sal communis quidem cum oleo vitrioli , non autem cum cæteris mineralibus spiritibus acidis fermentet , secus ac materia locò citatò. Tandem si dicas , talcum ab ignibus subterraneis calcinatum esse. Respondedo : quòd talis calcinatio non modò fictitia sit, (quis enim in balneo Mariæ calcinationem credet?) verum, etiamsi daretur, multò citius salis communis energia (de quo mox differam) destrueretur, quàm talcum vel levissimè calcinaretur.

§. XXXIV. Dum aphronitrum in nostris statuimus, illud multis impuritatibus commixtum esse, quivis facile concipiet, à quibus, si fortè depurari posset *Theophrastus tom. 1. pag. 1037.* existimat, halonitrum verum productum iri: ait enim: in der Erden wird ein solch Salz / wie Nitri ist / gefunden / nemlich / daß die Natur durch die Poros der Erden / wo sie Hülinen / Cataracten / und Löcher hat / in denselbigen setzen sie Zapffen und lange Röhren auf Salz Gestalt und Form. So nun dieselbigen Salz Zapfen genohmen werden / und nach der Salz Kunst bereit / alsdann so werden auch beyde Salz daraus: ein Eß - Salz / auch ein Nitter - Salz &c. Inter impuritates primas tenet sal commune; unde, nisi in nitro excoquendo debita cautela adhibeatur, totum ferè nitrum in auras abit, relicto merè sale communi, quem figura prodit cubica, sapor salus, crepitatio super carbones, & fumus albus ex affuso oleo vitrioli elevatus, fortitèrque nares feriens. Porsus idem fatum Ego ipse in evaporatione (§. 24. & 25.) & destillatione (§. 27.) balnei expertus sum, nullum ferè nitrum in fundo remansit, sed ut plurimum, quidquid erat, cum salis communis notis conveniebat.

§. XXXV. Omnes Europæ plagæ ferè martialem alunt mineram, quare & vitriolum, quod conficitur, martiale potissimum est. Hoc verò spectatur vel in fieri, vel in facto esse. In fieri, dum ex matrice sua v.g. è pyrite progerminat, sive in solo aëre, sive stillantibus desuper aquis: ibi pilis albidis, tenuibusque ad trichitis modum, sed successivè cum virore crassescuntibus propullulat: hic dum stillicidium artificiale instituitur eà cautela, ut, priusquam à gallis nigredine tingatur, aqua amoveatur (& inde sal cubico - rhomboides extrahitur) aut tamdiu stillare finitur, donec immixtis gallis atramentosus nascatur color, sed tunc crystallos multangulas subvirides instar aluminis adipiscimur. In facto esse vitriolum observamus, dum ex priori statu per debitam maturationem ita perficitur, ut vireat, crystallosque efformet ex decem planis, quorum quatuor media sunt pentagona, extrema autem ubique terna triangula. *Listerus tract. de thermis ac fontibus medicatis Angliæ.* In genere verò, quidquid potenter vitriolicum est, habet saporem nauseosum,

olum, dulcem & fortiter adstringentem, alcalinis & acidis fermentat, & ab austeris v. g. gallis, corticibus granat: , flor: balauft: &c: denigratur.

§. XXXVI. Thermæ nostræ ex montibus scaturiunt, qui continuo tractu in vicinam progrediuntur Styriam, ubi ingens copia ferri conficitur, attamen ipsæ nullum nec in sapore (§. 20.) nec gallarum (§. 21.) vel alkaliorum (§. 23. n. 1. & 2.) additione, nec ullô hætenus mihi cognitô modô vitrioli signa patefaciunt, ne dicam, genuinum illud, & maturum unquam inde elici potuisse. Ast massa secundô locô (§. 8.) à me exposita ferè nihil præter immaturum est vitriolum, cujus quidem genesis non ab ochra, donec in aquis hæret, petenda est, sed postquàm iade in petrosum fornicem elevatur, vel ibidem aliunde hæret, ab ambiente humido in caverna aëre ita disponitur, ut quemadmodum (§. superiori) vitriolaceus trichites artificialiter, ita & hic naturaliter progerminet.

§. XXXVII. Ochra lutea, vel purpurea est terra: ponderosior cæteris, postquàm crematur, ferè tota à magnete attrahitur, & in universis atramentosis acidulis reperitur: nihilominus potest ita lavari, ut non amplius aquas cum gallis turcicis denigret: si in lagena clausæ tales aquæ sibi relictæ frigidæ servantur, lentè ad fundum præcipitatur, ast si ad ignem tepefiant, omnium primò propter metallicam ferri gravitatem detruditur: quod nonnulli etiam ab immixtis conchis præparatis affirmant; ochra hæc nonnunquam volatilis valde, per coctionem ferè tota exhalat, propterea aquæ nonnullæ minùs æstate, & cælô ferenô, magis nubila hyeme à gallis colorantur. Hæc passim *Listerus lib. cit.*

§. XXXVIII. Thermas nostras etiam ochram secum ferre, innuit partim sedimentum, quod in lagenis (§. 19.) reperitur, partim post destillationem residuum luteo - albens (§. 27.) omnium optimè verò crystallorum paratio (§. 5.) siquidem in filtratione tota inferior filtri pars materiâ coloris flavi inficitur: imò si crystallorum solutionem cum conchis præcipitare lubet, manifestè in fundo reperies. Neque juvat dicere, residuum ex evaporatione (§. 26.) diuturnâ calcinatione albescit: ergo nihil ochracei continet; nam ochra illa volatilis est admodum, imò magis quàm in thermis Bathoniensibus Angliæ, siquidem hæ saltem leviter nonnunquam atramentosæ sunt, ast nostræ (quantum hætenus §. 21. experiri licuit) nullô modô, sive ob puram volatilitatem, sive propter paucitatem ochræ, aut velocitatem aquarum in terra desuper fluentium (ut dum §. 35. per stillicidium vitriolum conficitur) contingit. Nihilominus in crystallis (§. 7.) & massa
C
secun-

secundâ (§. 9.) satis fixa reperitur: neque ab igne evaporante, vel urente deperdit extricatam magis (propter evaporatam domi sensim sensimque humiditatem) ochraceam flavedinem (§. 8.), quoniam partim ab aëre, partim â minerali illo Spiritu in fixius abivit corpus. Unde autem ochra ista proveniat, an primariò fortè â pyrite, hæreo: quamvis enim prout *Listerus Cap. 7. pag. 54. docet*) lixivio saponariorum aquas nostras jam jam ferme evanidas præcipitârim, nullus tamen aureo splendore micans pulvis præcipitabatur, ex quo pyriten inferre liceret.

§. XXXIX. Alumen duplex potissimum est, aliud scissile, aliud rupeum, seu etiam ex terra bituminosa nigra, & subadstringente prope Halam Saxonum elicited: illud quasi lapis est canescens, aspectu ferè pinguis, ex numerosis tenuibus fibris facillè separabilibus componitur, ex Styria ad nos defertur, saporem *Boeclerus* statuit subadstringentem, *Dioscorides l. 5. c. 77.* validissimè adstringentem, Ego in illo, quod gustavi, terreum tantum percipio, non solvitur aquâ, nec cum acidis fervet. Dum in forma pulveris cuti aspergitur, pruritus excitat, quâ ratione ad paralytica membra applicatur. *Listerus pag. 32.* simile ferè alumen ex sulphure usto & ipso pyrite simul maceratis parari docet. *Lösneys* verò in *seinem Bericht von Bergwercken pag. 332.* ait: die Erde aber (loquitur de coctione lixivi aluminis rochæ) die am Boden der Pfannen liegen bleibt / thut man davon / dann sie ist fett und aluminisch / in welchem oft das weisse / und leichteste Federweiß gefunden wird. Qui fibris aluminis scissilis assimilaverit particulas oblongas & insipidas, quæ vel ex massa prima in filtro (§. 5.) remanent, & crystalli instar pellucet: vel ex massa tertia per evaporationem & filtrationem (§. 11.) acquiruntur, ex mea sententia non aberrabit, nam supra cutim pruriunt leviter, & ex cæteris multa signa coindicant: at tamen quia particulas has tantummodo extra aquas conspexi, nullatenus ex thermis elicere potui, eas inter constitutiva numerare nequeo.

§. XL. Rupeum alumen, vitriolum saturni est, & artificialiter ex creta Spiritu Sulphuris solutâ, iterumque coagulatâ parari potest, ut docet *Vicarius in hydrophilacio Cap. 8. pag. 43.* crystallos format secundum alios octo, secundum *Listerum* undecaædros, quæ non modò in igne facillè spumant, sed etiam (si scatulâ munitæ in sacco portentur) facillè dissiliunt, cum oleo tartari, non autem cum acidis fermentant, sive urantur, sive non, lac coagulant: quin & illud proprium est alumini, ut nitri tum calcarii, tum phlogisti crystallos elegantiores reddat, si ejus frustulô patina, in qua crystallisatio adornatur, leviter ad imitationem *Listeri pag. 33.* fricetur, vel ut *Erkerns* habet in *seinem*

Probit

Probir, Buch L. 5. pag. 137. wann das vollbracht (agit de præparatione nitri) dann so nehme 3. oder 4. Loth gebrandten Alaun klein gestoffen / schütt den in die Läuterung / rühre sie wohl um / darvon pflegt der Salpeter schöne lange Schuß zu thun. Qui aquarum examina instituunt, putant, dum ab immissa cochinnella color intendatur, aluminis signum esse, aut falsò, quia id etiam vitriolaceis convenit. Hoffman. opusc. physic. chymic. pag. 299. ait. aluminis solutio à gallis turcicis nigredine non tingitur, ac meâ experienciâ saltem fuscitas inducitur: rursus dissertat: de methodo examinandi aquas pag. 24. ubi de exploratione aluminis per præcipitationem differit, sequentia habet: si verò hâc mixtione) aquas intelligit minerales mixtas cum oleo tartari per deliquium) candidum præcipitatum igni impositum spongiosum fiat, & intumescat, tunc demum non amplius de aluminis præsentia dubitarem, id ipsum confirmat part. 2. opuscul. phys. med. Verùm enim verò hoc totum sedulo labore erroneum esse comperi: nunquam enim præcipitatum simile super ignem spumare solet; quod ipsissimus Hoffmannus, si verborum suorum meminerit, confirmat: ait commentatione in Schræder: Cap. 24. pag. mihi 705. editione vernaculâ: recipe solutionem aluminis, superaffunde quantitatem sufficientem olei tartari per deliquium, & subito coagulum album præcipitatur, quod, si exiccatur, lapideam præseferens calcem, quæ neque in igne funditur, nec spumat.

§. XLI. Nullum ex antecedentibus experimentum est, quod in balneis nostris vel granulum hujus aluminis probaret, non lac coagulatur (§. 21.) nihil in residuo ab evaporatione, nihil à destillatione relinquitur, nihil per præcipitationes &c. ostenditur, quod alumen spiraret. Eadem prorsus de massis ratio est. Dices: massa (§. 8.) habet saporem cum stupore adstringentem, spumat in igne, cum oleo tartari ebullit, non cum acidis; prorsus ad modum aluminis (§. 40.) Denique crysalli ipsæ (§. 6.) eleganter quasi Erkeri methodò excrescunt. Sed contrà est, quod potens illa cum stupore adstrictio inde proveniat, quod Spiritus illi minerales continuò ex scaturigine eleventur, massamque fornicis sui nimium saturent, quemadmodum in compositionibus nitri nitrati, terræ foliatæ tartari &c. observamus: quare etiam cum oleo tartari per deliquium fervet, non cum acidis: spumare autem in igne necesse est propter admixtum nitrum calcarium: Tandem crysallorum elegantia ab alumine proficisci nequit, ob tam difficilem earum concretionem (§. 5.) alumen enim facilitare debuisset, adde, quòd Ego sæpius alumen cum nitro solvere, & in easdem crysallos combinare contenderim, sed irritò successu, nitrum enim sua prismatâ ad latus, alumen verò octohedras semper in fundum deposuit.

§. XLII. Sulphur vulgare artificialiter conficere docet *Frid. Hoffmann. opuscul. phys. chymic. l. 3. pag. 304.* si vel Spiritum aliquem vitriolaceum v. g. aluminis, sulphuris, vitrioli cum opio &c. per retortam destillaveris: vel si cum carbonibus pulverisatis aphronitrum Jenense, vel sal thermarum Carolinarum, Schemnizensium, acidularum Egrarum, sedlicense, tartarum vitriolatum &c. in igne liquaveris. Notandum verò, quòd nec prius cum Spiritu salis communis, aut nitri, nec posterius cum sale alkali nitroso, borace &c. succedat. Nullum corpus sulphure citius conflagrat, cæruleam spargit flammam, odorem tetrum sæpè pectori infensum, suffocantemque: quamdiu tamen sine igne, calce vivâ, aut fortiori triturâ est, odore caret: cum liquoribus alcalinis in lixivium resolvitur, & per affusionem acidi in lac virginis præcipitatur: olea destillata rubedine & Spiritum vini rectificatissimum flavedine tingit, cujus tincturæ adminiculô, quin & aliàs, argentum denigratur.

§. XLIII. Tale sulphur thermas nostras inhabitare, sed ob multas heterogeneousitates oleum terebinthinæ & Spiritum vini rectificatissimum albo - flavescenti tincturâ imbuit, & affusâ aquâ lactescit, quod non modò massæ (§. 12. & 13.) & flos ille albicans universis ejusmodi aquis innatans, & circa oras istiusmodi fontium ubique (§. 16.) adhærens ad oculum demonstrant, sed ipsis etiam balnei aquis (præter ea, quæ §. 16. observantur) inesse confirmat experimentum (§. 23. n. 3.) siquidem recens balneum (â quo nondum exhalavit sulphur) in obdurato angusti colli vitro ad illud perficiendum requiritur; secus enim â saccharo saturni non fuscitas, sed lacteus inducitur color: qui tamen quamprimùm particulam florum sulphuris addideris, rursus in fuscum degenerat: manifestô indicio, quod, quæ in evanido, eadem etiam in recenti balneo causa sit fuscitatis.

§. XLIV. Ingentem ex balneo nostro spirituum mineralium copiam exhalare, non modò ipse odor longè latèque diffusus nos docet, sed & guttæ, quæ in scaturigine ex petrosæ cryptæ fornice extillant, lintea corrodunt, & panni colorem viciant. Ast quò certior est eorum præsentia, eò obscurior eorundem origo, & differentia. Probabile tamen est, eundem non tam ab arsenico, antimonio, bitumine, aut sulphure vivo ortum trahere; siquidem in Austria harum nulla mineralium extant vestigia; potius igitur existimandum est, quòd pars ex vegetante martiali minera, quam *Paracelsus* nomine kakimiæ occultavit, pars ex calcarii lapidis germinatione, primariam suam originem ducat, plerique enim vicini montes magnâ sui parte ex his duobus compinguntur, atque, ne frustrâ rem asserere videar, spiritus ille, qui

ex scaturigine elevatur, sulphurei odoris est, & vitriolaceam massam (§. 8.) efformat: sed hoc potest solus spiritus ex minera martis proveniens; siquidem, si pyritem cremaveris, idem evenit secundum *Listerum*, ergo. Quod verò lapis calcarius in germine halitus spiret, nōrunt nitrarii, quos ideò *Ramazzinus* non lipire existimat. Præterea crystallis (§. 6.) nitrosis etiam vitriolaceus sapor inest, & vicissim massæ (§. 8.) nitrosa miscetur spumescencia, quia in earum generatione mineralis ille spiritus & martialis, & nitrosæ fuerit prosapiæ. Confirmat locus ipse, in quo massa prima & tertia invenitur, nam hæc propior est scaturigini, illa remotior, in hoc vitriolum, in illo nitrerum prædominatur, Quia vitrioli spiritus minoris respectivè est volatilitatis, quàm nitrosus, ut patet ex chymicis.

§. XLV. Tandem quod proportionem ingredientium attinet, quantum fieri poterat, destillatio & evaporatio palam dant, accuratius verò nec ob volatilitatem, nec ob diffusam nimis eorum vim definire nequeo. Audite, candidum hæc super re *Henrici ab Heer in spadano crene cap. 7.* iudicium: cæterum quâ subterraneorum proportionem (Thermæ) commisceantur, quotquot mihi præscripserunt, (ipsâ sententiarum suarum confusione se occultè nescire fatentur) nec sanè video, quem inter calida & frigida habeant ordinem; hoc in origine Nili aut *Democriteo* in puteo cum veritate latet, nimirum in luce rerum tenui homines caligamus, in mediocri cæcutimus, in majori talpæ sumus, in maxima insanimus, sufficit ergo scire his aquis nitri calcarii, terræ calcariæ, salis communis, ochræ, sulphuris vivi, spirituumque mineralium vim inesse, qualitatibus tamen primarum proportionem manente incertâ, &c.

CAPUT QUARTUM.

Modus agendi, & adhibendi balnea.

§. XLVI.

Actio balnei alia est per accidens, alia per se: illa, in ambulatione, motu, qui in thermis contra pressionem aquæ instituitur, & animò à domesticis curis liberò, hæc, ex ingredientium natura resultat, & consideratur, vel quatenus omnia simul agunt, vel seorsim. Actio omnium ingredientium simul consistit in gravitate & calore. Gravitas est communis ferè aliis aquis putealibus ex (§. 18.) ideòque hac ratione non aliam habet prærogativam, quam *Bellinus* trad.

tract. de urinis & pulsibus pag. 143. & 44. adscripsit: unumquodque balneum gravius est aëre, quo circumscribimur, unde quoties demergimur, magis non solum rectâ, sed quaquaversum premimur, & cùm ossa cedere nequeant, partes, quæ propter minorem â cute distantiam pressionem perducunt ad os, validè comprimuntur; has inter sunt omnis generis vasa, unde quidquid inhæret, facilè exprimitur, & contactum mutat, augeturque circuli velocitas, longò etiam â balne tempore perduratura. Confirmatur ex urinis balneantium aquosis corrugata cute, & facilitate, qua brachium, donec in aqua hæret propter nisum, quo aqua illud ex se urget in superficiem, multò promptius elevatur, quàm deinde per aërem: tantò enim difficilior est in aëre elevatio, quantò renisus aquarum excedit momentum aëris.

§. XLVII. Calor thermalis non idem est, ac calor aquæ ad eundem gradum igne tepesactæ, nam 1^{mò}: illa non æquè urit os, si sumatur, ac hæc; 2^{dò}: cocturæ ratione: sic quædam folia colore tantum mutato, in calidissimis thermis rigida permanent, cum ea â levi coctione in aqua mollescant. 3^{tiò}: nocte plus incalescunt thermæ, quàm interdiu, siquidem in balneo Ducali â meridie thermometer 106. gradibus ascendit, quod horâ quartâ matutinâ 115. æquavit. 4^{to}: aëri expositæ diutius calorem servant, quàm aquæ similes igne culinari tepesactæ. Ergo calor iste non præcisè humectat, sed exiicat magis, & reliqua thermarum principia in motum majorem deducit, propter quem citius profundiusque in fibras penetrant, & vim secundum proprietates suas exercent. Hinc â balneo per plures horas habitus corporis valde turget, florido colore quasi scintillante suffunditur, si longius protractum fuerit, phlogoses ascendunt, atque sudor copiosus, si præcipue in lecto requiescant, profluit.

§. XLVIII. In specie *nitrum calcarium* abstergens est medicamentum. *Terra calcaria* acrimoniam acidam temperat & absorbet. *Sulphur* præterea humores in peripheriam propellit. *Sal communis* viscositatem resolvit. *Ochra* roborat languidas fibras. *Aqua* per poros cutis protrusa vehiculum suppeditat fluidis, & solida in motum deducit: quemadmodum *Bellini* experimentò *loc. cit.* contingit in fune, è cujus altero extremo pendet saxum, quanti vis ponderis, ita ut funem in maxima tensione detineat, si deinde superficies funis leviter spongiâ madidâ humescat, videbis paulò post saxum attolli.

§. XLIX. Spiritus tandem mineralis pervadit omnia, minimos nervorum tubulos aggreditur, & ingreditur, martis ex natalibus ortus, villos minimos, quos cætera medicamenta communiter ob improprietatem molis intactos sinunt, in motum tonicum deducit, ir-

ritat

ritat potentissimè, ut phthysicorum suffocatio docet, humoresque sine dubio strangularet, ni partim aquarum copiâ, partim nitrosâ lapidis calcarii halitibus contemperaretur. *Neque opponas*: spiritum hunc utpote naturâ acidum non rarefacere, sed humores coagulare debere: siquidem non talis est aciditatis, qualem ars simpliciter ex salibus mineralibus parat, sed sulphuream penes acquirit indolem: noscimus enim spiritus viridis æris, nitri, vitrioli, &c. acorem, conjunge tamen corpus sulphureum, & elegantissimum habebis deopillativum v. g. spiritum asthmaticum; carminat: de tribus, mixtur: simplic. &c.

§. L. Patet ergo vim thermarum nostrarum esse tonicam, aperientem, abstergentem, exiccantem, & calefacientem. Patet 2dò thermis nostris nihil inesse præter nauseosum saporem (qui tamen communis est pluribus egregiis medicamentis) quod eas ab usu interno in robustioribus arceret, cum primis si dosis cuique competens, per gradus prius à minori ad majus ascendendo inveniatur. Id ipsum sanè *Monquentin lib. cit. Cap. 4. & circa finem* pluribus exemplis confirmat, & plerumque per vomitum, aliquando secessum, sudorem, & urinam operari ait, prorsus ad eundem ferè modum, quo omnes aquæ medicatæ apud *Hoffman.* pro re nata & saburrâ in ventriculo, intestinis, &c. vires suas exercent.

§. LI. *Festa* quidem minùs opinionem nostram probat, dum pag. 25. putat terrestri sulphure vasa lactea & cætera æquè ac canales, quæ ex scaturigine in præmio deducitur, obstruere, cujus rei tragicos effectus ille pag. 27. propriis experimentis se confirmare posse, ait, ast nullum adducit. Tandem ita progreditur: dieses alles doch ungeacht / weillen dieses Bad, Trancß noch auf jeßige Zeit sehr oft von so vornehmen und weisen Männern (gegen welchen ich auch nur ein Schatten zu seyn / mich unwürdig achte) verordnet wird / will ich mein / vielleicht nicht gar zu jeitige Meynung / deren weit-erfahrneren / und reiseren Judio ganz gern unterwürffig machen. Enimverò, si propter crassitiem sulphuris usum internum negat, obsecro, cur non etiam Thermarum Carolinarum propter tophaceam materiam, quam secum vehunt tanta quantitate, ut, si ovum iis diutiùs immersum serves, crustâ obducatur: cur non, inquam, etiam Birenwardensibus incolis prohibeat, ne fontem bibant publicum, quia in coctione, cacabi superficiem alba & dura instar gypsi crusta totaliter obducit. Sanè *D. D. Festa* hæc in re tanta experientia non fuit, quia nec obvium sal commune (quod in thermis est) experiri valuit.

§. LII. Sunt & nonnulli, qui summi instar arcani modum servant, quo artificialiter thermas nostras potabiles parant: verum impostura est, vestem

vestem pro Junone adorant: etenim, vel ita parant, ut calorē nativum deperdiderint, vel non: *Si perdididerunt*, non ita penetrant ex (§. 47.) & licet rursus ad ignem calefierent, non modò caloris proprietatem (§. 47. n. 4.) propter *Monquentini* experimentum (§. 17.) deperdunt, sed etiam spiritus, utpote, qui tantæ sunt subtilitatis, ut nec vasis destillatoriis coërceri queant. *Si non*: vel parant per destillationem, vel præcipationem. *Si primum*: non differt ab aqua fontis nisi empyreumate ex (§. 27.) *Si secundum*: fit vel per acidam: Sed non succedit ex (§. 21.) quin imò odorem consequenter & spiritum castrant. *vel per alcalina*, at hæc innocentem solùm terram calcariam semovent ex (§. 23. n. 1. & 2. item §. 32.) nec non odorem sulphureum quem maximè obesse vulgus putat, intendunt, ut patet in calce viva (§. 22.) *vel denique per corpora naturæ mediæ*: verum & horum alia odore tantum privant, quemadmodum vitriolum, & solutio lunæ (§. 22.) alia licet egregiè quidem præcipitant, ut saccharum saturni (§. 23. n. 3.), scire tamen desidero, an præcipitatum hoc ex aquis separetur, nec ne? *si posterius*, frustra suscipitur labor: *si prius*, viribûs spoliatur balneum. Quidquid enim inest, ita se habet, ut universaliter loquendo non nocere, sed prodesse ex (§. 48.) hominibus possit, si legitimè adhibeatur.

§. LIII. Ego nihil magis accommodum præcipitando nostro balneo inveniо præter butyrum antimonii (§. 23. n. 4.) attamen nemini auctor sum, ut similes aquas præ naturalibus bibat, insipidæ instar aquæ fontanæ sunt, & omni exutæ robore, similes, si non fors eadem, quas (tanquam in internum, pomposò titulò, usum paratas) Badæ mihi degustare licuit. Neque præcipatione hæc solum sulphur amovetur, sed etiam terra calcaria ex (§. 32.) ochra & spiritus. Si dicas saltem sulphur ex propria nostra confessione (§. 43.) per saccharum saturni à thermis liberatur, ita est: at non solum sulphur, sed & terra calcaria, & sal commune, spiritus intereà aliunde abit, ut meritò de potûs hujus artificio cantare liceat: parturiunt montes, & prodit ridiculus mus.

§. LIV. Communiter tamen thermæ nostræ in externum balnei & pediluvii cedunt usum. Medicus priusquam balnei curam ordinat, plethoræ, & cacochymix, per venæsectionem, & purgationem &c. prospicere debet, ne graviores commota turbas sentina inducat: In balneatione observatur tempus, numerus, ordo, & regimen. Primò firmiter est tenendum, ne diebûs canicularibûs, fervente sole, aut perfrigidâ hyeme balneent, ibi spiritus imbecilles, hîc frigoris & caloris repentinæ permutationes obstant. Vere & autumnò tuta sunt omnia. Deinde, qui pingui, viscosò, aut cachecticò sunt corpore, curationem in longius protrahant tempus, necesse est; secus calidiores, & qui præservationis tantum causâ balneant, uti enim pinguedinis mole infar-

Sta

Ita cutis ægrius aperitur, & durior morbus fortiori cuneo indiget, ita vicissim tenuior, & debilior ægritudinis venturæ fomes cedit velocius: *D. Festa* existimat in iis, qui solum quinquies balneant vix cutem emolliri, ideoque ad minimum decies vel quindecies balneandum esse: ast ille potius in favorem Badensium civium, quam medicè effatus est: melius enim ex euphoria & coindicantibus, &c. quam numero res deciditur.

§. LV. Statutò generalì eurationis tempore quavis die studebit patiens, ut, quàm maximè potest, remotis à cibo assumpto, vel assumendo horis, balneum ingrediatur. Manè probantur horæ à quarta ad octavam, vesperi à quarta ad quintam. Videndum etiam, quibus semel & brevius, & quibus bis & diutius balneare convenit: debiliores frequentiam & diuturnitatem non sufferunt, robustiores raritate, & brevitate non levantur: matutino tempore sit longior in aquis mora, pomeridiana brevior propter (§. 47. n. 3.) Ego quidem cum præstantissimis nostræ metropoleos Practicis spero, pluribus profuturum, si diebus singulis duæ balneo matutinæ dentur horæ, & alternis una vespertina adjiciatur ad summum, etenim qui contrà sæpius diuturniusque aquis insunt, vix assumendi cibi tempus habent, vix exiccantur, jam rursus madescunt, chyli distributionem impediunt, sitim intendunt, excessivo potu diserasiam ac cachexiam non minus, ac in febricitantium paroxysmis, procreant: efflorescunt, noctes ducunt insomnes, & inquietas. (*vide inferius* §. 64. & 65.)

§. LVI. Neque jam illa consideratio tantam requirit solertiam, an à principio ad finem eodem universa cura tenore ducatur, vel an ascensum, vel descensum postulet? postremum tabulis expressit *Festa lib. cit.* sed minus rectè; non arithmeticis numeris se circumscribi sinunt innumeri ægotantium casus: vulgus amat generalia, at prudentis est, Medicum consulere, temperamentum, ætatem, sexum, idiosyncrasiam &c. religiosè observare. Quid? quod ab initio, & fine unâ horâ (*ut præscribit Festa*) balneare, sit tempus, & expensum inutiliter perdere, quoniam Ipse ait (§. 54.) quod quinque balneationes vix cutem emolliant. In statu verò (*in dem Hoch-Bad*) tot diebus, horisque præsertim à meridie thermis immorari quis consulet: cutis nimis rarefit, minima tempestas, & frigidiuscula etiam aura nocet, in continuo gravioris morbi periculo versantur, quod experientia plurimis illorum confirmat exemplis, qui eo ipso anno, quo malesanum hunc ascensum, & descensum in usum revocârunt, periêrunt. Dum e contra mortuum vix ullum reperies, qui nostrum balneandi modum (§. 55.) est secutus.

§. LVII. Quisquis advena thermali ex cura fructum præstolatur, nec adventûs sui die, nec, quo abit, balneet, ut conturbati frigore, aut motu liquores in graves non exsurgant impetus. Deinde jejunus ne mergat corpus, ventriculum priûs assumptis calidis v. g. jusculis, theatîs &c. foveat. Dum aquas ingreditur, fasciis præcingat epigastrium & coxas, ut stomacho, & visceribus, quæ aliàs quasi pendere persentientur, prospiciat: in ingressu conbalneantes consuetâ formulâ salutet, submersis axillis collotenus thermas subeat, & ab omnibus iis, quæ interdictô caventur, aut honestis moribus adversantur, abstineat, non in aquas fortiter impellat, ne resiliens unda in oculos cum inflammationis metu incidat, non madefaciat caput, ne perfrigeratum catarrhum vel coryzam ploret, absint nimix vociferationes, ne fauces cum larynge doleant: fæminæ plumbô vestes suas onerant, capite ad venustatem comptô, sæpè cantu, sæpè ludis, sæpè manibûs comprehensîs in gyrum ambulando fallitur tempus. Postquàm satis balneatum est, prior repetatur salutatio, desiccatus, & redux domum in lectum se componat, leniter sudet, & si durante cura se-& excretiones non legitimè procedant, arte promoveantur, clysteribûs, & suppositoriis, si opus, est agendum, nocent purgantia, cibi acres, aromatici, saliti, muriâ conditi, acidi, fructus horræi, vinum Hungaricum, aut aliud fortius, vel gelu perfrigeratum, &c. Commotiones vehementes, comestiones, computationesque cane pejus & angue fugiantur, eò magis, si in seram usque noctem ventriculus copiosius, quàm par est, oneratur.

§. LVIII. Tandem absolutâ universâ curâ, sulphureus thermarum odor balneô aquæ Danuviensis â corpore eluatur. Ratione animi pathematum *Adolpho in dissert. de fonte soterio Kukußensi pag. 60. ita scribenti credite: Exulet Venus ex hoc Nympharum domicilio, animum nunquam angat anxietas, non affligat cura, non molestat sollicitudo, metus non exterreant, non tremor concutiat, mala concupiscentiâ non abducat, non conturbet tristitia, mæror vitales vires non absumat, non contristet turbatio, ira, & impatientia non commoveat, potiùs spe, fiducia, amore, hilaritate, gaudiis, gratô amicorum conventu, & consortiô, honestis jucundisque colloquiis, suavi concentu musicæ pascatur, & recreetur, atque licitis illis ac honestis voluptatibûs fruatur, omnibûsque, quæ ibi undequaque ac quotidie offeruntur, & quæ ultra accedentes vel invitos invitant, oculos cupiditate morantur, ac desiderio trahunt.*

CAPUT QUINTUM.

*Proponit usum, symptomata, & abusum Ther-
marum.*

§. LIX.

Agam primò de usu, deinde symptomata, quæ balneantibus adveniunt, recitabo, tandem cum abusu Disputationem concludam. Cognitò agendi modò facilè est non solum coindicantia, sed etiam indicantia ex contrariis in morbo eruere. Illa sunt ætas senilis, vires non ab inanitione nimis exsolutæ, temperamentum pituitosum, tempus vernum & autumnale ex (§. 54.) &c. *Hæc sunt vel causa morbi* v. g. navigatio diuturna, cælum pluvium, assumpta nimis humecta, & refrigerantia, evacuationes suppressæ &c. *vel morbus ipse* cacochymia nimirum pituitosa & serosa in quantitate peccans, cum fibrarum aliquali relaxatione conjuncta: huc totius curationis scopus collimat, ideòque quando, & quodcunque symptoma inde natales sumit, thermarum usum sive in, sive externum postulat. In specie *Monquentin loc. cit. cap. 4.* internè commendat in omnibus capitis, pectoris, abdominis, & uteri à causa frigida morbis v. g. dolore capitis per consensum, phthisi ex infarctu primarum viarum imminente, chyloficatione læsâ, obstructione mensium, & sterilitate.

§. LX. Usus tamen externus sub balnei formatum in iis morbis, quos enumeravimus, tum in sequentibus etiam, frequentior invenitur apud scriptores: cephalalgia, hemicrania, vertigo, tremor, memoriæ læsio, apoplexia pituitosa, imminens spasmus, tussis diuturna, asthma, obstructio mensium, hæmorrhoidum, hepatis, lienis, mesenterii: morbi intestinorum à lentore, colica pîctonum, alvi fluxus chronicus ex atonia & crassitie glutinosâ: morbi mulierum ab uteri flacciditate, sterilitate, fluor albus, abortus, chlorosis, cachexia, leucophlegmatia, tumores œdematosi graviores morbum subsequentes, omnesque alii, quos prædicta (§. 59.) cacochymia inducere valet, balneò nostrò levantur.

§. LXI. Speciali tamen observatione efficacia balnei dilaudatur, imò: in affectibus renum & vesicæ, præsertim tum gravioris inflammationis suspitione vacant, laxat, dolores lenit, tenacem calculi mineram attenuat, & per urinam sabulum cum lapillis nonnunquam copiosis educit, flatus, & urinæ suppressionem solvit, cujus historiam refert *Festa de persona nobili*, in qua per 15. dies contumax urinæ

suppressio omnium medicamentorum vim pertinaciter elusit, & soli nostro, ut ita dicam, panpharmaco cessit, quamvis in medio hyemis frigore contra consuetam aliàs methodum (§. 24.) adhiberetur. 2dò: prodest non solum ad illam debilitatem, quæ post arthritidem & rheumatismum remanere solet, sed etiam in iis, qui ischiaticis doloribus nuper defuncti sunt, reliquias mali extirpat, & recidivam multò majori jure præcavet, quàm D. D. Geelhausen de suo balneo Bechinenfi tradit: rheumatismi certò & arthritidis frigidæ incipientis causam antecedentem & crudam, si remotò valde à paroxysmi tempore adhibetur, ita concoquit, ut, quæ aliàs in artus deponi debuisset, maturè per insensibilem transpirationem educatur. 3tò: in paralyfi & paresi circa morbi potissimùm declinationem commendatur ab Anemarino loc. cit. cap. 4. sive apoplexiam, violentam ligamentorum distortionem, aut particularem aliquam resolutionem subsequatur, sive ab arsenicalibus & saturninis halitibus (sicut in figulis expertus est Ramazzinus) oriatur; Saturnus enim principium nervorum stringit, & membris denegat influxum impetu facientis: cùm autem balneum partes flaccidas ita roboraret, ut iis majus virium superpondium addat, vincitur in capite constringentis causæ momentum, & salus recuperatur.

§. LXII. Altera balnei nostri indicatio desumitur ab excessu humoris seroso-frigidi cum acrimonia scorbutica &c. conjuncti: propterea Festa, & quotidianus usus illud in scabiei, & cutis impuritatibus præmissis tamen præmittendis, commendat: Wekerus verò in antitodario speciali pag. 16. aquas nostras ex Rulando antegastas vocitat, & in ulceribus ferè omnis generis serpentibus, cacoëticis, & à frigiditate materiæ disepuloticis, membris item ruptis, & contusis utiles esse deprædicat. Easdem cum balneo vires in morbis particularibus exserit lutum illud (der Schlaam) quod in scaturiginis fundo reperitur, si alià terrâ (vide §. 15.) non adulteratum sit: coquitur in aquis thermarum & calidè tum ulceribus, tum tumoribus frigidis œdematosiis, post paroxysmum podagricum in vegetioribus subjectis, nervorum contusionibus, paralyfi & cæteris (§. 60.) specialibus partium malis superponi potest.

§. LXIII. Interea dum balneò levare desideramus, sæpè in novos morbos & œconomiae animalis perturbationem incidimus, præprimis, si aut in diæta balneandi tempore & cæteris (§. 54. 55. & 58.) excedatur, aut non satis deliberatò Medici consiliò cura suscipitur: videbis passim illos potissimùm, quibus pauciori de gleba exiguos finxit artus, & præcordia Titan, ingentî torquerî sitî, alios lippitudine, alios vertigine, alios horrore, intestinorum morfu &c. quorum omnium quamvis

vis manifesta causa in balnei vaporibus ejusque principiis reponitur, nihilominus non æquè felix semper est eventus: sæpè sub vertigine latet apoplexia; sub exigua alteratione & capitis dolore, febris maligna, sub parvulo morfu, intollerabilis ex convulsione colica: ergo omnes, quique balnea frequentatis, quamprimum fallax adeò symptoma vos aggreditur, cavete, consulite vobis, prospicite corpori.

§. LXIV. Sæpissimè balneantibus infestum est efflorescentiarum aliquod genus & quosdam absolutâ balnei curâ, plurimos in actuali curatione adoritur, eosque ordinariè, qui habitûs calidioris, intemperantis diætæ, corpore non purgato, diutiùs & bis in die, statim ab assumpto cibo aquis insident, nec post quintam etiam balneationem intercalare ponunt intervallum: evenit enim, ut in quibusdam tardiùs rubor unam vel plures occupet partes, successivè instar erysipelatis augeatur, pruriat, cum tensione quasi ab urticatione ardeat, interspersis nonnunquam refertis serò vesiculis: propter quas *Festa* exanthemata in rubra & alba discescunt. Donec natura rectò progreditur tramite, non horror, non calor excessivus, non pulsus fortiter alteratus, non virium repentina debilitas, aut capitis dolor persentitur, ut adeò haud difficulter à quavis alia inflammatoria eruptione discernere liceat. At quamprimum aëri frigido corpus exponitur, aut ulterior balnei usus in integrum abjicitur, retrocedentibus exanthematibus ingens malorum prodit lerna, febres acutæ, mortèsque repentinæ &c. Cura non tam internis remediis, quàm continuatò balneorum usu perficitur, sed alii tardiùs, & cum desquamatione cutis persanantur, alii adeò velociter, ut metuant retrocessum: sed panicus iste timor est; siquidem illorum cutis tenuior, post unam alterâmvē balneationem materiam peccantem evaporat.

§. LXV. Quæritur hic: an efflorescentia hæc oriatur à causa morbi ab intro foràs propulsa? an verò merum sit productum balnei? mihi quidem utrumque posse fieri videtur: nam quamvis faciliè concessero, plurimos balneantium ob causas (§. 64.) ideòque purè symptomaticè, tunc præsertim efflorescere, cum mox à pastu balneum ineunt: chylò quippe crudò, ad sanguinem, & vascula cutanea nimis properè raptò, stasis fit, & cutis inflammatio; ut rectè *Festa* pag. 43. loc. cit. dixerit, se etiam sanissimo cuique balneis, & internis medicamentis exanthemata procurare posse; dices, si exanthemata à thermis generantur, quomodo continuatò earum usu sanantur? Respondeo, prius fit abusu, posterius usu, illum (§. 56.) in ascensu & descensu culpavimus, & inter causas (§. 62.) adduximus, hunc (§. 55.) explanavimus, nam verum quidem est, quod apparente aliqua efflorescentia, præ-

præsertim primis diebus, consultum sit illico à balneo cessare, sed à pomeridiano securissime, nunquam enim citius, quàm hoc pacto cum euphoria disparent exanthemata.

§. LXVI. Tantum de balnei usu ejusque exanthematibus: sed quæ balneum aut ob marcorem corporis, aut graviditatem, aut debilitatem, vel particularem idiosyncrasiam perferre nequeunt, si tamen ulceribus, tumoribus pedum, capitis doloribus & cæteris (ex causis antea dictis) ægritudinibus conflictentur, pediluviorum vim experiri poterunt. Verum enim verò neque istis solum cancellis includuntur elegantissimæ aquarum nostrarum virtutes, sed longè maximos etiam effectus ex ipsa embrocatione & laconico adipisceremur, si in usum revocarentur.

§. LXVII. Atque ut ab embrocatione ordiar, Ego quidem optarem ad eum modum, quem depingit *Franciscus Blondel* in *seinem Tractat von Utscher: Bad* tanta altitudine construi, ut cum impetu aqua decidat, modicis res sumptibus eget, sed inde grande publico & ægrotantibus exsurgit emolumentum; effectus sanè non vulgares suadet pressio illa, quam repetiti cadentium aquarum ictus exercent, impetus semper in unum punctum directus, & quot guttæ, toties redintegratæ spirituum, calorisque copiæ, agnovit jam olim sensum nostrum prudentissimus *Anemarinus libr. cit. capitul. 4.* & effectus in morbis frigidis spondit eximios, sed surdis cecinit fabulam: nostro hoc tempore plus sperare licet; dum solertissimæ senatus Badensis vigilantia balneorum cura commissa est. *Adolphus in dissert. loc. cit. pag. 51.* enumerat admirandos embrocationis effectus, quibus pares, sine dubio majores, à thermis nostris sortiremur, impactos perfrigidosque ex alto humores evocat, inveteratos tumores solvit, scirrhi, strumæ, topi, ganglia, hemi-crania, & vertigines, & atrophia, & paralyse, & dolores profundi, contumacissimique partium. Incurabilia passim mala persæpè sanabuntur, dummodo in partem convenientem, suturas, articulationes, membrum affectum (pro rei exigentia paratò prius per curam universalem thermarum, &c. corpore) instituatur. Sperati effectus signum præfatus Author statuit, si ad partis affectæ penetralia aquarum caliditas penetrâsse sentiatur. Symptoma verò, quod communiter advenit, est somnolentia, quam faciliè adstantium discursus & cantus, &c. fallit.

§. LXVIII. In sorditate profectò & debilitate cerebri, embrocatione nihil esse nobilius, etiam post centum remediorum usum ex *Penoto* putat *Riverius lib. 3. cap. 1. pag. mihi 262.* quam ita describit: *ager spongiis magnis confutis velut cucupham ferat in capite ad supercilia & infra aures descenden-*
tem,

tem, sedeat sub canali balneorum, & versò epistomiò aquam accipiat, quæ absorpta spongiis caput continuo calore suo fovebit, atque omnes capitis suturas, auriumque commissuras deducens, atque aperiens, vapores tollet, vel materiam impactam nervis, viisque auditoriis resolvet per halitum, aut adeò mutabit, ut brevi sit abitura: bis de die ita sedere cum convenit, ad duas horas, ac deinceps statim jacere in lecto, dietamque adhibere tenuem, ex succis, & jure carniū, &c. vinò nisi oligophorò planè abstinendum: Verùm hæc pro circumstantiarum ratione quivis Medicus facillè variare poterit.

§. LXIX. Alterum, quod in thermis nostris deesse videtur, est laconicum in scaturiginis crypta: tam opportunum, accommodumque locum non invenies, licet omnes totius Germaniæ soterios fontes peragraveris, non balneatorum stuphæ, non spiritus vini vapore indiget Bada, naturæ artificiò omnia parata sunt, calor ingens (vid. prolegomena) & spiritus minerales. Hoffman. in med. rat. syst. tom. 3. pag. 632. solò aquæ calidæ vapore durissima animantium ossa, & cornua emolliri ex coquorum & Pharmacopœorum experimento affirmat, quid non nostrum operabitur laconicum, tubulos subcutaneos referabit, partes duras emolliet, rigidas & ex congestione tensas laxabit, tenaces humores solvet, in anasarca, oedemate, hemiplegia, tumoribus testiculorum, ani & uteri prolapsu &c. insignes edet effectus.

§. LXX. Nil sanè prodest, quod non lædere possit idem, subesse enim & hîc, ut semper alibi, alius error potest, verba sunt Adolphi loc. cit. In inveteratis nimis & pertinacissimis morbis, ubi tota, ut asserunt, natura prorsus corrupta est, humores summè depravati, tonus penitus labefactatus, inutiles, & inanes thermæ sunt: nam omninò in universum non tantum secundum activitatem suam agunt, sed & receptivitatem. Igitur quamvis potus thermarum secundum Anemarinum asthmaticis, ac pectus humidum, viscosumque habentibus ob attenuationem prodest, attamen stomacho subito providendum, quid ferre possit, & quid ferre recuset; neque tamen ob levem nauseam, vomitum, aut delicatulam patientis apprehensionem subito desistendum est; idiosyncrasia spectanda, & simul observandum illud Hippoc. sect. 2. aph. 52. omnia secundum rationem facienti, si non succedat secundum rationem, non est transeundum ad aliud, stante eo, quod à principio visum est.

§. LXXI. Universaliter balneum nostrum nocet imò: ubicunque cacochymia biliosa volatilis cum strictura toni prædominatur, sic in subjectis exsuccis, iracundis, febribus continuis, paroxysmis intermittentium, contracturis, spasmis, & convulsionibus &c. à causa calida lædit. 2dò: ubi dissipatis spiritibus viscositas humoris magis fixatur; ne v. g. ex cephalalgia cephalæa, hemicraniâ apoplexia, ex inflammatione

matione scirrhus, & ex podagra incipiente nodosa, si quis paroxysmi tempore balneat, producat. 3^{to}: ubi ex nimia agitatione majus metuitur malum, quemadmodum in vertigine diuturna, & forti apoplexia: in Epilepsia casus, in ophtalmia cæcitas, in phthisi, ascite, tympanitide, & hydrope pectoris suffocatio: in hæmoptoicis, dysentericis, aliisque hæmorrhagiis narium, uteri, hæmorrhoidum, vomitu cruento &c. nova fortiorque cum prostratione virium paroxysmi exacerbatio, in gravidis abortus, in atrophia marasmus, in scorbutico calido ulcera depascentia, in lue venerea inflammatio & caries, in podagræ inveteratæ, & nodosæ paroxysmo percussa materia ad partes interiores, in cancro occulto exulceratio, in exulcerato ferocitas depascens, seu noli me tangere meritò metuitur.

§. LXXII. Gravissima hætenus mala enumeravimus, propter quæ non temerè, non recreationis causâ, sed summa cum præmeditatione secundum sapientissimum *Michaëlis Savanarolæ* consilium thermas ingredi deberemus: magna, inquit, in excipiendis balneis esse debet observantia, quoniam neglecta cum fuerit, homines sic facile ad pravas perducunt ægitudines, tum quoniam magna veneratione digna sunt. Obsecro itaque, & vos obtestor, qui balneorum beneficiò gaudere cupitis, ut in eorum observando cultu tanto cum periculo, tamque cum prava negligentia vos non comprehendat, ne, quod indebitò regimine vestro vobis contingit, illis attribuat: est enim balneum sanctuarium quoddam magno honore dignum.

§. LXXIII. Attamen non exiguum fortassis muliercularum numerum temperamenti calidi faciei vividæ, & diætæ lautissimæ comperies, quæ sterilitatis causâ, ut ajunt, balneantes singulis ferè annis thermas, at nescio, quo consilio! frequentant; *Glauberus de felicitate Germaniæ* part. 5. pag. 70. hæc super re multò feverius mentem suam exposuit: audite, amant thermas juvenculæ, quæ apud suos effetos, & annis obsitos maritos tantum caloris non offendunt, ut gravidæ evadere queant, in thermis occurrunt quovis tempore agiles, & robusti, & succi virumque pleni socii, qui procul dubio eum in finem in dicta loca se recipiunt, ut frigidis illis mulierculis calida suppositoria, & emplastra uterina fertilitatis conciliandæ, & sterilitatis amovendæ causâ applicent: ejusmodi mulierculis pristina valetudini restitutis, & domum reversis post aliquot menses mariti comperiunt, quàm efficax thermarum usus in uxoribus suis fuerit.

§. LXXIV. Hæc sunt, quæ jubente Inclyta Facultate medica aliquot septimanarum spatium pro tenuitate ingenii mei contrahere debui: experimenta ea fide, qua scripsi, repetitis vicibus inveni, & inventa omnium oculis humiliter spectanda defero. Non tamen is sum, ut putem, nunquam subesse varietatem aliquam, hyeme fortassis aliter res se habet, multa desunt, quæ si debitò tentarentur tempore, abstrusam magis, magisque in apertam deducerent veritatem: remotus à thermis habito, sæpè scrutandum fertilis incidit cogitatio, deest occasio: Tyro sum medicus, non eam, quam solidæ ibidem scientiæ physici possident, artis chymicæ notitiam teneo. Desudârunt aliquot abhinc sæculis desuper Viri Doctores, quid Ego imbecillis potero phyliater. Profectò ni obedire sanctius sit, quàm refragari, nunquam similes ausus meum in animum induxissém. Igitur L. B. si quid minùs rectè à me dictum est, compatere debilitati meæ, emendare non abnue, simulque cogita, ab eo scriptum esse, qui scribere timuit, debuit, pro rei magnitudine exiguum meditandi tempus habuit, obedivit.

DISSERTATIO
INAUGURALIS MEDICA
^{DE}
USU ET ABUSU
CROCI
AUSTRIACI

QUAM

PROPTIO SUPREMO NUMINE
DECRETO, AUTHORITY, ET
CONSENSU PERILLUSTRIUM, MAGNIFI-
CORUM, SPECTABILIVM, PRÆNOBILIVM, EX-
CELLENTISSIMORUM, atque CLARISSIMORUM VIRORUM &c.
Perillustribus, Magnificis, ac Consultissimis Domini Universitatis Rectoris, Prænobilibus,
Spectabilibus, Clarissimis, ac Excellentissimis Inclytæ Facultatis Medicæ Domini Decani,
Venerabilis Domini Senioris, Sac. Cæsar. Regiæque Cathol. Majest. Domino-
rum, Dominorum Consiliariorum, & Archiatrorum, Professorum &c.
adeoque totius amplissimi

D. D. MEDICORUM COLLEGII
IN CELEBERRIMA, AC ANTIQUISSIMA
UNIVERSITATE VIENNENSI
PRO DECERPENDA DOCTORATUS LAUREA

Publicæ Ventilationi submittit Author

JACOBUS BERNARDUS ANTONIUS RAUCH,
Austriacus Viennensis A.A. LL. & Philosophiæ Magister, Saluberrimæ
Medicinæ Baccalaureus formatus, approbatus, nec non pro Suprema
Laurea Candidatus,

IN PUBLICO DD. MEDICORUM COLLEGIO

Horis post meridiem consuetis, Die 31. Mense Julio Annô MDCCXXXII.

VIENNÆ AUSTRIÆ, Typis Andreæ Heyinger, Universitatis Typographi.

AUSTRIACO
PRINCIPI
DIVO
AUSTRIACO
CROCUM
AUSTRIACUM

Dicatum , Dedicatum , Consecratumque vult.

Austriacus Viennensis.



Sectio I.

Croci Etymologiam, Culturam & Differentias exhibet.

§. I.

UT Croci, Vegetabilium Regis, venustatem plenius exprimeret Poëta, nomenclaturam à Croco Puero, in florem sui nominis converso, desumpsit, atque l. 4. metam. sequenti carmine depinxit:

Et Crocum in parvos versum cum smilace flores

Huic subscribere videtur Galen. l. 9. de comp. med. qui de Croco Puero, cujus sanguis in hunc florem versus sit, idem refert. Recedimus ab hoc ingenioso Ovidii commento, & eorum opinionem in medium adducimus, qui ab Urbe Coritio, quod ibi præ cæteris locis copiosior progerminaverit, croci nomen derivant. Nonnulli ob similitudinem figuræ, quæ inter ejus stamina & fila intercedit, crocum à κρόκη, quod filum designat, derivatum volunt, & quanquam diversissimis rebus impositum sit hoc nomen, nostri tamen solummodò fori est, unius croci speciei, ex regno vegetabili petiti, anathemata instituire.

§. II.

Quare nos, quibus hodie de Croco Austriaco differere incumbit, ejus culturæ præmittimus perfectæ plantæ descriptionem, & intelligimus, plantam in inferna sui parte habentem bulbum rotundum, dulcem, internè album, externè ex fusco rubentem, ex multis lamellis, ut

in cepis observare licet, sibi invicem mirè intricatis contextum, capillari circa basin involucrò conditum. Media ejus pars ex quinque aut octo foliis longis, capillaceis, angustis, planis, non tamen rotundis, narcissi juncifolii (gallis jonquille dicti) modò, sed numerosioribus constructa est; inter hæc caulis conspicitur brevis, cujus supremæ regioni insidet flos purpureo-cæruleus, colchico flori similis, stamina terna, aut quaterna, nonnunquam quina, flammeo rubore, fragrantique odore insignita, in sinu suo includens.

§. III.

Proposita perfectæ plantæ delineatione via nobis detecta est, qua feliciùs perspicere possumus, quomodò crocus noster in agris Austriacis colatur. Oeconomici solum leve, radiis solaribus undique & undique expositum (inde vix non semper in medio agrorum hos hortulos consitos spectamus) neque compactum nimis, neque torridum, neque nimia pinguedine luxurians, ab aquarum inundatione securum, atque ab inutilibus herbis immune seligunt. Fit autem propagatio croci nostris in terris per bulbos, qui tempore æstivo inter festum S. S. Joannis Baptistæ & Jacobi Majoris eruuntur, & colliguntur, in autumnum usque in conclavi nullâ terrâ obvoluti, inque aëre relictî asservantur, procul tamen à radiis solaribus, ne coquantur, sed solùm ad pleniorē ut perveniant maturitatem. Admiratione dignum est, quòd, si à natura illis destinatum adsit maturationis tempus, nonnunquam aliqui in horreis florescant, crocūque progerminēt, id, quod etiam in nostra civitate Vienna, dum bulbos ultra consueti temporis terminum in cubili detinuerunt, à quibusdam observatum fuit. Hi tamen bulbi ut plurimum corruptioni, experiētiâ teste, postmodum subjacent, ideoque, quamprimum maturescere animadvertimus, terræ committantur, necesse est.

§. IV.

Appropinquante jamjam tempore, quo sol Virginem ingreditur, extremâ membranâ ablatâ, & ab omni prorsus immunditie liberati, in terram ad semissem pedis reponuntur bulbi per sulcos æquales interstitiō unius palmi, positîs seorsim, si lubet, majoribûs croci cepulîs, seorsim itidem minoribûs, terræque obteguntur. Succrescit planta, atque radices agit, usque dum post æquinoctium autumnale, anteaquam folia proveniant, concipiat flores, Colchico similes, è purpureo cæruleos,

ac aspectu jucundos; 'è medio rubra prodeunt, & aureo colore nitida stamina in crassiusculum cacumen desinentia. Quemadmodum non uno, eodémve tempore floribûs ornantur bulbi, ità neque flores decerpantur, priusquam stamina perfectà apparuerint: Neque diutiùs sub sole linquantur, ne ob ardorem virtutem amittant, exarescantque. Eò verò tellus facundior existit croci mater, quò temperatior eam aër ambit, inde nubilato aëre plantas aliquas binis de die vicibûs flores & stamina progignere experimur. Ex decerptis floribus colliguntur stamina, & ab impuris partibus seliguntur, deïn ad locum temperatè calidum deferuntur, ibidem ut humidum in iis superfluum evaporet. Hòc perfectò, includuntur vasi cuidam ligneo, & in loco temperato asservantur.

§. V.

His ornamentis continuo ferè mense superbit crocus, & præterlapso hoc tempore, diademate suo spoliatur, remanentibûs foliis, quæ, spretis etiam extremis algoribûs, tota hyeme virent: exarescunt hæc principiò æstatis, ac resecantur, pro pabulo pecudi inservientia, id quod secundò & tertiò annò etiam præstandum superest. Singulis his annis crocus nova sobole luxuriat, ità, ut bulbus major duos, tres & quandoque plures secundò annò progerminet, idem & tertiò contingit. Nil peculiare hóc temporis moliendum est, herbæ inutiles è solo evellantur, bulbi terræ implantati permaneant, & sic flores & stamina suaptè eruptionem metientur, Sintamen hyemes frigore sæviant, ut œconomi non abs re formident, bulbos perituros fore, hunc laborem sibi summè commendatum habeant, ut solum fimò caballinò, aut nive ad spithamam contegatur. Utinam præteritò annò huic labori non pepercissent croci cultores, modò ejus penuriam, non haberemus, quòd extimescamus. His addimus, quòd secundò annò felicior sit & uberior croci proventus, tertiò econtra parcior.

§. VI.

Cùm autem idem terræ sinus non sufficiat ad continuò alendum & producendum crocum, & ob copiam procreatæ sobolis (omnes enim relictæ intercapedines bulbis obsitæ sunt) unus bulbus alium in corruptionem perduceret, necesse est, ut quaternis annis, æstate scilicet, ut suprà dictum, bulbi eruantur, mudentur, in horreis tota æstate asserventur, desiccantur, consueto tempore in aliam tellurem trans-

ponantur, ubi omnia ea probè attendantur, quæ in præcedenti So, ultiores progressus enumerante, scripta sunt. Diversitas etiam bulborum, quæ majores inter & minores intercedit, quos posteriores *Die Junge Zwibeln oder Zusahl* nostri appellitant, considerata venit: Soboles, quamprimùm siccescit, à majoribus bulbis removenda, & separatim, quod meliùs nonnulli opinantur, per sulcos in terram reponenda est, præterea ex minoribus alii primò, plures secundò, & tertio annò, majores verò singulis annis flores concipiunt. Cæterùm, quod ad culturam attinet, tractandi sunt, ut majores. Et hòc modò plantatus crocus fudetis circumsepiaur, ut à ferarum impetu defendatur, forèsque illis præclusæ sint.

§. VII.

Non tamen unum, neque eodem tempore quævis terra alit crocum; quare ob indolem alius est sativus seu verus, alius spurius. Secundò differentia desumitur à tempore, quo iste vernus, ille autumnalis audit. Tertiò colore discrepat, siquidem alius cæruleum, alius album, aut flavum, aut variegatum præferet. Quartò diversitas in floribus annotanda est, quando hunc plenis, illum binis floribus, vel simpliciter tantum flore, eoque minore vel majore præditum conspiciamus. Quintò differentiam observamus in foliis, ratione quorum unus latifolius, alter angustifolius denominatur. Sextò à solo natali, prout in variis, ut India, Africa, Turcia, floret regionibus, & varia recipit nomina; præter enim mox assignata loca alius habetur Anglicus, alius Gallicus, Hispanicus, Italicus, quorum tamen diversam virtutem, cum ad nos, exceptò Gallicò, non devehantur, de iis sigillatim differere instituti etiam nostri sphaeram transcendat, enarrare supersedemus.

§. VIII.

Austria nostra fecundissima. nobilissimæque existit croci genitrix, qui virtute, qua pollet, reliquarum specierum facilè princeps est, id quod *Matthiol. comm. in l. 1. Dioscorid. f. 62.* hisce verbis confirmat: *constat optimum esse, & Aquilanò longè præstantius, quod in Germania oritur, è Vienna Austriae Metropoli devehctum*, in hanc sententiam descendit *Hertodt: in erocolog. p. 13. & alii*, quæ autem in sequentibus magis dilucidabimus, energiam croci nostri tum à priori, cum à posteriori demonstrantes. Cæterùm crocus spurius plurimas involvit species, & dispescitur

citur in Autumnalem, & Vernal, & hic denuo in latifolium & tenuifolium, qui rursus differunt florum diversitate, quorum omnium, ut & croci montani descriptio evolvatur in Clus: Histor. rarior. plant. fol. 203. & seqq. Neque de floribus carthami differere animus est; cum hæc extrâ limites propositi nostri locata sint, quare ad illa, quæ Croci Austriaci naturam penitiùs declarant, nos convertimus.

Seçtio II.

Principia & præparata Croci Austriaci investigat.

§ I.

CRoci indolem explanaturi, electionem ejus præmittimus, ut de bonitate constet, cum ab hac principia activa optimè petantur, & inde præparata longè excellentiora evadant: eò magis hoc necessarium duximus, quò sæpiùs crocus nunc staminibùs carnis bubulæ salitæ, nunc floribùs carthami, nunc lithargyrò, nunc aliis admixtis adulteratur, nunc etiam in locis subterraneis, ut ponderosior fiat, asservatur.

§. II.

AD bonitatis autem notas probè dignoscendas sequentes nobis Authores tradunt regulas: Primò ne sit pulverulentus. Secundò ut color in capreolis quodammodò ad candorem inclinet. Tertiò ut sit odoris fragrantis, etiam in distanti spatio perceptibilis. Quartò ut linguam activis suis partibus feriat. Quintò si manipulus ejus faciei admoveatur, pruritus in palato, oculisque concitet. Sextò ne situm aut alium peregrinum odorem spiret. Et septimò tandem, ut madefactus notabiliter manus inficiat. Et his cancellis includitur croci bonitas, qui aliud non est, quàm florum stamina (græcè *νεονίδες* vocantur) purpureo & aureo colore radiantia, saporis subacris & subamari, odoris fragrantissimi, & quodammodo etiam narcotici: ob has qualitates activas & exaltatas sibi facilè principem præ aliis croci speciebus vendicat locum, & inde est, quod stamina sola in usum medicum trahantur, ac ob excellentiam croci nomine donentur.

§. III.

§. III.

SI Veterum placita perlustremus, crocum in primo gradu ficcum, in secundo fore calidum edocemur vid. Dioscorid. l. 1. c. 25. p. 28. Lobel. observat. Stirp. f. 68. Matthiol. comm. in l. 1. Dioscorid. p. 72. qui ex Galeni l. 7. simpl. med. sequentia adducit: *Sed superat in eo calefaciens & qualitas & facultas, ut tota ejus essentia secundi sit ordinis excalefacientium, & primi exsiccantium.* Quis inficias ibit, in eo exorbitare salia volatilia alcalina? si vel solis naribus offeratur, non dicam, chemicæ operationi subjiciatur. Imponat, cuicunque libet, aquæ crocum, & paulò post eam colore tinget, odore donabit: ast hîs aqua non tam imprægnata est, quin mox iis, præprimis odore, privetur. Cujus reirationem subnectimus, quòd salia volatilia, quæ quidem in aqua facili negotiò solvuntur, ob subtilem suam indolem mox à compedibus sese liberent, avoléntque. Cui hæc enarrâsse non sufficiunt, adeat nobiscum Dispensatorium Viennense, & primo intuitu deprehendet acetum Bezoardicum & Theriacale crocò nobilitata fore, qua alia de causa? acut in destillatione horum liquorum subtiliores croci partes alembicum transcendant, & eorum vim resolvendi mirè exaltent. Si ulterius progrediamur, sese oculis objiciunt aquæ antiphtyfica, asthmatica, lumbr. comp. spiritus theriacal. camphorat. spiritus asthmat. &c. de quibus idem, ac mox dictum, esto judicium. Præterea, curpulverem alexipharmac. r. bezoard. commun. elect: antidot. theriac. androm. &c. ingrederetur, nisi activitate sua malignam materiam à centro ad peripheriam deduceret. Sed, ne susurrare quempiam audiamus, principia horum compositorum volatilia à croco minimè, sed à reliquis ingredientibus solum petenda esse, huic sistimus essentiam croci, offerat palato, & linguam ferire, offerat naribus, & motum à subtili croci principio excitari experietur. vid. Hertodt. crocolog. fol. 38. ubi de sale volatili agit.

§. IV.

Similia similibus solvi, regula est chemicorum: hinc, cùm de sulphure participet crocus, id optimè in sulphureum menstruum, nimirum spiritum vini deponit, ut in spiritu croci, cum spiritu vini alcoholizat. per digestionem, cohobationem, destillationem parato, in elix. uterin. C., uterin. spasmod. W. & aliis abundè compertum habemus, & licet hæc mediante croci sulphure in spiritu vini soluto efficaces producant effectus, nihilò tamen minùs insigni etiam sese virtute commendant alia præparata, quæ

quæ crocus in substantia ingreditur, horum sunt pil. de cynogloss. cum castor. elect. Philon. roman. pulvis anodyn. &c. quæ singula ob vaporem sulphur anodynâ viribûs pollent. Hoc sulphur ex odore narcotico, quod unâ cum aëre ad nares elevatur, manifestius dijudicatur. In hujus rei notitiam nos etiam deducit analysis chemica, quando in destillatione croci oleum seu Sulphur croci ascendit, conf. Hertodt. crocol. f. 38. 39. & fol. 47. 48. Nec obstat, quod in pauca quantitate ex croco eliciatur; cum enim sal volatilis acris intimius, arctiusve cum blando oleo seu sulphure combinatus sit, horum nexus difficilè valde negotiò solvitur, hinc est, quod in olei destillatione crocus facilè empyreuma contrahat, & comburatur. Quemadmodum verò ex modò dictis elucescit, crocum sulphure volatili esse dotatum, ità minus ambigendum est, ei etiam inesse sulphur fixum, claro hanc in rem nobis sunt testimonio bals. hypnoticum, elect. seu sotirell. parv. & extr. seu laudan. opiat. quæ extractum croci ingreditur, non alio ex fine, ac ut horum compositorum vis anodyna potentior reddatur. Extractum autem croci, ut ex inferiùs dicendis clariùs patefcet, partibûs subtilioribûs orbatum est, inde sequitur, mediante principio sulphureo fixo id agere debere.

§. V.

Salem fixum in eo deprehendimus, si residuas à destillatione species torturæ ignis subjiciamus, ut incinerationem patiantur vid. Hertodt. crocolog. f. 39. Hic reprehendendi veniunt illi, qui ex ipsissimo croco per incinerationem salem fixum parare præsumunt, sed imprudenti propemodum ausu id suscipiunt, cum aliquot croci libræ, vix unam, alteramve drachmam salis fixi suppeditent. Nec videmus, curtam falsum sal ex croco eliciant, atque in usum medicum introducere conentur, cum præ reliquis salibus fixis, in curandis morbis nil peculiare spiret, sed solo pretiò differat.

§. VI.

Ipsimet sales fixi, cum torturam ignis sustineant, de terrestri croci principio testantur, idem comprobant sales volatiles croci, quorum copiosam præsentiam odor aromaticus fragrantissimus manifestat; siquidem, ne spirituosæ partes divortium meditentur, necessarium est, ut à terrestribus ligentur, detineantur, harum existentiam præprimis crocus

B

ignem

ignem perpeffus demonstrat, in quo principia activa refoluta & in auram diffipata, remanentibûs terreftribûs, quod nobis deguftantibus adftrictoria vis uberius patefacit. Exemplo nobis eft extractum croci, quod nîl aliud eft, ac effentia croci ficca per evaporationem & infpiffationem humidô viduata.

§. VII.

HÆc extractio & fpiritu vini, & aquâ peragi poteft; cuicunque enim menftruo aquofo, vel fpirituofô committatur crocus, virtutes fuas illi concedit. Sed quo fuccelfu? intelicî fanè in extracto; fiquidem five in aqua, five cum fpiritu vini inftituatur extractio, inevitabile eft, quin per illam evaporationem ad extracti ufque confidentiam plurimæ croci partes balfamicæ, fpirituofæ, volatiles â calore refolvantur, avolent, deperdantur, quæ nec confervari, nec redintegrari poffunt. Sin hoc, ut nemo dubitat, evenit, confectarium eft, extractum fore â natura croci quàm maximè alienum, non modò humidô, fed & principîis activîs utcunque viduatum, neque exfpectato in Medicina effectui refpondere. Non denegamus hîc omnem extracto virtutem, iftud & odorem quendam fpargere, & linguam gultu afficere, compertum habemus: præprimîs verò agit partibûs, quæ fuperftites manent, croci roborantibûs, & terreftrioribûs, quibus effectus adfcribitur non contemnendus.

§. VIII.

Quemadmodum verò in conficiendo extractum, partes subtiles & æthereæ fugam capeffunt, remanentibûs terreftribûs, ita è contrario in deftillandis ex croco liquoribus partes fpirituofæ evehuntur, menftruoque adunantur, relictîs in fundo potioribûs, roborantibûs, terreftrioribûs. Ex quo elucet, crocum in fubftantia præparatis palmam præripere, cùm in iis vel hæc, vel illa defint principia. Excellentior tamen reliquîs eft effentia, utpote, quæ tum de tenui, cùm de terreftri croci parte participat: Hanc encomiîs fuîs celebrat Zwelf. in pharmacop. reg. f. 232. ubi fingularem proponit conficiendi modum, traditque, eam optimè fpiritu vini & aquis deftillatîs parari, cujus defcriptionem vid. l. c. Audiamus de effentia Zwelf. verba illius: *Nam etfi illam libenter cum deftillatis tantum aquis, nullo adjecto fpiritu vini, conficere præcepiffem: obftitit tamen hoc, quòd effentia, ifto modo parata, fubfiftere ad tem-*

pus nequaquam possit, quin situm protinus contrahat, ad brevissimum tempus vix duratura. Hīs, spiritum vini ad parandam essentiam tantum non conferre, Zwelferus clarissimè indicat, cujus rei ratio nobis esse videtur, quòd, cum crocus potissimùm ex principiis salinis & terrestribus, quæ ægrè admodum, vel planè non in spiritu vini solvuntur, conflatus sit, prorsus spiritum intermisisset, nisi corruptionem præcavisset, econtra sales partésque terrestres ad amissim in aqua solutioni obsecundant.

§. IX.

INfeliciori longè sydere oleum croci coctum Mesuæ, quod exhibet Zwelf. in animadvers. in pharmacop. Augustan. f. 318. in forum Medicum introductum fuit, sed, sapienti duce, judiciò, ab attentiori dispensatorio nostro relegatum est. Quid, amabo, oleis coctis volatilia addere juvat? ac, ut decoquendo de terrestrium partium consortio dimoveantur, inque aëra disseminentur, relictâ inermi massâ, ad nullos debellandos morbos idoneâ, id quod præcipuè de oleo croci cocto tenet, spirituosâ aufugere demonstravimus, superstites itaque solum manent terrestres partes, quæ nullum effectum præstare possunt, cum earum vim adstrictoriam oleum olivarum infringat. Neque mitiorem censuram promeretur elect. de ovo Maximilian. Imperat., cujus basin constituit crocus, à quo tamen vix ullam virtutem recipere potest, cum tamdiu in testa ovi affetur, donec ea nigrescat, tandem massa eximitur, aërique, ad pleniorē subtilium partium jacturam, exponitur.

§. X.

AD calculos jam vocanda sunt principia, quæ prædominium obtineant, & quo ordine sequantur. Ad quod felicius enucleandum, subsidiò nobis venit analysis chemica, quæ spiritum acrem, parum olei, multas verò partes fixas suppeditat. Statuimus itaque in genere partes volatiles, & fixas in croco æquilibrium tenere, & inde est, quòd velut medium fixum inter & volatile in quovis menstruo facilem solutionem patiatur. Sin autem accuratiori trutinâ rem examinemus, potiores croci partes esse terrestres non diffitemur, quod in speciebus ex destillatione spiritus crocati in fundo relictis observare unicuique licet. Secundum locum attribuimus principio volatili alcalino, de quo prolixius agit §. 3. hujus Sect. & ulterius sequenti Sectione ex effectu de-

demonstrabitur. Huic succedunt partes sulphureæ, de quibus vide §. 4. Agmen tandem claudit sal fixus, qui cū itidem censuram suam §. 5. perpeffus fit, de eo differere superfedemus, & benevolum Lectorem ad eundem pervolvendum invitamus.

Sectio III.

Usūm Croci commonstrat.

§. I.

A Dumbratō croci genio, vires, usūmve, nobilissimi illius pharmaci, croci pulverisati perlustrabimus, qui Rex vegetabilium, aroma Philosophorum, imo panacea passim audit, & licet à nonnullis vix non in singulis morbis, vel penitus superandis, vel saltem demulcendis sat gloriosè deprædicetur, usus tamen croci vulgatis hisce laudibus non adeò correspondet, sed angustioribus cancellis circumscriptus est, hodiernā in id consentiente experiētiā. Illud tamen & nobis fatendum est, non tam crocum, sin ægris in substantia offeratur, reliquis ex eodem compositis multis parasangis præire vid. §. 7. & 8. prior. Sect. quā multis morbis suppetias ferre. Testantur id quotidianæ Eruditissimorum Virorum præscriptiones, suadet id ratio & experientia.

§. II.

A Ntequam specialiozem croci usum ad liquidam veritatem exploremus, eum triplicem novimus, nempe Medicum, Culinarium, Mechanicum. Nos pro usu Medico rectè adstruendo sudabimus, Mechanicum ad mechanismum relegamus, de Culinario verò, ubi de abusu ex professo agemus, quædam verba faciendi, occasionem nanciscemur. Medicum denuo in duplicem classem dispescimus, quatenus & internis & externis morbis subvenit. Præmittenda pariter est egregii huius medicamenti dosis, quæ à scrupulo semis ad scrupulum unum ascendit, quam si excedat, varia inde emergunt incommoda, inferius enarranda.

§. III.

His prælibatis, à virtute, quam in vitæ fonte exerit, ordimur. Auctores omnes uno ore fatentur, eum singularibus cor exhilarantibus,

tibûs viribûs insignitum fore: quæ ergo instrumentis id perficit? nisi partibûs, quibûs præpollet, volatilibûs, alcalinîs, oleosîs, balsamicîs, & terrestribûs, quæ fibras roborando, vividum sanguinis circulum instaurant: unde liquet, cur tanti habeatur in syncope, ubi ob majorem sanguinis resistantiam fibra cordis elanguescit: cur in palpitatione cordis, à sanguine melancholico prodeunte, celebretur, quæ cum à sanguine terrestriore, vel aliquantum cordis renisum impediente, vel ad laudabile nervorum liquidum suppeditandum ineptô, & sic convulsivum cordis motum inducente, natales suos trahat, utique ejus usus quàm maximè proficiuus est. Similiratione etiam affectui melancholico medetur; dum enim sanguis lento pede progreditur, ei stimulos addit, ut velociori cursu in orbem agatur. Ex hoc simul patescit, cur venenis adversetur, quia nimirum sanguinis motum adaugendo, virulentam materiem à centro ad peripheriam deducit, ut videmus in pulvere pannon. r. bezoard. commun. alexipharm. r. elect. orvietan. antidot. spiritu theriacal. camph. spec. liberant: quæ singula ad exaltandam eorum vim alexipharmacam crocus ingreditur. Hinc non immeritò ob vires eximiè analepticas aurum vegetabile nuncupari solet, & medicamentis corroborantibus, cordialibus dictis, tum magistralibus, cum etiam officinalibus admiscetur: Posteriorum sunt Ess. croc. aquæ cord. temperat. de cord. cerv. pro epithemat. cord. spec. lætificant. cordial. temp. diabolibani, bals. vit. syr. è pom. reg. sapor. quæ exhilarando cordi dicata sunt.

§. IV.

Non secus ac Rhabarbarum anima hepatis, crocus Authorum suffragiis anima pulmonum audit. Tanta enim illius est energia, ut, teste Dodonæo, phtisicos in summo vitæ discrimine constitutos, & prope modum animam agentes, in vitam revocare queat, si à scrupulo semis ad scrupulum unum in potu vini dulcis vel generosioris ægris propinetur: & non abs re; siquidem eò temporis pulmones summâ atoniâ laborant, quæ non tam copiosiori humorum affluxui, & stagnationi ansam suppeditat, quàm circulum sanguinis suffocare minitatur. Huic autem pulmonum debilitati præsentaneum auxilium adfert crocus in vino exhibitus, qui & stagnantes humores dissipat, & pulmonum lobos vigore donat, sicque vita mortalibus ægris ad tempus prorogatur. Feliciori verò manu propinatur, sin maturius cum aliis remediis in usum trahatur, utpote cum principiò volatilî & paucò fixò humores in pulmonum substantia collectos resolvat, & discutiat, principiò sulphureò oleosò balsamicò: ul-

cus detergat, partibus denique terreis roboret, ultiores humorum affluxus præcaveat, vulnusque consolidet. Unde Dispensatorium Vienne antiphtisicas compositiones croco nobilitat, ut aquam antiphtis: aquam capon: quam Christoph. Wirsung. part. 2. c. 5. in phtisi, præsertim infantum extollit. Non minorem in thoracis affectibus à causa frigida, ut veteribus placuit, oriundis efficaciam præstat, viscidum resolvendo, concoquendo, & expectorationem promovendo. His adfectibus præfatum Dispensatorium destinavit Elix. pector. à Celeberrim. Wed. nobis relictum, ess. pectoral. saccharat. Pil. d. ammoniac. pulverem pector. loschian. catarrhal. cum spermat. cet. Pil. bals. Morton. quæ in tussi, raucedine, asthmate pituitoso, aliisque pectoris adfectibus, à lymphâ stagnante provenientibus, non mediocres laudum titulos promerentur. Hac ratione in decremento pleureseos, ubi tussis urget, & sanguinis stasis ex integro non dissoluta fuit, ut & peripneumonia mirè conducit, vid. Frid. Hoffmann. Medicin. System. ration. tom. 4. f. 435. ubi eccliegmati suo crocum immiscet.

§. V.

Speciatiim verò asthmaticis ac dyspnæâ laborantibus crocum in vino dulci, vel generosiori commodè propinari, tum ex propria experientia, tum ex River. in institut. & Mynsicht. in armament. chymic. asserit Ettmüllerus in operibus Med. theoretico-pract. fol. 555. Alii cum oleo amygd. d. singulare remedium esse asseverant. Hertodt. in asthmate puerorum millepedes in vino cum croco & cinnamomo infudit, & modicò sacchari candò edulcoravit, hoc remedii genus certò certius paroxysmum è medio laturum fore, scriptis suis nobis reliquit. Nec dies nobis sufficeret, si ea omnia in apricum deduceremus, quæ ex croco in hoc affectu ab Authoribus passim commendantur, ea tamen enarrare lubet, quæ in officinis nostris prostant, inter quæ eminet spiritus asthmaticus, nunquam satis dilaudandus, qui olim in arcanis habebatur, & ob singularem efficaciam non solum in-verum etiam extrà paroxysmum in mixturis vel concentratis vel diffusis exhibitus, mira præstat. Huic succedunt aquæ asthmat. lumbr. comp. looch. d. scyll. seu ad asthma, quæ respirandi difficultati eximiam medellam adferunt. Selectus tamen hæc inter faciendus est, ut, quæ magis spirituosâ, asthmati pituitoso applicentur, quæ verò balsamica vi, spasmos demulcente, dotata sunt, ea asthmati convulsivo convenient. Ambobus in subsidium venit crocus, si enim balsamicam & anodynâ virtutem spectes, eum effrænatos spasmodum impetus sedare, facilis

facilis intelliges, si principia §. 3. 5. & 6. prior. sect. mentis oculis subji-
cias, eum viscidam lympham incidere, attenuare, & ad excreationem
disponere, pulmones roborare, & sic stagnationem præpedire com-
peries.

§. VI.

CROCUM hepatica virtute esse imbutum, perhibet Wed. in amænitat.
mat. med. f. 171. & cum eo quàmplurimi alii, unde Hertodt. in croco-
log. f. 189. infarctui hepatis prodesse statuit, ubi simul massam pilularum de
amoniac. quam crocus exornat, non abs re commendat; si enim crocus, me-
diantibus salibus volatilibus & pauxillò fixi, hepar aperiat, & juxta §. 3.
partibus solidis robur largiatur, quo fluida feliciùs in circulum moventur,
& ob majorem in solida appulsum impacta materia non secus, ac terra à
pluvia, sensim, sensimque abluitur, ad obstructions referandas utique
symbolum suum confert, & ob duplicatam hanc virtutem pilulas martia-
les ingredi, benè promeritus est. Præprimis verò eum morbo regio me-
deri, Authores passim adstruunt vid. Croll. Basil. & Joan. Myllii antidot.
Medico-chym. fol. 70. imo Allen in synops. univers. Medicin. præct. fol.
252. específicas eidem vires attribuit. Quibusvis remediis ictericis adden-
dum esse judicat Ettmüllerus in operibus med. theoret. præct. f. 555. cùm
egregium sit simplex, adeò, ut in expellenda, & hinc delenda icterode
multum valeat, cujus rei ratio in præcedentibus ad liquidum deducta est.

§. VII.

MOX ad primam officinam delatus, stomachica virtute sua jamjam
agere, nemo non exploratum habet, dum debili ventriculi fibræ
robur addit, & digestionem promovet. Theriaca smaragd. & confectio
d. hyacinth. decantatissimæ illæ compositiones, quantam non possident
efficaciam? Elixiria proprietatis, etiam per vulgus notissima, tinctura
stomachica, spec. aromat. caryophyllat. hier. picr. Galeni, miva cydonior.
aromat. pil. Urban. seu papal. spec. dianis. de hyacinth. quantum possint
in roborando ventriculum, nullus est, quem lateat. Eundem effectum
præstat ess. croci, præcipuè extractum vid. §. 7. sect. 2. unde pilulas bal-
sam. aperit., quæ non tantum aperiendo, & incidendo, sed etiam sto-
machum, cæteraque viscera roborando agunt, extractum croci nobili-
tat. Eò verò illustrior erit croci virtus, quò plura simul incommoda è
medio tollit, nam ubi ventriculus doloribus, ac spasticis stricturis dive-
xatur,

xatur, anodyna vi, §. 4. sect. 2. sævientes spasmos placat, & principio roborante ultimatim naturalem tonum restituit.

§. VIII.

INde facilè assequimur, quî hystericæ passioni succurrat, si hujus malî sedem & causam novimus. Vapores ac miasmata Veterum, non tam ex utero, quàm partibus vicinis elevati, è schola Medica exturbati sunt: sententiam, quæ sub sensu globi variè moti, diaphragma versùs & cor, nterum ferri voluit, explosit peritior prioris sæculi anatome, dum uteri vinculum cum intestino recto, ac osse pubis ope ligamentorum latorum detexit. Highmorus, primus hujus phænominis Scrutator, in ventriculo & intestinis sedem morbi constituit, quam opinionem ambabûs manibûs amplexi sunt Recentiores, tum videntes, quòd sæpissimè uterus post mortem hystericarum prorsus insons & in loco naturali repertus fuerit, tum etiam considerantes, quòd viri, hypocondriaco affectu laborantes, hystericis similia patiantur symptomata, neque odores suaveolentes ferre possint. Moderni hîs rationibûs ducti, hoc malum ex impuro labefactatæ digestionis fonte scaturire adfirmant; nimirum dum ventriculus, à causa antecedenti valde debilitatus, assumptos cibos justò diutius in sinu suo retinet, ii ob moram in massam acidam, acrem abeunt, inque flatus resolvuntur, quî ventriculum & intestina mirè distendunt: & inde symptomatum caterva hunc morbum concomitari solet, tensiones hypocondriorum, spastici intestinorum dolores, inflatio ventriculi, ructus, & sexcenta alia, quæ, etsi satis intricata videantur, priorî positò fundamentò felicissimè enodantur. Ea jam in mentem quis revocet, quæ in fine §. prior. proposuimus, & crocum affectui hystérico optimè mederi agnosceat in elix. uterin. Crol. uterino-spasmod. Wed. extract. seu laudan. hysteric. Pil. d. cynogl. cum castor. pulvere hysteric. spec. diajov. ess. croci.

§. IX.

ANodynam croci vim comprobat sulphur vaporosum §. 4. sect. 2. descriptum, quod ad nervos deveniendo, liquidum nerveum inquinat, ejûsque motum animale ad tempus sufflaminat, unde diversa, quæ somnium accersunt, composita constituit, inter hæc eminet extractum seu laudanum opiat: quod in sistendis acutissimis doloribus stupendæ est efficacisë: Cætera sunt ess. anodyn. seu laudan. liq. à Sydenhamio concinnè

cinnè factum, & dilaudatum, extractum seu laudan. cæsar. diuret. elect. philon. rom. theriac. cælest. pulvis anodyn. & alia, quæ somnum invitando, spasmorum atrociam refrænant, & sopiunt. Ex hoc, ut & roborandi fine optimum in dysenteria crocus est medicamen, hinc Zwelferus in pharmac. reg. pag. 231. ait: *Non est remedium in dysenteria ferè præsentius essentiâ, aut extracto croci &c.*

§. X.

PRO diversitate verò remediorum, quibus associatur crocus, Proteiformem induit naturam, ita ut, qui antea anodynâ vim spirabat, modò pellendi vires in corpore humano exserat, id quod etiam ex principiis §. 3. & 4. adstructis colligere est. Tantâ quascunque uterinas excretiones stimulandi facultate pollet, ut inter remedia utero dicata facile primas teneat, urinæ fluxum potenter promovet, in mensibus & lochiis provocandis est efficacissimus, fætum vivum, æquè ac mortuum cum secundinis educit. Quòd speciali quadam energia in uterum agendi instructus sit, præter quotidianas experientias comprobât observatio Amati Lusitani, ubi fætus ob assumptum à matre medicamentum, cui crocus additus esset, in utero croceo colore tangebatur, hoc experimentum denuo in cane instituit Hertodt. vid. f. 279. & seqq. confer etiam M. A. N. C. Anno 1. observ. 60. p. 157. Cui sæminarum vis menses pellendi non innotescit? dum, quamprimùm una de difficultate mensium conqueritur, crocum cum herb. sabin. rorismar. fol. laur. &c. vino incoctum omnes uno ore commendant. Hanc croci virtutem uberius illustrat observatio Borell. centaur. 2. observ. 98. & centaur. 4. observat. 35. ubi equos, qui sacculos, crocò repletos, vehunt, mictum sanguinis incurrere asseverat. Neque dubitandum est, iisdem usibus inservire elix. menstrual. extract. emenagog. spec. diaborrac. pulvis ad part. ad distock. & pil. fæt. quæ præterea uterum à mucidis impuritatibus liberant. Principia autem, quibûs hæc agit crocus, repetere supersedemus, petantur hæc ex præcedenti sect. Prudens præterquam Medicus nôrit, pro diversitate causarum crocum variis remediis admiscere.

§. XI.

NON his limitibus sese includi patitur croci virtus, quin etiam externis partibus, præternaturaliter adfectis, auxiliò veniat. Quis ignorat, sin externis medicamentis ophtalmicis admisceatur, in iis facile prin-

principatum obtinere, & cum lacte adplicatum oculos ab acri inflammatione liberâsse vid. Lælium à Fonte consil. 27. præsertim verò in variolis insigne remedium ophtalmicum constituit, ubi in lacte muliebri, aut aqua ros. solutus, & oculis illitus, eosdem à variolis præservat, id quod quotidianis experimentis edocemur. Quare & remediis internè usurpandis inferi promeritus est, exemplo sunt Pilulæ lucis, quarum virtus, solo spectato nomine, in aprico est; siquidem, dum oculos ab obsessis humoribus liberant, nervorumque opticonum obstructions referant, visus aciem intendunt. His pariter viribus pollent pillulæ aureæ.

§. XII.

CRocum somnum inducere §. 9. sect. hujus dilucidavimus, externè idem præstat, si iis, qui agrypniis laborant, sacculus crocò repletus supponatur, ut capite illi incumbant. Hoc remedium adversus cephalalgiam, & vigilias nimias momentaneum levamen fert, ad eundem usum celebratur unguentum somniferum fronti ac temporibus illitum, cujus rei censuram sequenti sect. dabimus. Præstat itaque imitari Rulandum, qui tantillum croci cum aquis appropriatis e. g. aquis solan. ros. burs. bast. semperviv. &c. miscet, & epithema frontale efformat, inque phrenitide & doloribus capitis deprædicat. Tale epithema, quo mania periculosa curata fuit vid. in Ettmüller. oper. Med. theor. pract. f. 556.

§. XIII.

NEque abest, quin crocus in epithematum forma cum aliis convenientibus remediis pectoris regioni admotus, cordis debilitatem eximè sublevet, ut in Aqua pro epithemat. cord. nobis experiri superest, & inde est, cur morosis, mæstis, ac melancholicis apprimè convenire, abjectos, animique angore diffuentes erigere, Authores passim perhibeant, præsertim si nodulo cum camphora inclusus, de collo suspendatur; eo enim modo, quo internè, & externè, gradu tamen imminuto, agit vid. §. 3. huj. sect. Hoc assertum approbat Borellus centaur. 2. observat. 99. ubi refert, nobilem quandam mulierem tantâ melancholiâ, mæroréque adeò acerbô conturbatam fuisse, ut perpetuô flendi desiderio teneretur, gestatione croci super cor curatam esse. Cataplasmati, emplastro &c. commistus, & hypochondrio dextro impositus, pro re nata infarctos humores resolvere, induratum hepar emollire, ac roborare juvat, exemplo est emplastrum Santalinum, etiam incognitum dictum, cujus ingrediens constituit crocus.

§. XIV.

Fortuito casu in notitiam devenimus, quî vomitu, ac morbo navigantium detentis mederi possimus, postquam enim pharmacum nullum prodesse voluisset, omnisque generis mortales, qui trans mare vecti sunt, hoc morbo conflictari debuissent, crocus, nobilissimum illud telluris germen, sponte suâ ægris miserrimè discruciat, ut ejus virtus illustrior pateret, in subsidium venit. Ejusmodi historiam legimus apud Franciscum Baconem de Verulamio in histor. vitæ & mortis p. 211. de mercatore quodam Anglo, qui trans mare vectus, sacculum crocô repletum in sinum suum recondidit, ne ejus gratiâ vectigal exsolvere teneretur, & nullam, navigantibus aliàs vulgarem, sensit molestiam. Hoc duce exemplo navigantes feliciter præservantur, æquè ac præsens morbus propulsatur.

§. XV.

Prouit verò crocus variis remediis sese comitem adjungit, varios edit effectus: in unguento pleuritico, dolorem pleuriticorum sedat, in unguento pectorali tussim mitigat, excreationem promovet, &, cum magnò pretiò vendatur, nonnunquam ejus locò, ubi res admittit, flores carthami substituuntur, ut in pulvere fumal. matrical. videre est. ad erysipelates prætereà & quoscunque tumores inflammatos, imprimis ad ferosam in iis subsistentem portionem dispellendam, dolorésque conjunctos sopiendos idoneus est. Ob hanc discutiendi vim, sanguinis sub cute grumos solvit spiritus vini crocatus, qui etiam extremitatibus manuum, pedumque frigore ad imminentem gangrænâ usque læsis, cum linteo applicatus, admodum conducit, & partes morientes denuo reviviscere facit. Quocirca, cum externus ejus usus virtute non sit internò inferior, diversimodis haud rarò inseritur epithematibus, sacculis, cataplasmatibus, & emplastris discutientibus aut maturantibus, inter quæ eminet emplastrum oxycroceum, per vulgus etiam notum, quod ad contusa, ad abscessus duros emolliendos, & dissipandos, ad nervorum denique dolores leniendos dilaudatur. Quòd autem hos effectus producat emplastrum oxycroceum, extra omnem dubitationis aleam ponet ille, qui paulisper considerat ingredientium vires, quibus resolvit, discutit, vulnera abstergit, atque consolidat. In compescendis doloribus, contusionibus, & contorsionibus Chirurgorum non rarò est asylum, ut ab immanibus dolorum cruciatibus ægri leventur, præstaret tamen hoc in casu sæ-

piùs, unguinosas illas partes, quæ in tubulis aërem, corruptionis authorum, velut in carcere inclusum detinent, intermittere, & spirituosus, tonicis, & penetrantibus uti. Ad vulnera itidem consolidanda merito celebratur unguentum aureum, ob effectum, quem præstat, aureum, hoc nomine insignitum. Varia adhucdum, quæ ab Authoribus hinc inde in scriptis suis dispersa sunt, enarranda restarent, cum tamen verum, de quo in præcedentibus jamjam nos abundè egisse judicamus, usum minùs attingant, ea luci tradere, supervacaneum fore indubitanter existimamus. Quare is, qui plura de croco noscendi cupedine ardet, adeat Hertodt. crocolog. & habebit, quod perlegat, integrum libellum, habebit sexcentas formulas diversis morbis applicatas, quarum aliquas ad coelum usque extollit. Nos, ne in majora volumina opusculum excrescat, filum præscindimus, & ad id, quod de croco dicere reliquum est, nos convertim s.

Sectio IV. seu ultima.

Abusum Croci proponit.

S. I.

SIn universæ materiæ medicæ campum attentioribus oculis pervagemur, nil conspectui nostro sese objicere poterit, quod non suos pateretur manes. Quemadmodum crocus, si debitam dosin non excedat, divinum propè est pharmacum, ita è contrario in majori, ac par est, dosi exhibitus, atro carbone notandus venit, dum deterriam stragem corpori humano infert. Nam sive in usum in-sive externum vocetur, vî suâ, qua turget, narcoticâ & stupefactivâ caput aggravat, sensus reddit hebetes, gravissimum somnum inducit, totique œconomiae animali languorem conciliat. Hujus rei veritas variis experientiis stabilita est: Si tantillum croci vino admisceatur, illud citius inebriare, quàm aliud satis generosum, & homines admodum ebriosos reddere ex experimentis Ettmülleri habemus, & inde est, cur tam diversa somnum conciliantia remedia ingrediatur conf. S. 9. Sect. 3. & licèt in variolis vid. S. II. Sect. 3. optimum sit remedium ophtalmicum, ejus tamen nimius usus hebetudinem oculorum affert.

S. II.

§. II.

SI equi crocum vehentes, ut Doeringius refert, ex ejus vi, torpore obruantur, si ex solo continuato croci odore quidam temulentiam contrahere visi sint, facile assequimur, quod crocus in epithematibus, vel sub alia forma justò diutiùs capiti adplicitus, ad affectus soporosos, imò paralyfin, apoplexiam disponat, & eos non rarò inferat. Tunc enim partes croci volatiles, quibùs is abundat, non roborando, sed potiùs dissipando agunt, accedunt sulphureæ volatiles, & fixæ vid. §. 4. Sect. 2. quæ simul sumptis tonicus cerebri motus labascit, atque deficiat, necessum est. Cautè itaque mercandum est, ne, dum patientes charybdim evitare quis satagit, eos in scyllam præcipites agat, id quod præcipuè in infantibus, & ægris nimis debilibus probè attendendum est, in quibus quidem dolores sopiuntur, sed unà motus fibræ sepelitur.

§. III.

OB hanc vim anodyno-narcoticam Mercator §. 14. Sect. 3. adductus, cum diutiùs crocum in sinu suo detineret, prorsus è vivis discessit. Quod alio exemplò illustrat Borellus centaur. 3. f. 303. ubi refert de quodam famulo mercatoris, qui juxta magnam croci copiam in officina aliquoties somnum capeffens, diurnoque tempore ibi laboribus suis indulgens, tantò inde capitis dolore, totiùsque corporis lassitudine correptus est, ut fatis omnino cesserit. conf. etiam Schenckium l. 7. observationum. Plures itidem hac super re historias nobis scriptis suis reliquit Costæus, ubi nonnulli, qui sacculos in quibus crocus asservatus fuit, capiti supposuere, obortâ priùs insigni cephalalgia cum incredibili gravitate, demortui sunt. vid. Coler. l. 6. c. 71. f. 223. von dem Garsten-Bau. Pariter si ultrà drachmas duas vel tres internè assumatur, hominem prorsus enecare valet, hæc autem de ejus dosi nimis excessiva dicta sunt.

§. IV.

CROcum ad expediendum menstruum negotium, omni exceptione majus remedium fore, in superioribus pertractavimus, tanto enim cum impetu, sin ampliori dosi sumatur, menses nonnunquam provocat, ut ingens subsequatur uteri hæmorrhagia: Quod Riverius in institut. Med. l. 4. c. 22. confirmat, in scenam introducens mulierem, quæ
ad

ad instaurandum mensium fluxum tantum croci, quantum §. affibus coëmerat, assumpsit, successit inde nimium menstruorum profluvium, & intrà triduum cum lunæ tributo debitum vitæ persolvit. Non tacitus hîc præteream pessimum nostratum mulierum morem, quæ cibos larga croci quantitate condiunt, iisque promiscuè vescuntur, sive tempore, quo menses experiuntur ritè fluentes, sive quo à legitimo statu degenerant, & naturalem fluxum exsuperant.

§. V.

Dilectu mira, & miratu dignissima res est, si croci effectus ad balancem reducamus: jam roborare, jam anodynam vim exercere, jam menses movere, jam vultui pallorem obducere, jam cachinnos movere experimur. Hoc itaque peculiare sibi vendicat crocus, ut in excessiva quantitate internè sumptus, risum plùs quàm sardonium inferat, cujus vivum testimonium in Hispania vidit Hertodt. dum aromatarîus quidam plurimùm croci in ollam carnes jurulentas continentem injiciens, post illarum esum in tantum est solutus risum, ut parùm abfuerit, quin medios inter cachinnos animam efflârit. Ad ultimum hoc phænomenon dilucidandum jam labor noster collimat. Lætis, & iis, quorum mens tranquilla est, risum oboriri exploratum habemus, hi verò utcunque sunt sanguineò, aut ex eo complicatò temperamentò dotati, quorum sanguis ad motus recipiendos aptus natus est, progressum sanguinis accelerari ex propinato in debita quantitate croco indicat §. 3. Sect. 3. Quid ergo continget, si in excessiva dosi assumatur, nisi major sanguinis motus, major adhucdum orgasmus? qui vasa genarum distendens, ibidem spasmus, seu risum, plùs quàm sardonium suscitât, & cùm eò temporis difficile per genas sit sanguinis iter, necessarium est, ut cruor â tergo premens in motu suo aliquantulum præpediatur, sicque in terrimis cerebri vasis inæqualem circulum nanciscatur, atque restagnet, inde hunc risum delirium concomitatur. Credimus itaque hunc risum præcipuè in sanguineis & cholericis locum adinvenire, non verò in phlegmaticis, in quibus abusus croci potiùs morbos §. 2. Sect. IV. recensitos infligit. Judicamus prætereà, si in magis excessiva dosi sumatur, cachinnos minimè movere, sed idem fieri, quod §. 3. huj. Sect. dictum est. Eò jamjam navigavimus, ut tenui judiciò nostrò nulla via pateat, quæ ad ulteriorem Croci Austriaci explanationem, de re gravis momenti agentem, nos deduceret. Quare vela directionis nostræ subducimus, esto

T. 565-6

CEREVISIA
AVSTRO-VIENNENSIS
MECHANICO-CLINICÈ
ELVCVBATA.

QUAM

D. T. O. M. A.

DECRETO, AUTHORITY, ET CON-
SENSU PERILLUSTRIUM, MAGNIFICORUM,
SPECTABILIUM, PRÆNOBILIUM, EXCELLENTISSIMO-
RUM, atque CLARISSIMORUM VIRORUM &c. Perillustres, Magnifici,
ac Consultissimi Domini Universitatis Rectoris, Prænobilis, Spectabilis, Cla-
rissimi, ac Excellentissimi Inclytæ Facultatis Medicæ Domini Decani, Venera-
bilis Domini Senioris, Sac. Cæsar. Regiæque Cathol. Majest. Dominorum,
Dominorum Consiliariorum, & Archiatrorum, Professorum &c.
adeoque totius amplissimi

D.D. MEDICORUM COLLEGII
IN CELEBERRIMA, AC ANTIQUISSIMA
UNIVERSITATE VIENNENSI
IN INAUGURALEM DISSERTATIONEM
PRO SUPREMO LICENTIÆ, AC DOCTORATUS GRADU
CONSEQUENDO

Publicæ Doctorum Disquisitioni submittit

ADAMUS JOSEPHUS BESNECKER
Noricus Egrensis, AA. LL. & Philosophiæ Magister,
Saluberrimæ Medicinæ Baccalaureus formatus, approbatus,
nec non pro Suprema Laurea Candidatus.

IN PUBLICO D.D. MEDICORUM COLLEGIO

Horis post meridiem consuetis Die 25. Mense Sept. Annô MDCCXXXII.

VIENNÆ AUSTRIÆ, Typis Andreæ Heyinger, Universitatis Typographi.

Virgini Matri,
Quæ Tenello *ei* porrexit ubera,
à Quo

Ipfa sua recepit *viscera*.

Vero Patri, non Genitori,
Qui omnes sacrauit *vires*,
ut securis *acie* lucretur Cererem
ad depellendam
Nati increati maciem.

denique
Linguaci post mortem,
& elingui in vita

Thaumaturgo,
Quem immanis Tyranni *vis*
sub aquis innocenter iussit *jacere*.



PROLEGOMENA.



Siris Rex apud Diodorum Siculum lib.

1. siquæ tellus plantam vitis non aleret , primus docuit ex hordeo potum fragrantem , & jucunditate Vino haud inferiorem conficere : at Austria Inferior , quàmvis & aquarum salubritate , & vini bonitate multas antecellat

Regiones , eâ tamen blandientis populi superbit luxurie , ut , quisquis peregrinas liquor terras redolet , Studiosa imitetur , artisque adminiculo ingenti sibi multitudine conficiat . Atque ut ceteros missos faciam , quatuor suprâ triginta tum intrâ , tum extra Districtûs Viennensis Lineas cerevisiæ excoquendæ furnos dicavit : in Urbe unum Hospitalis Civici : sex in Suburbiiis : quorum alius ad S. Marcum : alius ad Div. Margaretham : alius in Leopoldina : alius in Liechtenthaal : alter in Guntendorff : alter ad Turrim Caninam conspicitur . Reliqui extra Lineas in Pagis , Oppidis , & urbeculis extructi sunt ; quemvis suo nomine appellant in Simmering , Eberstorff , tres in Schwechat , Monswerth , Fischament , Lanzendorff , Zwelffaxing , Bottendorff , Schwandorff , Baden , Ortha , Schmida , Schelenhoff , Hochau , Sallenau , Thraumau , Bittermanstorff , Loyperstorff , Walterstorff , Himberg , Hieteldorff , Stadl-Enzerstorff , Horn , Throst , & Stokherau .

His omnibus in locis nobiles elaborantur liquores , & sub diversis nominibus , ac particularibus Zythopepsarum addita-

mentis modò tenuiores, modò crassiores cujuslibet ad palatum, speciali ex Privilegio Viennam advehuntur. Quinimò, quasi multiplices alii, & proprii Austriæ furni impellente Vulcano tantum desudare non possent, ut gulam omnium sufficerent explere: Wratislavia, Praga, Ratisbona, Bavaricum Filzhoffium, & quæ non Urbes in suppetias vocari consueverunt.

Profectò, si Principis Philosophorum Aristotelis effatum lib. de long. & brev. vit. indiscretim verum est: vitam hominis in calido & humido consistere, non habent Viennenses, quòd interitum metuant: satìs enim caloris in vini lagenis, satìs humidi in cerevisia habent; ambo hæc sunt ejusmodi:

Quæ curas abigunt, & cum spe divite manant

In venas, animòsque hominum, quæ verba ministrant:
ingens in ærumnis, & laboribus solatium! veluti

Cujusvis Medicina mali Medicina dolorum.

Verùm, quia nunquam tam bona Regionum, rerùmque indoles extitit, quam non aut intemperantia, aut avaritia, aut negligentia hominum corrumpit, par fatum Viennæ incolis advenit: sæpè effæta, mucida, rancida, acida, non benè cocta, indefæcata, aut malesano cum excessu cerevisia bibitur, & in præsens vitæ discrimen amatores suos conjicit: ideo Inclyta Facultas Medica Viennensis, de Reipublicæ anxia salute, Mihi Inauguralis Disputationis thema gratiosè esse voluit, ut pro viribus cerevisiæ ingredientia, conficiendi modum, Principia, usum denique & abusum in apricum deducam. Lubens obedio: tu Lector Benevole parce debilitati meæ, & si quid minùs pro expectatione tua dixero, melioribùs benignè

supplere non abnue; faciam, quantum potero: sint
omnia in DEI Gloriam, & Proximi
commodum.



CAPUT PRIMUM.

*Proponit Cerevisiæ Ingredientia , & eorum
Selectum.*

§. I.



Liquorem , quem alii *apud Hermannum in Cynosura Materia Medica* beram , bieram , & vinum hordeaceum vocitant , nos Cerevisiam à Cerere frumenti Præsidente cum Plinio lib. 22. cap. 25. appellamus : cujus nomine intelligimus spirituosum , nutriensque potulenti genus ex aqua , frumento priùs debite parato , & lupuli floribus certâ encheiresi excoctum. Hoc variat ratione ingredientium , naturæ , qualitatis , quantitatis , & parandi modi : quare singula ordine prosequar.

§. II. Aquarum variæ sunt species *apud Hoffmannum Opusc. Physic. Méd. de aqua Med. univers.* aliæ crassæ , aliæ duræ , aliæ subtiles , aliæ molles. Crassas in stagnis damnat Hippoc. lib. de aëre , locis , & aquis : rationem dat Ovidius :

Nam vitium capiunt, nō moveantur, aquæ.

Signum talium aquarum est , vel quòd saponem non facile solvant : vel quòd spuma copiosa in coctione appareat : vel quòd , si carnes unà elixantur , rubescant &c. Duræ aut cum antecedentibus coincidunt , aut frigidæ nimis , ut nivea , sunt , Martémve secum vehunt : sed hæ , quàmvis fermentationi minùs faventes (nisi diu depositæ paulatim intepescant) ad durationem tamen cerevisiæ multum contribuunt propter firmiorem ex oppletis , vel constrictis poris consistentiam.

§. III. *Subtiliores* aquæ ad ignem reliquâscitiùs ebulliunt, & multum aëris in se continent, qui anthliâ pneumaticâ extrahi, inque bullas elevari potest: quales communiter probant, & esse putantur fontanæ, fluviatilesque per mundum, & arenosum solum scaturientes; nam fermentant tum cum malto, tum in pistrinis cum farina citiùs. Verùm ingens etiam subtiliorum aquarum est varietas: Martiæ extra Urbem in libero ab Urbanis fumis campo colligi debent, tantam effluviorum copiam non continent, & in longissimum tempus incorruptæ perseverant, quod falsò *Julius Alexander lib. 17. cap. 8.* in solis efficaciam conjecit: hinc Zythopæus ad Turrim Caninam Martiam cerevisiam, quam Mense Februarii excoxit, in cella frigida ad Mariam Auxiliatricem in Augustum usque conservavit. Contrà aquæ *Molles*, & impuræ, inter quas pluviae numerantur, sapidiorem quidem dant, sed facilè acescentem: propterea ad imitationem *Boerhavii in element. chym. tom. 2. pag. 192.* subacidæ cerevisiæ ex his eleganter parari possunt.

§. IV. In tanta aquarum diversitate invenire oportet notas quasdam sylogisticas, ut aquam excoquendæ cerevisiæ summè appropriatam specialiter intelligamus. Apud omnes in confesso est, aquam in confectione cerevisiæ Menstrui officiò defungi: ergo, quæ promptiùs solvit, majorem ex frumento energiam extrahit, & nullam peregrinam inducit qualitatem, est optima; sed chymiâ teste nullum menstruum has rectè conditiones adimplet, nisi tepidum, modicò salis stimulò instructum, & purum sit: ergo rejicimus omnes aquas egelidas, manifesto sapore, vel odore præditas, citò corruptibiles, graves, crassas, & mineralibûs multum imprægnatas; quarum pars per se innotescit, pars diuturna repositione, olei tartari infusione, areometrò, & evaporatione.

§. V. Nos aquas puteales, ex quibus intrà Viennenses *Lineas* cerevisia excoqui solet, areometrò, oleò tartari, evaporatione, aliisque examinavimus, ut in sequenti schematismo videre est: ubi cujuslibet mensuram unam evaporare fecimus, & quæ tabula exhibet, observavimus.

Aqua	Demisit A- reometrum ad gradum	Laetefcebat ab infillato oleo Tartari per deliq.	Evaporata ex LL. IV. in mensura foli- dae materiae reliquit gran.	Hujus sa- por erat	Et ab olei Vitrioli nigri affusione ori- ebatur fumus.	Dum illa rursus solve- batur, refite- runt in filtro grana	Solutio prior denuo evaporata dedit sale, qui in plurimis ab aë- re in deliquium solve- batur, simulque
In Hospitali Civico	II	Nullatenus	I5	Frigido- amaricans	Levis	4	Super prunam spu- mavit, & instar sevi diffuxit
Ad Sanctum Mar- cum	IO $\frac{1}{2}$	Leviter	I4	Amaro - dul- cis	Nullus	3	Instar nitri phlogifi- modica sui parte fu- per prunas accende- batur, spumav. ut sup.
Divam Margaretham	II	Nullatenus	I5	Terreo - sal- fus	Fortis, ultra medium ho- ram perdu- rans	7	ut ad Sanctum Marcum
Turrim Ga- ninam	IO $\frac{1}{2}$	Nullate- nus	I5	Terreus	Nullus	5	in igne spumavit qui- dem, sed in corpus spongiosum degene- rav. neque in aëre ut reliqui deliquatus est
In Guntendorff	9 $\frac{1}{2}$	Fortiter	I6	Frigido- amaricans	Sat magnus	3	ut in Hospitali Civico
Liechten- thaal	IO $\frac{1}{2}$	Leviter	I6	Terreo - sal- fus	Nullus	6	Idem cum albo-mi- cantibus qua- si squamulis
Leopol- dina	IO	Nullate- nus	I6	Terreo - sal- fus	Nullus	5	ut ad Sanctum Marcum. Cum iisdem squammulis ut prius

Probè verò observandum, nè aqua de se bona in receptaculis pernegligentiam Ministrorum corrumpatur: etenim dum in quadam Zythopæa in lapideum craterem, quò aqua ex puteo hausta asservabatur in proximam cerevisiæ cocturam, curiosius oculos conjicerem, vidi ingentem è betula ad vincienda dolia coronam: contentam pariter areometrò dimensus sum aquam, sed dimidio gradu minùs demergebatur, quàm in puteo, ex quo desumpta est.

§. VI. Igitur patet infidas esse aqueæ bonitatis regulas, quas religiosè servat *Timæus à Guldenkleee resp. med. pag. 157.* spectando: an fontana, an putealis, an versùs solis ortum, an Septentrionem &c. scaturiat: quasi verò ab orientali, vel Septentrionali plaga, & non ab ipsis subterraneis mæandris, quorum fæces eluit, & vapores suscipit, aquosa crassities, vel puritas dependeret. Quin neque Hippocraticum illud CrySTALLIFORME omnî nævò caret: vidimus enim Pirenwartenses aquas cryalli instar pellucere, & tamen ingentem albicantis terræ corticem in lebetis latera deponere: *confer Listerum de aquis medicat. angl.* námque puritas, quam §. 4. requirimus, non ad speciem, sed in se sit oportet, ut operi nostro satisfaciat.

§. VII. Sed quid ad hæc Zythopæi? quorum experientia notum est, quòd in defectu purioris aquæ, etiam turbidam, stagnantem, Lacustrem, vel planè palustrem braxandæ Cereri adhibeant: indéque liquorem non modò consistentiâ tolerabilem ac substantiosum, sed & palato gratum, sapidúmque, ùt in *Guntendorff*, eliciant: quare necesse est, respondent illi, ut similes aquæ crassiores, & turbulentæ fortiolem, aut diuturniorem coctionis torturam subeant §. 18. quâ mediante crudiores earum particulæ alterentur, terrestres ac heterogeneæ portiones separentur, ac demum evanescente calore unà cum fæcibus ad fundum deponantur. Verùm enim nimis pro domo sua perorant cerevisiæ excoctores, & speciosò fucò tegunt errorem; facilè enim consistentia à luto (subtractò fortassis etiam maltò) conciliatur: deinde, licèt palatus fallaciám eorum non deprehendat, satis est, si viscera §. 52. labem patiantur. Denique licèt aquas coctione meliores fieri non negemus, modicum tamen illud est, & multæ fæces commixtæ remanent, ùt ex præparatione balnei Altenburgensis liquet: neque etiam præcipitatio in liquore crasso & viscoso post fermentationem æquè facilè, ùt vulgò creditur, subsequitur.

§. VIII. Cognitís aquis, ad frumentum me accingo. Hoc varii generis est: triticum, hordeum, avena, siligo, milium, panicum, oryza &c. ex omnibus posset cerevisia quidem confici; sed ab Austria-

cis solùm priora tria in usum vocantur; reliqua v. g. filiginem abhorrent propter noxas, quas in pectore producere dicitur. *Boerhaaveus tamen tom. 2. elem. chym. pag. 191.* miscet ad cerevisiam secale cum farina malti. Seligi autem frumentum debet, cujus grana è pingvi, nec multùm calcosa terra progenita, aurâ tolerabili collecta, debitè siccata, recentia, benè matura, plena, gravia, intùs candida, & ita compacta, ut dentibus vix dividi possint, quæque aquâ macerata, aut cocta ocyùs intumescunt, & molliora evadunt: *ait enim Corn. Celsus lib. 11. cap. 18* firmior ex frumento potio, quò firmiùs fuit ipsum: siquidem immaturum folliculos inanes habet, humidum mucorem facilè contrahit &c. Optimum ad nos defertur ex Moravia: in Austria cis Danubiana crescit mediocri, deterius trans Danubium. Cave, nè lolium commixtum habeat, atque pessimò effectù totum negotium corrumpat.

§. IX. Tritici flava expetuntur grana: constant blanda viscositate, seu ut recentiores loquuntur: partibus mucilaginosis, salino-sulphureis, & terrestribus probè mixtis, sed minùs per alvum secedentibus, ex quèis oleum, si contundas, & in sartagine torreas, exprimi potest. Suppeditant autem cerevisias albas, quarum usum primus antiquitùs invenit quidam nomine **Brühan**. Deinde verò tres potissimùm indè confectæ species innotuerunt: prima simplicius paratur, & alibi ab inventore suo: hìc verò communiter *alba* (**Weiß-Bier**) per antonomasiam audit: secunda *duplicata* est (**Doppel-Bier**) & plus tritici recipit. 3tia ferè exolevit, neque nisi aulæ jussu confici solet, & *Vinaceam* (**Wein-Bier**) appellant, partim quòd ad quamvis urnam mensuras 4. vini cum fermento post coctionem suscipiat, partim quòd aliunde naturaliter omnes triticeæ cerevisiæ saporem habeant dulcem, & leniter cum pari odore vinosum, qui apprimè in jusculis exin paratis se manifestat.

§. X. Hordeum minùs firmam triticò, sed multò temperatiorem mucilaginem habet, &, ut quidam loqui amant, nitrosam. Nos in eo communes bonitatis notas §. 8. requirimus; at illud, quod crassis modò corticibus, ceu scoriis convolutum, nec intùs mucilagine farinaceâ turgidum est, saginandis potiùs suis, quàm tanti laboris coquendo nectari relinquimus. Antiqui & hodierni vel miscent triticum hordeo apud Guldenkleee, vel purum recipiunt, & copiosas rubri, sive fusci coloris conficiunt cerevisias; *vide Placotomum in Eoban. Hessum part. 1.* harum Viennenses ratione parandi modi, quantitatis, & additorum quinque habent genera: ima vocatur *albo-hordeacea* (**Weiß-Gersten-Bier**) hordei quantitatem mediocrem, &

peculiariter tosti postulat. 2da *fusca* (*Braun-Bier*) hordeum magis torret, & lupuli plus suscipit. 3tia *Martiana* (*Merken-Bier*) à tempore, quò & deberet, & optima excoqui solet, dicitur: sed hìc tamen quovis ferè Mense nova conficitur. 4ta seu *aërea* (*Lufft-Bier*) subalbescit, & hordeum in aëre siccatur. 5ta *Einbock* inter compositas, & aromatico-medicatas numeratur: siquidem melicratum, & aromata instar syrupi fermentaturæ cum facibus adduntur. Nonnulli *aëream* Zingibere, nuce myristica, baccis lauri, rosmarino &c. ita fucant, ut vix nisi peritus ab hac discernet: nihilominus *Einbock* crassior, & saturatior est cerevisia, illa tenuior, & mollior. Notandum: omnibus hordeaceis cerevisiis singulare esse, ut quò meliores, eò magis albidis spument bullulis, secùs corruptioni sunt proximæ.

§. XI. Avena mucilaginem hordeò minùs flatulentam, sed pauciores copiosas inter terreas partes custodit. Ex hac nulla cerevisia Viennæ, imò & in Austria Inferiore excoquitur: si gemina loca *Horn* & *Trost* exceperis, unde subacidæ propter admixtum cremorem tartari cerevisiæ titulò Hornensis, & Trostensis advehuntur.

§. XII. In Lupuli floribus resinoso glutini sal fixus, seu amarus cum paucis volatili includitur. Optimi Satetzio prope Thermas Carolinas è Bohemia Viennam deportantur: sint maturi, recentes, admodum suaveolentes, locò umbrosò, & nemorosò producti, debite ficci, & mundi: nulla hoc tempore cerevisia est, quam non ingrediantur, sed triticeas utpotè dulciores minori sui copia: majori hordeaceas, & hinc ferè earum amaritudo, color saturatior, & longior duratio dependet. Quidam Lupulum à cerevisiis arcere, aut saltem ejus vices conyzâ, menthâ, serpillò sylvestri &c. supplere contendunt, sed frustra: nam vel deficiente resinosa vi citiùs acor subsecutus est, vel invicem satè misceri non poterant, vel deterior eventus satè docuit, quæ in cerevisiis gloria Lupulo debetur.

CAPUT SECUNDUM.

Proponit Cerevisiæ Viennensis parandæ & conservandæ modum: illiùsque diversitatem.

§. XIII.



Elebris in limine occurrit quæstio: an antiqui in Cælia, Curmo, & Zytho eandem adhibuerint methodum, ac moderni in sua cerevisia excoquenda? *Tacitus de morib. Germ. cap. 23.* asserit: fuisse potui Germanis: *Humorem ex hordeo aut frumento*

mento

mento in quandam similitudinem vini corruptum: quem Athenaus lib. 1. & 10. ideo vocat vinum ex hordeo. & Isidorus lib. 12. cap. 2. nomine siceræ comprehendit. Idem etiam apud Herodotum in Euterpe videre est. Hinc constat liquores illorum per fermentationem fuisse paratos §. 25. an verò omnimodè, prout nos solemus? assentiri nequeo: quoniam Lupuli nec Hippocrates, Dioscorides, Theophrastus, nec Galenus meminit, vide Elscholtzium, & Horstium Seniores Oper. Med. in Instit. pag. 367.

§. XIV. Noster cerevisiam parandi modus plures includit operationes: nimirum *frumenti macerationem, exsiccationem, molituram, infusionem, colaturam, coctionem, condituram, fermentationem, & repositionem*, tres priores ad malthum, reliquæ ad cerevisiam spectant. *Maceratio*, quam nonnulli primam fermentationem appellant, per tres circiter dies in cadis fit: aqua recens (decantatâ priori, præprimis, dum calor viget, nè putredo concipiatur) frumento sæpius affunditur, donec cum tanta mollitie intumescat, ut digitis facillè lac exprimi possit. Tum omnis aqua decantetur, frumentum super aream siccam in acervum ad pedis altitudinem aggregetur: æstate minorem, & sæpius in die moveatur: hyeme profundior, & in principio probè tegatur, ut sponte incalescat: hoc in statu tamdiu finitur, donec germen, & leves radicum furculos emittat: ita enim oleum terrestribus partibus obvolutum, & torpidum, pororum compage laxatâ moveri, subtilisari, & in actum deduci inchoat. rectè autem addit Willis Tract. de ferment. cap. 7. nè ultra triduum prius in aqua detineatur frumentum: secùs substantifica mucilago extrahitur, & elutriatâ aquâ inutiliter profanatur.

§. XV. Listerus de humor. cap. 14. memorat: in Anglia paucis solùm hybernis Mensibus malthum confici posse, propter celerem adeò in maceratione inceptam, & aëris calore provectam putrefactionem, ut nullis remediis, aut admodum ægrè fisti possit. Igitur frumentum, quàm potest citissimè, à maceratione exsiccari debet, ut particularum in germinationem propensio, & subtiliorum partium vehementior extricatio inhibeatur.

§. XVI. Exsiccatio perficitur dupliciter: vel ad solem, vel ad ignem. Illam non omnis quidem cerevisia, sed unicè aërea expetit: dum vigente æstate locò eminentiori, & perflatò frumentum maceratum super tabulatum (auf die Schwell) spargitur, sæpiusque per diem vertitur. Hac ignem peculiari fornace clausum requirit, & aseres perforatos, nostratibus die Malz-Dörre/ & Hollandis den cest: istos superstratò frumentò obliquè ad horizontem fornaci applicant,

ut humiditas extillet : ficcant *leniter*, dum cerevisiam hordeaceo - albam : *fortissimè*, & cum ingenti crepitatione quasi torrent, dum fuscam : *mediocriter*, dum cæteras conficiunt. Differentia verò, quæ inter siccum aëreum, & igneum intercedit, est : quòd ibi malthum albius, & sinè ullo empyreumate relinquatur, hìc contrà.

§. XVII. Paratum ita frumentum, bynes, polentæ, vel barbarè malthi, & malthæ (*Mals*) nomen adipiscitur, & ulteriùs, ut futuræ infusioni aptius reddatur, in grossiorem farinam frangi debet, quod hìc molis bovinis, vulgo *Schsen-Mühl* perficitur. Talis farina dulcescit, madefacta diffuit, nec ampliùs in panem, vel solidiorem aliquam consistentiam reduci potest : quorum alterum ex Listeri mente, à lentore hordei amisso, alterum ab oleo valde attenuato, per minima aquæ commixto, & salium puriori quidem, & leviori, sed solidiori & granulata compage resultat.

§. XVIII. Explanatis, quæ frumenti sunt, ad cerevisiæ natales, id est : infusionem me accingo : in qua modum, proportionem, & tempus observamus. *Modum* ita adornant Viennenses Zythopæi : primò cadum habent satìs profundum (*die Masch-Bodung*) fundo duplici, alter mobilis est superior & interior, pluribùsque foraminibus pertunditur : alter firmus exterior seu inferior peculiari epistomiò instruitur, clavellis lateralibus quadratus canalis *der Pfaff* adhæret, quì ambobus hiat orificiis, sed inferiori in spatium, quod inter utrumque fundum relinquitur. Cadum hunc malthò infarciunt, & frigidâ priùs in pultem humectant. Deinde verò fontanam in lebetè finunt bullire, brevius quidem puram, sed impuram diutiùs, atque spumam ad latera propelli solitam cribrariò prudentiores demunt cochleari (*mit einem Saum-Löffel*) Ex cacabo semi-canalìs dirigitur in den *Pfaffen* / per quem bulliens in fundorum interstitium infunditur : ibi non modò fundo mobili incumbens malthum elevat : sed illius etiam foramina penetrat, ut hujus substantiam extrahat.

§. XIX. Proportio, quam in infusione nostrates aquam inter & malthum observare deberent, est sequens : ad triginta modios malthi recipiuntur aquæ.

in cerevisia	{	Duplicata	{	35	Urnæ
		Vinacea			
	{	aërea	{	40	
		Martia			
	{	Einbock	{	45	
		hordeaceo - alba			
	{	fusca	{	51	

Attamen certi nihil statui potest: *auri sacra fames* sæpiùs malthum detrahit, & aquam adauget.

§. XX. Dum infusio fit, malthum instrumentis in rudrum formam fabrefactis (mit den *Mesch-Scheuth*) sæpiùs agitari debet, ut aqua promptiùs penetret, & vires imbibat: sed cave, nimis diu hæc simul stent infusa, tres una vice horæ quadrantes sufficiunt: secùs refrigerens nimis aqua, & malthum, & id, quod jam absorpsit, adeò reddit mucilaginosum, ut postea difficulter fermentet. Tandem beneficio foraminum, quæis mobilis perterebratur fundus, sua sponte tinctura colatur, & apertò inferioris fundi §. 18. épistomiò à maltho decantatur in aliud vas ovale, & cystemiforme, quod (*der Bier-Grandt*) dicitur, cadóque nostro immediatè substernitur.

§. XXI. Indè excipulis (mit denen *Ausschlag-Schöpfen*) tinctura elutriatur in lebetem, quem ideò peculiari affere mit einem *Fahr-Bredt* instruunt, nè quidquam liquoris durante elutriatione in terram decidat, & deperdatur. In lebate coquitur, donec ebulliat, tum verò rursùs exhauritur, per semi-canalem & *Pfaffen* in priorem cadum deportatur, pristino denuò maltho commiscetur, atque sic infusionis colatura, & coctionis labor cum uno, eodémque maltho & aqua quatuor vicibus repetitur: nam quamprimùm aqua calorem amisit, exiguos malthi poros permeare haud satè potest, ergo recallescere opus est, ut, quantum virium in maltho est, tantum ferè suscipiat. Notandum tamen nonnullos esse, qui paulò aliter coctionem cerevisiæ moliuntur, & prima vice unà cum maltho tincturam propter fortio rem extractionem ebullire sinunt: sed nobis prior modus præplacet, quia cerevisiam minùs crassam generat.

§. XXII. Condituræ locus est, dum ultimò, sive post quartam infusionem cerevisia excoquitur: ibi enim pro una braxatione in triticeis adduntur Lupuli libræ 6. vel 7. in hordeaceis lb. 9 vel 10. & unà ad semi-alteram horam ebulliunt: sed diutiùs hordeaceæ, ut non solùm nutritibilis eorum substantia juxtà *Hoffmannum Med. syst. tom. 1.* coctione magis mitescat, sed etiam vaporosum lupuli sulphur in auras abeat: à coctione nempe bonitas desumitur, quò meliùs coquitur, eò coloratior cerevisia, minùsque rancescit (*wird nicht roh-höpfzig* sive *Hopffen-Naß*) & contra. Coctionis sufficientis tria habent Patognomonica signa Zythopæi: 1mo dum in ejus decocto scutellâ ex lebate excepto quasi in speculo se intueri possunt: 2do dum etiam ibidem præter copiosas, minimasque laterales vesiculas, in medio majores una vel plures, instar pisi supernatant. 3tio dum in omnibus quatuor excoctionibus simul sumptis sex circiter urnæ

aquæ ab una braxatione in auras abeunt. Omnia ista significant consistentiam legitimam, & oleosarum partium intimam cum aqua miscellam.

§. XXIII. Vis, quæ cerevisiæ à conditura, sive Lupulo accedit, principaliter est à corruptione præservans; nam Listerus ità argumentatur: quò liquor est crassior, eò fortius res natantes sustinet, ut docet hydrostatica: ergo cum à lupulo fiat crassior, propter mutuam pressuram, & laterum resistantiam ejus salia non tam citò dissolvi possunt, ergo nec acescere: accedit, quòd omnis corruptio ab aëris interni ad externum mutato habitu dependeat, sæpè in porulis corporum rarefcit, sæpè densatur, unde atmosphæra jam minùs, jam fortius premit: sed hòc ipsò illorum particulæ modò laxantur, modò nimis stringuntur, fatiscunt, dividuntur, & acriores fiunt; jam verò lupulus cerevisiæ benè mixtus, hospitales ejus intercapedines occupat, & aërem aliàs ibi detineri solitum à consortio cerevisiæ excludit, instar salis communis in conditura v. g. carniùm. Deindè resinosa etiam virtute cerealium particularum elaterem firmat, ut minùs externis auræ motibus obsecundent: & hinc ratio resultat, cur propter majorem lupuli additionem hordeacæ cerevisiæ triticeis diutius durent.

§. XXIV. Postquàm satis cocta, & lupulò, ut artis est, condita fuerit cerevisia: è lebetis ora incile longius ein Übertrag-Rühne statuitur, cujus alteri extremo cribrum (die Hopffenseüg) appenditur, & dirigitur in humile quoddam, sed latius cadorum genus (in die Kühl-Stöck) illuc liquor transfunditur, ut à lupuli folliculis liberetur, & refrigescat æstate totaliter, hyeme ad naturalem solùm v. g. lactis recens multè teporem. Sed neque iste laborum est finis, quin post refrigerium indè etiam in cellam deportari, & in commune receptaculum (in die Zusammen-Laß/ vel usitatus Bier-Bodung) conjici debet.

§. XXV. Tum cerevisia suscipit fermentum (bekommt den Zeug) seu subtilissimam, puram, supernamque fermentatæ facem: hordeaceam quidem, si ex hordeo braxatur: triticeam, si ex tritico: quod Boerhaveus *Inst. chym. tom. 2. hist. ferment.* benè observat: nam si vicissim usurpetur, turbida post fermentationem manet, quia homogeneitate caret. Dosis fermenti hyberno frigore major, æstivo calore minor est: ibi diutius in communibus cadis (Bier-Bodung) relinquitur, ut patet in Martiana: hìc tamdiu solùm, donec fermentare inchoet, & deinde statim doliis ingeritur. Ratio ex impedimenti, & augmentis fermentationis desumitur, quam nonnulli pa-
riter

riter sale armoniaco promovent, alumine demunt apud *Ettmüllerum*. Sed maxima causa aër est: liberior in cadis segnem fervorem animat, impeditus in doliis excedentem minuit, atque si ea fortiter obduran-
tur, prorsus suffocat, vide *Boerhav. loc. cit. & in Elem. chym. tom. 2. pag. 187.*

§. XXVI. Totum fermentationis secundæ negotium sic absolvi credo: quamdiu omnes, aut saltem plurimæ liquoris particulæ æquipo-
ndium servant, ita ut quævis proportionatum gravitati, & elasti-
citati suæ locum occupet, nullus motus animadvertitur: at quampri-
mùm illud æquilibrium tollitur, tantò major subsequitur motus, quò
amplior fuerit ab æquilibrio recessus: quippè intrinsecâ structurâ, &
pondere molleculæ in spatium sibi debitum premuntur: ergo causa
motûs fermentativi est eademmet ipsa, quæ partium æquilibrium se-
movet: hæc verò aëris ambientis, & contenti est mutata ad invicem
proportio. Res exemplò patet: si aër inclusus resistit ut duo, &
atmosphæra tantundem premit, motus fit nullus: contra si aëris in-
clusi resistantia sit ut unum, & ambientis pressio ut duo, necessum
est, ut exterior in interioris spatium, & vicissim ingredi contendat:
itaque videndum, quid in fermento latitet, quod, dum cerevisiæ com-
miscetur, aërem illius internum reddit atmosphæræ minùs vel magis
resistentem.

§. XXXII. Fermenti, utpotè pristina jam elaboratione con-
fecti partes subtilissimæ, & solidiores sunt: consequenter minoribus
scatent poris, & pauciores, vel saltem subtiliores secumvehunt aë-
rem: contra Decoctum malthi §. 25. viscosum, crudum, crassum-
que est; unde amplitudo pororum, aëris quantitas & crassities me-
tienda venit. Datò hæc duo invicem ritè misceri (quod haud diffi-
culter concedet, qui fluiditatis naturam ex *Boyleo Tract de fluid. & firm.*
addidit) aër, & subtilitas fermenti non solum ab atmosphæra minùs
premitur, quàm aër & partes malthi, sed etiam soliditate sua elastica
à vicinis corporibus, in quæ impingit, resilit, aucta sic in infinitum
quasi repercussionis vi, de qua *Borellus*: ergo. Durante hoc motu
unæ alias partes è sede sua deturbant: quædam in vasis latera impel-
lunt, sed reperiuntur, quædam in aërem avolare nituntur, sed à
florum cerevisiæ cuticula prohibentur, nisi summo sibi impetu exitum
parent, bullas rumpant, & cum sonitu discedant; intereà dum tam
multifariâ directionis lineâ particulæ repelluntur, attritio, rarefactio,
& calor tandem consequitur.

§. XXVIII. Durante fermentatione dolia sint aperta, neque priùs
occludantur superna eorum orificia, donec nulli amplius flores ad ea
con-

conspiciantur: quod intrà biduum , vel 24. horas sæpè fit. Tum verò braxatores statim ad Zythopolas (zu denen Bier leith geb) transvehi curant , ubi per tres , quatuorve dies in cellam reponitur , ut fæces in fundum desideant , & nonnihil cerevisia inclarescat : tandem subitò venalis exponitur.

§. XXIX. Hic braxandæ Austriaco - Viennensis cerevisiæ mos : isti natales : quarè etiam digna natalibus duratio est : vix quatuor septimanas , quin acescat , assequitur. Ideo doliolis exiguis vix urnam æquantibus asservari solet , ut , quamprimum bibendo exinaniri incipiunt , brevì totaliter evasentur. Attamen profitentur hujus loci Zythopæi , se pariter cerevisiam diutiùs incorruptibilem excoquere posse , ac aliis Septentrionalibus in locis : sed hoc ipsum pessimum est , quòd , cùm sciant , in opus non redigant , quasi verò : quia natura Austriaci vini benigna est Mater , ipsi cerevisiæ perduelles esse debeant Patres. Laudem merentur Egrenses , qui per dimidium etiam annum majoribus ad decem circiter urnas vasis cerevisiam conservant , antequàm salubriter bibant. Paterbornenses duodennalem habuisse perhibentur : sed omnes vasa pice illita habent , quæ Austriaci reformidant , & munditiæ compensare student , ut partim nauseosam evitent cerevisiæ amarulentiam : partim noxas , quas à pice §. 64. metuunt.

§. XXX. Magna cerevisiæ à duratione accedit diversitas : nam mox post fermentationem turbida est , & plus justo à lupulo nondùm perfectissimè mixto amarescit , successu temporis gratior instar fructûs maturi evadit ; tandem cum ad senium pervenerit , in deteriore inclinatum statum , ea præprimis , quam aut coctionis , vel lupuli parsimonia , aut consistentiæ nimia tenuitas ignobilem effecit : licèt enim in cella frigida ab aëris injuriis , bombardarum sonitu &c. diligenter præserve , tardiùs quidem , at aliquando nihilominùs sive in acetum , sive in vappam corrumpitur.

§. XXXI. Cerevisiæ acescentis genesim ex duplici fonte desumo : 1mo à spiritûs sulphurei partim avolatione , partim in saponaceam quasi naturam commutatione. *Illud* docent causæ : in calore enim , & æstate citiùs acescit. *Hoc* non solùm ex eo deducitur , quia bona cerevisia dat bonum acetum , mala malum : sed etiam , quòd in fundum vasorum acetariòrum oleaginositas quædam (die Mutter) deponatur (vide Boerhav. l. c. process. 49. §. 4.) quæ si singulis annis non aufertur , acetum corrumpit. 2do ex sale essentiali , sive tartaro cerevisiæ resoluto : inter hunc enim & acetum nulla diversitas , nisi in magnitudine , specillis *Leeuwenbokii* conspicitur : verba illius sunt : *ex salibus*

bus C. B. tartari &c. aquâ simplici solutis sales acetosi statim fiunt, id est: sales tenues, & ex utraque extremitate acuminati: mox iidem acetosi in crystallos sexangulos coeunt, prout pluribus Lysterus loc. cit.

§. XXXII. Ex quibus colligitur *imo*: cur saccharum saturni in spiritum ardentem destillari possit: acidum enim aceti à plumbo fortius detinetur, & ignis violentia spiritum sulphureum rursus à smegmaticis aceti compedibus liberat. *2do*: cur creta, calx viva &c. apud *Ettmüllerum tom. 1. pag. 443.* cerevisiam ex acida in dulcem convertant; quoniam salem acetosum rursus coagulant, ut liberè in fluido volitare non possit, sed in fundum quasi granulatus, præcipitetur. *3tio*: quando vappa fiat? tunc nimirum, cum tota, vel saltem plurima spiritus sulphurei, & salis essentialis pars vel in auras abit, vel in fundum præcipitatur.

§. XXXIII. Dantur & alia multa corruptarum cerevisiarum genera, Germanicò barbarismo expressa, uti sunt: *Zeug-raaß / Hopf-fen-raaß / verdempffet / angelegt / brandlet / Roh-höpffig / Sommerenzig / Erdenzig / Graßkeimicht / Schaalsfüßig / Schimblight /* & cætera nec omnibus nota Zythopæis nomina: cuncta tamen non tam à duratione, quàm neglecto ingredientium selectu, braxandi modo, tempore, instrumentorum, vasorumque puritate &c. dependent: & hinc est, cur tam ingens undique cerevisiarum reperiatur diversitas:

Ut neque, quàm multæ species: nec nomine, quæ sunt
Sit numerus; neque enim numerò comprehendere
fas est.

§. XXXIV. Commodè tamen cerevisiæ omnes ratione consistentiæ in tres classes dispescuntur: *crassam, mediocrem, & tenuem.* Prioræ duæ etiam aliò nomine primariæ vocantur: posterior *secundaria* Germanis *Covent*, quia affusâ excoquitur fontanâ ex effatis malto & lupulo: illis nimirum, qui instar rei humano usui inutilis relinquuntur, postquam inde una ex antecedentibus duabus cerevisiis eò, quem hòc capite docuimus, modò legitimè parata fuit: hoc solum admonere debuimus, quòd Zythopæi, qui §. 21. malthum simul cum tinctura cereali in lebetè coquunt, ferè nunquam secundariam parare possint. Cerevisiæ *crassæ* à copia materiæ, & diuturniori coctione fiunt: quales sunt *fusca, duplicata, Martia, aërea, Linbock.* *Mediocræ* minùs ingredientium recipiunt, vel saltem non tantum ex iis extrahunt, ut *Hornensis, triticea Weiß-Bier /* & hordeaceo-alba: quarum postrema inter coloratas & pellucidas, dulces & amaras æqui-

C

librium

librium tenere , & vulgo das Speiß-Bier alibi dicitur. Tandem tenuis, seu lora exiguum valde de maltho participat , citóque acescit.

CAPUT TERTIUM.

Proponit Selectum, Principia, & agendi modum Cerevisiæ Viennensis.

§. XXXV.

Satis , supérque operarum in Zythopæa locavimus , gustare nunc oportet , quæ cæteris cerevisia præstat : illa nimirum, quam Salernitani commendant versus:

*Non acidum sapiat cerevisia, sit bene clara,
Ex granis sit cocta bonis, satis ac veterata.*

Hoc totum obtinebimus *imo* : si ex datis hætenus regulis ingredientia §. 8. selegerimus , ac malthi parationem §. 14. infusionem §. 18. coctionem §. 21. & reliqua Cap. 2. prout docuimus , instituerimus : ità enim vitiis §. 33. & quæ ex duratione §. 31. accedere solent , carebit. 2do : si consistentiam habeat mediocrem §. 34. ritè sit defæcata, levis , & mediocriter amara , omnis expers alterius saporis , odoris. 3tio : quæ potantem ex Cap. 4. juvat , aut saltem minimè lædit : confer §. 63.

§. XXXVI. Optimè verò de selectu cerevisiarum judicabit , qui plenam earum tum chymicam , tum hydrostaticam experientiam habuerit. Chymici duplicem in examen adducunt : alteram, quæ nondum fermenti vim experta est : alteram, quæ absoluta ritè fermentatione perfectionis gradum est assecuta. Primam Willisus Tract. de ferment. cap. 7. item Boerhavius Inst. chym. tom. 2. Sect. 1. process. 38. igne lento ex cucurbita destillavit , & uterque nihil præter aquam in recipiente conspexit : nam capitello instar roris adhæsit , nec statim , ut spiritus decurrit , injecta igni , eum extinxit , flammam non concepit , & pota omnes effectus præstitit , qui fontanæ attribuuntur.

§. XXXVII. Hinc inferes : panicum illorum esse timorem , qui nimium de spiritu solliciti sibi non fidunt infusum malthi , prout nos jubemus §. 21. ulterius decoquere ; nam quamvis per macerationem §. 14. oleosæ frumenti partes ità extricentur , ut dulcedo malthi consequatur , non tamen ad tantam volatilitatem perveniunt , ut in spi-
ritum

ritum abeant, sed exsiccatione §. 18. inhibentur. Exempli locò inservire poterit mustum, præsertim, si ea, quæ *Junkenius experim. ad chym. experiment.* observat, conferantur.

§. XXXVIII. Sed tamen procul absit, ut, dum decoctionem concedo, *Glauberianam* cerevisiæ concentrationem approbem: ille enim infusum malthe eo ex fine evaporavit, ut per navigia instar mellis in aliena loca possit transferri, & ibidem affusâ aquâ, & additô fermentô denuò in cerevisiam permutari: verùm voti compos fieri non poterat, quoniam mellinum illud magna citiùs in vermes abiit. *Daniel Ludovicus in M. Nat. Curios. Dec. 1. an. 4. & 5. pag. 275.* majori lupuli copia huic malo medetur, sed in aliud incidit: nam licet extracto suo subduplum solùm ejus aquæ addiderit, quam priùs abstraxit: nihilominùs peractâ fermentatione, secundaria tantummodò prodiit cerevisia. Rationem dat *Ettmüllerus tom. 1. pag. 483.* subtractô enim phlegmate particulæ residui adeò arctè propter oleosarum concentrationem uniuntur, ut nullâ aquâ ampliùs, utpotè ineptô tunc menstruô, solvi possint.

§. XXXIX. Contrà, qui alteram cerevisiæ speciem, sive fermentatam igne perscrutantur: primùm in *faces*, & deinde in ipsum *liquorem* aciem intendunt. *Faces* ex floribus, id est: pellicula illa, quæ fermentantem cerevisiam contegere solet, ortum trahunt: nam quamdiu hi multi conspiciuntur, paucae sunt *faces*, & decreascentibus illis, hæ accrescunt. *Ulstores* cremati, ubi vinosæ deficiunt, cerevisiæ *faces* in paucum ardentem spiritum exurunt: si autem accuratius, & igne debito tractentur, aliquid salis volatilis & olei, sed plurimum terræ, & non nihil salis fixi suppeditare notantur.

§. XL. Liquorem cerevisialem ritè fermentatum destillavit *Boerhaveus element. Chym. tom. 2. pag. 191.* & sequentia in principia dispe-
scuit. 1mo Prodiit spiritus ardens tantæ nobilitatis, quantæ à vino haberi potest fragrantissimus, sinè ullo ingrato nidore, & rectificatus pulverem pyreum accendit. 2do Liquor acidus, ingratus, adstringens, nauseosus, & albus roridis guttis ascendit, cui nihil saporis calidi, spirituosique inest, sed, si ulteriùs urgeatur, fætere incipit. Hic liquor omnibus sulphureis spiritibus intimè copulari solet: quare in debita eorum rectificatione semper in fundo relinquitur, cum hac tamen distinctione, ut, si spiritus rectificandus in vase Querno priùs asservatur, rubedinem contrahat. 3tio Oleum crassum, fæt-
dum, & empyreumaticum: sed an hoc repetita rectificatione, quemadmodum oleum tartari fæt-
dum, multam deponat terram, & suaveo-
lens evadat, à nemine scriptum inveni, suadet tamen rationis iden-
titas.

titas. 4to Si facem crassam, & nigram à destillatione residuam comburas, & aquâ solvas, in filtro terram damnatam obtinebis. 5to Tandem si solutio denuò ad siccitatem evaporetur, sal Tartari fixus in conspectum venit.

§. XLI. Ego pariter, ut Viennensium cerevisiarum vim specialius experirer, per vesicam debitò ignis regimine destillavi libras duas in mensura cujusvis cerevisiæ, si *duplicatam*, & *vinaceam* exceperis, utpotè præsentis hoc tempore, hinc nullibi, quod scio, venalem, & obtinui ex

Triticeo - alba

Spiritus valde debilis, cum striis tamen prodeuntis	Drachmas
- - - - -	2
Phlegmaticis - - - - -	131
Extracti dulcis - - - - -	16
Summa	149

Hordeaceo - alba

Spiritus flaventis, & fortiter linguam ferientis -	7
Phlegmatis dulcescentis, gratique -	135
Extracti leniter dulcamari, & empyreuma redolentis, colore & consistentiâ eâdem, quæ in melle -	18
Summa	160

Fusca

Spiritus debilioris albi -	17
Phlegmatis - - - - -	132
Extracti - - - - -	20
Summa	159

Aërea

Spiritus melioris - - - - -	8
Phlegmatis - - - - -	139
Extracti - - - - -	20
Summa	167

Martia

Spiritus debilioris - - - - -	15
Phlegmatis - - - - -	128
Extracti - - - - -	19
Summa	162

Einbock

Spiritus debilioris	-	-	-	-	6
Phlegmatis acescentis	-	-	-	-	130
Extracti dulcioris & nigri	-	-	-	-	21
					Summa 157

Hornensi

Spiritus inter cæteros optimi	-	-	-	-	11
Phlegmatis aciduli	-	-	-	-	130
Extracti subacidi	-	-	-	-	7
					Summa 148

Scire autem oportet: omnes hos Spiritus tantâ phlegmatis quantitate dilutos fuisse, ut nullus accendi poterat.

§. XLII. Proportio, quam Extractorum quantitas servat ad phlegma, ferè demonstrat, cur areometrum demittat

Cerevisia

Aërea	-	-	-	-	2 $\frac{1}{2}$
Einbock	-	-	-	-	3
Martia	-	-	-	-	3 $\frac{1}{2}$
Fusca	-	-	ad gradum	-	3 $\frac{1}{2}$
Albo - triticea	-	-	-	-	4
Hordeaceo - alba	-	-	-	-	4
Hornensis	-	-	-	-	6

Nam quò profundius, id est: ad plures gradus areometrum demergit, eò levior, & contra est cerevisia: consequenter plus solidorum, aut compactorum corporum participat.

§. XLIII. Concludimus ergo in genere cerevisiarum nostrarum principia esse: aquam, paucum & debilem, respectivè ad vinum loquendo, spiritum, copiosamque, ac gelatinosam melaginem, in qua oleosæ partes cum terrestribus coadunatae quandam salis essentialis, sive tartarei portionem custodiunt. Dices: Tartarum cerevias non habere. Respond. Quamvis doliolis cerevisiariis non se appendat, satis tamen ex acescentis cerevisiæ genesi §. 31. & destillatione Boerhavia §. 40. cognoscitur. Deinde nunquam tam diu in vasis convenientibus cerevisia asservatur, quàm vinum; quare & temporis brevitās, & vasa pice aliis in locis illita, concretionibus Tartareis non favent.

§. XLIV. Nunc patet, quomodo cerevisia corpus humanum afficiat. Ratione *Spiritus* sanguinem sensim rarefacit, & dum solitò plus bibitur, præsertim quæ fortiùs lupulata, aut vasis piceis conservata est,

est, ebrietatem causat, sed vinò multò periculosiorem, longiorémque propter junctam crassitiem. *Gelatinosa melago* nutrit, incrassat, emollit. *Sal essentialis* priori plerumque subjacet, consequenter vim suam, præsertim in triticeis haud fortiter exerere potest. At quando prædominium obtinet, ut in hordeaceis, & Hornensibus lupulò benè conditis &c. Diuresim egregiè movet, & biliosos humores temperat. *Aque* virtus notissima, nobilissimáque est in fluore sanguinis conciliando, & crispato tonolaxando, sed in multis cerevisiis, præsertim crassioribus, ut *Duplicata*, *Einbock* / *Martiana* &c. ab admixtorum quantitate impeditur.

CAPUT QUARTUM.

Statuit usum, & abusum Cerevisiæ Viennensis.

§. XLV.

Variam Cerevisia experitur sortem: Laudatur ab his, culpatur ab illis. Nonnulli sive ob vini copiam, sive aliam causam jam dudum illam è solio deturbârunt, ità, ut non modò mensis, domibúsque penitus exulare cogatur: sed insuper inter potus insalubres, crassos, abominandos, & meatus urinarios obstruentes, quasi lernam malorum bibentibus inferret, reponatur:

*Nescio, quod stygiæ monstrum conformæ paludi,
Cervisiâ plerumque vocant!*

& rursus:

*Qui docuit crassò cererem confundere succò,
Huic iratus erat Bacchus, & alma Ceres.
Nam Pelusiaci qui laudat pocula Zythi,
Illi nec cerebrum, nec caput esse puto.*

Sed injurii fortè hi sunt cerevisiæ osores, nimis citò, & quin ejus discrimina, nec non in- & coindicantium in homine vim fatès pensitârint, ferunt judicium. Horum ego memor pro viribus contendam, ut in tanta Vinearum Patria in certis circumstantiis cerevisiam vino nec præferam, nec auferam. Consequenter non meritis eam spoliabo laudibus, nec superfluis onerabo.

§. XLVI. Geminò corporis humani statui, sano, & ægro, gemina cerevisiæ virtus, nutriendum, & alterans convenit: nam, ut de primo dicam, propter continuum, partium attritum perenni natura eget tum fluidi, tum solidi nutrientis, consuetò præprimis, & insipidò pabulò: sed hoc sæpè nullò convenientiùs mediò restaurari potest.

test, quàm cerevisiæ quâdam specie, quæ inter mediocritatis terminos §. 34. consistit. assuevimus nempe cereri, assuevimus aquæ: non excitant internè turbas, quæ externè perfectum fermentationis opè iniêrunt connubium, si cæteroquin nullus error aut in parandi modo &c. aut in corpore humano latitat; hinc ausim dicere: non tantas aquæ inesse vires, non tantas vino, ut quandoque cerevisiæ præponantur: aqua diluit, sed non vires restaurat: vinum restaurat, sed gelatinosa caret parte, & saporis exuberat magnitudine.

§. XLVII. Neque juvat dicere: melius est, si seorsim alimenta assumimus, quæ solùm nutriunt, & seorsim potulenta, quæ solùm diluunt, & roborant; nam quamvis & ego hoc in quibusdam casibus ambabus largiar manibus, v. g. dum nulla fames, sed sola urget sitis, aut dum nutrire non audemus, sed solùm diluere, aut roborare: aut denique si aliunde humiditate nimiùm dilutus ventriculus solidiori eget pabulô; si tamen nullum ex istis impedimentis occurrit, dico: frustra quæritur per plura, quod potest fieri per pauciora, cerevisiam puto; siquidem alimenta, dum cum potulentis assumuntur, in corpore primò in fermentationes exsurgunt: quos non motus aliquando cient, antequàm placabilem miscellam subeant! at cerevisia gas omne sylvestre, seu fermentescibile foris deposuit, utpotè halitus illos venenosos, qui à rebus fermentantibus eleuantur, teste *Boerhaaveo inst. Chym. hist. fermentat. §. 26.*

§. XLVIII. In sententiæ nostræ confirmationem non Belgas, Anglos, cæterosque Septentrionis accolas omnes subajavios, seu cerevisiæ potatores adducam: vivunt illi satis salubres, phtyfis, arthritidis, podagra, & calculus rariora sunt mala, & nisi in iis fortè, qui vini, aut spirituum ardentium excessivô potu se se ingurgitant. Prò quantum indè Austriacis emolumentum! hornorum, & acidorum vinorum pestiferam pulmonibus, & nervis vim cerevisiæ corrigit favor, atque expectorationem sæpè promovet, & urinam.

§. XLIX. Sed antiquam, nunc obsecro, considerate Germaniam; toti Orbi terrorem incussit, & tamen vini vix usum, nisi ad Rhenum fortè pauculis quibusdam in locis novit: à cerevisia irradicatam hausit sinceritatem, & fuci nesciam virtutem. Quid Bohemos memorem? nervum Cæsareæ plerumque constituunt militiæ: non gentem alibi meliùs coloratam, non salubriorem, non senio rem, atque, quod caput rei est: nullibi formâ pulchriores fæminas, facundioresque matres reperies. Si mihi haud creditis, audite ipsam loqui cerevisiam:

In Venerem est tardis Medicina eruca Maritis :

Ut Medicus plenô prædicat ore chorus.

Est similis virtus in me quoque, potâque fibris

Efficio fortes, prolificósque Patres.

Hanc quoque dant Matres mibi laudem jure, negántque

Se Zythô aut posse, aut velle carere meô.

Attamen quî hisce nondum sapit, vel ipsos Zythopæorum ventres intueatur velim: *veladeat Francisc. Valeriolam in loc. comm. medic. Olauum magnum histor. Septent. lib. 13. cap. 27. Hechsteterum observ. med. part. 2. dec. 5. cas. 9. in schol. Hermannum Conringium lib. de Germ. corp. habitû antiq. &c.*

§. L. Magna hæc cerevisiæ sunt encomia, magni effectus: sed tamen noxæ, quæis encomiastas suos cumulat, non inferiores. Fibrarum tonum labefactat; Palladium nimia crassitie, torpore, & humiditate obruit, inertiusque producit ingenium, in sicco enim antiquitas memoriæ, & judicii vires reposuit: hinc Italorum apud Historicos sublimia, præsagâque obstupescimus ingenia, & promptum in arena admiramur consilium: hærent diutiùs, & deliberant securi Arctoi populi, & priusquam de summa rei agatur, vix satis pericula edocentur. Hanc animi, sed non leviozem corporis generat cerevisia segnitiam, plenitudo gravis, oscitans membrorum languor, viscerum oppilationes, febres intermittentes, Leucophlegmatia, cachexia, morbi soporosi in cerevisiæ potatoribus, præsertim Zythopææ ministris frequentiora sunt mala. Igitur inter tot bonos, sævósque effectus videndum: *quæ, quibus, & quando cerevisia conducat vel noceat?*

§. LI. Ex cerevisiarum genere illas improbamus, quas vel parandi modus Cap. 2. vel ingredientium qualitates ignobiles effecerunt. Ad primam classẽ præter illas, quarum §. 30. & 33. meminimus, antiquorum cerevisiam ob lupuli defectum reponimus, præsertim si pravas aliunde qualitates contraxerit. De hac intelligendus est Dioscorides: *Zythus ex hordeo paratus movet urinam, renes & nervos lædit, & præcipuè cerebri membranis noxius est, & elephantiasin causat.* Julius Alexander, & Eoban. Hæssus hæc nocumenta in nostram cerevisiam derivant:

Renibus, & nervis, cerebròque hic noxius humor

Sæpè etiam lepræ semina fæda jacit.

Sed erroris illos arguit Horstius Senior loc. cit. nam quotus quisque nunc Medicorum est, qui in Germania veram elephantiasin vidit?

in-

incognitus ferè morbus est, & ipsius *Galen*i testimoniò Germanis rarissimus. Durior etiam in antiquorum fortè Zythum fuit *Dioscorides*, & endemium ægyptiis morbum ex esu carnis asininæ, ferinæ salitæ, aut potiùs Nilaticis, amarisque aquis apud *Plinium lib. 31. cap. 4.* dependentem, in innocentem antiquorum Zythum coniecit. *Hippocrates* certò benignior fuit, pluribus in locis Zythi meminit *lib. de rat. vict. in acut. lib. de affect. §. 47.* & in specie *lib. 2. de natur. mul. §. 103.* puerperis ex partu debilibus præscripsit.

§. LII. Ingredientia prout ipsa sunt multiplicia, ita diversas cerevisiæ imprimunt qualitates. Singula ordine, quò cap. 1. posuimus, persequar: Character bonitatis cerevisialis est, si citò renes pertranseat; hoc efficit, quæ subtiliores aquas recipit: proptereà *Hoffmannus opusc. phys. chym. de aqua Med. univers. §. 22.* laudat cerevisiam Liebeginensem in Nephriticis, & biliosis vix par habere remedium, quoniam aqua, ex qua coquitur, ferè incorruptibilis est, & sponte cum maltho fermentationem subit. Vituperat ècontra cerevisias Hallenses, & prope Thermas elaboratas propter aquas mineris fætas, ventrem & vesicam indurantes; attamen dicam, quod res est: quamvis cerevisia, quam pura conficit aqua, omnibus anteponatur: nihilominus licèt nonnunquam deterior aqua fuerit, salubrius est illam in cerevisiam excoquere, quàm sibi relictam bibere. Confirmat sensum nostrum *Plinius lib. 31. cap. 3.* dum ait: *ante omnia damnantur aquæ amaræ, atque salmacidæ: in desertis rubrum mare petentes, additâ polentâ utiles intrâ duas horas faciunt, ipsæque vescuntur polentâ: ex quo infert Listerus loc. cit. in schol. en origo cerevisiæ ad tollendum incommodum aquarum quarundam vitiosarum!*

§. LIII. Aquas sequitur triticum, potentissimum quotidiano panis usu alimentum *Hippoc. lib. 2. de vict. rat. cap. 15.* *Sebizius* monet, quòd ii, qui pane similagineo quotidie vescuntur, exercitationi corporis studere debeant, aliàs obstructions inducit: ergo triticeis cerevisiis non utantur juxta *Hoffmannum Med. syst. tom. 2. pag. 80.* qui ventriculum habent infirmum, ut infantes, senes, mærore, & animi morbo confecti, maximè hypochondriaci cum alvo adstricta, & flatulenta; nam:

Pabula triticeæ frugis malè cruda coquuntur

Robur ab artocopo condita majus habent.

Nihilominus emolliunt, & humectant multum triticeæ cerevisiæ: & ideo fortè *Dolæus* in incubo commendat. Sed quia paucum lupulum suscipiunt, dulcedo illarum, præsertim si recentius, & solitò plus bi-

bantur, facilè acescit, & neque per alvum, neque per urinam secedere finit. Mulierculæ quædam nostræ has suas delicias abundè luunt, & sæpè spasticas viscerum contractiones, sitim, tormina, Ischuriam, stranguriam, & nephriticos, hystericósque affectus reportant. Præ cæteris verò cerevisia duplicata fugienda est:

- - - *nîl spissius illâ*

Dum bibitur, nîl clarius est, dum mingitur, unde Constat, quòd multas fæces in ventre relinquat. Nequit enim facilè minimos viscerum, vasorúmque lacteorum mæandros permeare, hæret, & sæpè stagnat, putrescit: hinc patet elegantiores, quàm veriores esse in ordine ad scopum medicum versus illos:

*Laudatur vinum simplex, cerevisia duplex:
Est bona simplicitas, nec mala duplicitas.*

§. LIV. Hordeum alimentum est tenue, medicamentosum, alvum leniens, Diureticum, anodynum, & mulcens acria quævis: unde in febribus ardentibus, siti, phtysi, hectica, rheumatismo &c. apud Sydenhamum & alios usurpatur. Hipp. lib. 2. de vict. rat. §. 6. inter frigida, & sicca reponit: sed benè Eobanus loc. cit. eum explicat:

*Hordea desiccant benè fricta, sed humida coctis
Vis erit, atque minus roboris indè venit.*

Propter singulares hæce vires meritò & antiqua, & hodierna consuetudine ubique locorum præ reliquis frumentis copiosius in cerevisias excoquitur. Nec obstat, quòd Galenus dicat: *hordeum parùm coctum ventositates efficere, opilationes verò ex atonia, si meliusculè bullierit.* Hoc & ego à crudo fieri præsertim in phlegmaticis concedo: sed per braxationem cruditas multùm evanescit: si aliunde non peccetur. Non omnium tamen hordeacearum cerevisiarum eadem virtus est, sed pro diversitate modi parandi diversa: *hordeaceo-alba* magis diluendo temperat. *Fusca* propter tostum fortiùs hordeum minùs laxat. *Aërea*, & *Martia* laboriosos juvant, & semen augent. *Pinboct* quorundam magis calefacit, sitim intendit, inebriat citiùs. Sed nostra nullius valoris est §. 41. quare potiùs è foro rejicimus, partim ob crassitatem, partim, quòd illius compositiones plerùmque arcani instar occultentur, & sæpè ex repugnantibus rebus conficiantur.

§. LV. Avena in sorbitione juxta Hipp. lib. 2. de Diet. §. 2. humectat & refrigerat: unde in acutis sub Diætæ tenuis nomine ejus juscula porriguntur: abstergunt enim, & acre suâ gelatinâ demulcent

magis , sed minùs hordeò nutriunt. Celebre in *Dispensatorio Viennensi* est Decoctum avenæ *Loweri* , de quo videatur *Bromographia Joan. Franci.* profectò nihil magis scorbuticos , phtysicos , aut hecticos æstus temperat , humectat , stricture tollit : & hæc genuina est ratio , cur tanti apud nos *Hornensis* cerevisia æstimetur : sed , quamvis avenæ , & tenuitatis titulò commendari mereatur , culpanda tamen aqua est turbida , ex qua solet excoqui , cujus ratione nonnulli phlegmatici , aut Melancholici se tormina retulisse putant : sed moneo hoc in casu , errorem *causæ non causæ* perfacilè irrepere ; solent enim fortiter æstuarè , qui illam concupiscunt : hinc insensibili transpiratione læsâ non cerevisia solùm , sed quodvis etiam aliud potulentum eadem mala causare potest.

§.LVI. Lupuli flores apud Hermannum crassa , & viscida incidunt , persudores , & urinam expellunt , hypochondriacis , febribus chronicis , hydropi , vermibus , scabiei , aliisque cutaneis affectibus medentur. *Fiera* hoc nobis Epigramma scriptum reliquit :

*Si lupulum oblectant antra , & nemorosa salicta ,
Hoc facit , ingrato sit satis ut Medico :
Viribûs hinc bilem , calidûmque arcere cruorem
Est potis , hunc calida , & febris anabela timet ,
Gratia si magna est lupulo , tua noxia major
Est Medice , hoc sanctum qui malè nôris olus .*

Non ineptè igitur moderni agunt , qui lupulò cerevisiam condiunt , ut viscositatem demant , & in longius tempus conservent : sed & hic aurea valet regula : nè quid nimis. *Hoffmannus* ait : cerevisiam nimis lupulatam occupare caput : fors instar amarorum omnium vaporosorum apud *Wedelium theor. sapor. sect. 2. cap. 2. pag. 61.* *Jason Prædensis* metuit , nè talis cerevisia à gravida bibita epilepsiam , & animi stoliditatem fætui tenello , aut abortum pariat , juxta illud *Hipp. lib. 1. de morb. mul. cap. 42. tex. 2.* si gravidæ acre quid , aut amarum ediderint , vel biberint præter consuetudinem , fætum perdunt. Verùm Viennenses mulieres non habent , quod metuant , satis benevolos sexui suo nactæ sunt *Zythopæos* , parcò lupulò cerevisiam , præsertim triticeam condiunt.

§. LVII. Ex hætenus dictis satis opinor , & specialiùs constat , quæ cerevisia , & quibus profit ; sed ut totam doctrinam in compendium deducam : comprehendere opus est diversum fibrarum , humorumque statum cum varietate cerevisiarum , ut genuina resultet indi-

catio. Dum oscillatio partium fortiùs urget, aut humorum effervescens in calorem propensio ab acrimonia præprimis alcalina, & putrefaciente ortum traxit, cerevisiam, sed pro diversis causæ oscillantis, & irritantis gradibus diversam approbamus; nimirum *primò tenuem* in morbis acutis, & repletionibus; paululum enim plus in recessu habet, ac pura aqua, citò in sanguinis circulum rapitur, & facile secedit: quare apud *Hoffmannum Med. system. tom. 2. pag. 343.* Mulieres ab hysterica passione præservat. Et apud *Simon. Sethi lib. de cib. facult.* multos à morbo sacro, & crapula liberat. *2do mediocris* in pueris, juvenibus, biliosis, hæmophyti, ptyphi, exulcerationibus internis, hæctica, nephritide, calculo, aut scorbuto rancido, aut similibus imminentibus morbis laudem fortitur. Tandem *3tio crassam* exercitatis, Venatoribus, bellatoribus, rusticis, & fabrilibus operibus, servilibusque assuetis commendamus; fortis enim fibrarum motus fortiorieget pabulò: educati in silvis ferarum more antiquitus Germani etiam Zythum salubriter tulerunt. Verùm enim verò specialior ubique selectus cerevisiarum ex dictis hauriendus est.

§. LVIII. Contrà, dum fibra laxa cum spissitudine, Plethora, vel inertia humorum conjuncta est, ut in infantibus, senibus, phlegmaticis, non assuetis, tempore austrino &c. cane pejus, & angve cerevisiam fugere consulo, præsertim crassam, quæ fortiter inebriat, & glacie gelida pro potu ordinario, aut nimium usurpatur: nè vim cerebro, nervis, & visceribus inferat, præcordiorum distensiones, anxietates, asthmata, flatus, polyposas concretiones &c. §. 50. incurabilia sæpè mala producat, *Hoffmann. opusc. med. de aqua med. universi §. 20.* & passim aliis in locis.

§. LIX. Tempus, quò maximè cerevisiæ usus viget, æstas est, præprimis, si minùs suum Vineæ pensum persolverunt: Sed cave vacuò ventriculò, & matutino tempore insvetus bibas. Neque diuturnitate evanescentem, nec recentem nimis, seu fermentantem adhuc, indefæcatam, aut lixivii instar crassam ingurgita, fæces priùs deponi sine, *Medium tenere beati*, ætatis mediæ cerevisia est optima, quæ tamen Viennæ rarissimè invenitur §. 29. recens scilicet plùs nutrit, sed morbos §. 58. strangurias, calculos, & colicas periculosas inducit, quod optimè elucescet, si differentiam, quæ recentes inter, & diuturno tempore separatas fæces intercedit, geminis veritatis argumentum historiis corroboremus. Ipse ego Pragæ funesto interfui spectaculo, ubi sartor juvenis, cum socio simili, tenui pro pignore certans, unò tractu mediam pinetam (hujatis mensuræ tres facile sextarios) fæcum pctulanter exhaustit, & desuper tam enormes ven-

tris

tris inflationes, cruciatus, & tormina perpeffus est, ut intrà triduum mors in pignus accesserit.

§. LX. Priori contrariam narrat historiam *Philip. Salmuth Archia-
ter Anhaltinus observ. Med. posthum. cent. 2. observ. 94.* Andreas Pock noctu
dira siti pressus, ad eam depellendam surrexit, & citatò cursu ad vascu-
lum, in quo fæces cerevisiæ collectæ erant, se contulit, reputans ce-
revisiæ esse, & unò tractu ad mensuram ferè illarum exhausit, ne-
que errorem percepisset, nisi uxor illius manè fæces barbæ adhæren-
tes conspexisset, & ipse postmodum eas inter dentes deprehendisset:
ast nihil mali indè advenit. Si tam diversos ejusdem causæ eventus
perpendo, non alia mihi firmior occurrit, quàm, quòd priores fæces
recentes fuerint, & in corpore fermentando tam tragicos luserint ef-
fectus: posteriores è contra maturæ satìs omnem quasi fermentando
vim amiserint, cum primis si aliunde in corpore nulla priùs saburra
latitavit, constat enim: vetustas etiam vini fæces assumptas nihil præ-
ter alvum laxatam reddidisse.

§. LXI. Culpavinus indefæcatas cerevisias, sed neque illæ, quæ
diurturnitate vappidæ fiunt, laudem merentur; orbus sale, & spiritu
liquor quid, nisi fætores suo æconomiam nostram destruet? at de acef-
cente cerevisia alia est Disputatio: Communiter post *Sylvii & Willisi*
fulmen, acida tanquàm inimicissima corpori diris devoventur. Sanè
Listerus loc. cit. mitiùs cum his agere videtur; ejus verba sunt: *Ipsa cere-
visia æstate mediâ confecta protinùs nobis invitis acefcit: Neque ideo displicet,
aut minùs salubris est. Nam in plerisque Angliæ regionibus in ipsa cerevisiæ
confectione populatim certum acorem subitarium variis artificiis accelerant,
quem nostrates Blenking appellant, nempe ad salubritatem, ut vulgo creditur,
conciliandam. Certò illa ratione & Stomacho concoquenti minùs laboris facef-
sit, & valde diureticum est.* Scilicet à salis hordei essentialis per minima disso-
lutione, ipsa cerevisiæ visciditas corrigitur, & sanguis spissus resolu-
tur, si experimentis *Boerhaveanis inst. chym. tom. 2. part. 2. process. 39. n.
18.* credere fas est. Unde *Placotomus* acidas leviter cerevisias iis conce-
dit, qui crassis succis abundant.

§. LXII. Oppones imò illud scholæ *Salernitanæ*: *Non acidum sa-
piat &c.* §. 35. 2do acida nervosis, & teneris partibus inimica sunt, ut
patet in infantibus, hysteriis &c. Resp. nos acidam, seu potiùs suba-
cidam cerevisiam non nisi in biliosis, & ob stricturam ex sanguine in-
carcerato humorum crassitie laborantibus concedimus: secùs iis, qui
aliundè acidum ex ventriculo eructant, quemadmodum hypochon-
driaci, & infantes solent: Deinde cerevisiam fortiter acidam omnibus
denegamus, nisi fortè quis eadem ratione, quâ spiritum nitri, sa-
lis

lis &c. in nonnullis casibus propinare velit: Sed ingratitudo liquoris repugnat.

§. LXIII. Ex quibus omnibus per modum conclusionis cum Hoffmanno *Med. syst. tom. 1. pag. 366.* tanquam ex effectu colliges: Illam cerevisiam usui humano esse convenientissimam, quæ nec gravat caput, nec in ventriculo acescit, nec hypochondria inflat: Sed quæ modicè calefacit, aperit, nutrit, facile secedit, & reliquas habet proprietates, quas §. 35. adduximus: Ubi verò hisce destituitur, vel interposito vini usu, vel aliis remediis tum ab ipsis Zythopæis, tum à Medicis corrigi solet. Illi aut cum lupulo, aut cum fermento multa convenientia, sed sæpè etiam dolosè lixivio cerevisiæ adiiciunt: Sic *Horrensi* prudenter addunt cremorem tartari, *Vinacæ* vinum, *Einbock* melicratum, aliis alia, v: g: cortices citri, absinth. salv. lavendul. helen. flores sambuci, baccas lauri, Juniperi &c. Quare apud *Placotomum* prostant *Bermuth* = *Rosmarin* = *Salbey* = *Lavendel* = *Ullant* = *Bier* &c. quarum omnium vires ex materia Medica petendæ sunt.

§. LXIV. Nonnulli apud *Schræderum lib. 4. cap. 39.* terebinthinam in cerevisiam infundunt, atque simul defervere sinunt pro potu ordinario in præservatione à calculo, viscerumque obstructionibus: Sed ego minùs approbo; nam ob spiritum ardentem Therebinthinæ per fermentationem in cerevisia extricatum, caput magis infestat, & caco-stomachos præsertim in tenerioribus est, aliunde solitum in nephriticis symptoma: Vide *Wedel. amenit. mater. med. lib. 2. sect. 1. cap. 4.* Pejor illorum mos est, qui adjecto sale communi excitatæque siti potatores alliciunt: Aut rosmarinò sylvestri &c. inebriant. Pessimè verò decipiunt, qui loliò, vel hyoscyamò lædunt; nàmque plebs ex temulentia bonitatem liquoris mensurat, & sæpiùs repudiat, quas melioris conscientiae Zythopæus excoxit cerevisias, ità nempè decipi vult mundus, quid enim ab emptis, potis que venenis præstolabitur? lolium præprimis sive pani, sive cerevisiæ misceatur, capitis infert dolorem, oculorum caliginem, veternum non hominibus infestum magis, ac brutis. Anno 1342. prope Tigurim tantum lolii voravit equus, ut veterinò sepultus, & excoriatus sit: Verùm post somni consummationem equus sine pelle cum ingenti incolarum stupore domum rediit, *Becclerus cynos. mater. med. volum. 3. pag. 198.*

§. LXV. Ex Medicis olim jam *Avicenna lib. de remov. nocum. in regim. sanit. tract. 5. cap. 18* Mauris suis commendavit potum ex frumento cum ruta, origano, & cinnamomo. Apud Septentrionales Medicos celebris est cerevisia antiscorbutica *Timæi in epist. lib. pag. 428.* ad cujus imitationem alia cum summitatibus pini, fol. cochleariæ, rad.

rad. lapat. acuti &c. parari potest : Si *antihypochondriacam* desideras, sequens est :

℞. rad. cichor.	-	-	-	℥iv
Helen.	-	-	-	℥ij
Herb. scolopend.	-	-	-	Mvj
Card. Bened.	-	-	-	Mij
Bacc. Junip. rec.	-	-	-	℔ij

Jncis. & contus. Supertundantur 30 mensuræ.

Pro *cerevisia stomachica* hæ species fervire possunt :

℞. Herb. absinth.	-	-	-	℔jß
Card. Bened.	-	-	-	
Rorismar.	-	-	-	aa ℥ij
Rad. caryophyl.	-	-	-	℥iv
Cortic. aurant.	-	-	-	
Citri	-	-	-	aa ℥j

Fiat ut ante.

Ejusmodi cerevisias quivis artis Medicæ peritus ad beneplacitum parare poterit, dummodo non recentes, sed siccatas herbas, nè corruptionem cerevisiæ inducant, receperit, & calenti à coctura liquori conjunxerit, ut unâ fermentationem subeant. Tandem sopito fervore eximuntur species, cerevisia verò pro quotidiano usu in vitrum stillâ longâ decidens infunditur; quam gratè spumantem tibi, Lector Benevole, hodie propino: Admove, diffatâ spumâ ad votum conspicuam bibe, sed propensò in me animò, & *salubriter*: memor scilicet *Salernitani* moniti :

De qua potetur, stomachus non indè gravetur :
Proficiat.

F I N I S.



VINUM AUSTRIACUM

Oeconomico-Medicè consideratum,
QUOD

D. T. O. M. A.

DECRETO, AUTHORITY, ET CON-
SENSU PERILLUSTRIUM, MAGNIFICORUM,
SPECTABILUM, PRÆNOBILIUM, EXCELLENTISSIMO-
RUM, atque CLARISSIMORUM VIRORUM, &c. Perillustis Magnifici,
ac Consultissimi Domini Universitatis Rectoris, Prænobilis, Spectabilis Cla-
rissimi, ac Excellentissimi Inclytæ Facultatis Medicæ Domini Decani, Venera-
bilis Domini Senioris, Sac. Cæs. Regiæque Cathol. Majest. Dominorum,
Dominorum Consiliariorum, & Archiatrorum, Professorum &c.

adcoque totius Amplissimi

D.D. MEDICORUM COLLEGII

In Celeberrima, ac Antiquissima

UNIVERSITATE VIENNENSI
IN INAUGURALEM DISPUTATIONEM PRO
CONSEQUENDA DOCTORATÛS LAUREA

Publicæ Disquisitione submittit

FRANCISCUS ANTONIUS
STEINDL de PLESSENETH,
BOHEMUS PRAGENSIS,

AA.LL. & Philosophiæ Magister, saluberrimæ Medicinæ
Baccalaureus formatus, nec non pro Suprema Laurea Candidatus,
Illustrissimæ Foundationis Windhaagianæ Alumnus.

IN PUBLICO D. D. MEDICORUM COLLEGIO

Horis post meridiem consuetis Die 20. Mensis Augusti Annô M. DCC. XXXII.

Viennæ Austriæ, typis Jo. Bapt. Schilgen, Statuum Prov. Inf. Austr. Typogr.

§. III.

Instrumentum per quod Divinus planè & humani generis usui destinatus liquor elaboratur, ac perficitur, vocatur *Vitis*, cujus derivatio non à *vino* ut quibusdam placuit, sed à *Viere*, quod alligare, vincire, inflectere interpretantur, desumitur. Describitur, quod sit *Planta* genus flore rosaceo, plurimis scilicet petalis in orbem positis, constante, è quorundam medietate surgit pistillum staminibus stipatum, quibus flos rejici solet, pistillum autem abit in baccam mollem, & carnosam, succi plenam, quatuor plerumque seminibus seu gigartidis fatam veluti pyriformibus. Harum innumeræ sunt species sic alia est *arbutiva*, *vidua*, *compluviana*, *pergulana*; alia *jugata*, *cantoriata* *pedata* alia, *lachrymans*, *siderata*, *laxatilis*, &c. Boeclerus in *Cynof. mat. med.*

§. IV.

Austriaci specierum numerum ab uvarum diversitate denominant, alias enim *odoratas moschatellinas*, *fuscas*, *silberweisse/mehlweisse/abendröthe/Lagler/Gaisstuten* &c. vocitant. Ex his die *mehlweisse* à Vinicolis rarius esitantur, ob tormina & Dyarrhæam inde sæpe evenientem, crassæ plurimum dant musti: odoratæ ratione suavitatis *moschatellinæ* & *Zirfandl* tabulis opponuntur, atque à cervis etiam aprisque avidius devorantur.

§. V.

Vitis ob ambientis aëris & soli diversitatem diversum etiam profert fructum, ineptè enim quorundam curiositas *Rhenanas*, *Italicas*, *Hispanicas*que sine illarum sole & solo in Austriam magnis sumptibus, sed nullo cum effectu invehere tentavit, inde fit, ut quæ loca meridiem vel orientem habent propitium ut *Bisamberg / Nußdorff / Ober- und Unter-Krizendorff* & cætera supra *Claustro-Neoburgum*, si alia consentiunt genialius dant vinum nisi editior situs & adversi obstant montes ut in *Wachaviensibus*. Contra quæ boriam vel occidentem ut in *Pirnwart auf dem Kesselberg* & *auf der Wart* &c. ni alio percussos recipiant radios ut *Perchtolstorff*, præsertim in *denen hinteren Gossen* / quamvis *hesperides* exosculentur, nihilominus ob reverberatum ex collibus circa *Nadaun* sitis, solem, *Baccho* favent.

§. VI.

Aërem diversæ ventorum tempestatûmque constitutiones modificant, nam si copiosior per annum auster, putrescit uva, si *Boreas* non maturat, hoc nos docet annus 1725. & præprimis 1730. qui gelu vindemias corrumpit, acidum & olidum quasi sine spiritu vinum efficit. Neque calorem nimium vina austriaca requirunt: novimus quan-

quantô incolarum damno maturæ nimis uvæ anni 1726. fuerint, dum paratum inde vinum æstate proxima fæces à fundo semovit, & apertam superiùs dolij partem, nos *Peill* appellamus, nigricanti vel variegatâ cuticulâ contexit, qua dein lentè præcipitatâ vinum fatiscebat.

§. VII.

Quid tempestates valent indies proch nimis experimur, nam quamvis mediocri tonitru aërem miscendo, concutiendo, temperandôque profit, nocet tamen *primò* fulgur nimium, pampinnos adurit, florem enecat, quod vidimus annô 1728. in montanis Perchtholstorfensibut ubi corruscans ex sylva tempestas, medium quarundam subsequentium Vinearum tractum fusco pinxit colore; *secundò* pruina (quam solis calor sine antecedenti vento excepit) Duret. *coac.* 31. l. 2. c. 16. flaccido exsuccoque germine teneritudinem vere gemmarum, autumno pedunculorum semicoquit: ut præsentis Fesendorfsium quærelæ abundè testantur. *Tertio* quando ruinam efficit totalem, vel si quid relinquit quidquid contingit dura cicatrice maculat, & difficillimè maturescere finit. Felix igitur illa vinea, quæ talem à natura sortita est positum, ut hisce rarius sit obnoxia, similes reperiuntur Perchtholstorfsii in *Saspeln* quas lædi postramas hominum memoria prodit.

§. VIII.

Multum præstat aër, sed non minus naturale solum, Boyle *P.* m. 86. *de infido successu experimentorum* scriptum reliquit. Austriaci montanorum & Danubiensium (ita appellant, quæ in plano crescunt) rationem habent; nos submontana addimus, quæ ad radices collium, & ordinariè montanorum nomine veniunt, situantur, Danubiensibus montana, submontana montanis, virtute, & gustu præstant; & in vindemiis media sunt; siquidem præscripto Celsissimi Regiminis jubetur, ut *primò* in plano dein sub- & tandem in montibus collectio inchoëtur: causa ex maturitate desumitur, nam in plano, & ad radices maturescunt citiùs, tardius in montibus, præsertim si quæ sylva vicina est, v. g. bey *Denen Plandfen*/ ut à Pago *Mauer* ad *Medlingam* usque videre est; neque ferè si altior mons est ultra 400. circiter altitudinis suæ passus, ventorum aërisque asperitas bonas vineas sustinet.

§. IX.

Terra, quæ purius alimentum præbet, nobilior vinô est; in hanc classem venit terra nigra, nitrosa, salebrosa, limôque pauca quantitate mixta, per utramque subtilior non modò copiosiorque pars nutritii succi in vasa utriculósque Malpighianos vitis transcolatur; ve-

rùm etiam sol fortius agit, elaterem auget, præmit, subtilifat, fermentat; hinc submontanorum montanorùmque bonitas, contra quæ terra purè limò lentoréque suò radices obducit, vias angustat nec ullum ferè præter aquam alimentum suppeditat multum quidem, sed Danubienſe procreat Vinum.

§. X.

Nec minimum huic negotio ſymbolum conferunt ſubterraneæ à mineris diverſis elevatae exhalationes : inde admiramur ſæpe exiguarum quarundam Vinearum præſtantiam, dum Vicinarum non ita, ut in Gumbalrskirchenſibus Cæſarianis apparet, ruruſ alias vituperamus, inter quas meritò Badenſia, thermis vicina ob ♀ cratius numerantur, egregiè igitur qui eò ſanitati cauſâ proficiſcuntur ſibi Viennæ de meliori proſpiciunt ; illud enim quamvis bene altiùſque ſæpe coloratum, vappidum tamen, & narcoticum magis caput petit, urinarùmque fluxum minuit.

§. XI.

Multorum ſubiit adinationem, cur vineæ Danubio adjacentes, ut Nuſdorfianæ &c. cæteris præſtantiâ ſuâ emineant, ſed mirari deſinent, ſi conſideraverint, quòd æſtuentes de die radii non modò ab aquâ tanquam ſpeculò in viciniam reflectantur, verum etiam multum vaporum ſecum rapiant, quèis de nocte admoſphæræ frigore denſis in pampinos cadentibus nutriuntur, emolliunturque fibrillæ, ut reſurgens manè ſol faciliùs in eas agere poſſit.

§. XII.

Videmus ſubinde quibusdam conſequenter annis vineas quasdam aliàs licèt fertiliffimas bene cultas, ſteriles tamen, ſic Perchtholſtorffii vineæ ſubmontanæ jam novem circiter abhinc annis ſolſtrum fructu ſuo non perſolvunt, quamvis antecedentibus temporibus fertiliffimæ fuerint, ratio Vinicolis nota eſt: nam quia ſolum illud ruſſum nitrò calcariò & pauciori luto ſcatet, humidiorē poſtulat annum ſeu ut ruſtici ajunt (wann die Berg-Flüſſe gehen/traget bey ihnen die Ebene gut und ſchlecht das Gebürg) viciffim cauſat annus ſiccus ut modò exiſtimant.

§. XIII.

Aſt nos non illam ſolummodo rationem adſtruimus, ſed potiùs catervam Bruchorum, majalium, erucarum, papillionum, vermiùmque omnis generis, qui montium horrent frigus, campos amant: horum pars vitium ſubit viſcera, rodit, donec marceſcat ſtipes, pars exterius tenuiora foliala turiones conſumit, atque acerrima mephiti ſæpe

sæpe ad interitum inficit : quin si homo quispiam vermium hujusmodi putrilagine conspurcatus fuerit, manus in bullas, quasi urticam tetigisset, cum ardore elevatur ; Carnioli medelam in vermes habent fimum, quem ex copioso inibi crescente filice parant, hœc Vineas saginant, simul & medicantur, nos optimum censemus, primò vere orbiculatos eorum nidos diligenter colligere, & stipitem, scipionémque, cui alligatur, inferius terebinthinâ vel solâ, vel felle bubulo mixtâ illinere.

§. XIV.

Posito natali, modus colendæ vitis apud nos pedatæ sequens est : primò, factis vindemiis, lunâ plenâ, turiones cum lateralibus ineptè crescentibus ramis resecantur, palique è terra extrahuntur (*Stecken außziehen*) & vineæ à lapidibus mundantur : Mense Decembris illarum vitium sarmenta abscinduntur quas altior nix obrueret, dum verò ad principium Martii nix omnis disparuit, per integram vineam labor iste suscipitur. Instituitur autem resectio (*Schneiden*) hœc modò, quia plures ramulos unus truncus de se emittit, omnes ad ternos vel quaternos funditus auferuntur : quaterni hi relictî etiam ita curantur, ut non nisi duæ, tres, pro re nata gemmæ remaneant (*eine jede Laß auf zwey Augen schneiden*) si illos exceperis, qui infra truncum terram versus novelli progerminant, (*die Bnieling oder Bndling an denen Wasser-Reben*) in his enim 4. vel 5. oculi (*Roth-Müglen*) relinqui solent.

§. XV.

In quadragesima primùm, & quidem summa cum sollicitudine ad duas palmas terram pastinant (*das Fasten-Hauen ist das beste/ man muß alle Erde umbkehren*) & luxuriantes radicum propagines ad tres in terram, oculos cultello amonent (*abwurzlen*) ne tota sideretur vitis, dein imminente germine vineta radicis instruuntur, (*Stecken einschlagen*) postquam autem palmites in spitamum excreverint, pastinant cursus (*das Jod hauen*) id est, fossulam arcuatam ad quemlibet truncum ob pluviam ducunt, mundant ab inutilibus herbis, surculos, omnes orbos racemulis decerpunt, divites stramine colligant, singulos inferioribus duobus pampinis privant, appellatur hæc operatio (*das Jöden*) & paulò post palo alligant (*binden*) ut à ventorum injuria defendantur. Dum jam uvæ instar pisî excrevêre, tertia vice leviter pastinatur (*das Band hauen*) & cum mollescunt, radicæ, quas boreas evertit iteratò eriguntur, iisque æqualiter cacumina vitis pampinantur (*abgipfeln*) tandem sequitur ul-

tima pastinatio (das weiche Wein-Hauen) in qua humus cui botri superjacent non nihil effoditur, ut liberè pendere valeant, ne putrescant, insuper pergulæ inferiores quæ hucusque in grandinis munimen erant relictæ, retardantur, ut sol promptius penetret.

§. XVI.

Hæc in cultura, sed propagatio multò est curiosior, hebdomada ante vindemias nobilissimæ stirpes uvarum plerumque argenteo albi coloris, feraces (die Silber-weiße) (quia singulis annis sunt fertiles) salice notantur, (Stöß außmercken) atque ad finem autumnii inania inter stipites loca (die lāren Plätze) unius pedis latitudine, & trium profunditate fodiunt, aquarumque subinvie (mit dem Schlam) vel herbidâ terrâ (mit Wäsen) implent, totum opus appellatur (Bräfften) & quadruplici modo propagationem instituunt, primum vocant (Bögen setzen) & sarmentum abscissum, illâ quâ excrevit directionis lineâ, oblique in fossas superius paratas fortiter in parietem innitendo, & compressâ satis desuper glebâ, reponitur, duobus in aëra gemmis eminentibus.

§. XVII.

Secundus modus majoris apparatus est, dum illa ipsa sarmenta ut decet à lateralibus ramusculis purgata, tercenta fere in unum fasciculum firmiter colligantur, in aquam reponuntur, donec pari ordinariè tempore & hæc & Vineæ germinent. Demum effoditur fossa trium quatuorve pedum lata, oblonga & profunda pro rei quantitate, cujus fundus asseribus substernitur, in hanc inversi reponuntur fasciculi & tignis ita arctè ad invicem adiguntur, ut dimidium fossæ secundum longitudinem inane perster, quod asseribus probè contegitur fornacis halituosi, (an statt eines Dunst-Ofen) vices obiturum; Cæterum spatia quæ inter fasciculos, & sarmenta intercedunt, probè muscò occluduntur, qui primùm iis etiam laxè superspergitur, dein terra, ac tandem inutiles & abscissi palmites singulis fere diebus aliquod amphoris aquæ irrorandi. Taliter parata sarmenta appellant, (die Stürg-Reben) quæ apparentibus mense Junio ad festum Divi Joannis radicum signis tempore pluvio vineis, simili modo, quo §. 16. erecta tamen sursum basi terræ committuntur.

§. XVIII.

Reliqui duo modi connato fiunt palmite, prior illum in arcum flectit, (Bögen legen) circa medium palmari terræ quantitate sic obruit ut extremitate sua tantum immineat, quantum potest. Posterior majori eget labore nominatur (das Grueben) dum autumnio aut
melius

melius primo vere, penes stipitem fossam effodunt profundam ad genua usque, si per rumpos (nostrates pontes [die Brücken oder neu-gelegte Bäume] vocitant) licet, dein cultâ terrâ leniter implent (mit der Bau- Erde zuziehen /) & in ejus medio sarmentum fere hori- zonti paralellâ jaciunt, fortiter conculcant, dimidium pytinæ fimi su- peraddunt, & rursus terrâ ita condunt, ut tamen oculi duo palmitis sint in conspectu.

§. XIX.

Ultimus ex his modis cæteris latius patet, nam præterquàm quod alias sæpe, & §. 14. in novellis infra truncum pro germinantibus (in denen Rothäuglen) & §. 18. (in denen gelegten Bögen) prop- ter nimiam fertilitatem labefactatis necessarius sit, pariter §. 16. ad- ministrari debet, sed diverso tempore, nam primò trienniò infertilis integra est vitis & deinceps vix capax ob ligni penuriam operationis §. 18. posterioris. Ast quæ §. 7. docentur non modo primò aliquan- do annò fructificant, sed etiam alterò tantam mollem adipiscuntur, ut cum sænore modum propagandi ultimum habeant. Postremus igitur §. 18. modus ideo inventus est, ut & multiplicentur & longius duraturæ fortiores foecundiorésque ligno fiant vites, nam illò ipsò talis suæ sitionis annò botris superbiunt, secundò dein annò profun- dius, ligni generandi causa, novelli palmites abscinduntur, hinc & mi- nus fertiles; at tertiò rursus & subsequentibus annis fertilitate nemi- ni cedunt.

§. XX.

In dictis vindemiis botri à petiolis refecantur, pytinis (Butten) in acratophoram (Mostel-Schaff) deportantur, & pro faciliiori ex- pressionem fermentationéque pistillis contunduntur: inde in cados (Podingen) elutriantur, & jam nomine chymus (Mäsch) appella- tur, quod in doliis ampli orificii (die Lâydt) domum devehitur, prælo fortissimo bis tervè committitur, donec ultimam stillaverit gut- tam, quod remanet ex acinis, folliculisque compactum, ita propor- tione ad chymum se habet, ut in hujus 18. urnis, illius 3. & 15. musti communiter esse censeantur, dicuntur Vinacea (die Weintres- ser) in acetum, pecoris nntimentum, vel alios usus reservanda. Prima pressio dulcius nobiliúsque mustum plorat, posterior aciduis, cæterum à prælo per canalem in minores cados profluit & hinc aut per utrem oblongum (Schlauch) doliis in œnopolio infunditur, aut per setaceum trajectum in majores cados deportatur, dein pro com- moditate, quo citius tamen eò melius ne nimis evaporet doliis inge- rendum.

CAPUT II.

Progressus & conservatio Vini?

§. I.

SI tempestas calida §. 5. & ex uvis maturis mustum confectum est, non modo in doliis sed in cadis quandoque etiam fermentescit, tepore, sybello blando, & bullis innumeris magnis, & vario, amænoque colore splendentibus, toto liquore sese motitante, júsque spatium occupante, sapor dulcis in acriusculum mutatur (*der Most bekommt die Schneid*) atque halitus suffocantes candelamque extrinquentes totam implent cellam, ideo ne subitaneum vitæ periculum incurrant ji qui vino provident, aut patentes relinquunt fores, aut ignem usque dum primus saltem fervor se atterat accensum servant, hæc omnia segnius lentiúsque fiunt tempore frigido, uvis acidis &c. ut anno 1730. vidimus & ordinariè in vinis Gilsbiblensibus videmus.

§. II.

Ab sit igitur, ut in principio dolium totaliter impleatur, vel operculò muniatur, ibi oram effusus liquor transcendit, hic ingenti cum fragore rumpitur vās; circa festum tamen Divo Martino sacrum furibundus ille motus, facibus ad fundum positis, complanatur, & quod prius mustum, nunc vini nomen induit, resarcitur quod in vasis extat inane (*die grobe Sühl*) & in tali statu ad æquinoctium usque verum lapide solumodo contentum permanet.

§. III.

Ad æquinoctium veris autumnique, quin & dum florent vites vinum turbatur, leniter fermentat (*der Wein steigt*) & quod melioris est notæ ruptis bullis exiguos & interpolatos aliquando sonos edit (*der Wein plodert / wird gut*) viscositatémque suam immittit, sed elapsis quibusdam septimanis cessat rursus nova hæc fermentatio (*der Wein fällt*) effluviis enim, motu elatere, & gravitate ambientis aëris iis temporibus immutatis, pressiones agitationesque novæ fiunt, donec rursus æther consuetus redeat.

§. IV.

Durant nostra vina (*seynd Lager. Wein*) & ætate crudiora meliorantur, sic vinum acidissimum Wachaviense ex oblivione per 20. prope annos Melicii reservatum adeò bonum evasit, ut in tota famosissimi Monasterii cella præstantius haud inveniretur, interim am-

gnum

gnum in ætatibus discrimen intercedit: Danubiensia limô plena orba spiritu post annos tres; quatuor citiusve pro diverso natali, & maturitate fatiscere inchoant, montana diutissimè durant, quorum quædam ut in *Mußberg / Heiligen Stadt / Claustro-Neoburgo, Medling / Engerstorff / Brunn /* & submontanta velocius perfectionis gradum attingunt, quædam vix 10 aut 15. annis ut in *Maurbach / Pechtolstorff / Rodaun* eò perveniunt, ut gratum salubremque sine aciditate manifesta potum præsent, causa in tartari sæcúmque majorem minoremve crassitiem, copiam cruditatum refunditur, ideo

§. V.

Cellarii non nulli (*Keller, Wein, Leutgeb*) dum satagunt ante tempus horum vino saporem odoremque demere, illud circa poscha &c. de uno in aliud vas diffusum sæcibus privant (*Wein abziehen*) ac dein sæpius, vel singulis annis repetunt, unde quidem ingrato illô hospidis adhuc Salibus onusto spiritu evaporatô amænitas aliqua conciliatur, verum consultius est abstinere, ut non tam illius defectu, quam angulorum per diuturnitatem attritione gratum evadat, etenim non eadem cum Rhenanis Austriacis est ratio, illa subtilia & magis spirituosæ sæcum robore non indigent, nec alimentum sed damnum ex iis elevatis perfacile capiunt, nisi quinis mensibus abstrahantur hæc cruditati & gravitati sæcum inclusum habent spiritum, pabulum, fomentum, quodsi tempore aut ardore solis fortius exaltantur, multa non solum ad Rhenanorum indolem saporem & ardorem accedunt, sed etiam eadem à sæcibus fata patiuntur; ut anno 1726. cap. 1. §. 6.

§. VI.

Hæc de progressu, nunc conservationem hypogæis vasis, aliisque meditamur. Hypogæa seu cellæ vinariæ quo profundiores, sicciores, æstate frigidiores, hyeme calidiores eò meliores, tales reperiuntur in editioribus Viennæ locis in via regia, *Neuweg* ad Mariam Auxiliatricem, & cōtra quæ humidiores, cavæ, vix aliquot gradibus in terram progredientes, ut ad turrim rubram, portam novam, in Leopoldina, Rossavia, apud albicardones &c. Vino conservando inaptæ sunt, utpote quæ corruptionibus authoribus aëris nempe vicissitudinibus, calori, tonitruo facile obsecundant. Memorabilis inter cæteras cella Liesingensis A.A. R.R. D.D. Canonorum Regularium ad S. Dorotheam est in via ripæ, quâ (in *Baltenleitzgeben*) itur, nam præterquam quod plaustis introitum concedat, per vineam integram extensa quadruplici ingentium vaso-

rum ordine instruitur, & indies amplius augetur, tanta liberalitate, ut nulli hospitem potum recuset.

§. VII.

Dolia non oblonga ut Rhenana sed in circulum constructa sunt, si nova, ustulantur primò tantillò pro vasis magnitudine vini spiritu, cum strepitu gravi, & ob aërem rarefactum periculosò, ni per vices orificium centonibus occlusum referetur, dein aqua fervente eluuntur, ac tantem incoctis vino cydoniis &c. odor conciliatur; Optima illa sunt queis vinum prius dudum inerat, & recenter evacuatum est, (die Wein-grüne Vässer) sed nisi mox impleantur, aut sulphuris vel potius macis aut aromatam fumo imbuta ocludantur, in poris stagnante humiditate situm inter dolium & tartarum contrahunt, à quo obrasione, catenarum ferrearum frequenti rotatione, elutione &c. vix liberantur.

§. VIII.

Idem vitium & vina non tam horna, montanta, & fortia quam danubiensia, tenuia & vetera capiunt, nisi setis instructa porcinis rectangulò (mit der Peil-Bürsten) ad quadratum superioris tabulæ foramen plena singulis septimanis purgentur dolia, & id quod exhalavit, (mit den Füll-Wein) ordinariè vino juvenali, seu quod suaderemus potius proportionè servata fortia fortibus levia levibus noviter restaurentur.

§. IX.

Præ reliquis verò id mali patiuntur vina in vase cujus pars notabilis indies exinanitur (die in den Zapffen gehen) nam totum supremum vini planum, quasi albo quodam pulvisculo conspersum aut cuticula tectum conspicitur, (der Wein wird kranicht) sed ab hoc præcavet medela §. 7. & varia instar sparadraparum inde composita, inter quæ eminet der Jesuiter = Einschlag / vel potius recipe
Oleum Nucist. Unciam j. Olei Benzoin gut. iij. Cerae ℥j. Terebinth. Scrupul. ij. Cinamom. Scrupul. j. Caryophill. aromat. ℥j. misce pro sparadrappa, aut quod cariori est pretio. R. Ol. Nucist. expres. Uncis, Ol. Caryophill. ℥j. Ol. Cinamom. Scrup. j. Camph. mosch. (NB. ratione feminarum aliquando omittitur) ana Scrup. s. s. ut prius. Sed advertendum in malo diuturno nihil prodesse, ab halitibus enim graveolentibus humidis copiosisque exinguitur, quam primùm dolio immittitur flamma: der Wein nimmt keinen Einschlag an.

CAPUT III.

Corruptio & Medicina Vini.

§. I.

Quadruplex observatur Vini in deteriorem statum progressus : aut enim color & grata ejus pelluciditas turbatur, aut consistencia immutatur, aut alienus sapor inducitur, aut tandem totaliter fatiscit. Omnis tamen in eo convenit, quòd vel in toto vino corruptio hæc observetur, vel in superiori tantùm vel inferiori dolii parte, medio existente bono, prout aut fæces aut negligentia eorum quæ c. 2. §. 7. & 8. dicta sunt, vel aliæ causæ acusantur. Primus suam habet latitudinem; turbatur enim & in pallidum album cerevisiæ similem, rubentem, viscidum, nigricantem, vel quasi ceruleum colorem permutatur (*der Wein bricht sich*) neque singulis annis eodem modo sic annò 1717. - 20. - 23. - 24. - 29. albescebat annò 1715. - 18. - 25. - 28. rubuit, Annò 1701. - 2. 26. ex c. 1. §. 4. nigricabat, quorum ultimum difficulter, cætera facilius medelam admiscere, sed advertere oportet dari quædam vina præsertim horna, quæ ab incunabulis pallent talia sunt plerùmque danubiensia ad (*Breiten See / Podßluß*) & lacui Hungarico vicina, ex montanis verò Gumpholzkirchensia & ex uvis immaturis 1713. - 16. - 19. - 30. expressa, igitur signum pathognomænon statûs præternaturalis est, concomitans saporis, & odoris amæni deperditio, & ingrati sine vitibus aquisitio.

§. II:

Causæ præter assignatus c. 1. §. 6. c. 2 §. 4. & c. 3: §. 1. sunt, *primò* frigus, sic quæ hyberno tempore è longinquo advehuntur, aut glacie indurantur, quam primùm liquefcunt, cerevisiam referunt, & successu temporis in cellâ sponte quidem ad se redeunt sed imminuto vigore, *secundò* calor nam etiam si purissimum vinum coquas, spumat, ad fundum fæces præcipitat, & si id lentè diuque fiat, orbem spiritu labem contrahit; *tertiò* motus diuturnior: ideo in cellis portatilibus turbatam persæpè conspicimus (*der Wein schlägt sich ab*) quod non nisi unitis viribus, dum è lagenis in vas elutriantur, ab impuritate se liberat; *quartò* effluvia ex cerevisia, ligno adjacente, brassicâ conditâ, caseo, carnibus recentibus, sylvestribus, feminis menstruantibus, præsertim valetudinariis, quò enim vinum fortius, eò promptior ejus corruptio sic urnam vini hugarici optimi de annò 1720 cujus mensura florenò vix esset venalis à feminis in albo-turbidam vap-

pam degenerasse novimus. Omnes tamen causæ in eò cœeunt quatenus spirituum penuria tartaro &c. ad latera propellando est incapax, vel hostiles continuo à facibus corruptis elewantur copix (der Wein hebet sich) vel miscela ejus in Θ , Oleo, Spiritu, & Aqua, ex integro disjicitur.

§. III.

Ars modum invenit quo causis ammotis vino ægrotanti succurritur, *primò* putrescentes &c. fæces amoveantur, substitutis ditioribus pauperies spirituum levatur, & *duæ tertiæ* musti, aut melioris Bacchi commiscantur; deinde verò etiam quidquid non morbidis modo vinis, sed & hornis aut quæ cito clarescere volumus turbulenti inest, per coctam ichthyocollam ad fundum præcipitatur, (die Wein richten) cum hac tamen cautela, ne ita recenter persanatum vinum per noctem in vitro &c. detineatur, aut peregrinè transmittatur; secus enim nondum ad fundum depositâ ichthyocollâ in meros exiguos albidosque hinc inde voletantes abibit lacinias.

§. IV.

Alterum vitium in priori quodammodo includitur & specialius glutinositatis, nomine venit (der Wein wird zäc) guttisque oblongis, odore gravi, quasi meris uvis scateret, lento fluxu sine strepitu, & bullis diu ex margine persistentibus se patefacit, in hoc propendent vina quæ aut nimis aut minus maturuerunt, Danubienſia præ montanis, hæc viridescentem, illa ut Purkhavienſia, Stamerstorſienſia, &c. aqueo albidum colorem inducunt, causæ sunt §. 2. expositæ, item fæcum viscositas, & elateris imminutio quæ tamen fere semper remediis §. 3. & forti immisſarum catenarum agitatione, aut super scopas novas in gutturnium (Gieß-Banne) affusione restitui possunt.

§. V.

Vinum quandoque à natua §. 10.; vel annorum diversitate ut 1713. & 27 in bonitatis notam amaricat, quasi sulphure condiretur quandoque verum, dum invia ad corruptionem est, insuetam & rancidam amarulentiam à causis §. 2. præsefert, spirante aciditatem odore (der Wein zieht) & paulò post tartaro super spirituosas partes prædominante in acetum permutatur, nisi diligenter ea quæ §. 3. docentur, observentur, aut alia obvolventia & absorbentia ut lardum caro suilla, triticum, lignum salicis, cineres &c. in pica mulierum usitata secundum Gratarollum immergantur, usitatissimum est scacharum usum cum ichthyocolla in mensuris 8. lactis incoquere & dolio 20. urnarum

narum immergere, sed tunc ea qua potest celeritate divendatur, ne uti solet citius corrumpat.

§. VI.

Tandem supremum omnium malorum vappa tanquam sphacelus vini est, seu à tonitru seu ab ijs quæ §. 2. præsertim n. 4^{to} memorantur, inducta sit, rarius tamen hoc malum fit, sed dum advenit fatet, peregrinos intendit sapes, colores, fusco-nigricat, & nec acetum nec spiritus inde utiliter elici potest, ut patet in vino cocto quo nova dolia §. 7. c. 2. elui solent; igitur remedium nondum est cognitum quo in pristinum statum reduci posset, usum saltem aliquem in cæmento ad ædificia construenda obtinet.

§. VII.

Quemadmodum homines debilioris constitutionis à gravi ægritudine curati ex levi causa sæpe recidivas patiuntur, ita & vinum §. 4. & 5. ægrum, in tali casu alij syrupos cordiacos roborantes ex vinis generosis aromatis saccharoque &c. comiscent, & non nunquam sub tali larva luridissimas merces caro satis pretio divendunt, quod an non aliquando vinis sub cerasorum acidorum nomine (der Weichsel-Wein) eveniat, viderint ij qui sævissimos ab his dolores colicos, febres, &c. reportârunt.

§. VIII.

Alii etiam malæ feriatæ conscientiæ caupones lythargyrium & bismuthum imiscent, verùm quæ à vinis lythargiriatis pareses colicæ &c. superveniant superiori sæculo ex Ducatu Wirtembergensi tristi experimento discimus M N l. an. 5. & 6. obs. 259, p. m. 601. à bismutho autem quid sperandum, Arsenicum satis cui semper adjungitur nos monet, nam præter colicam cujus M N c. in Monachis meminerunt, dyarrhæam & mortem subitanæam cum inflammatione corporis observavimus à vinis illis factatis quæ annô 1726. publicè in area (Graben) appellata pertusis saluberrimo Celsissimi Regiminis jussu vasis deperdita fuerunt, utinam sæpius in tabernas salutaris hæc animadversio institueretur, persæpe fortè in fundo vasis ex quo venale depromitur Vinum (Weinleutgeb-Daß) ingens corrupti fatentis vas ipsum nigredine inficientis magmatis quantitas mixto gravi terreo-metallico pulvere tamquam orthodoxo bismuthi &c. signô inveniretur, quod etiam relictis per 24. horas vinis similibus in vitro & ita ex pulvere ad fundum præcipitato vappelcentibus inferre licet, principaliter vina lythargiriata atramento sympatheticum *aput lentilium in Jatromnematibus practicis* explorantur, per coloris subitam mutationem, illa verò

quæ melle &c. dulcificata sunt, facile ad *Gratarolli* methodum discer-
nes si super laminam ferream cardentem aliquod guttulas effuderis,
evaporat nimirum vinum remanente melle.

CAPUT IV.

Principia & selectus ordinarius Vini.

§. I.

IN dolio trium diversorum corporum existentiam fæcum, tartari,
& vini, vulgus novit, depositis facibus vinum fit C. 2. §. 1. & 2.
quæ rursus nisi obstrahantur, temporis spatio minuuntur subtilisan-
tur (*der Wein frißt die Mutter.*) & fere nunquam ad tantam de-
venit vinum puritatem, ut dum quiescit in magno diu vase nullas om-
nino fæces ad fundum præcipitet, ratione loci temporis &c. varias ;
ex montanis splendidius flavent copia pauciores sunt & in urna vini
earum mensura una delitescere censetur, danubiensium contra viscidæ.
graves, fulvo-pallentes, prædominatur in earum principiis phlegma,
& terra, attamen semper fere sunt vino suo spirituosiores & quo ex
dulciori antiquiori maturiori & nobiliori sunt progenitæ, eò quantitas
ardentis spiritus destilatur major, suavior, fortiórque, ideo Tokainæ at-
que Hungaricæ non pretio modo sed & spiritibus inde elicitis duplò
superant Rhenanas, & hæ tandem Austriacas ; Nostri Domini
Pharmacopæi ol. vini ex fæcibus & Junken copiosum ☉ volatil.
conficit.

§. II.

Quàm primùm fæces deposuit mustum acidæ vini partes protru-
duntur in peripheriam vasis, si supremam quandóque clavellam & infi-
mam, hanc ob fæces illam ob pressionem minorem exceperis, fiunt
tartarus in doliorum firmamentum, quibus fortiter ita adnascitur, ut
non nisi vi separetur aut negligentia eorum qui vasa inanita non con-
diunt §. 7. c. 2 & aperto diu orificio aëri exponunt ; nam quamvis
alias juxta Porhav. tom. 2. pag. 12. doctrinam tartarus 20. partes
aquæ & ignem bullitionis ad crassiolem solummodo sui solutionem po-
stulet, noster tamen non tantùm sponte sua in superficie dolio proxi-
ma mollescit, exteriori sæpe sicca & bona existente, & sub hoc larva
malum §. 7. c. 2. occultissimè producit : verùm etiam si aëri pluvio lon-
go ; tempore exponitur, quasi crasso solutus deliquio in nigrescen-
tem abit liquorem.

§. III.

§. III.

Nuper in Dolio cui 30. Urnæ Perchtstorfensis vini ab annō 1729. usque in elapsæ hyemis principium inerant, duas libras tartari invenimus, minor quidem quantitas reperietur in in vinis Hungaricis, Rhenanis, vetustis item Danubiensibus, aut botrorum maturitate conspicuis, sed major in montanis nostris acidis hornis, immaturis, & à fæce sua nondum abstractis, variat tamen quibusdam annis tartarus, annō 1720. - 21. - 24. copiosior erat & splendidior cæteris. Color fuscatur, naturaliter hinc inde splendet, & talis etiam fere post contusionem remanet in Austriaco, dum econtra Rhenanus & duritie est mollior, & pulverisatus colore fit albicantior, sapor ad salso-acido-terreum vergit, unde etiam ad aceta paranda adhibetur.

§. IV.

Destillationi subjectus tartarus, dat *primò* igne arenæ lento ex retorta ad tertiam partem vacua aquam spirituolam amaram subacescentem & optimè licet lutatas commissuras penetrantem, *secundò* vaporem subalbidum cum spiritu valde penetranti una cum ol. tenui nigro grato, neque potenti coërceri ullo luto; *tertiò* Ol. crassum fætium ponderosum per rectificationem multâ depositâ terrâ in prius convertibile, *quartò* Junk. *chym. experim. pag. 164.* addit sal vol. si ignis gradus probè reguntur, *quintò* in fundo massa nigra manet saporis Alcal. urentis, quæ in aëre liquefcit in Ol. subnigrum, Boerch. *l. c.* ex 25. libr. tartari crudi Austriaci in igne aperto calcinati salis tartari valde elegantis lib. 6. fere aquiruntur, & alkalini n. 2. Unc. xiiij. & olei fætidi 3 jx. ordinarias ex tartaro compositiones ut Tinct. cremorem &c. ex Dispens. Viennensi, volatilisationem salis tartari ex Junkenio *l. c.* petes.

§. V.

Dum unum alteri vinum in dolio notabili quantitate, & lentè per saccum linteum miscetur, inter duas adhuc horas insignis utriusque secundum characteres proprios differentia percipitur, at dein non amplius. Dum verò longo tempore quietû perseverat in suprema & infima sui parte (ibi propter spiritum deperditum, hic crassiorum comixtionem) deterius est, quam in media, unde ex uno vase 8. & 12. crucieris &c. dividendi non nunquam solet, curiosiores ova filo in dolum suspenderunt, super quæ tartareus recenter inducitur cortex, & intrinsecum vini tartarique motum patefacit, quò imminutò malum c. 2. §. 3. subsequitur.

§. VI.

§. VI.

Mustum nondum fermentatum Chymiæ expositum dat *primò* phlegma dein copiosum Ol. ast quamprimum fermentavit in vinum, alia principiorum est ratio. *Sala in anatomia Antimonii* apud Schroederum à vino obtinuit, *primò* spir. ardentem, *secundò* magnam copiam aquæ insipidæ, *tertiò* salem vol. sub forma fumi ascendentem, *quartò* huic mox subjungitur oleum quoddam verè pingue inflammabile, sed paucum, *quintò* ex capite mortuo extrahitur, sal quoddam corrosivum, *sextò* post extractionem salis relinquitur terra limosa inutilis; nos 4. vinorum Austriacorum anni 1727. cujusvis lib. ij. destillavimus quorum priora duo inter danubiensia posteriora inter montana excellunt, & dedit

<i>Aspernense,</i>				Drachma.
<i>Spiritus</i> ardentis debilioris circiter	-	-	-	28.
<i>Phlegmatis</i> acrioris	-	-	-	153.
<i>Extracti</i> pinquis crassiusculi & in aëre tenuioris instar mel-				
lis cum grato odore diffluentis	-	-	-	10.
<i>Polstorffense,</i>				
<i>Spiritus</i> ardentis parum fortioris	-	-	-	32.
<i>Phlegmatis</i>	-	-	-	149.
<i>Extracti</i> acidi pinguis mellis instar gratè olentis	-	-	-	9.
<i>Krizendorffense,</i>				
<i>Spiritus</i> ardentis	-	-	-	51.
<i>Phlegmatis</i> acris	-	-	-	133.
<i>Extracti</i>	-	-	-	5.
<i>Maerbachense,</i>				
<i>Spiritus</i> ardentis bonæ natæ	-	-	-	49.
<i>Phlegmatis</i>	-	-	-	130.
<i>Extracti</i>	-	-	-	8.

§. VII.

Spiritus ardentis in vino existentiam nemo negat, at cujus is naturæ sit ingens est controversia, qui acidum esse statuunt sequentibus utuntur rationibus, *primò* in spir. salis armoniaci vel urinæ puriori in offam albam concrevit, sed contra est quod tartari sal cum aqua fontana, item sal tartari cum oleo tartari secundum *Bobu* non nihil effervescat. *Secundò* calenti sanguini affusus effervesceat sicut *Spir. Vi-* trioli, at non semper quin potius pro diversitate sanguinis. *Tertiò* Tinct. Myrrhæ castorei cum spir. vini parata per spiritum salis armoniaci

niaci præcipitatur, sed contra in præparatione Resinæ Jalapæ &c. fit præcipitatio etiam per aquam; *quartò* Vinum generosum per Alkalia v. g. cretam, corallia testas ovorum ita enervatur, ut martem non agrediatur, & destillatum paucum & debilem dat spiritum; *quintò* spiritus ardens ex aceto ipso extrahitur, imò & à saccharo Saturni, sed contra nullum corpus alkalinum &c. reperitur, quod non de contrario fere participet; *sextò* remedia alkalina ebrietatem præcavent, sic sinapi jejunò stomachò, assus pecudum pulmo ex Plinio: & allium ex Hypocr. *de victu in acus. n. 59.* recommendatur, sed contra acetum etiam, & succum semper vivi Etmüllerus pro Epithemate capitis in ebrietate concedit.

§. VIII.

Qui alkalinum vini spiritum esse contendunt, nituntur sequentibus: *Primò* nullus spiritus acidus est inflammabilis, sic pulvis pyrius, si spiritu vitriol. irroretur non accenditur, secus si spiritu vini. *Secundò* Vinum & Spiritus ejus prodest in ulceribus, & cangræna, in quibus sæpe pro causa acusatur acidum. *Tertiò* Spiritus vini nunquam acescit, sed solum diuturnitate temporis languet; item vinum acescens parum dat spiritus, ideo potius vina corrupta quam acescentia emuntur pro ejus destillatione. *Quartò* Spiritus Nitri per Spir. Vini dulcificatur, & notabiliter effervesceat. *Quintò* Spir. Vini finè destillatione per iteratam salis tartari, calcis &c. infusionem rectificatur: sed contra etiam ex spiritu rectificato & sale tartari fit *balsamum Samech Paracelsi*. *Sextò* Vina generosa podagricis minus nociva sunt quam tenuia & acidula, sic Vina Rhenana à Sylvio & Cratone consequenter & Austriaca damnantur, commendatur verò Vinum Hungaricum malvaticum &c. parva quantitate sumptum, ut habet Ramazinus *de morb. opif. c. 21.* ex Willis, & Helmont.

§. IX.

Cellebrem hanc controversiam dirimit Boerhav. *instit. chym. tome. 2. p. 126. processu 46.* quoniam enim *primò* in rectificatione spiritus ardentis per. serpentem staneum tamdiu continuatur destillatio, donec aqua acidula incipiat prodire, seu duæ tertiæ spiritus rectificati exiverint; & *secundò* in fundo aquæ acidulæ parum spirituosæ, & *tertiò* aliquid olei saporis & odoris ingrati reperitur, consequens est in spiritu vini ordinario triplicem illam substantiam latitare, at qui alkohol primum prodiens acidum dixerit profectò graviter errat; nam neque in se acidum, neque alkalinum sed purè sulphureum est, indeferens ad

utrumque, siquidem si abstrahatur deinceps super alkalina, effervescit cum acidis; si insuper acida cum alcalinis ergò.

§. X.

Nunc potius in bonitatis vini notas inquiremus: Es seynd drey harte W/ das Weib/ der Wirth/ und Wein: doch seynd sie werth geacht/ wann sie ohn Laster seyn. Oportet autem in vinis bonis syllabam *cos* vel potius vocabum *costa* reperiri, id est sint colore, odore, sapore grata, tactu frigida auditu strepitantia, seu ut schola salernitana canit:

Fortia, formosa, fragrantia, frigida frigida.

Particulariter verò bonitatem vini cognoscimus: *primò* ex loco naturali, c. 1. §. 8. 9. 10. *secundò* situ vindemiarum, c. 1. §. 5. & 11. *tertiò* maturatione uvarum, c. 1. §. 6. & 7. *quartò* defectu vitiorum c. 3. & c. 2. §. 9. cuticulæ albæ & qualitatum peregrinarum ad superius dolii & inferius foramen, c. 3. §. 1. *quintò* senio, c. 2. §. 4. & 5. *sextò* colore naturali pellucido, claro ferè auri instar fulvente, non ruffo, aut saturato, *septimò* sapore amarescente, c. 3. §. 5. aut apicem linguæ suaviter fortitèrque secundùm terræ genium penetrante, nulla dulcedine adstrictione, viscedine, aut aciditate manifesta; verùm hanc ultimam egregiè mentiri ænopolæ solent, Danubiensia montanis permiscendo, ut rara sit avis in publicis hospitiiis, ne dicam alibi reperiri castum à natura vinum, *octavò* odore vinoso, reficiente, sibi proprio, gratòque (c. 2. §. 8. ad finem) ex ore paululum clauso accellerata leviter in & expiratione per coanam ad nares & caput delato, *nonò* quod non modò in dolio blatret, c. 2. §. 3. sonumque continuum edit, si certum genus syphonis vitrei (Seber) in id immititur verum etiam dum inde exceptum vitro infunditur elasticâ suâ vi acriter residit bullasque & cito format & in momento deperdit; bonitatis pariter nota est. Si *decimò* cito pertransit renes, coctionem juvat, altero mane madorem lenem causat, liberalius haustum ad calculum non disponit. *Undecimò* ovum recens & sibi impositum nigredine tanquam sulphurationis signo non inficit, aut *duodecimò* se solo per noctem in vitro repositum sensibiliter non mutatur; aut *decimò tertio* destillatione multum boni spiritûs ut §. 6. Mauerbachense & Kirchendorffense fundit, remanente, *decimo quarto* extracto acido parva quantitate ut loc. cit.

§. XI.

Inferior solummodo Austria Vinò superbit, cum primis (in denen zwey Vierteln unter dem Wienners Wald und Meinharts Berg) in cæteris duobus quadrantibus si Greiffensteinense, Königstetten-

Stettense & Tulbingense exceperis, minoris sunt momenti, singulis ferè annis in publicis calendariis & sæpè inæqualiter divulgatur, qui locorum selectus instituendus sit, quod perbellè exteri vini mercatores norunt, dum ordinariè quod optimum coëmunt, ad suos deportant, nostratibus incolis Danubienſe relinquentes. Commendantur autem potissimum illa quæ in districtu montano, qui à Bada civitate ad Nussberg & inde ultra Claustro-Neoburgum extenditur, item in altero colle citra Danubium, qui penes Longam-Enzerstorff ad Bisamberg & multo amplius porrigitur reliqua quæ infra Viennam versus Hungariam & plurimum loco humiliori crescunt, minorem pro re nata laudem merentur, rationes ex c. 1. §. 5. 6. &c. desumes.

CAPUT V.

Proponit usum & abusum sive selectum Medicum Vini.

§. I.

IN selectu medico notanda est ætas, temperamentum, tempus, regio, consuetudo, dos, qualitas, & morbi in quibus juvat & nocet. Pueros ante 20. annum à Vini potu arcebat Plato, senibus lactis instar esse passim authores pronuntiant; nam in illis fibrarum mollities & acidi quantitas obstat, in istis densitas, ariditas, spirituum defectus restaurationem requirunt, ast quotidiana Praxis concedit vinum dilutius pueris, meracius senibus, in adolescentibus autem & viris temperamenti indoles, &c. spectanda venit, biliosi, & sanguinei plus à generosi vini sulphure detrimenti capiunt, melancholici acidum quidem accumulunt, sed animi exhilaratione juvantur, phlegmaticos solos juvat.

§. II.

Æstas ardorem vini fortioris in subjectis, quibus ventres nimis calent, non suffert, nam cibi perturbationem nimio spiritu efficit, Duret. coac. l. 2. c. 20. hyeme minus sed meracius bibendum, vere plus sed dilutius Cels. l. 1. c. 3. quin & jejuno stomacho vini præsertim non perfrigidi potio caput petit, nervos ferit, hominem ad tractanda eo tempore studia ineptum reddit, nisi in consuetudinem inducta sit, sed & tunc corpus extenuat, succum gastricum dissipat, diluit, & fibras nimia stimulatione successu temporis attonas reddit, unde potatores, plerumque minus comedunt, quia famem torex, id est vini

petio solvit, excipe peregrinantes, aut tempore nubilo domo exituros, imprimis si jentaculum præmittatur: oportuna vini assumendi tempus est coena & prandium, postquam bubulæ v. g. esus præmissus est; ita enim non tam fortiter in fibras ventriculi agit, nocet noctu, quia somnus sufficienter sitim levat. Hyp. S. 5. Aph. 27. Nec exacerbationes acutorum nisi summa prostratio virium & acrisia metuatur. Vinum admittit, agit enim Tulpius *in monitis med. A Vino tenui in tempore dato febricitanti robur & sudor.* Item *notæ ad Calium Aurelianum referunt* phrenitidem vini largo potu primò in rabiem deinde in somnum tandem in sudorem profusissimum versam & personatam esse. Ast in morborum graviorum declinatione per aliquod dies confirmatò communi Medicorum suffragiò vinum admittitur; hinc Sydenhaim, in constitutione anni 1673. 74. & 75. convalescentibus ex febribus diuturnis, longis evacuationibus emaciatis, de nocte incalescentibus, sudantibus, verbò in tabem proclivibus mane & vesperi 4. vel 5. cochlearia vini fortioris quale est malvaticum, moschatelinum &c. cum euphoria propinavit; id ipsum remedium annò 1661. 2. 3. 4. in simili casu cum tussi, sreatu glutinoso, quasi phthisim minitante, apud senes expertus est.

§. III.

Nullam quam homines copiosius incolunt regionem Deus suis destituit necessariis, ut potius luxûs causà & alimenta & medicamenta aliò ad nos deportentur. Austria ventis frigidis continuò exponitur, qui si absunt vulgari proverbio venenata est, æstate verò immixtis sæpe gravibus tempestatibus quandoque de die urit adeò, ut quamvis procul ob æquatore sita sit, calor tamen ob terram calcariam vix par sit ferendo, ingruente nocte frigida, incolæ etiam partim religionis, partim consuetudinis causà carpionibus, cibisque farinaceis & leguminibus plusquam nonnullæ gentes se infarciunt quorum omnium medicina conveniens nostrum vinum est, fibram roborat, obstructions præpedit coctionem adjuvat, Paulus enim Apostolus Timotheum qui ex infirmitate ventriculi ægrotabat, disertè monet, ut vinum mediocrem usum sibi habeat commendatum; deinde tartarea sua vi flatus discutit, insensibilem transpirationem auget, aut aliam evacuationem substituit, neque tamen quod caput rei est nimium, ut Hungarica vina solent, excalefacit, ne aliunde in inflammationes pronus populus (raro enim continua hic aliqua febris reperitur cui inflammatio non adjungeretur) majus incurrat periculum.

§. IV.

§. IV.

Nihilominus plures præsertim ex venerando muliebri sexu reperire est, quæ decoris causa ab incunabilis vino abstinere consueverunt, bene coloratæ vividæ, præsertim si temperamenti cholericæ fuerint, atque multò melius quam quæ strenuo vini potui indulgent, valent. Et profecto ejusmodi homines habent in recessu dum indiguerint cordiale summum à vino, lætificans cor, omnem lapidem orientalem goanum Bezoardicum &c. exuberans, quod plurimi turpissima vivendi consuetudine perdiderunt, quin eò progressi sunt, ut in morbis etiam, quibus minimè convenit cogatur medicus vini tantillum admittere secundum illud Hyp. *consueta longiori tempore, quàmquàm deteriora fuerint, præ minus asuetis feruntur*; & rursus dandum aliquid consuetudini &c. etenim constans est observantia, successivè desuescendum esse, alias is præsertim, qui spirituosus asuescit, his repente positis hydropicus evadit.

§. V.

Dosis ex antecedenti §. colligitur, ordinariè sani asueti & robusti in prandio dicere solent, auf einen guten Bissen gehört ein guter Trunk; item auf ein Mann ein Vogel. Id est dimidium mensuræ, contra alii duabus tribus &c. mensuris non satiantur, absque tamen læsione manifesta, tu ita institues ne sit: *Ante sitim potus nec cibis ante famem*; & verùm notari velim illud Cels. *Intemperanter viventes sibi agrotant aut lethaliter aut diuturnè*; nam si quæ intemperantia subest, durior est in potione, quàm in esca, quamvis Hyp. dicat, *facilius est impleri potu quam cibo*, intelligit enim aquâ non vinò, siquidem istud non modò secundum Cælium Aurelionum in furorem spasmus & vigilias incurabiles præcipitat, verùm etiam ebrius, qui ex improvviso obmutescit, convulsus intra tres dies moritur, nisi eum febris corripiat, aut quâ horâ solet crapula solvi ad vocem redeat, aut suaves somni superveniant, Hyp. S. 5. *Aphor. 5.* & Duret. *coac. 11. l. 2. c. 14.* unde apud Duretum *Coac. 1. l. 2. c. 2.* quæritur an saporari ebriositas malum?

§. VI.

Ingens igitur ebrietas malum est, qua demortuis, dum secatur granium, invenitur cerebrum multò lactescente serò perfusum Bonetus *in sepulch. anat. Hyp.* ad eam curandam jubet multâ calidâ aquâ lavare, & capiti spongiam eâ imbutam applicare, in nares autem cepam cortice detractò immittere, si patiens oculos aperiat, & voce recuperatâ ad se redeat, neque nugas loquatur, ea quidem die sopore detentus jacet, posteriâ autem reconvalescit, quod si vero post tempus ali-

quod erectus bilem vomuerit in insaniam agitur, & fere diebus quinque nisi dormiat, moritur; Optimè verò solves crapulam si citam vomituritionem vel diuresim promoveris, Ramaz. aut acetum testibus apposueris. *Juncken* suadet internè spiritum salis armoniaci quem vocat *den Sauff-Geist* / sed huic non multum fidendum; nam metuendum est ne æstus fortior & apoplexia concitetur. Quidam *Monhaimii* ad Rhenum uni ex crapulâ convulso & summè deliranti venam secuit & brevi curatus est.

§. VII.

In qualitate tot sunt diversæ vini species, quod terrarum indoles in quæis erescit. Vinum recens & percolatum *Ramazinus* magis urinam vult movere, quam vetustum exemplò ab iis desumptò, qui elutriationi musti in cados tempore autumnali adstant, sed hoc in musto nostro rarius ob cruditatem, copiamque fæcum; & dum id fit, halitibus quos evaporat in acceptis referimus: contra vetustum c. 2. §. 4. præsertim montanum ob contrariam rationem exaltatis principiis motum augmentibus, incidentibus, & roborantibus diureticum est insignè, & quandoque diutius convivantes sæpius intra horam lotium reddere cogit, *der Wein treibt gut* / ideo in chlorosi, hydropisia, obstructionibus, stranguria, oscitatione, horrone, febribus quartanis, quotidianis diuturnis, ictero, morbisque cæteris à viscido, tenaci, elateris debilitate & minori spirituoscentia parantur in vino decocta aut infusa cum radicibus aperitivis amaricantibus martialibus &c. talia prostant in *Dispensatorio Viennensi* ut decoct. antiçt. aperit. majus cum & sine *Rhab.* aperit. minus &c. & apud *Zwölf.* vinum *Hypocr.* observandum tamen in decoctionibus est, ut in principio species coquantur in aqua, & circa finem solummodò vinum addatur, ne spiritu deperdito roborans ejus vis fatiscat.

§. VIII.

Qui facilè inebriantur, aut ob curas, studia, venerem, morbos saporosos, &c. debilius cerebrum habent, tenuiora uti sunt *Polstor-fensia* aut montana sed à fæcibus abstracta, & aqua diluta bibant, ait enim *Cornelius Celsus lib. 1. c. 4.* vinum dilutum infirmo capiti magis quàm aqua & vinum ex toto convenit, nam illa robur nullum adfert, hoc agitatione nimia aut narcosi nocet, & Lethargicos apud *Cælium Aurelianus* cum respiratione alta & convulsionibus occidit. Contra si insystemate nervoso vitium non est, sed vires solummodò spectantur,

tur, conceduntur, sæpe fortiora mera, uti in fatigatis ex longo labore, itinere, tempestate pluvia, in anxietatibus, vigiliis & apepsia senum, Morbis ex inanitione v g. phrenitide cum syncope commendat *Arætaus*, in febre acuta cum pulsu debili celeri & summò languore in asuetis & parca dosi *Barbovius*.

§. IX.

Neque tritæ quorundam curandi methodo subscribere possumus, qui in quacunque febre continua cane pejus & angue vinum fugiunt, cur enim obsecro mixturis suis alea fortissima volatilia, uti sunt mixtura simplex, spiritus fuliginis, liquor C.C. succinat. camph. &c. ægris immiscent, & vinum quotidiano usu naturæ homogeneous penitus proscribunt.

§. X.

Qui soluta alvo exercentur, frequenter juvat vinum austerum & plenius neque id ipsum pervetustum, salsum, aut dulce *Celsus l. 1. c. 6.* at Austria talibus destituitur vinis, omnia enim ex c. 4. §. 3. multo falso id est tartaro dotantur neque obstant vina rubra ad Rötz crescentia, quia ista etiam tenuia, non plena sunt, & paria fere cum albis habent principia, est enim hic loci familia quæ totò annò hōc utitur, neque tamen in eo majorem alvi adstrictiorem, sed potius eosdem cum cæteris effectus advertere licuit.

§. XI.

Annò 1726. ad hyemem febres continuæ ardentes pessimi moris & sæpe lethales inter vinitores Pertholstorffii vicinos & plebem observabantur, causam unanimiter vinum horum accusabant quod ex §. 6. c. 1. facile credendum, siquidem illi ut plurimum ob pretii parvitatem musto se ingurgitant, unde aliàs etiam nullum apud eosdem magis ordinarium est malum quàm hydropes, cachexiæ, febres intermittentes, mensium, hæmorrhoidum, &c. obstructions, scirhi inveterari, ut meritò *Hypc. de ration. vict. in cut. p. 62.* damnet vina dulcia, quia tumores hepatis & lienis augent, ob crassitiem fermentescibilem minimos harum partium meatus non permeabilem.

§. XII.

Non præterire possumus pestem illam communis sanitatis ænopolis Viennensibus adeo familiarem, qui musti recentis pattem tempore Vindemiæ in doliis plenis fortiterque obturatis recondunt, à fermentatione prohibent, & suum *semper mustum* (*Punt-Wein* appellant) conficiunt, cujus dulcedine absynthitem fucant, & divendunt: quas non turbas motusque in corpore humano creat? si in dolium

vino

vinò plenum modica ejus quantitas instilletur, totum ita liquorem commovet, ut spumet, bulliat vitróque effusus exiliat: anne creditis fluida corporis nostri & solidorum teneritudinem plus resistere posse? egregiè quibusdam in locis edictò sancitum est, ut œnopolæ hoc fucationis modo abstineant, sicut jam olim Wilisius *tract. de ferm.* scriptum reliquit.

§. XIII.

Principalis & summè nociva in Vinis Austriacis præsertim recentioribus est qualitas salino-acido-terrestris, à tartaro crudiori dependens, propter quam calculus, & phtyses incolis endemii sunt, nam & vesiculosa palmonum, substantia à ventorum §. 3. frigore labefactata, rigiditati ejus impar est perferendæ, & quia Diuresim movet, facile tubulis Bellini in renibus quemadmodum putamini ovorum c. 4. §. 5. tartareæ partes primo adhærent, & à tergo novis advenientibus copiis increscunt in calculum: par ratio est morborum qui similem causam in vena partæ &c. agnoscunt, ut colica, ischiatica, podagra, arthritidis, passio hypochondriaca, hæmorrhoides, hydropes, sæpe incurabiles cum urinis rubris dolentibusque conjunctæ; minus igitur suadendum in postremo morbo salia nimia dosi repetere, nam quamvis in casu §. 7. salubre sit in salinis remedium, in hac tamen acuta scorbutica Diathesi cuspidibusque tunicas vasorum lymphaticorum corrodentibus citius lethalis fit eventus.

§. XIV.

Sunt etiam alii gemini affectus Paralysis nimirum & arthritidis, cum suo famulatu podagra, chyragra, &c. qui quamvis ab aliis etiam vinis acidis produci possunt, vix tamen citius quàm à vinis nostris Austriacis in excessu sumptis: spiritus enim eorum narcotica quasi vi nervotum thonum labefactat, rarefaciendo nimis, & spiritibus animalibus dissipatis attoniam inducit, ex quo paralysis oritur, non calidis trivialibusque curanda medicamentis, sed Venæ sectione moderata, primarum viarum expurgatione, & temperatis absorben-ribus porosisque reserantibus thonicis: ut in quodam Sacerdote nuper repertum est. Arthritidis verò non ex illa solùm causa, sed etiam ex ea (quam §. 13. assignavimus) qualitate pullulat, & in hoc calidiorum remediorum usus quorum §. 8. c. 3. n. 6. non adhibendus.

§. XV.

Memorabilis est cura vini quam *Frid. Hoffmannus* iisdem fere regulis queis acidulæ sumi solent, primus quantum scimus in Medicinam inve-

invexit ; at non equè Austriacis vel vinò Austriacò ac *Author* suis popularibus suadet conferre existimo, illi sabajarii sunt nostrates vini-potæ aliunde sponte sua nimio vini amore feruntur, atque inde persæpe ægrotant, sanguis plerumque copia & tartareo acore magis quam inopia laborat, accedit quod alia ratio acidularum sit alia vini illæ non inebriant secus vinum, quod ad minimum ad duas mensuras per diem *author* commendat, neque stomachus jejunos nisi forte in rusticis & asuetis vini potentiam suffert.

§. XVI.

Explanata Vini natura & virtute, ea quæ ad vinum pertinent breviter delibabimus, vinacea dum sponte incalescunt ægregium ad ædemata, dolores arthriticos, partes paralyticas & contracturas ob sulphureo-volat. per fermentationem putrefactivam extricatum exhibent effectum, *secundo* fæces vini præter easdem vires experimento rusticorum, laxant, aut saltem clysteribus ad flatus discutendos, intestina in paralyti robaranda, &c. merito adhiberi possunt. Tartarus crudus in colicis doloribus diuturnis, hysterica podagra & obstructionibus primarum viarum à pituita ortis ad Unc. j. datus per duos vel tres menses, optato cum successu purgat, ut refert Boerhav. *Instit. Chym.* tom. 2. pag. 1741. ex Angelo Sala.

§. XVII.

Acetum vel potius spiritus ejus sanguini instillatus, melius solvit quam ☉ & ☾ marinum Borhav. pag. 261. ideo internè in febribus ardentibus à lentore, mixtura simplex, acetum bezoarticum in asthma oximel squilliticum, externè in sphacelo imminente decoct. nigr. Chyr. in sugillationibus & tumoribus mammarum acetum ipsum cum sem. cumini &c. coctum : item in Pharmacopej. ad solvenda semi gummata v.g. gum. ammoniaci sagap. usurpatur; nec obstat quòd lac coagulet, nam alia ratio est partium butyrosarum utpote flexibilium non resistentium, & obvolvendo aceti cuspides, se unà præcipitantium, alia est lentoris aut sanguinis fortius compacti magis resistentis, & ictus singulos ab aceto recipientis, quemadmodum enim novacula ægrius discindit pilum in aëre una sui extranitate liberè perdulum facilius utroque extremo tensum, ita acetum hic solvit secus ibi.

§. XXIII.

Deinde Spiritus Vini in Chymia ad resinarum extractiones Tincturas ex balsamicis aromatis, salinisque extrahendas, spiritus acidos dulcificandos & corpora à corruptione præservanda celebris est, sed

etiam in Medicina internè vomitum ab Antimoniatis sistit, fibras potenter stimulat, lypathimias cum herbis aromaticis subleuat, & si in majori dosi adhibeatur, hæmophtysim & ebrietatem causat. Externè alkohol vitellum ovi, humorem oculorum crySTALLINUM, lympham & sanguinem coagulat, in hæmorrhagiis graviorum vulnerum sistendis singulare est remedium, ulcera mundificat cum camphora erysipellatem incipientem in temperamentis humidis serosis senibus tempore pluvio persanat, secus dum ad congruam cum summo dolore tendit, acetum lythargiriatum, & cætera temperata meliorem edunt effectum, cum 8. partibus aquæ fontanæ frigidæ visum debilem senum & Phlegmaticorum acuit, tandem balneatores sudorem in cella lignea, in den Schwitz-Kasten / accenso spiritu vini ad rheumatismum & luem veneream curandam excitant, sed cave ne, si, aut nimis diu, aut in temperamentis calidioribus hanc methodum tentaveris, majus inde malum contractura nimirum totalis subsequatur, cujus exemplum de moniali Wormatiensis constat.

F I N I S.



DISPUTATIO INAUGURALIS
MEDICO-PHYSICO-MORALIS

DE

USU ET ABUSU
NUTRICUM VIENNENSIIUM,

QUAM

D. T. O. M. A.

DECRETO, AUTHORITY, ET
CONSENSU PERILLUSTRIUM, MAGNIFICO-
RUM, SPECTABILIIUM, PRÆNOBILIIUM, EXCELLEN-
TISSIMORUM, atque CLARISSIMORUM VIRORUM &c. Perillu-
stris, Magnifici, ac Consultissimi Domini Universitatis Rectoris,
Prænobilis, Spectabilis ac Excellentissimi Inclytæ Facultatis Me-
dicæ Domini Decani, Venerabilis Domini Senioris, Sac. Cæsar. Re-
giæque Cathol. Majest. Dominorum Dominorum Consiliariorum,
& Archiatrorum, Professorum &c. adeoque totius amplissimi

D.D. MEDICORUM COLLEGII

IN CELEBERRIMA, AC ANTIQUISSIMA
UNIVERSITATE VIENNENSI
PRO CONSEQUENDO DOCTORATUS GRADU

Publicæ Disquisitioni exponit

LAURENTIUS HENTSCHEL,
Silesius Schwidnicensis AA. LL. & Phi-
losophiæ Magister, Saluberrimæ Medicinæ Bac-
calaureus formatus, nec non pro Supremâ
Laureâ Candidatus,

IN PUBLICO D.D. MEDICORUM COLLEGIO

Horis post meridiem consuetis, Die 17. Mensis Julij Annô MDCCXXXII.

VIENNÆ AUSTRIÆ, Typis Gregorii Kurtzböck, Universitatis Typogr.

DEO,
DIVIS
COSMÆ, DAMIANO,
ET
JOANNI NEPOMUCENO,
PUBLICO,
PATRIÆ,
ET
PATRONIS.



CAPUT PRIMUM.

De Usu Nutricum Viennensium.

THESIS I.

Ructifero imbri irroratum, spiritûque elastico expansivo seminis virilis afflatum, stamina tenerrima, visum omnem, etiam microscopio armatum, fugientia, mente tantum concipienda, totius hominis structuram continentia, in motum tunc adacta, complectens ovulum, è loculamento suo sic abreptum, ornamentô fimbriaceo tubarum Fallopii exceptum, atque motu sistaltico propriô tubarum in ipsum uterum devolutum, firmat se, quocunque locô potest, fibris suis laceris, perviisque in lacunas arteriosas, & lymphaticas, inde atiles succos accepturum, quò inceptus expansivus staminum motus, deficiente ~ vivificante, continuari, & foetus humanus produci possit; quò factô, atque organis jam perfectioribus formatis, minùs per funiculum umbilicalem, plùs per os, si non totum, capit nutrimentum, & incrementum, donec firmis ità factis partibus, ut atmosphæræ prementis injuriæ sufferendæ requirunt, stimulante fortè fame, siti que, irritante excrementorum acredine, urgente sanguinis elastici copiâ, & expansione, tandem exitum quærit, quò aër atmosphæricus gravior resistat interno magis se expandenti, cordis oppressiorem tollens, quò excrementa purgentur, fames, sitis que sedentur; hinc

hinc vi, qua potest, tabernaculi sui parietes diffringit, ad lubricandum iter fluenta effundit, & pedunculos ossibus pelvis materni imponendo, canatu omni conquilito, adjuvante nisu Nixiæ, adjuvante spasmu uteri, in lucem, lachrymarum vallem, prodit, tenebricoso, sordidoque ergastulo per tot menses inclusus, vel qui sceptrum geret, vel ovibus pascendis præerit, & sic ex uno loco, una via, unius originis, diversæ tamen futuræ infans fortunæ.

THESIS II.

ITa editus infans, ab obstetrice exceptus, ligato, & abscisso funiculo umbilicali, abstersis balneo, ex ∇ dulci vinoque parato (nequaquam oleo addito ut quarundam obstetricum mos est) sordibus, linteisque calidis involutus, vix meconio repurgato, vix nixiæ a partu laboribus defatigatissimæ, viribus non nihil restitutis, pressionem atmosphæræ, & sic circulum sanguinis per pulmones incipientem, & foraminis ovalis atque tubi arteriosi officium cessans, expertus, alimento se omni destitutum videns, id tamen uberius, quam in utero postulantibus celerius, atmosphæræ pressione, facto humorum circulo, copiâ succorum deficiente ad implenda vasa pulmoniacæ, insuetum modum recens inflata, & expansa, viribus debilitatis ex prægressis erumpendi conatibus, stomacho vacuo latrante, ejulando lachrymandoque primum nostrum canit miserere, nutrimentum poscens, quod vivat, & crescat, vel Deo charus, vel exosus, seu in decus, seu dedecus, parentibus, familiæ, reipublicæ.

THESIS III.

Providæ, ac benignissimæ Matri Naturæ (sano sensu intellectum hoc vocabulum) debemus, quod tenelli infantis nutritui; providens, sexui sequiori præsertim turgentiores, atque appropinquante partu, & post partum lactandi tempore turgentissimas concesserit mammas, digito commonens non obliviscendæ gratitudinis tantæ naturæ beneficii, & matri incumbentis officii, suam erga prolem; Sunt verò mammæ duo corpora rotunda, lactis promptuaria, utrinque in thorace, instar gratorum monticulorum eminentia, substantia cavernosa, & glandulosa (per quam nervi, arteriæ, & hinc ortæ venæ, vasa lymphatica, capsulæ pingviferæ, & tubuli lactei disseminati) prædita, integumentis corporis communibus, cuticula, & cute obvoluta, diversâ magnitudine, colore, consistentiâ, & distantia

stantiâ in diversis subjectis discrepantia ; in medio exigua eminentia cylindrica, arcolâ lepta pulchrè rubellâ in virginibus, absurdè coloratâ in vetulis, ex nervulorum, sanguiferorum vasorum, lacteorumque tubulorum concursu, enata, valde sensilis, ad irritationem, & contrectationem rigescens, papilla dicta, exsurgit; ex qua lac pro infantis nutritione exsugitur, quod in apicibus secretum arteriosis, in lacteis asservatum tubulis, donec vel æquilibrio sublato à prole sugente inter externum, & internum aërem propriâ, vel externe à matre factâ pressione, foras in prolis nutricatum profilit.

THESIS IV.

HUjus, tenellis nutricatum præbentis succi sic descripto separationis organo, res postulat, ut separandi modus etiam adstruatur; non autem hic singulare fermentum quærendum, quod diu jam ad pistores relegatum; nec configuratio pororum certa, & proportio particularum; quæ Cartesiana magis subtilia, quàm utilia sunt; nec naturæ, vulgari sensu intellectæ, providentia ad lactandam prolem ordinata author dicenda est; nam hæc sententia à logomachis Stahlianis nec dum benè explanata, nec unquam physico fundamentò satis explananda; sed tota res mechanices naturæ necessariis subjacet regulis; Nam quando ex irritato utero, tum in coitu, gestatione, & partu, per necessarium consensum (qui in *Ruyfch. Thes. anat.* videndus) mammæ irritantur, affluxus uberius fiat, necesse est; præsertim dum ab expanso utero comprimente vasa ad inferiores fluentia partes vehentia, & sic remoram ponente, à mensibus toto gestationis tempore ut plurimum deficientibus, vitâ otiosâ, & opiparâ magis, solitò, certè succi magis accumulari, atque in superioribus partibus non resistantibus, ut inferiores, uberius, præsertim in mammarum ex consensu uteri irritatarum, atque sic affluxum invitantium, spongiosa, minimè resistente substantia colligi debent; unde se insinuant in tomentosas mammariarum arteriarum extremitates, lac transmittunt, ab initio serosius ob angustiam, dein crassius ob majorem apertionem earundum, lacteis tubulis communicant, qui subtilissimi, ex apicibus, mammarum arteriosis radicibus egrediuntur in majores ramos, tanquam in truncos, multis anastomosibus concurrentes, per glandulosam areolæ expansionem inæquali distribuuntur diametro, & sic ad cisternularum similitudinem lac secretum recipientes, colligentes, atque ad lactationis horam asservantes, accedente pressione id præbent proli nutriendæ;

Negotium hoc sic se habere patet ex anat. præsertim Ruysch. & Vienss. Neurolog. ex carpo Comment. 2. in A. M. p. 316. ubi dicit. commoto utero, moventur mammae, & contra; hinc tanta ad ♀ rem vehementia ex irritatis mammis; sic mammae turgere, & sororiari incipiunt, incipientibus mensibus; & quæ plura sunt hunc consensum denotantia; Turgere autem vasa magis ex irritato utero, consuetudo docet veteribus familiaris, qui patet ex Catullo in nuptiis Thetidis, & Pelei, ubi scripsit.

Non illam Nutrix oriente luce revifens

Hesterno collum poterit circumdare filo.

Solebat scilicet nutrix neo - nuptæ ante thori ingressum filo collum metiri, quod si oriente sole ad remetiendum non sufficeret, lætabunda exclamabat: ex virgine à viro mulierem factam fuisse; quod laudabile à veteribus institutum hodie apud plures vix locum haberet: nam ab assuetis non fit passio; Accedit Ramaz. fol. 553. ita scribens: Profectò si res bene pensitetur, lactis primordia genesin suam utero debere, fateri necessum est; utero enim exultante, & commoto, universa corporis systasis commovetur, & vasa ampliora fiunt; Sic quotidie mamillas canum versùs uterum longè turgentiores videmus, quàm cæteras, non aliunde, quàm ex irritatis, illinc sitis, cornubus uteri canini, irritantibus proximas magis mamillas, & sic affluxum succorum uberiores concitando; Copiam prætereà humorum probant sæpe necessariae, repetitæ etiam V. S. in gravidis; in partibus superioribus congestiones affirmant sympt. ventriculi, diaphragmatis, pectoris, mammarum, & capitis; quorum ulteriorem explanationem brevitatibus causâ transeo.

THESIS V.

Sic lac jam separatim paulisper examinemus; quidam chylum immutatum dicunt, atque per vasa certa ex ductu thoracico in mammas eum derivari asserunt, ast vasa hæc nec dum demonstrata; Nam lymphatica, quæ illinc adsunt, à mammis quidem in ductum thoracicum lympham superfluam revehunt, verùm miminè ex hoc in mammas chylum; sic chylus sanguini mixtus immutatus deferri nequit ad mammas usque; nam non potest illuc devenire, nisi dextri ventriculi cordis concussum, pulmonum attenuationem, & sinistri ventriculi tritum, pullumque subiverit, ast hisce viis chylum nullam pati mutationem quis somniabit? unde stante mutatione chyli, stabit & magis mutatio nominis; itaque dicimus: Lac esse serum, quod Hip. alimenti vehiculum nominat. multis intertextis molle-

culis

culis oleosis, fibrosis, gelatinosis, atque diversorum salium sphæru-
lis, & diversa terræ copiâ constans; Licet contrarij sint *Prosp. Mart. Comment. in Hip. p. 32. charlet. Oecon. aâl. Exert. 3. Deusing. de lacte §. 10. & 21. Guiffart. Exert. de prox. lac. mat. Swalb. de ventr. querl. & opprobr. p. m. 101, Warth. Adenograph. Cap. 36. Schenck. dissert. de nat. lact. art. 3. §. 25. & alii plures asserentes: quod impossibile sit ex sanguine lac confici posse; sed contrà: quis potest succum nerveum, liquorem genitalem &c. ex purpurea humorum massa, vel coctione, digestionem, destillatione, fermentatione, vel alia ratione parare? certè nullus; insunt tamen sanguini dictorum saccorum principia; patet prætereà, chylum immutatum lac non constituere, ex fœminis quibusdam, quæ per aliquot dies non comedentes, lac habuerunt; contrà hæmorrhagiam ad virium resolutionem passæ, licet multa nutrientia assumpserint, nec tantillum quidem lactis elicere potuere; nam sanguis primò debuit in quantitate restitui, ut pressio versûs mammas, in peripheria corporis positas, fieri possit. Lac autem serum esse oleoso gelatinoso salino terreis partibus constans, probant experimenta à *Fr. Hoffm.* cum lacte humano, asinino, caprino, vaccino, ovillo, instituta, quæ videnda sunt *Dissert. de usu lactis asinini; & usu seri lact.* ubi præparatio seri lactis dulc. hæc egregiè comprobatur; prouti etiam exp. *Verheyen supplem. anat. fol. 55; Qui autem vires petit, eas divinas in Wepfer. epist. ad Verzasch. & innumeras vix non apud cit. Hoffm. Gal. Cels. Cael. Aurel. Martian. Riedlin. forest. Tulp. Bagl. Fracast. Horst. Morton. Maybom. & practicos observatores inveniet; hic recensendas non nostri fori, cum tantum de ejus nutriente virtute nobis res sit.**

THESIS VI.

HUjus itaque lactis usus alius non est, quàm ut corpus humanum nutriat, non tantum tenellum, sed qualecunque, etiam robustissimum; Est autem nutritio, repletionis genus, nam nutriri partes, eas est implere, quæ vel augeri, vel restitui petunt, id autem utrumque fluido feroso, oleoso, gelatinoso, debito modo prius præparatò fieri debere, nemo jam negat; unde patet, solidorum vim nequaquam excludi, nam horum operâ divisi, secti, paratique altiles succi digeruntur, aptantur, apponunturque; solidorum ergo virtutis mensura, nutriticis virtutis mensura est, par in tantum digerendis nutrientibus succis, in quantum terendis illis, comminuendisque sufficit solidorum energia; Et profectò non prius nutrit ovi albumen, quàm

quàm vi incubatûs ex spissitudine sui humoris transivit innumeros fluiditatis gradus ; sed & tum adhuc datus embryoni ille liquor, est crassissimus, unde in longè subtiliores adhuc in visceribus, & vasis, transmutandus est, priusquàm in nutrimentum abeat ; patet itaque solida debere præparare fluida, ad nutritionem apta, ex his verò quiete compactis, vel solida generari, augeri, vel saltem restitui ; quod eleganter in ovis *Malpighi*, in embryonibus, & foetibus *Ruyssch* detexit ; Cùm itaque nati infantis partes omnes teneræ valde, molles, flexilisque sint, nutritios succos uberiores quærat, necesse est, quò partes solidiores factæ, vires potentiasque adeptæ, iis, quibus destinatæ sunt, fungi possint, officiis ; atque sic imbellis pusio rationis usu, ob organa imperfectiora, & primò perficienda, destitutus, ejulando, lachrymandoque misericordiam in matre excitat, ubera turgida ad famem sitimque sedandam, rogat, ut porrigat.

THESIS VII.

Nutrix itaque est illa mater, quæ infanti ubera sugenda præbet, sit vel genitrix ipsa, vel conducta alia, mercenaria, ad hoc, ut infans nutriatur, augeatur, vires, unà cum perfectione partium acquirat ; Hoc autem ut fiat, ex parte infantis requiritur vis sugendo lacti sufficiens, ventriculi robur digerendo valens ; ex parte nutricis, ut suppeditet lac proportionatum quoad quantitatem, & qualitatem ; quod utrûmque præsto erit, si genitrix ipsa, cæteroquin sana, & lacte donata, suum genitum aluerit ; utrûmque verò deerit, si nutrix aliena substituta fuerit ; Nam matris succo nutritio in utero aluetus infans, hunc modò faciliùs digeret, & nullâ molestiâ exinde afficietur, præsertim cùm ab initio serosius lac, colostrum dictum, idem ferè sit, quod fuit in utero nutrimentum, quod datum, minùs gravat, acescit, sed facilè transit, meconium abstergit, atque crassiori lacti, tertio vel quarto die supervenienti viam præparat ; ubi contrà lac Nutricis alienæ alienum etiam est, & infuetum, crassiùsve ut plurimùm quàm digeri potest, hinc non sinè noxa.

THESIS VIII.

UT itaque aliquomodo consulamus tenellorum vitæ, & sanitati, sic quæ circa nutricem, quæ in usum trahitur, observanda sunt, trademus ; Nutrix itaque sit adolescens, ætatis 25. ad 35. ann. Licèt alii tantùm ad 30, alii etiam ad 40. annos ætatem hanc extendant,

tendant, bis mater facta ; pectus habeat latum, mammas nec nimis laxas, & rugosas, nec valde tensas, sed solidas, & firmas, mediam magnitudinem, & duritiem obtinentes, quibus lac plurimum sit ; nec multum graciles, vel breves sint papillæ, sed mediocres, cum magnæ os offendant, parvæ verò prehendi non possint ; meatus earum non sint nimis aperti, nè nimium lactis uno impetu perfundatur, nec nimis stricti, nè expressio feriat palatum tenelli, & eum lædat ; Præterea sit vividi coloris, qualem consuluit *Gal. Lib. art. med. Cap. 51*, fortis, ac robusti colli, pectorosa, musculosa, duræ, ac multæ carnis, non obesa, vel gracilis, à menstrua purgatione sit immunis toto lactationis tempore ; nullis sit affecta morbis, neque alicui peculiari obnoxia ; quæ gestavit foetum novem mensibus, enixa est ad summum ante duos menses, (melius tamen fortè si eadem die enixa, posset haberi nutrix ; sive masculum, sive foemellam genuerit, parum referente) dein non sit primipara ; optima talis est, quæ brachia consueta est exercere ; unde rustica sæpe optima, dummodo septimana unâ, vel alterâ, purgatis prius crassis succis, usa est cibis urbanis ; si quæ tamen mater prolem suam rusticellis in proprias casas tradere voluerit, non aberrabit ; nam & hoc laudabili more faciunt nobiles Patavini referente *Ramaz. fol. 553*, qui salacitatem, & petulantiam benè pastarum nutricum tollerare non valentes, nec ut liberos suos infirmiores rusticorum liberis videant, rusticellis cum suis educandos tradunt ; Dein Nutrix animosa sit, & quæ cum integro affectu puerum amare potest, iræ non sit dedita, sit grata, hilaris cum gravitate, munda, & elegans tum in se, tum in suum Alumnum ; nec in venerem prona, laudabilium morum, nec nimis obtusi, nec nimis teneri sensûs ; non sit salax, potatrix, tristis, melancholica, nec lusca, sed quantum fieri potest, matris, cujus prolem nutrit, tum animi, tum corporis dispositioni simillima, pia, casta, virtuosa ; Nam teste *Peck. fol. 108. obs. 46*, *Juncæis juncæa habitioribus, habitiores juncæe sunt, si cætera respondent.* de electione nutr. adhuc videri possunt *Mercat. T. 4 fol. 747. Musc. de morb. mulier. fol. 204. Löw de morb. inf. Sennert. Tract. de inf. curat. part. 1. Cap. 1. Roder. à Cast. lib. 4. de nat. mul. cap. 12. Thiermayr. lib. 1. cons. med. cap. 2. in Schol. Sorbais fol. 331. Tr. 4. de morb. puer.*

THESIS IX.

Vlris requisitis nutricis eligendæ, ejus lac examinandum venit, cujus quantitas & qualitas lustranda ; Quare quantitas sit pro-

portionata, magis tamen aucta, quàm imminuta; qualitas autem desumitur à colore, odore, sapore, & consistentia; Licèt *Etym.* videatur contrarius, dum *de morbis inf. oper. suor. edit. Francof. fol. 1062.* dicit. quòd hoc examen fallat, cùm semina pessima, tum morum, tum morborum, sub tali lacte delitescere possint; sed rectius, ut asserit Helm; de sextupl. digest. §. 74. æstimanda est lactis conditio, ex sanitate nutricis, vita, & cibis; aut ut pace tanti viri dicam, nos nequaquam & in his scrutandis sumus negligentes; quare examen nostrum non erit fallax: Itaque lac sit purum, odorum, non tamen penetrantiùs, candidum mediocriter, quod à Gal. Moschion. Avicen. de sanit. tuend. lib. I. cap. 9. ut optimum laudatur; non tamen perspicuum sit, néque sublividum, licet Aristot. 3. de hist. aal. cap. 21. dicat lac lividum albo esse præstantius; néque gypso simile, nec subacidum, nec amarum, sed dulce, æquabile, quasi leniter saccharatum; non admodum crassum, & caseosum, néque tenue, & serosum cujus super speculum rectè proba instituitur; si néque prorsus fluit, nec eò reclinatò constat, vel si capillus intingatur, & lac huic æqualiter adhœret; Item si in vasculo pars aliqua lactis reponatur, adjectis $\frac{1}{2}$ ti, v. succ. limon. aliquot guttis, & dein factò coagulo seri tantum, quantum caseosæ substantiæ supeditatur; vulgaris proba est, si in ungue hæreat, nec totum defluat; Cremorem dein ubi aliquo tempore steterit, in superficie separet pinguem; unde quod lac enumeratas qualitates habebit, bonum, & laudabile erit; aut consideranda teneritas alumni, cui si proportionatum accuratè non haberi potest, detur pinguius, sed in minori quantitate: Minus verò probatur lac, quod tenue, ∇ sum, valde, si prætereà saporis nauseosi, cærulescentis, aut alius, præter lacteum, coloris; si statim in aliquo vasculo repositum dissolvetur, ace scat, & grumescat, unde talis nutrix unacum lacte rejicienda.

THESIS X.

Quantum enim morbosa corporis, vel mentis constitutio nutricis tenello alumno noceat, apud solertes observatores videre est; sic primam morborum infantilium causam adstruit Fr. Hoffm. dissert. Prax. clin. morb. infant. fol. 5. violentos nutricis affectus, præsertim iram, & terrorem, ex quibus epilepsia infantibus ut plurimum lethalis morbus, in promptu est; præsertim si, durante tali affectu, ubera venenata proli sugenda præbentur; ut ipse novi 2. elegantes scemellas intra aliquot horas ità occisas; Miserrima inde nutricularum conditio, pueris àque, ac illis ominosa: Pecklini verba sunt: obs. 46. fol. 110. quòd ubi ægra-
tare

tare alteruter incipit, tristitia statim nutriculam invadit, & qui amor servare fæminam debebat is ipse commiseratione pusionis, aut metu evanescentis alituræ, in tristem animi versus affectum, ablaetandum tum infantem perdit; Sic puelle admodum fuit observata siticulosa; ex nutrice bibula à *Deodat. Valesud. p. 26*; brutales proprietates, & mores cum lacte in infantem translati sunt, ut in pueris cervæ & capræ lacte nutritis observavit *Reyes Camp. Elys. q. 41. p. 586*; Lipsiæ infans ob defectum nutricis, lacte caprino nutritus, imitari eleganter potuit vocem capræ; ita refert, *sup. cit. loc. Ettm. 1066.* & non mirum hoc est, nam juxta *Gal. mores sequuntur temperamentum corporis, hoc verò nutrimentum*; scorbutum & luem & ream per lac communicata, à lusca, luscum, ab insana, insanum, alumnum fuisse factum nutrice, *Card. asserit de rer. subtil. lib. 11. fol. 639*, atque plures hujus loci matres testabuntur; sic tormina à matre per lac in infantem translata scribit *Helwig. obs. phys. med. fol. 371*; de lue gallica & scabie translata prostat *obs. apud. River. Cent. 2. obs. med. 95.* item apud *Welsch. in Episag. suar. obs. 90.* Palatum penè omnem, ex lacte nutricis infectæ, absumptum fuisse cuidam infanti, annotat; *Car. Rayger. annot. in Jac. Roland. aglossost. Cap. 7*, & hæc omnia mira videri non poterunt, dum omni die ex cathartæcis à nutrice assumptis, etiam purgari alumnum videmus; quod & *Hip. jam notum fuisse testatur Lib. 6. epid. sect. 5*, ubi cucumer. sylv. & elater. assumptum pueris in purgationem quòque cedere scribit.

THESIS XI.

Recensitis iis morbosis affectionibus quæ à morbosa nutrice communicantur; & quæ lac improporcionatum causare potest mala, videndum nunc est. Dictum fuit suprâ proportionem quantum possibile est observandam esse, ut lac detur, quale digeri potest; cum autem in recens nato infante omnia tenerrima sint, atque ejus ventriculus tenui valdè assuetus fuit nutrimento, sic statim patet, lac crassum, & pingue, mox ab initio datum, valdè nocere; nam oneratur stomachus, & varia excrementa coacervantur, cruditati acidæ fit occasio, unde infinita vix non mala scaturiunt; illustrat hæc exemplum epilepsiæ lethalis aliquot filiabus ex butyrositate, & nimia pinguedine lactis, quod prostat apud *Hoffm. Tr. de Usu & Abusu med. chym. p. 49.* item *Vesling. in epist. & obs. 28. p. 123.* & *spigel. de form. fætus cap. 13. p. 16*; Quare & *Fr. Hoffm. sup. cit. loc.* Lac copiosum, crassum, caseosum, impurum, morborum infantilium secundam causam adstruit; & id quidem non abs re agit; nam tenerrima,

& sensibilissima generis nervosi, & membranosi infantum structura est, & textura; hinc omnia excessivis qualitatibus prædita, his valde noxia; hinc est, quòd infantes spongiosiores & corpulentiores, lacte copioso, & crasso nutriti, morbis convulsivis facile corripiantur; quod testatur *cit. loc. Hoff. fol. 6*; sic ex nimia lactatione sæpe non nutritur, sed mactatur infans; ut scribit *Kerkring. in specileus anat. obs. 40*; Lac tenue, serosum, nimis, & salsum infantes ad defluxiones catarrhales disponit, sic observante *Ettm. sup. cit. fol. 1066*. Lac caseosum adstrictam alvum, inappetentiam, vomitiones; aquosum, tormina, & flatus; flavescens, fluxum ventris, & pustulas erodentes; salsum autem, scabiem, achores, favos, & pruritum causare *Musit. de morb. mulier. fol. 205.* & alii asserunt; Ex copia lactis diutius in stomacho retenti, & bilis acrioris affluxu corrosivi redditu, gravissima mala causantur, scilicet, dejectiones virides, tormina, Cardialgiæ, anxietates, convulsiones; & si à viscido lacte tenera lacteorum oscula obstruuntur, abdominis intumescentiæ, atrophix, & alia mala producantur; ut pluribus refert *Fr. Hoffm. T. 7. fol. 358*; Sic non raræ sunt ex acelcente lacte tum colli, tum mesenterii scrophulæ; ex acri sulphureo, febres aphthæ; sic pavores in somno, incubus, vigilix; Et ut *Card. Comment. in aph. 24. Hip. sect. 3.* oris ulcera ab acredine lactis deducit, sic mala plura adhuc ex vitiosa propullulant lacte.

THESIS XII.

SEd non satis est bonam, & morigeram nutricem tradidisse eligendam, atque lac optimum suasisse seligendum, & in utroque scripsisse cavenda; verum oportet etiam, ut nutrix bona, lac bonum, bona conserventur; quod, ut opinor, obtinebitur, si nutrix sequentes diætæ regulas observaverit. Notum est, vitium nutricis in diætâ commissum, sæpe graviter luere imò morte expiare innocuos infantes; unde vitet nutrix fructus horæos, acetaria, facile acelcentia, austera, nocivum caracterem lacti imprimentia, scilicet: coagulationem acorem spirantem; unde infantibus tormina, convulsiones, epilepsix, ardores, insultus febriles, aphthæ, achores, favi, tinea, abdominis inflationes, & plura alia nascuntur; vitet usum vini, Sp: vin: nimium carniū esum, frigus vespertinum improvidè admissum, nam error in his facile fomitem epilepticum generat; teste *Hoff. sup. cit. lac.* Caseus interdicatur, quia inde lac crassum & viscidum evadit; unde obstructiones, primarum viarum, vasorum lacteorum

teorum nec non generatio calculi vesicæ ; cui obnoxiam dicit pueritiam *Secl. 3, aph. 24*, atque totam generationis calculi in pueris ex crasso lacte tradit historiam *Lib. 4. de morb. Hip.* Nec nimis voraces sint etiam in cibis optimis, inde enim, cum nutrices ut plurimum altô otio stertant, & minus exerceantur, qui pessimus mos est, lac impurum fit ; idem intelligendum, de acribus, & spirituosus ; exinde enim varia lactis liquamina cadaverosa, unde excrementa flava, foetida, foeculenta, instar sæcum cerevisiæ, nunc ex nigro putrida, aut alio modo corrupta, per diarrhæam infantum rejiciuntur ; quin & vomitus, atrophix, vel saltem varii cutanei affectus nascuntur ; Si menses fluere, vitet hoc tempore lactationem ; Cæterum nec exponat corpus, præsertim mammas, alterationi caloris, & frigoris ; frigus enim, si lac non coagulat, saltem id disponit ad coagulum ; Cerevisia hic loci ut plurimum malè defœcata, non detur in potum ; nam facilè infantibus diarrhæa torminosa causatur ; nec styptica assumat ; nam ex castaneis, majori copia à nutrice comestis, infantis alvum pertinaciter clausam fuisse fert *Timæus à Guldenkl: in cas. lib. 5. cas. 15. p. 252* Dein nutrix se omni die exerceat, præsertim partes superiores, & sic lac uberius generabit ; contra enim absque motu corporis instar stagnantium paludum fracescet, & putredinem lac concipiet ; ordinem optimum in sumendo cibo, potuque, instituendo motu corporis, & somno servet ; sufficit bis nutrire, ut famem cibo, & sitim potus expleat ; non verò quater, uti mos est ; somnus pomeridianus vitandus, ni longo tempore ei assueverit ; non veniant in usum vaporosa, Cepæ, allia, caseus putridus, & vetustus, brassia doliis condita, caro suilla, fumo indurata, salita, bellariæque omnia vitet, quæ salacitatem stimulant ; Caveat etiam sibi nutrix ab omni graviore animi pathemate, præsertim ira, & tristitia ; inde enim omni die tristissimas parentibus prolium suarum mortes sequi videmus ; quare vitet altercationes cum ancillis, & domesticis, nè ad iram concitetur ; Alatur itaque nutrix cibis euchymis, & eupeptis, bis de die ; ab initio lactationis paucioribus, successivè copiosioribus ; vinum quidem nè gustet in principio, sed successivè dein, aqua dilutum & bonum bibat ; pro potu ordinario serviat seq. decoct. quod etiam potest loco aquæ cum vino misceri

Rec. Rad. Sorz. unc. iv chin. unc. j Sarlap. unc. ij Liquirit. unc. j hord. mund. m. iij. ras. corn. cerv. ebor. aâ Drach. vj sem. foenic. Drach. iij ; Incis. dentur ad chart. & unc. j inserviat pro mens. j ▽ font. coquenda.

Manè verò seq. infus. instar the usurpetur.

Rec. Rad. Scorz. subtiliss. incis. unc. unam sem. liquirit. ras. unc. sem. Hb. veron. agrimon. beton. salv. àa m. j. sem. Badian. Drach. iij. Incis. m. dentur speès pro the sic vesperi proderit subinde fixum quoddam diaphoreticum. Rec. ocul. ϕ . ppt. Corn. Cerv. phil. ppt. àa Drach. j sem. antim. diaph. Drach. j Cinnab. antim. Drach. sem. nitr. ppti scrup. ij M. f. pulv. detur Drach. sem. pro dos.

& ità si excessus omnes præcavebuntur, & moderata fuerit in omnibus nutrix, optimè & conscientia suæ, & infantis saluti, credimus consultum.

THESIS XIII.

CUm verò nutrices, sive matres propriæ sint, sive mercenariæ, ad alia quóque obligentur; sic de obligatione erga prolem utriusque quædam afferre licebit. Obligationem matri incumbere, infantem, quem enixa est, nutrire, ipsa natura monstrat; dum factô conceptu turgidas facit mammas, medio gestationis tempore, & maximè circa partum serosi quid colligit, & 3, v. 4to, post partum die, ipsum lac in mammis perfectum producit; quare ut mater sit, nam mater dici nequit, quæ genuit, & non nutrit; porrigat ejulanti tenello ubera, evacuatis prius primis viis à meconio: Iyr. de cich. c. Rh. v. oleo amygd. d. si ità videbitur; nam necessarium non est, si datum fuerit colostrum illud, quod ut convenientissimum in hoc rerum statu, natura providentissima ipsa suppeditat; pessimò more introductô sæpe rejectum; Est enim serosior pars lactis, ex tomentosis arteriarum extremitatibus, nec dum ità expansis, producta, subsequenti laudabilis lactis læta nuncia, alimentum medicamentosum, blandè abstergens, & instar omnium blandè laxantium dari solitorum; nam hoc facilè transit, minùs acescit, & ob levitatem minimè gravat, atque sic præparat ventriculum, ad lac, 4to die superveniens, perfectius, recipiendum, digerendumque vide *Spigel. de form. fæt. cap. 13. p. 19. Ettm. fol. 1062. Zwing. pædojat. fol. 7.* & plures alios; contrarios verò invenies apud veteres fere omnes, vide *Musit. de morb. mulier. fol. 204. &c.* dein mater talis, propria nutrix observet ea, quæ de mercenariis nutricibus statim dicemus. Non excusatur mater à lactationis officio, si aliquomodo tenera est, tantùm lac dulce, probæ consistentiæ, atque nullâ sensibili heterogeneâ qualitate imbutum custodiat, licèt id etiam per aliquot menses tantùm fieri possit, nam lac maternum idem fere est alimentum extra uterum infantis, quò in utero foetus nutritus fuit, & licèt etiam

etiam non adeò laudabile sit, non tantùm nocebit ; nam referente *Hip. sect. 2. aph. 50. consueta longo tempore, licet deteriora, insuetis minùs molesta esse solent.* Ast si mater propria, vel lacte prorsùs careat, vel non sufficiens, aut justò serosius, acrius, aut pituitoso-viscidius, adeoque minùs laudabile obtineat, mammæ illius papillis orbatae ; ut prostat *obs. 3. M. N. C. D. 2. A. 8,* si debilis, morbo quodam laboret, quando veneri nimis dedita, uti hic loci tales raræ non sunt, tum necessitate coacta, licebit ei ad aliam nutricem confugere ; si non placet, ut multi hic loci, plures tamen alibi faciunt, pty-sanâ nutrire prolem ; qui potus alimentosus sæpe melior est, quàm lac nutricum, præsertim nostratium, ut plurimùm morbosarum ; Sæpe enim videre contigit infantes robustos, sinè matris, & nutricis lacte felicissimè, citrà morborum quaviumcunque insultus sustentatos, & educatos fuisse ; plures ipse nosco hic loci robustos viros & plurium prolium parentes, qui lac ex mammis nunquàm gustarunt ; sed solertissimis fræminis (quæ hoc in casu quærendæ) curam accuratam gerentibus pty-sanâ enutriti fuerunt sufficienti, & accuratè data : potus verò talis esse potest.

Rec. Daçtyl. rec. n. vj sem. anis. Drach. j ras. corn. cerv. scrup. ij hord. excort. pug. ij M. speès pro decoct. ∇ simpl. Mens. sem. vel Rec. Ras. Ebor. rad fragar. Liquirit aâ scrup. ij hord. mund. pugil. iij sem. fœnic. Drach. sem. M. incis. coq. in mens. sem. ∇ font.

Nec opus est edulcorare saccharo tale decoctum per se dulce, cum Sacchari consuetudo mala est ; videri poterit de hac nutritione *Zwing. pædoj. ab initio, Helm. de inf. nut. ad vit. long. fol. 735. & plures alii.*

XIV.

NUtrix itaque mercenaria talis, qualem descripsimus *Th. 8,* Lactē tali prædita, quale suasimus *Th. 9,* diætā colens, quam assignavimus *Th. 12,* sciat ipsi plura adhuc officia tum in se, tum in alumnū suū incumbere, ad hoc, ut digna gerat nomen nutricis ; Quare ante omnia munditiem colat tam in se, tam in puerum ; nè tanta frequentia sit, uti est, fœdorum ulcerosorumque infantum, qui sæpe inter ploratus, & ejulatus contabescunt ; *Gal. 2 de sanit. tuend. cap. 8,* refert histor. de puellō quodam, qui, dum tota die plorasset, & nutrix consilii inops, modum nesciret, quo ipsi quietem conciliaret, quando nec motu, nec appositione ad mammās, vel quoquō aliō modō illum lenire posset, sordidarum vestium mutatione, jussu *Gal. & dulci lavacrō,* conquievit, & longissimō somnō obdormivit ; 2do Non

Non toties, quoties plorat uberibus alendus admoveatur pufio, in hoc enim valde peccatur, cum centies sæpe per unam diem, & noctem ubera porrigant ita, ut uterque, & nutrix, & infans, dein ægrotent, illa ob copiam deperditam, hic ob eandem acceptam, non digerendam, quare ut observat *Kerkring. in specileg. anat. obs. 40.* fit, ut lac semi-corruptum hæreat in stomacho, novum affusum denuò corrumpens, & sic in pastam vix solubilem abiens, ex qua bona fortunâ sequitur vomitus, vel strictis orificiorum sphincteribus contentum in ventriculo retinetur, & mille mala generantur; *Vide Helm. sup. cit. loc.* Unde bis, ter, ad summum quater ubera præbere sufficiet per 24. horas; plorent quantum velint, cum juxta *forbaith* & ploratus laudabilis est; nam hoc mediante dilatatur pectus, & caput expurgatur; item melius est plorare prolem, quam parentes & nutrices: exemplò nobis sint rusticellæ, quæ agrestibus operibus intentæ, desumptò exemplò à vitulis, quos tantum ter de die vaccæ uberibus applicant, filios suos robustissimos, quibus donantur, lacte tantum ter frui faciunt; unde præstat in lactatione potius peccare in defectu, quam excessu; cum *repletiones ad extremum perductæ graves esse soleant*, docente *Hip. sect. 1. aph 14*, & uti in adultis omnis repletio mala est, panis verò pessima, juxta *Hip.* ita sanè lactis infantibus maximè nociva est; nam *impura corpora quò magis nutritur, eò magis lædes*; *sect. 2, aph. 10. Hist. 3*tiò utraq; mammâ si potest, lactetur infans; nè fiat lusciosus, nam ob longam, & continuam directionem oculi versùs unam mammam, consuetudo hæc indecora dein inducitur; 4to. Cunas ita colligat, nè lucem habeat infans supra caput, vel ad latus; nam facile strabones fiunt; sic optimum est, si caput tegatur, vel lux obscuretur. 5to dum lactat, papillam, nutrix osculo infantis insertam quasi exprimendo teneat, nè infans opus habeat operosa suctione. 6to cunis non vehementer agitetur infans; ne tenella viscera, & cerebrum patiantur noxam; 7mò sub vigiliis circumportetur infans, ut ita circulus & humorum excretiones promoveantur; 8vò attendat nutrix nè alumnus suus quocunque modo terreatur, præsertim dum ad somnum est compositus, vel etiam dum dormit; nam talis terror facile convulsiones, & epilepsias post se trahit, hinc pessima sunt illa terri culamenta, adcompescendos infantes ejulantes hic loci consueta. 9. nec frigido, vel humido aëri exponere infantem oportet; nam inde humorum spissitudo, colica, catarrhi &c. 10. omni septimana bis vel ter, balneo imponatur, ex ∇ d. p. iij & vini parte j parato, tepido, per horæ saltem quadrantem, dein vitando frigore, linteis calidis involvatur, & ad cunas collocetur quo transpiratio promoveatur, & partes robustiores fiant; unde rejicitur con-

sue-

suetudo illa pessima hic loci maximè recepta, quâ tantum linteis madidis tenella corpuscula abstergunt, & postea unguinosis quibus transpiratio maximè necessaria impeditur, tenue corpusculum obducunt minus expertæ obstetrices; dolendum, quod hic mos optimus, veteribus familiarissimus, aliis populis hodie adhuc frequens, hic loci tamen rarissimus sit; frequens scilicet balnei usus, quò tamen, uti alibi, sic & hic robustiores, longævioresque essent infantes, quàm reverà sunt. 11. Curam habeat nutrix, an infantis collum, aures, axillæ, inguina, aut crura inflammari, rubere, aut excoriari incipiant; hoc enim, si apparet, pulv. rad. liquirit. vel tut. ppt. vel Lap. Calamin. inspergendus erit. 12. Quando infans plorat, videat: an non fasciæ sint nimis arctæ? an in æstu constitutus nimio, quod vultus ostendet? an sordes deposuerit, undè hæc quantocyus corrigantur. 13. Nunquàm infantem manibus ligatum adhuc, in lectum suum recipiat nutrix, nè ex incuria, si non ex malitia, suffocetur, ut plura hic loci recens facta docent exempla. 14. Si purgans sumpserit, & necessè non est, infantem etiam laxare, aut si menses fluant, aut aliò modò se malè habeat, non lactet, sed aliam substituatur. Sic mater, vel nutrix, si denuò concepit, & lac observat imminui, ablaçtetur, vel aliæ nutrici detur infans lactandus, donec tempus adsit ablaçtationis, quod 9. 10. 11. mensibùs, vel unò etiam annò circumscibitur. 15. Sub lactatione post aliquot menses, quartò, ut jubet *Musit.* vel 7. ut vult *Sorbaith*, prouti videbitur, etiam citiùs, pulticula; non, uti hic mos est, ex farina cruda & lacte confecta glutinosa, & vix solubilis, sed ex pane triticeo optimo, in mortario lapideo in pulv. subtiliss. contrito, & lacte fiat facilius digerenda, unà cum decoct. sup. descript. detur, ut successivè assuescat; & quæ alia proficua alumno ratio & amor suadebit, observet nutrix. Et hæc de usu & vero usu Nutricum.

CAPUT SECUNDUM.

De Abusu Nutricum Viennensium.

THESIS I.

UT à matribus ordiar, à natura ipsa constitutis nutricibùs, non possum non in earum matrum consuetudinem pessimam advertere, quæ thoraculis balenatiis, angustis, ità suarum filiarum constringunt pectora, ut non tantum non debitum incrementum nancisci possint mammæ, sed etiam filiæ, aliquando matres factæ, licet velint, non possint prolem, quam enixæ sunt, ipsæ alere;

alere ; quàm indecorum est, foëminam formosam, minùs mammosam esse, ità non sat deplorandum, matrem esse factam, & non simul licere esse nutricem. Utinam ! caperent hæ saltem, quæ cum summo suo tædio id experiuntur, infelicem hunc statum non nisi matribus suis, de formæ elegantia quidem, minùs verò de sanitate, & rebus aliquandò necessariò agendis, maximè sollicitis debere ; fortè tandem saperent, aliter agentes cum suis filiabus, nè pessimum hoc cacoëthes in longam descendentium seriem derivaretur : *Non enim alia ratione, ut verba Peckl. fol. 107. mea faciam, Sinenſium hodiè acuminati pedes, inter elegantias numerati, producti, quàm curâ & constrictione ; licet modò tantùm naturæ debeantur.* Atque consuetudinem, malo sydere inductam, quoque esse causam in iis, quæ etiam volunt, non tamen possunt, prolem alere, sedulus rerum scrutator facilè capiet ; Verùm nec in mammis culpa sola est, sed maximè in papillis, ex thoracum horum angustia retropullis, ut, cùm evocandæ sunt, vel non satis habeant virium infantes, vel frustillatim & inæqualiter eas protrahant ; jam etiam cuticulæ, obvelantis papillam, tanta subtilitas est, ut ad suctiones paulò fortiores statim laceretur, dolorésque creet tantùm non immensos ; unde desperatio matris, & infantis sequatur necesse est. Etenim, si veterum foëminarum habitum respicias, & cum nostris hisce comparare velis, juraveris, non esse eas veteris & aviti generis soboles ; velim autem agnoscant, quarum culpa primum hoc vitium invaluit, quantùm pietati & amorì in liberos, peregrinâ illâ aliturâ, detraxerint ; fortè æternùm non corrigenda.

THESIS II.

HAs matres veniam mereri, nec reprehensione dignas, quilibet mecum judicabit æquus ; quid autem sentiendum de iis, quæ turgida, vaccarum instar, gestant ubera, & quibus papilla protensa eleganter riget, ità, ut potius cum molestia non lactent, quàm cum incommodo quodam lactarent, tu, Lector, ipse judica. In Batavia, sic asserente *Peckl. loc. cit.* in Silesia, patria mea, rarissimum prorsùs est, infantes matribus propriis destitui, aliisque tradi ; alibi tamen terrarum, maximè hic loci, usitatissimum est, polcente id, vel perversô matrum geniô, vel loci maledictâ consuetudine : Ratio popularis hujus vitii est, quòd nobiles aliquæ, vitæ voluptuariæ servientes, incommoda ferre non possint, quæ se subindè offerunt ; quæ tamen tanta longè non sunt, quanta fuerunt gestationis tempore ; præsertim dum hæc blanda ridentia ora, & quæ tenellus amor dictare solet blandimenta, delicioſi mammarum attactûs, & plura alia, suavia faciunt, atque duplici refundunt fœnore : Sic aliæ ejusdem sortis, quas, uti mos est, etiam privatæ, simiarum instar, imitantur,

ut,

ut, quod aliis ex necessitate incumbit, aliis ad ostentationem sit paratum; atque cacoëthes hoc nutricum, Aulis aliquando solis infestum, nunc etiam in operariorum tabernis alatur. Sunt, lactationem renuentes; nè gratiæ & venustas mammarum, ex his pendulis non nihil factis, pereat, & una cum his, licitæ vel illicitæ sint, illecebræ venereæ: Ast velim advertant tales, & aliarum damnò cautiùs mercari discant, nè venustatis conservationi studentes, eam unà cum mammis sordidis ulceribus, exedentibus cancris, & talibus depastam, cum aliis, ut obs. Auth. docent plures, videant. Aliæ ventri gulæque studentes, hæc vel illa nociva vitare nequeunt aliquo tempore, & sic innocens prolis lanienæ sæpè debet destinari: Aliæ lascivæ Veneris sacra nimis frequentantes, nè etiam exiguo quodam tempore impuri amoris extinctæ jaceant faces, non dissimili subinde tradunt nutrici prolem alendam, quò indiès, si non sæpiùs, saltem semel, ad aram Veneris faces succendant; tales reverà benè sibi & proli (si honestam noctæ sint nutricem) consulunt, nam mala, quæ ex continuato, & vix tamen unquam tales foeminas satiante coïtu, atque ità imprægnatione denuò factâ in prolem, cum lacte sic corrupto, si quod adest, deferantur, innumera sunt; lac enim tale in caseosam substantiam in ventriculo prolis degenerans, quæ mala causet, sup. dictum est. Curiosum illud tantum adduco, scilicet: quòd tales infantes, adulti dein, caseum toto vitæ tempore nauseant; id eleganter deduxit *Mart. Schoock Tr. de advers. casei. Dygbi de immort. animæ hum. item de nat. corp. cap. 38. p. 437. & denique Schott. in Phys. cur. p. 534.* Hinc est, quòd ob alterationem lactis, quam *le Graff p. 126.* exemplificat, ex frequenti coïtu, & sic facto conceptu ortam, foeminas à debito conjugali liberos facit, *Zach. q. med. leg. Lib. 7. tit. 39. 3. p. 399.* Aliæ formæ elegantiam putant destructum iri, ubi per aliquod menses lac proli suæ præbuerint, atque ità non tam marito, sed, ut sæpè fit, potiùs procis illicitis, displicere; ast quàm frustranea hæc sit excusatio, ipsæ docent nutrices, quæ nunquam tantâ formæ elegantia superbiunt, quàm tunc, dum lactant, si cæterum sanæ sunt; & certè maritus te Hecubam & Zantippen blandiùs osculabitur servatò suò, quem tenerrimè amat, filiolo; quàm eo tam barbarè deperditò, Te etiam Helenam & Venerem ipsam salutabit; Aliæ sunt quæ hecticam, ut dicere solent, contabescientiam, & vires deficientes timent; ast consule tuam conscientiam, consule doctum medicum, non verò, uti mos est, imprudentem blatratricem, obstetricem volui dicere, & fiat, quod suadebitur; Et tales aliæ adhuc innumere sunt futilissimæ à lactatione excusationes, si non viri subinde ipsi occasionem præbeant, sat imprudenter de non lactanda prole propriis uberibus; concludo hanc thesim textu *Juncq. consp. med. Theor. proet. fol. 1004.* Nutrices temerè conducere religioni matres sibi ducant;

certè enim in naturam, ejusque leges in se ipsas; proles suas, & rem publicam peccant graviter.

T H E S I S III.

ATque ita proles, tot fœlis ad Deum & Sanctos precibus, concepta, totque doloribus & molestiis gestata, & enixa, vix è sinu matris prorepta, in amplexus nutricis traditur; quæ, si talis est, qualis esse debet, condonandum est parentibus; ast vix unquam talem esse sequentia patefacient: Mos, qualis nullibi terrarum ferè, quàm hic loci, ita frequens, pessimus, tot jam lacrymis parentum ob morbos, & mortes præcoces prolium infamis, deploratus, & imposterum deplorandus; mos dico pessimus est: quod ignaræ matres. ignari parentes, quemadmodum in morbis, vel fœminis propriis, sit difficilis, vel impedita conceptio, morbosa gestatio, gravissimus partus, periculosum puerperium; vel infantibus congruis, vel recens nato, lactanti, dentienti, ablactando &c. Obstetrices, quas fœminas prudentissimas, instructissimasque his in partibus, & longè magis quidem quibuslibet Æsculapii filiis supponit vulgus, solas sapissimè, absque ullo Medico, in auxilium vocant; atque hæ gloriolæ cupidissimæ, arrogantiam inflatæ, & ab omni humanitate ut plurimum alienissimæ medicastræ, non ignaræ suæ inscitæ, in casibus hisce difficillimis, & Medicis exercitatissimis atque gravissimi judicii multum negotii facesscentibus, tamen nè indignæ famæ suæ, ex dato cœcâ fortunâ secundato, & sic bene succedente consilio, his in casibus adeptæ, inustam maculam videant; pyxides, ut suprà vulgum sapientes videantur, suprà quem tamen nec hilum sapiunt, stolidorum suorum, quæ jactant arcana aperiunt, & vel rancidum pulv. epilept. nigr. march. vel fraudulenter præparatum pannon. rubr. vel torminosa sennata, vel effœta castoreata, & quæ plura talia sunt, crassâ ignorantiam pronatâ, illotis manibus, protervo ausu, panacææ sub nomine, & matribus, & infantibus sat caro pretiò solvendæ, millenis jactantiis & historiis aliarum hoc morbo laborantium fœminarum, vel infantum, quibus ad momentum profuerunt, impunè obtrudunt, & frequenter impunè occidunt utrumque: Quemadmodum dico hic mos pessimus sit, ita melior non est, quod in eligendis nutricibus rudes hæ, prouti ut plurimum sunt fœminæ solæ, in consilium assumptæ, sufficere à vulgo, & quod dolendum, etiam eminentiori judicio præditis judicentur; Nutrices enim nostræ astutissimæ sunt, & singulari dexteritate præditæ, quâ oculatissimos etiam sæpè fallunt Medicos, quidni cœcas & minùs cautas faciliùs fallent obstetrices, leves, & scientiam imaginariam magis, quàm verâ, præditas fœmellas: nam non satis est, ad genua usque propendentes turgidas conspicerè mammas, ut refert *Barth. H. A. C. 3. hist. 46. de Helsingonensi fœmina primaria*, quæ sedens pedibus suffulcire coacta fuit mammas; confer *Bonet. polyalth. T. 3. lib. 5. de aff. mulier. C. 25.* nec tales, ut *Indicor. itiner. script. de uxoribus in Regno Senegæ, & insula Arabonis* commemorant, quibus tam amplæ sunt marmæ, ut incumbentes ventri ad terga reflecti possint; nec opus est lacte pinguisimo, crassissimo & copiosissimo, nam non alenda gygantum corpora, sed tenella corpuscula; hæc tamen signa sola optimam, secundum earum stoliditatem, suadent nutricem: Quo eventu? tot mortes prolium, & morbosæ affectiones luculenter docent; latet enim sæpè in tali lacte toxicum mortiferum, prouti latet obstetrices genuina nutricum electio; ast parentes & domicellæ tales, famâ hujus vel illius obstetricis & confidentiam seductæ, veniam merentur; sed luant protervæ obstetrices, quibus sua constat ignorantia, & tamen absque scientia & conscientia, si quam habent, graves curandos suscipiunt morbos, trucidant, jugulant tenellos, gravidas, parturientes, puerperas.

T H E S I S IV.

SEd peccatum obstetricum hoc non unum est, verum etiam illud est, quod suadeant meretrices in nutrices suscipiendas, & hinc, quæ suscipiunt, una cum his peccant matres; quæ si graviter peccant ut dictum *Th. 3. ad fin.* si proles suas aliis nutri-

nutricibus alendas tradant etiam honestis cætero quin; quid ni gravissimè delinquent? quæ proles suas notissimis meretriculis, ante 6. subinde menses jam enixis, atque pessimæ notæ scæminis, nutriendas tradunt; Hoc hominum genus, si non apertâ luis Venereæ flammâ ardeat, tamen scintillas quasdam lymphaticis in succis, quasi sub cineribus gliscentes circumfert: vel quæ erit meretrix? quæ uti consuetum est, inordinatè vivens, arthritidis, scædæ scabiei, purpuræ, scorbuti, & aliarum impuritatum similium, hîc loci ferè endemiarum, fomitem quendam non gerit; monstrat has quidem fluor albus, hîc frequentissimus, ast hunc ità astutæ meretrices, & spe nutrices, abscondere norunt, ut incautæ obstetrici lustranti partes corporis, & indusia, uti mos est, facillè imponant; præsertim si solæ in consilium adhibeantur; ut nil dicam de inordinata vivendi ratione, quàm etiam sub lactatione clàm, vel palàm frequentare continuant; de animi passionibus, moribus pessimis, quibus mens earum repleta est ferè omnium, ità, ut si una bona, honesta, & pia, inter millenas tales meretrices inventa fuerit nutrix, corvô albô rariorem existimarem; omnes ferè sunt bibulæ, rixosæ, lascivæ, quæ minimè, dum lactant à Venere sibi præcavere possunt, præsertim dum ex horaria fere pessima, hîc usitata saginatione potius, quàm cibatione, quasi macello destinatæ essent, succos uberrimos colligunt, Veneris incitamenta; nil referam quòd tales nutrices sint conductæ, mercenariæ, ob mercedem saltem infantem alentes, & nequaquàm tantam ut mater propria de salute infantis gerant curam; nam amor deest, sinè quo nihil, imò si subinde à sollicitis matribus moneantur suæ obligationis, deteriores ut plurimum fiunt, & absentibus parentibus non tantum malè faciunt, proli, sed ubi ubi possunt, clàm saltem delinquent, ut noceant; hæc nutricum improbitas, negligentia, odium, vel fucatus saltem amor in alumnos suos, ità innotuit, ut græcis jam fuerit proverbio:

Quemadmodum nutrices, pascis malè: Vitia dein quæcunque nutricis transire in prolem cum lacte eleganter *Wirdig. lib. 1. med. spirit. C. 25. §. 26.* delincavit, ità scribens. *alieno lacte nutriti ut plurimum degenerant, & ad naturam nutricum naturalisunt;* Et an mirum hoc videbitur? constat enim lacte humano cicurari ferocissima animalia, ob spiritus temperatos; & contra homines ferino lacte educati, ferini fiunt; ut de *Romulo & Remo* docet historia; Agnus aliàs balans, lacte caprino nutritus hircuit, sic Neronem benignissimis genitoribus natum, horrendum crudelitatis monstrum per lac nutricis crudelissimæ evasisse notum est ex historia; en quæ mala ex talibus nutricibus scaturiant; & quod pessimum est, sapere nolunt, & eundem adhuc quotidie errare errorem pergunt; sed audi Vienna tuum *Galenum Sorbaith. dico Tr. 4. de morb. infant. fol. 331;* *Infantes à matribus alienis educati, à propriis matrum naturis discrepant, hinc tot meretrices lactatæ, non natæ, tot scortatores nutriti, non geniti, tot immorigeri educati, non nati;* Velut enim hædi, lacte ovillo nutriti, pilum gignant teneriorem; & agni, lacte caprarum aliti, lanam ferunt duriorum; ità & infantes alieno lacte nutriti alienis moribus imbuuntur; hinc mirantur multi parentes, quòd nullum in se à prolibus experiantur amorem, reverentiam, & filialem observantiam, non recordantes, amoris vinculum per alienam lactationem esse disruptum; & illius quod Alex. M. Olympiæ matri suæ dixisse fertur: *Aluisse majora interdum habere amoris incitamenta, quàm genuisse.*

T H E S I S V.

Cum itaque meretricum harum lac magis Delphinorum, Orcadum, ac balenarum lacte, quod veteribus venenosum dictum, teste *Card. Cœment. in aph. Hist. 61. sect. 5. fol. 419.* perniciosum monstratum est, non possum non animadvertere abusum illum, quò honestæ mulieres, quarum maritus adhuc in vivis est, à lactatione arceantur, ex metu, quòd vi conjugii teneantur cohabitare cum marito, & ità ex coitu lac corrumpi, atque conceptu factò, planè evanescere necesse sit; vanum verò hunc metum esse ostendunt exempla Principum, qui nonnisi in matrimo-

niō viventibus, honestis fœminis proles suas tradunt lactandas : benè gnari, meretrices levissimas esse fœminas, & qualibet conjuge magis vitiis obnoxias ; undè est, ut honestas uxores cuilibet suadeamus matri ; nec terreat moderatus subindè coitus, nam plùs læduntur tristitiâ, quando arcentur à coitu, à quo moderato magis proficiunt, quàm abstinentiâ ab eo coactâ proli lactandæ profunt : Observamus id in nutricibus vulgaribus, minùs sibi temperare valentibus, præsentîâ proci sui destitutis, quòd valdè tristentur, alios hymenæos quærant, & sic infantibus valdè noceant ; & è contrâ matres plebejas, suas proles alentes, cum suis conjugibus omni nocte cubare, non sinè Veneris exercitio, vix unquam tamen incommoda, & lactis depravationes indè scaturire. Quare nequaquàm in Gynecæis, tanquàm in carceribus, honestæ tales detinendæ sunt fœminæ ; sed dum appetitus urget, qui longè moderatior erit, quàm in meretricibus, ad virum admittendæ sunt. *Nam revera, ex moderato coitu tanta mala non scaturiunt, quanta Medici quidam, verba sunt Ramaz. de morb. nutr. fol. 552. in Magnatum ac Principum nutricibus, quas volunt castitati addictas, sæpè proferunt ; quare etiam cautelam hanc non adeò tutam ac salutarem existimo, ut ita rigorosè commendetur.* Hanc eandem *Martiani eruditissimi in Hip. Comment.* esse sententiam egregiè colligitur *lib. de nat. puer. vers. 250.* ubi, postquam descriptionem lactis dedisset, subdit contrâ *Gal. de tuend. valet. Cap. 9. quæ, si vera sunt, non rectè sentire videntur illi, qui coitum nutricibus cohibent, lac indè vitari existimantes, coitu enim mediante motus concitatur in utero, à quo lactis generatio dependet, & ex coitu alacritas inducitur mulieri, undè venulæ laxantur, ut dicebat Hip. de morb. mulier. l. 1. quam ad lactis bonitatem & ubertatem plurimum conferre indubitatum est.* Imò si Veneri assuetas abstinentia tantopere lædit, quod viro orbæ quotidie experiuntur, quæ variis morbis fiunt obnoxia, nutrices à proprio viro segregare penitus non est tutum. Undè patet, metum esse pannicum ; moderatus enim coitus admissus minùs saltem nocebit, quàm absconditæ ex timore, nè alituram prolis deperdat, & in pristinam pauperiem relegetur nutrix, ideæ aphrodisiacæ, quibûs mens nutricum sæpè occupatur, unde lac corruptum, salax, furiosumque factum stigma facile indelebile, ut obs. *Helm.* proli inurit. Quare si tristem videris nutricem, quæ antea hilaris fuit, taciturnam modò, quæ antea garrula ; item si quando vir aliquis venustus & elegans ad illius aspectum obvius fit, & cum illo loquitur, si, inquam, tunc hilaretur, catulire incipiat, certè concludere poteris, venericos cogitare ludos ; ast in hoc non culpanda est, cum naturales sint effectus, undè potius honesto modo admittenda, quàm prohibenda est.

T H E S I S VI.

DE in quid noxæ resultet ex blandimentis, quibûs nutrices à parentibus & domesticis excipiuntur, si vè in verborum lenocinio, delicatissima diæta, donis, si vè in alia commoditate consistant, nemini ignotum esse poterit : Habeo ipse ex honestis matronis, quòd ipsis passæ sint plures, se nunquàm meretrices fuisse factas, nisi spe alituræ, & hanc excipientium blanditiarum, munerumque futurorum allectæ fuissent. idem egregiè jam notavit *Peckl. loc. cit.* dicens : *Hinc illa in nutriculas indulgentia, & tot ad conciliandam gratiam, & in pueros propensionem, quam ut matres veræ à natura non habent, excogitata blandimenta, fercula &c. sunt, quibus ipsis efficitur, ut meretriciam vitam in lucro ponant ancillæ, dominici aut uxorii imperii saturæ, & spe locandæ operæ nil æquè ac coitum desiderant, & turgidulas post partum mammas.* Prætereà tales fœminæ, cum sint minùs morigeræ, suæ antea vitæ brevè oblitæ, superbiâ inflatæ, quòd gratiam sentiant parentum prolis, reliquas confamulantes ancillas vili habent, malè describunt &c. undè altercationes, rixæ, iræ, exacerbationes &c. quæ sæpè morte ipsâ innocens pusio expiare debet : sic laboribus antea sat gravibus assuetæ, modò stertunt in alto otio ; cibis rudioribus antea nutritæ, modò vescuntur bellariis, & quæ talia sunt ; hæc autem subita mu-

tatio

tatio ab *Hip.* jam maledicta, animi mores creat pessimos, Veneris appetitus excitat, quos suppressere volentes tristantur, & mala innumera scaturiunt.

THE SIS VII.

A St non omnes matres ita nutricibus blandiuntur, sed potius foeminae sunt, medium tenere non doctae; quae pessimo more quidem, sed innato tamen quasi rixandi altercandique genio, quoties nutrices aspiciunt, sensilibus valde verbis eas excipiunt; hinc nutricum pusillanimitas, vel ira vehemens, suppressa ex respectu, aperta magis ex noxa illata proli; sed tardè nimis tales matres cautius mercari discunt. Ejusdem furfuris aliae dantur matres, quae crimini sibi videntur ducere, natum unum, à decem vel pluribus non nutritum fuisse nutricibus; quod constat quotidianâ experientiâ, nam rarò 8. vel 9. mense ablaetatur infans, qui non habuit 9. vel plures nutrices: vel quod matres personali quodam in hanc vel illam nutricem ferantur odiò, vel quod infans non benè valeat, & sic causa existimatur nutrix, vel alia ex ratione; undè hâc abjectâ nutrice, melior quæritur, & ut plurimum pejor nanciscitur; & quæ filii suî studebat consulere sanitati mater, eum perdit: nam reverà nîl magis infantes, quàm frequens nutricum, & sic lactis mutatio offendit; sicuti enim adulti non benè mutationem potûs & alimentorum terunt, id minùs benè ferent infantum longè sensiliora corpuscula; hinc suo jam tempore matres admonuit *Mercatus T. 4. fol. 748. de elect. nut.* ita scribens: *Nutrix sine gravissimis causis non est mutanda*; nam licet lac nonnihil deterius sit, cum tamen consuetum sit, minùs nocere solet; ita docet *Hip. in aph.*

THE SIS VIII.

D Olendum profectò, quod inter tot, in urbe nostra, feracissima nutricum, quæ lactandorum numerum longè superant, tam paucæ sint, quæ requisita nutricis habent. Elige ex triginta, vel pluribus, quàm putabis, quoad omnia optimam, & assecuro, etiam hanc nè hilum quidem valere comperies; nam quàm paulò antè jurâsses, corpore sanissimam, mente sanctam, moribus comptissimam, paulò post morbosam, iratam furiam, & pessimam experieris. Ità mille technis, mille fraudibus, mille mendaciis vitia, quæ abstertere possunt ab alitura, tegere astutè norunt; quæ est, quæ non dicit: ante duos primò menses peperisse, filium habuisse, hunc esse adhuc in vivis? & quæ plura sunt, quæ alliciunt & commendant, quæ ut plurimum omnia intimior veritatis scrutatio mendacia esse te docebit; sic quæ insinuat, si contigerit fluere menses? & quæ est, quæ hos non accuratè abscondere norit? parùm curans, infans crucietur torminibus, ejulet die noctûque, imò convulsionibus corripiatur, & moriatur; proprius enim non est: imò, quod plùs est, ad compescendos ejulatus venenosas adhuc porrigunt mammas, & sic incuriâ illius trucidatur proles, cujus curæ vitam aliquando debuisset; Sic aliae sunt absurda tales meretrices, quæ non erubescunt per aliquot annos continuò lactare, & semper fingunt, se primo antè duos vel unum mensem peperisse; & nè fucus detegatur infantem hujus ætatis, ab alia ejusdem furfuris matre mutuum, interim ostendunt proprium. Aliae scortationis, in qua lucra quærunt, lactantes nequaquam oblitæ, datâ occasione adhuc frequentant, vel saltem anxie appetunt. Aliae tandem, quos tenellos tenerrimè amare deberent, oderunt, hinc torvo vultu minas spirante tenellos offendunt oculos, incomptâ & raucâ voce teneras perstringunt aures, imò violentiâ quâdam barbarâ tenellum corpusculum hinc indè jactitant, trahunt, projiciunt, imò sæpè crudeli manu verbera infligunt, ita, ut non rarò ex nutricum barbara agendî methodo gibbosi, pede breves, & alio defectu laborent adulti, integra corpusculi constitutione nati infantes. Atque hæc, matres! sunt gratiæ & amplexus,

xus, quos proles vestræ experiuntur à nutricibus; hi sunt fructus alienæ alituræ, quorum semina vestra negligentia vel voluptas seminavit; & hæ sunt proles, quæ vel ob destructam corporis sanitatem, vel corruptos per nutrices animi mores vestram in se impietatem coràm tribunali fortè divino accusabunt; id, nè fiat, faxit summus Archiater, ut mens obcæcata matrum illuminetur, quò in ejus majorem gloriam, parentum solatium, Reipublicæ decus, propulsis meretricibus nutricibus, plures longæviores, virtute, scientiâ, ac firmâ corporis valetudine præditos, nobis liceat intueri. Tu verò, Lector, has pagellas quascunque æquò animò judica.

A P P E N D I X.

Cum virgines virginitate illibata lac subindè in mammis gerant, testante *Diemerbr. obs. & curat. med. 77. Salmuth. Lib. 1. obs. 92. Blancard. Ephem. Holland. C. 7. N. 11. p. 17. Cruger. M. N. C. D. 2. A. 9. obs. 139. p. 241. Adr. Cypr. Ep. ad Th. Millingt. p. 24. Hist. aph. 39. sect. 5. Imò fæmella lactans, teste Card. fol. 391. Comment. in sect. 5. aph. 37. uti & vetula 55. ann. apud Amat. Lusit. Cent. 1. curat. 47. p. m. 131. Henr. ab Heer. Baricell. hort. genit. p. 394. Ephem. Germ. cur. A. 3. obs. 136. Joh. Jacob in probl. misc. circa physiolog. q. 49. p. m. 85. Bodin. Theat. nat. lib. 3. p. 429. Kerkring. Specileg. anat. obs. 21. nec non in puero lac deprehensum, ut Barth. fol. 333. refert: in juvene, ut Helwig obs. phys. med. fol. 369. Gerard. Blas. Comment. in C. 9. Syntag. anat. Verling, Bitterkraut Cap. 10. Threnod. med. Virum, nî fallor 30. annorum, sutorem suæ professionis, carnosum & benè mammosum, in Silesia mihi ipsi videre contigit, qui toties lac expressit è mammis, quoties voluit, ità *Horst. de Lib. Bar. quodam lib. 1. de nat. hum. Expert. 7. q. 8.* idem refert; ità ut exindè appareat, naturam nunquàm deficere in necessariis, sed & sitienti Ismaëli è pumice aquam, quâ vitam sustentet, ostendere; quare sequentes libuit ponere quæstiones:*

Quæst. An proverbium; Lac habet in mammis, ergò concepit, vel genuit, verum sit?

R. Non semper; undè apparet absurdum exindè nostrarum obstetricum judicium

Quæst. 2. An Virgo pulchrè mammosa, lac habens sufficiens, & bonum, possit nutricem agere?

R. Aptiorem meretricibus ordinariis.

Quæst. 3. An vetula necessariis instructa?

R. In casu necessitatis.

Quæst. 4. An vir juvenis, mammosus, lac in uberibus colligere assuetus, nutricis officio fungi possit?

R. Ab actu ad potentiam est bonum argumentum; lactantem enim vidit Virum *Veslingius in Ægypto*, dum Cairi per quinquennium degeret, id referente *Rhodio in Scribon. Larg. Compos. 82.* ergo, pro hercule egregium erit nutrimentum.

Qu. 5. An qui ultra biennium lactantur, disciplinis addiscendis, ut vulgariis est opinio, sint ineptiores aliis, infrà hoc tempus ablactatis?

R. Nulla videtur ratio, potius aptiores sunt, tantùm laudabile lac sit, fortè tamen ad labores mechanicos minùs robusti erunt.

Qu. 6. An dentur specifica lac augmentia, ut de *Anemon. fol. lib. 1. herb. Tabern. Cap. 16.* de anis. foenic. aneth. pastinac. sativ. soncho, & centum aliis alibi refert?

R. Nugæ sunt, imò *Cryst. mont. pulv.* de qua tantus clamor inter obstetrices & vetulas, sæpè magis nocet, ob gypseam suam adstrictivam virtutem, quàm prodest.

